

# 道藏源流攷目錄

敍

三洞四輔經之淵源及傳授

頁數

三洞……………一

十二部……………三

七部……………四

六部……………六

上清經考證……………七

諸真傳考證

紫陽真人周君內傳……………八

茅三君傳……………一〇

目錄

蘇君傳·····	一一
清靈真人裴君傳·····	一二
清虛王君傳·····	一二
南真傳·····	一三
上清經之偽造·····	一五
上清大洞真經目·····	一七
上清經之孳乳·····	一八
大洞真經·····	一八
真誥敍錄·····	二一
真系（卽真系傳序）·····	二九
道經傳授表（三二頁插頁）	
魏華存傳·····	三一
楊羲傳·····	三三

許謐傳	三五
許翹傳	三六
許黃民傳	三七
馬朗傳	三八
馬罕傳	三八
陸修靜傳	三九
孫遊藝傳	四五
陶弘景搜集道經	四七
臧矜傳	四八
王遠知傳	四八
潘師正傳	五一
司馬承禎傳	五三
李含光傳	五九

楊許手蹟……………六一

五符經考證

抱朴子述古之靈寶經……………六二

今道藏太上靈寶五符序卽五符經……………六四

歷代書目著錄五符經……………六七

靈寶經考證

諸道書所述靈寶經淵源之誤謬……………六七

葛巢甫造構靈寶……………六八

宋代靈寶經卷數……………六九

歷代書目著錄靈寶經……………七〇

靈寶經篇章……………七一

三皇文考證

小有三皇文……………七二



大有三皇文·····	七三
帛和傳·····	七五
鮑靚傳·····	七六
唐代焚三皇經·····	七七
歷代書目著錄三皇經·····	七八
太玄經考證·····	
張脩教人習老子·····	七八
尹喜所受經·····	七九
抱朴子非老莊·····	八〇
太玄經目·····	八一
太平經考證·····	
于吉太平經·····	八二
張陵太平洞極經·····	九〇

太清經考證

神仙傳抱朴子述丹經之傳授……………九〇

歷代書目著錄丹經……………九一

左慈傳……………九二

葛玄傳……………九四

鄭隱傳……………九五

葛洪事蹟考證……………九七

雲笈七籤述太清經……………一〇一

正一經考證

雲笈七籤述正一經……………一〇一

三師三夫人……………一〇四

王長傳……………一〇四

寇謙之道書……………一〇四

三洞四輔經之孳乳及道藏分部法……………一〇五

### 歷代道書目及道藏之纂修與鏤板

漢書藝文志……………一〇八

抱朴子遐覽篇著錄東晉道書……………一〇九

宋陸修靜三洞經書目錄……………一一〇

孟法師玉緯七部經書目……………一一一

梁陶弘景經目……………一一一

梁阮孝緒七錄仙道錄……………一一二

北周玄都觀道士上經目……………一一二

北周王延校定道書（經目稱三洞珠囊）……………一一二

隋朝道書總目（隋書經籍志）……………一一七

唐尹文操玉緯經目……………一一七

先天修一切道經音義……………一一九

道藏源流攷

開元中修道藏（經目稱三洞瓊經）	一八九
道書虛目	一二五
唐代各處道藏	一二七
安史之亂兩京祕藏被焚	一三一
黃巢五季之亂經籍亡逸	一三一
五季重建道藏	一三二
宋徐鉉讎校道書	一三五
王欽若領校道藏（經目稱寶文統錄）	一三七
張君房修大宋天宮寶藏	一三九
雲笈七籤	一四〇
摩尼教經之入藏	一四〇
崇寧重校道藏	一四一
政和刊萬壽道藏	一四一

道史道典·····	一四三
北宋諸方道藏·····	一四四
通志略道家·····	一五四
淳熙重建道藏·····	一五五
南宋各處新建道藏·····	一五七
金孫明道刊大金玄都寶藏·····	一六五
金代各處道觀·····	一六七
元宋德方刊玄都寶藏·····	一七一
元代焚經·····	一七六
元代各處道藏·····	一七九
明刊道藏·····	一八五
正統刊道藏·····	一八六
萬曆刊續道藏·····	一九一

涵芬樓景印北平白雲觀道藏……………一九四

明藏目錄……………一九四

涵芬樓景印北平白雲觀道藏之缺卷……………一九六

天啓丙寅新刊袖珍本……………二〇二

明清各處道藏……………二〇四

敦煌卷子中之道藏佚書……………二一七

經藏及轉輪藏……………二四七

## 附錄一 引用傳記提要

神仙傳……………二四九

真誥……………二四九

笑道論……………二五一

樓觀先生本行內傳終南山說經臺歷代真仙碑記……………二五一

道學傳……………二五六

洞仙傳	二五七
三洞珠囊	二五七
續仙傳	二五七
真系傳	二五八
仙苑編珠	二五八
雲笈七籤	二五九
高道傳	二五九
三洞羣仙錄	二五九
混元聖紀	二六〇
玄品錄	二六〇
歷世真仙體道通鑑	二六一
七真年譜	二六一
終南山祖庭仙真內傳	二六二

甘水仙源錄……………二六二

李道謙事蹟考證……………二六二

金蓮正宗記……………二六五

金蓮正宗仙源像傳……………二六五

古樓觀紫雲衍慶集……………二六五

茅山志……………二六六

宮觀碑誌……………二七〇

消搖墟經……………二七〇

## 附錄二 道藏劄記

三十六部異說……………二七二

方士道士術士……………二七九

道及道教……………二八一

天師道與巫覡有關……………二八二



樓觀考	二八三
樓觀道士傳授表	二八四
道館考源	二八九
道教形像考原	二九三
老子老君玄元皇帝混元皇帝	二九四
道教諸宗	二九七
天師道與茅山宗	三〇一
梁武帝奉道	三〇二
焦曠傳	三〇三
先生真人	三〇四
禹步	三〇六

# 道藏源流攷

常熟陳國符撰

## 三洞四輔經之淵源及傳授

道書自東漢以來陸續出世，後人視其淵源（及傳授）分爲七部，編成道藏。其最要者爲三洞經，次則四輔經。三洞者，第一洞真，第二洞玄，第三洞神。

雲笈七籤卷六：「道門大論云：三洞者，洞言通也。通玄達妙，其統有三，故云三洞。第一洞真，第二洞玄，第三洞神。」「本際經云：『洞真以不雜爲義，洞玄以不滯爲名，洞神以不測爲用。故洞言通也。三洞上下，玄義相通。洞真者，靈祕不雜，故得名真。洞玄者，生天立地，功用不滯，故得名玄。洞神者，召制鬼神，其功不測，故得名神。此三法皆能通凡入聖，同契大乘，故得名洞也。』」東漢太平洞極經已用此洞字。太平經卷四十一曰：「洞者，其道德善惡洞洽陰陽，表裏六方，莫不響應也。」所釋洞字義，與前說相近。

東晉葛洪撰抱朴子，尙未有三洞之稱。至劉宋陸修靜總括三洞，三洞經之名，實昉於此。

宋陸修靜撰三洞經書目錄，見青溪道士孟安排集道教義樞卷二三洞義第五。云：「又序三洞經洞者，其卷數題目，具如陸先生。」按即陸修靜三洞經書目錄，孟法師玉緯七部經書目，陶隱居按即陶弘景經目。修靜之總括三洞，見道經傳授表。

道教義樞撰人孟安排，見唐杜光庭道德真經廣聖義序。云梁道士孟安排，號大孟，作經義二卷。又謂梁道士孟智周則號小孟。三洞道士朱法滿編要修科儀戒律鈔卷十五則云：「大孟先生諱景翼，字輔明。」

洞真經者，上清經也。洞玄經者，靈寶經也。洞神經者，三皇經也。

道教義樞三洞義：「今檢三洞經目不同，洞神即云洞神三星，洞玄即云洞玄靈寶，洞真則雜題諸名。」按此述道經標題：三皇經題曰洞神三皇經，洞玄部道經概題曰洞玄靈寶某經，洞真部道經雖曰雜題諸名，實皆題曰洞真上清某經。

按釋子未嘗詳檢道藏，輒論三洞經來源，以是所述率誤謬不可據。見廣弘明集卷正論至元辯偽錄等

三洞又稱上中下三乘，三洞各分爲十二部，合爲三十六部經，四輔則不分部。晉元上錄云：「法有三乘，有十二事，上中下品三乘經成，各十二焉，合爲三十六部。」

十二部，見道教義樞卷二十二部義第七。云：「釋曰：十二部義，通於三乘。依本際經釋：第一本文，第二神符，第三玉訣，第四靈圖，第五譜錄，第六戒律，第七威儀，第八方法，第九衆術，第十記傳，第十一讚頌，第十二章表。第一本文者，三元八會之書，長行源起之例是也。眞誥紫微夫人云：三元八會之書，太極高眞所用。本者，始也，根也，是經教之始，文字之根；又得理之无，雲笈七籤卷六作无萬法之本。文者，分也，能詮理也。既能分判二儀，又能分別法相，既能辨析萬事，又能表詮至理也。第二神符者，卽龍章鳳篆之文，靈跡符書之字是也。神以玉圖爲符，以靈契爲名。請此靈跡，神用无方，利益衆生，信如符契。第三玉訣者，卽河上公釋丹經之文，按稱河上公姓字，見漢書訣解金書，按黃庭內景經一名大帝金書之例是也。玉名无染，訣語不疑，謂決定之。是元始天尊圖靈圖焉，如舍景五帝之象，圖局三一之形其例也。圖度也，謂度寫玄。是也。譜錄也，錄記也。謂緒紀聖人，以爲教法；亦是緒其元起，使物錄持也。第六戒律者，如六情十惡之例是也。戒者，解也，界也，止也，能解衆惡之縛，能分善惡之界，又能防止諸惡也。律者，率也，直也，慄也，率并罪愆，直而不枉，使懼慄也。第七威儀者，如齋法典式，請經軌

儀之例是也。威是儼嚴可畏，儀是軌式所宜。亦是曲從物宜，而爲威制也。第八方法者，如存三守一，制魄拘魂之例是也。方是方所，法者節度，明修行治身，有方所節度也。第九衆術者，如變丹鍊石，化形隱景之例是也。衆多也，術，道也。修鍊多途，爲入真初道也。第十記傳者，如道君本業，皇人往行之例。要修科儀戒律鈔卷八引皇人本行經是也。記，誌也；傳，傳也。謂記誌本業，傳示後人也。第十一讚頌者，如五真新頌，九天舊章之例是也。讚以表事，頌以歌德。故詩云：頌者，美盛德之形容。亦曰偈者，憇也。四字五字，爲憇息之意耳。第十二章表。洞玄靈寶玄門大義表奏，今道藏亦然。者，如九齋啓願，三會講請之例是也。章，明也；表，奏也。謂申明心事，上奏大道之。之當作也。大道謂無極大道，見老君背誦戒經。十二類又見上清開天龍蹻經卷一，雲笈七籤卷六。又洞玄靈寶

玄門大義詳釋十二部義，文繁不具錄。又倉元上錄述十二事，其意義與十二部相似。至七部之稱，更爲後起，始見於孟法師玉緯七部目錄。孟法師，疑南朝人。

七部

按上引道教義樞，孟法師玉緯七部經書目，列於宋陸修靜樂陶弘景二目之間，故疑孟法師亦南朝人。按唐王懸河三洞珠囊卷九老子爲帝師品有孟智周法師老子經通題目。不知上述孟法師卽孟智周法師否？

三洞珠囊卷二勅追召道士品引道學傳第十二卷云：「孟智周，梁武帝時人，多所該通。梁靜惠王撫臨神伎，請智周講。光宅寺僧法雲來赴，發講，法雲淵解獨步，甚相凌忽，及交往復盛其辭辯。智周敷釋煥然，僧衆歎伏之也。」唐王懸河上清道類事相卷一仙觀品引道學傳：「孟智周，丹陽建業人也。宋朝於崇虛館講說十方懺文。」唐杜光庭道德真經廣聖義序云：「梁道士孟智周，號小孟，注五卷。」故智周一生，自宋以及梁，略與陶弘景同時。唐釋法琳辯正論卷八道德玄義三十三卷，孟智周修撰。隋志子部道家：老子義疏五卷，孟智周私記。舊唐志子錄道家類：老子義疏四卷，孟智周撰。新唐志子錄道家類：通志略諸子類道家云五卷。

七部者，三洞四輔也。四輔者，太玄輔洞真，太平輔洞玄，太清輔洞神，正一通貫總成七部也。

右據雲笈七籤卷三道教本始部道教三洞宗元。

按正一經次第與上述不同：「一者洞神部，二者洞玄部，三者洞真部，四者太清部，五者太平部，六者太玄部，七者正一部。」見道教義樞卷二七部義。

太玄部者，老子五千文以下諸經也。太平部者，太平經也。太清部，金丹諸經也。正一部者，正一

經也。

道教義樞七部義引正一經圖科戒品云：「太清經輔洞神部，金丹以下仙品。太平經輔

洞玄部，甲乙十部

按即于古太平經，見後。

以下聖業。正一法文，宗道德，崇三洞，遍陳三乘。太平經云：

輔者，父也。今言三太輔三洞者，取其事用相資，成生觀解，若父之能生也。衆生鈍劣，聞深教不解，更須開說翼成，方能顯悟，即是扶贊之義也。」按四輔除去正一部，謂之三太。按

雲笈七籤卷六三洞經教部有三洞，七部，本道教義樞卷三三洞義，七部義，但較爲詳盡。混元聖紀卷二述十二部云：「一者，三洞本文，」是狹義之三洞經，僅指本文而言。

洞玄靈寶三洞奉道科戒營始，前有序曰：「凡五百十二條，儀範八章，分爲三卷，題曰三洞奉道科戒。」是又稱三洞奉道科戒。今本析爲六卷。唐玄宗時奉敕撰一切道經音義妙門由起引其文，故此書已於唐代行世，其卷二寫經品曰：「夫經皆須作藏。有二種，一者總藏，二者別藏。總藏者三洞四輔同作一藏，上下或左右前後，作重級，各安題目，三洞寶經藏。別藏者，三洞四輔，各作一藏。」據此，三洞可以總括七部。

又道藏又有分爲六部者。魏志前有紹興二十一年自序神仙類：「道藏書六部：一曰大洞真部，二曰靈

寶洞元部，三曰太上洞神部，四曰太真部，五曰太清部，六曰正一部。按通志卷七十二：「太玄經以諱故，崇文改爲太真。今四庫書目分太元太真爲兩家書。」是太真部卽太玄部。玄作真，蓋避宋始祖玄朗諱。又晁志書目類曰：「道藏書目一卷，右皇朝鄧貞和撰。大洞真部八十一帙，靈寶洞元部九十帙，太上洞神部三十帙，太真部九十六帙，太平部一十六帙，正一部三十九帙，凡六部三百一十一帙。」按今道藏太平部太清部所收道書，卷帙皆甚鮮。鄧氏書目太平部亦僅一十六帙。疑或以太清部并入太平部，或以太平部并入太清部。故晁志鄧氏書目皆謂道藏僅分爲六部也。

道士傳授經戒法錄，定有次第階級。每階授經錄某部若干種。其分部不必與道藏分部合，但可資參證。見洞玄靈寶三洞奉道科戒營始，傳授三洞經戒法錄略說，傳授經戒儀注訣，三洞修道儀，太上洞神三皇儀，正一修真略儀。

據梁陶弘景真誥敘錄，上清經乃晉哀帝興寧年間扶乩降筆。楊羲用隸字寫出，以傳許謐，許翽。惟是紫陽真人周君內傳，清靈真人裴君內傳，清虛真人王君內傳，南嶽夫人內傳並已先言授經事，則似真經已先行出世，考諸真傳實皆出於晉代，且所記真經，撰傳時尚未出世故。



從當眞誥之說。

眞誥敘錄：「伏尋上清經出世之源，始於晉哀帝興寧三年太歲甲子，紫虛元君上眞司命南嶽魏夫人下降，授弟子瑯琊王司徒公府舍人楊某，按謂楊羲使作赫字寫出，以傳護軍長史句容許某，按謂許謐並其第三息上計掾某某，按謂許謐二許又更起寫，修行得道。」

按眞誥，衆眞下降，而魏夫人爲楊羲之師，故云魏夫人降授。道書述道經出世之源，多謂上眞降授。實則或由扶乩，或由世人撰述，依託天眞。

按葛洪於晉元帝建武元年撰定抱朴子，詳見第九十七頁。後四十七年，上清經始出世。諸眞傳行世年代考明如左：

紫陽真人周君內傳 見今道藏。雲笈七籤卷一百六錄有節本。周君，名義山，字季通。

眞誥卷十二注：「清虛王君紫陽周君各自有傳。」又卷十四：「季主託形隱景，潛跡委羽，按係山名紫陽傳具載其事也。」又注：「此楊君按係楊羲與長史按係許謐書。今有華撰周君傳，記季主事殊略。」今道藏紫陽真人內傳，不著撰人。有云：「乃登委羽山，過司馬季主，受石精金光藏景化形。」是此傳即陶弘景所見華撰周君傳。又有裴周二眞敘，云：「江乘令晉陵

華僑奉道數年，見二人往來其家，一人姓周，其一姓裴，先後教授僑經書。周自作傳，裴作未成，裴所作樂序及周傳如別。一據此文，是傳乃周義山所自作。又據上引真誥云「華撰周君傳。」則此傳乃華僑所撰，託之周紫陽耳。按華僑略與長史同時，故傳文末行云「晉隆安三年太歲己亥正月七日甲子書畢。」是此乃東晉出世之書也。又葛洪神仙傳未載紫陽真人周義山，清靈真人裴玄仁。裴清靈見葛洪上真衆仙記。

華僑見真誥卷二十一：「華僑者，晉陵冠族，世事俗禱。僑初頗通神鬼，常夢共同響。每爾輒靜寐不覺，醒則醉吐狼藉。俗神恆使其舉才用人，前後十數。若有稽違，便坐之爲譴。僑忿患，遂入道。於鬼事得息，漸漸真仙來游。始亦止是夢，積年乃夜半形見。裴清靈周紫陽至，皆使通傳旨意於長史。而僑性輕躁，多漏說冥旨，被責，仍以楊君代之。僑後爲江城按紫陽真人內傳云江乘令。晉縣令，家因居焉。今江乘諸華，皆其苗裔也。原注：華與許氏有婚，故長史實與裴君殷勤相請也。若前篇中有保命所授，則僑被罪也。今世中周紫陽傳，卽是僑所造，故與真誥爲相連也。」

舊唐志史錄雜傳類紫陽真人周君傳一卷，華僑撰。新唐志子錄神仙類，通志略諸子類道家著錄同。按華僑當作華僑。宋志神仙類華僑真人周君內傳一卷。太平御覽經史圖

書綱目真人周君內傳。崇文總目道書類周義山內傳一卷。通志略諸子類道家著錄同。云後漢人居紫陽山。據此華僑撰紫陽真人周君傳一卷，另有周義山內傳一卷，撰人未詳。茅三君傳見雲笈七籤卷一百四。

按雲笈七籤卷一百四太元真人東嶽上卿司命真君傳，大茅君，諱盈，字叔巾，稱太元真人東嶽上卿司命神君。中茅君，諱固，字季偉。小茅君，諱衷，字思和。陶弘景真靈位業圖云：右禁郎定錄真君中茅君，三官保命小茅君。

真誥卷八有注：「李中候名遵，卽是撰茅三君者。」又卷九有注：「右此說玄真經存之法，按見今茅傳其大經在茅傳中。」又卷十三注：「此是茅傳中言也。」又卷十一注：「凡此後

紫書大字者，並茅三君傳所記也。傳既以寶祕，見之者稀。今謹抄取說山事，共相證顯。」又注：「吾按謂定錄中君有傳記者，卽是三茅傳也。按長史甲子年書云，未見傳記，則噉此書，或

在癸亥年中也。」據此，則茅三君傳係定錄中君降授長史，卽係出自長史，故亦於晉代出世也。又真誥卷十一：「昔年十餘歲時，述虛原注：此乃廬是墟字，而由來皆作墟（墟當作虛字）。卽今之山西村名也。閑吾宿有見語茅山上，故昔有仙人，乃有市處，早已徙去。後見包公問動靜，此君見答。今故在此山，

非爲徙去；此山洞庭之西門，通太湖苞山中，所以仙人在中住也。唯說中仙君一人字，不言有兄弟三人，不分別長少，不道司命君尊遠別治東宮未見傳，乃知高卑有差降，班次有等級耳。輒敬承誨命，於此而改。原注：此長史又更答書，云今有所起，草存，故得撰錄。而前載斷失，亦非起端語也。包公是鮑謏，句容人，悉呼作包也。答書時已是蒙宗傳記，是辛五年初矣。據此，茅三君傳，乃增益父老傳說而成。又神仙傳有茅君，太平廣記卷十三徵引之。

隋志史部雜傳類：太元真人東鄉司命茅君內傳一卷，弟子李遵撰。按當作東鄉，舊唐志史

錄神仙類：茅君內傳一卷，不著撰人。新唐志子錄神仙類：李遵茅君內傳一卷，又李遵茅

三君內傳一卷。按此乃重出。宋志神仙類：李遵三茅君內傳一卷。御覽經史圖書綱目：茅君傳，

太元真人茅盈內傳。按此實備一書，標題異耳。崇文總目道書類：茅三君內傳，唐李遵撰。通志略諸子

類道家：太元真人東鄉司命茅君內傳一卷，唐李遵撰。雲笈七籤卷一百四有太元真人

東嶽上卿司命真君傳，弟子中候仙人李遵字安林撰。按真誥：李遵，非唐人，題曰唐李遵，

非是。

蘇傳見雲笈七籤卷一百四。  
蘇君，名林，字子玄，又見神仙傳。

真誥卷五道授卷內，有長史書又據許書，有注云：「此即蘇傳中初神丸方也。」據此，則或許長史許掾生日，已有蘇傳，即謂蘇傳或已於晉代出世也。又卷十有注：「此是論合初神丸事，其方在蘇傳中，即用周紫陽所撰，故受此訣，是告長史也。」據此，蘇傳，周紫陽撰。周紫陽即紫陽真人周季通。

蘇君記一卷，周季通撰，見隋志史部雜傳類，舊唐志史錄雜傳類，新唐志子錄神仙類，通志略諸子類道家著錄。宋志神仙類：周季通玄洲上卿蘇君記一卷。崇文總目道書類著錄同。雲笈七籤卷一百四有玄洲上卿蘇君傳，周季通集。

清靈真人裴君傳見雲笈七籤卷一百五。裴君，字玄仁。

此書引三九素語太，上隱書等，皆出自楊君。是書真誥未徵引之。隋志史部雜傳類著錄清虛真人裴君內傳一卷。不著撰人，按清虛當作清靈。故此書出世，在梁代以後，隋代之前。又舊唐

志史錄雜傳類：清虛真人裴君內傳一卷，鄭子雲撰。新唐志子錄神仙類：鄭雲千清虛真人裴君內傳一卷。崇文總目道書類：裴元人傳一卷，不著撰人。通志略諸子類道家清虛真人裴君內傳一卷，鄭雲千撰。裴元人傳一卷，鄭子雲撰。御覽經史圖書綱目：裴君傳。雲笈七

籤卷一百五清靈真人裴君傳，弟子鄧雲子撰。

清虛王君傳

見雲笈七籤一百六。王君，名登，字子登。

見真誥卷十二，又見御覽引登真隱訣。真誥敘錄謂有掾書王君傳一卷，則此書已於晉代出世。

隋志史部雜傳類清虛真人王君內傳一卷，弟子華存撰。舊唐志史錄雜傳類清虛真人

王君內傳一卷。新唐志子錄神仙類著錄同。宋志神仙類南嶽夫人

按鄧魏華存

清虛王君內

傳一卷。崇文總目道書類王清虛內傳一卷。通志略諸子類道家清虛真人王君內傳一

卷，弟子華存撰。御覽經史圖書綱目清虛真人王君內傳。雲笈七籤卷一百六清虛真人

王君內傳，弟子南嶽夫人魏華存撰。

南真傳

太平廣記卷五十八魏夫人傳，云出墟城集隱錄及本傳，顧氏文房小說所收南岳魏夫人傳與此全同。御覽六百七十八引南嶽魏夫人內傳，辭句與此小異。

真誥卷七注：「范中候，名邈，卽是撰南真傳者。」真誥曰：「南岳夫人以成帝咸和九年

稱虛隱化，位爲紫虛元君，領上真司命南岳夫人。興寧中降楊君。自此後數數來降也。王

清虛令弟子范邈作內傳顯於世。」葛洪神仙傳：「中候上仙范邈，字度世，舊名冰，服虹

景升得道撰魏夫人傳。據此，南真傳已於晉代出世。

隋志史部雜傳類：南嶽夫人內傳一卷，不著撰人。舊唐志史錄雜傳類：紫虛元君南嶽夫人內傳一卷，范邈撰。新唐志子錄神仙類著錄同。又項宗紫虛元君魏夫人內傳一卷。宋志神仙類：范邈南嶽魏夫人內傳一卷。崇文總目道書類南嶽魏夫人傳一卷。通志略諸子類道家紫虛元君南嶽夫人內傳一卷，范邈撰。紫虛元君魏夫人內傳一卷，項宗撰。御覽經史圖書綱目：南真傳，魏夫人傳，紫虛南嶽夫人傳，南嶽夫人傳。按道書標題，可用簡稱，以上乃四種不同之簡稱也。是魏華存有范邈項宗二傳，項宗所撰較晚出。

顧氏文房小說所收南嶽魏夫人傳，有云：「陶真白真誥所呼南真，即夫人也。」又云：「夫人既遊江南，遂於撫州并山立靜室；又於臨汝水西置壇宇。歲久燕棲，蹤跡殆平。有女道士王靈微，年邁八十，貌若櫻桃，號爲花姑。特加修飾，累有靈應。夫人亦寓夢以示之。後亦昇天。玄宗勅道士蔡偉編入後仙傳。大曆三年戊申，魯國公顏真卿重加修葺，立碑以紀其事焉。」是此傳乃晚出之本。當即項宗所撰。項宗，蓋唐人。

道藏闕經目錄卷上著錄上清紫虛元君南嶽夫人內傳。三卷有符（陳援菴先生云：道藏闕

經目錄，即明正統時校元藏所闕之目錄。所著錄道書，當在元藏中。顧氏文房小說所收僅一卷，無符。蓋此乃第三種南真傳，今佚。

右諸真傳皆述傳授真經。但撰此諸傳時，其所述經，固未嘗出世也。故真誥敘錄謂王靈期得許黃民真經，「即竊加損益，盛其藻麗，依王魏諸傳題目，張開造制，以備其錄。」

今道藏又收漢武帝內傳一卷。四庫全書總目提要小說家異聞類：「考徐陵玉臺新詠序郭璞游仙詩葛洪神仙傳張華博物志并引其文，則此書在齊梁之前。其殆魏晉文士所爲乎？」但葛洪抱朴子陶弘景真誥登其隱訣皆未引其文。此傳謂西王母上元夫人

授武帝以五嶽真形圖，按今有五岳真形圖東方朔序五帝六甲靈飛十二事。

真誥敘錄云：「凡三君，楊羲，許謐，許謐手書今見在世者，經傳按傳者謂諸真傳也大小十餘篇，多據謐

寫真嘖四十餘卷，多楊羲書。」又曰：「自此前凡諸經書在處者，其篇數並別有目錄。」

陶弘景目錄今佚，楊謐所得真經目，遂難於攷定矣。上清經在晉代已多偽造，偽經流佈且頗廣。真誥敘錄曰：「復有王靈期者，才思綺拔，志規敷道，見葛巢甫造構靈寶，風教大行，深所忿嫉。於是詣許丞許黃民求受上經。丞不相允。王凍竊霜雪，幾至性命。許感其誠到，



遂復授之。王得經欣躍，退還尋究。知至法不可宣行，要言難以顯泄，乃竊加損益，盛其藻

麗。依王魏諸傳題目，張開造制，以備其錄，并增重詭信。據說當作晚。晚信即傳授經所用信物。見傳授經成儀註訣，唐張萬福傳授三洞

經戒法錄略說。崇貴其道。凡五十餘篇。趨競之徒，聞其豐博，互來宗稟。傳寫既廣，枝葉繁雜。新舊

渾淆，未易甄別。自非已見真經，實難證辨。今世中相傳流布。京師及江東數郡，略無人不

有。但江外尚未多爾。又注云：「自靈期已前，上經已往往舛雜。弘農楊洗隆安和四年

庚子歲，按庚子歲，晉安帝隆安四年。於海陵再遇隱盟上經二十餘萬，有數卷非真；其云尋經已來一

十二年。此則楊君羲去後，便以動作。故靈寶經中得取以相揉，非都是靈期造製，但所造

製者自多耳。」

雲笈七籤卷四收上清原統經目註序。按上清衆經諸真聖祕卷七引源流經目，此即其

序也。按此序僅述至真經復歸馬氏爲止。或較陶弘景真誥敘錄更早。弘景真誥卷二十

謂顧歡云：楊羲是簡文帝師。與序文說合。故疑此文本顧歡撰真誥。見附錄一序文云：「楊君

羲師事南岳魏夫人，受上清大洞真經三十一卷。」七籤卷四上清經述亦云然。蓋據范邈魏夫人傳。據

此，楊羲所出上清經，當即此上清大洞真經，凡三十一卷。但陶弘景目內當尙有其他楊

許經傳真授。

洞玄靈寶三洞奉道科戒營始卷五「上清大洞真經目」上清大洞真經三十九章一卷，  
上清太上隱書金真玉光一卷，上清八素真經服日月皇華一卷，上清飛步天剛攝行七  
元一卷，上清九真中經黃老祕言一卷，上清上經變化七十四方一卷，上清除六天三天  
正法一卷，上清黃氣陽精三道順行一卷，上清外國放品青童內文二卷，上清金闕上記  
靈書紫文一卷，上清紫度炎光神玄變經一卷，上清青要紫書金根上經一卷，上清玉精  
真訣三九素語一卷，上清三元玉檢三元布經一卷，上清石精金光藏景錄形一卷，上清  
丹景道精隱地八術上下二卷，上清神洲七轉七變舞天經一卷，上清大有八素大丹隱  
書一卷，上清天關三圖七星移度一卷，上清九丹上化胎精中記一卷，上清太上六甲九  
赤斑符一卷，上清神虎上符消魔智慧一卷，上清曲素訣詞五行祕符一卷，上清白羽黑  
翻飛行羽經一卷，上清素奏丹符靈飛六甲一卷，上清玉佩金璫太極金書一卷，上清九  
靈太妙龜山元錄三卷，上清七聖玄紀徊天九霄一卷，上清太上黃素四十四方一卷，上  
清太霄琅書瓊文帝章一卷。原注：此三十四卷玉清紫清太清大洞經眼，是王君授南真。按魏夫人傳，清虛真人王君授

上清經之  
華元

以真經三十一卷，故云。上清原統經目註序及上清經述云：上清大洞真經三十一卷，當卽王君所授也。但此云三十四卷，蓋其二卷三卷諸經，或本爲一卷，後析成二三卷，故總數由三十一卷，增至三十四卷耳。至此諸經爲楊許真經，抑或王靈期僞造，已不可考。右上清經三十四卷，今大部尙存於世，但多誤入正一部。

上清經至宋代卷帙增長。北周武帝天和年間甄鸞笑道論謂陸修靜三洞經書目錄云：「上清經一百八十六卷，二百二十七卷已行，始清已下四十部六十九卷，未行於世。」又謂是時玄都館經目錄內，則此四十部六十九卷，皆見在。是北周武帝天和年間玄都館經目錄內，上清經已增至一百八十六卷。詳見第一百十二頁。唐高宗時潘師正道門經法相承次第卷上云：洞真部一百五十一卷。

按上清經中，以大洞真經最爲精妙，詳見真誥卷五，故上清經以大洞真經爲首，且又稱

上清大洞真經焉。

參閱第  
十六頁

今道藏收有上清大洞真經六卷。前有茅山上清二十三代宗師朱自英序。每卷題曰上清三十八代宗師蔣宗瑛校勘。卷一誦經玉訣。經文則分爲三十九章，隸於餘五卷內。每

大洞真經

章經文題曰大洞玉經，另附存真法及符。卷六後有咸淳壬申 宋度宗咸淳八年 程公瑞後序，及元

四十三代天師張宇初後序。蓋卽茅山宗壇傳本。雲笈七籤卷四十二存大洞真經三十

九真法。原注出三十九章經。今見此本中。道藏又收有上清大洞真經玉訣音義。前有序，

題曰大洞三景弟子真靖大師賜紫陳景元 按係北宋人撰。音義中大洞滅魔神慧玉清隱書

前所引字，今本無之。其經文亦分爲三十九章。章次及名稱與今本同。但經文則略有異

字，可據以校正今本之誤。足證今道藏本上清大洞真經，其淵源確係出自北宋本。又收

有大洞玉經二卷，其卷上之誦經玉訣，與上清大洞真經本稍異。其三十九章，每章無存

真法。經有注文。卷下末附龔德同跋語云「大洞玉經，漢壇疑指龍虎山而言傳之久矣，」後得

茅山宗壇及梓潼文昌經本，比方各有差殊。」又云此乃太玄趙真人注本。又有太上无

極總真文昌大洞仙經五卷。卷一題曰九天開化主宰澄真正觀寶光慈應更生永命天

尊序，甘山摩維洞主太玄無上上德真君校正。卷二以下則題曰甘上摩維洞主太玄無

上上德真君校正。卷一有序，有云「乾道戊子」 宋孝宗乾道三年 「景定甲子」 宋理宗景定五年 故此

乃南宋傳本。次經頌。次九天開化本願經序，題曰北府樞相集福真君作。次經文。卷二亦

卽此經文。經述梓潼文昌帝君。卷三以下卽大洞玉經。但不標章名，亦無存真法及符。其第十章第十一章併成一章。共爲三十八章。蓋卽梓潼文昌經本。又收有玉清無極總真文昌大洞仙經十卷。卷一序圖。有至大三年衛琪進經表。次皇慶壬子三十八代天師張國材序。次至大四年張仲壽序。有云：「大洞仙經，蓋西蜀之文，中原未之見也。」次至大辛亥趙鼎序。次衛琪自序等。卷二以下則題曰東蜀蓬萊山中陽子衛琪註。此本卷一卷二與前本卷一卷二相類。卷三以下爲衛琪註經文。此本經文，章次與前本稍異。首章曰大洞帝尊章。餘合成三十六章。共爲三十七章。（玄洲絕三津章，併入玉清萬壽宮章。）蓋此雖亦係文昌經本，而與前本頗有不同。今道藏所收大洞經本，盡於此矣。

上清大洞真經玉訣音義，末有跋語云：「按登真隱訣第二經傳條例云：大洞真經本，世中有兩本：一則大卷，前有回風混合之道，而辭旨假附，多是浮僞。一本唯有三十九章，其中乃有數語與右英按謂右英夫人所說者同，而互相混糅，不可分別。唯須親見真本，乃可遵用。又聞有得楊許三十九章者，與世中小本不殊。自既未眼見，不測是非。宜繕寫以補品目。又有玉注一卷。按陳景元上清大洞真經玉訣音義云：道君玉注。即是略釋洞經中旨，亦可錄也。」按此乃登真隱訣佚文。上清道

類事相、三洞珠囊、無上祕要、御覽引大洞真經、大洞玉經、大洞經、玉經、此皆即大洞真經也、文、今道藏所收四種大洞經，多無其文。又雲笈七籤卷八釋三十九章經引大洞真經，今本亦無其文。疑今道藏本上清大洞真經出自小本。其大本則已亡佚。至其他三種，非茅山宗傳本，茲不具論。

崇文總目道書類，通志略道家著錄大洞真經一卷。宋志神仙類：上清大洞真經玉訣一卷。御覽經史圖書綱目大洞經、大洞真經、大洞玉經。

上清經之出世及其散出，詳見真誥敘錄云：「伏尋上清真經出世之源，始於晉哀帝興

寧二年，太歲甲子，紫虛元君上真司命南嶽魏夫人下降，授弟子瑯琊王司徒公府舍人

楊某，按謂楊羲使作隸字寫出，以傳護軍長史句容許某，按謂許謐并其第三息上計掾某某，按謂許翺

二許又更起寫，修行得道。凡三君手書今見在世者，經傳大小十餘篇，多掾寫；真嘏四十

餘卷，多楊書。原注：瑯琊王即簡文帝在東府爲相王時也。長史掾立宅在小茅後雷平山西北。掾於宅治寫修用，

以泰和五年隱化。長史以泰元元年晉孝武帝年號之一又去。掾子黃民，時年十七，乃收集所

寫經符祕錄歷歲。于時亦有數卷散出在諸親通問，今句容所得者是也。元興晉安帝年號之一三

年，京畿紛亂，黃民乃奉經入剡。原注：長史父昔爲剡縣令，甚有德惠。後史大兄亦又在剡居。是故投憩焉。爲東閩馬朗家所供養。

原注：朗一名溫公。（按上清原統往日註序云馬度生家。）朗同堂弟名罕，共相周給。時人咸知許先生。許遇，晉書有傳。得道，又祖

父亦有名稱，多加宗敬。錢塘杜道鞠，原注：即居士景產之父。（按杜京產，南史有傳。）道業富盛，數相招致。於時諸

人並未知尋閱經法，止稟奉而已。至義義中，義義當作義熙，晉安帝年號之一。魯國孔默崇信道教，爲晉安

太守，罷職，還至錢塘。聞有許郎先人得道，經書具存，乃往詣許。許不與相見。孔膝行稽顙，

積有旬月，兼獻奉殷勤，用情甚至。許不獲已，始乃傳之。孔仍令晉安郡吏王興繕寫。原注：興

善有心向，又能書畫，故以委之。孔還都，唯寶錄而已，竟未修用。元嘉宋文帝年號中，復爲廣州刺史。及亡後，其

子熙先，休先才學敏贍，竊取看覽。見大洞真經說云，誦之萬遍，則能得仙；大致譏誚，殊謂

不然。以爲仙道必須丹藥鍊形，乃可超舉。豈有空積聲詠，以致羽服。兼有諸道人助毀其

法，或謂不宜蓄此。因一時焚蕩，無復孑遺。原注：此當是冥意不欲使流傳於外世故也。後熙先等復與范曄同謀被誅也。王興先爲孔

寫，輒復私繕一通。後將還東修學，始濟浙江，便遇風淪漂，唯有黃庭一篇得存。興乃自加

切責。乃住剡山，稍就讀誦，山靈卽火燒其屋。又於露壇研詠，俄頃驟雨，紙墨霑壞。遍數遂

不得畢。興深知罪譴，杜絕人倫，唯書曆日質糧以續烝命。其子道泰爲晉安船官督，資產

豐富，數來拜獻，兼以二奴奉給。興一無留納，而終乎剡山。於是孔王所寫真經二本，前後皆滅，遂不行世。原注：此當是興先不師受，妄竊寫用，所致如此也。

復有王靈期者，才思綺拔，志規敷道。見葛巢甫造構靈寶，風教大行，深所忿嫉。於是詣許

丞許黃民求受上經。丞不相允，王凍露霜雪，幾至性命。許感其誠到，遂復授之。王得經欣躍，

退還尋究。知至法不可宣行，要言難以顯泄。乃竊加損益，盛其藻麗。依王魏諸傳題目，張

開造制，以備其錄。并增重詭按詭當作曉信，崇貴其道。凡五十餘篇。趁競之徒，聞其豐博，互來

宗稟。傳寫既廣，枝葉繁雜。新舊渾淆，未易甄別。自非已見真經，實難證辨。原注：其證經手本，頗有漏出，即今

猶存。又朱先生曾撰《朱曾撰》，諸伯玉弟子，南史有傳。《學曾諸公伯玉諸公》：天下士情入，故自絕羣。吾與王靈期同船發都，至頓破漏，球竟，便已作得兩卷上經。實是可許。自靈期已前，上經已

往往外雜，弘農楊洸隆安和四年庚子歲（按庚子歲，晉安帝隆安四年。）於海陵再遇隱盟上經二十餘篇，有數卷非真；其云尋經已來一十二年。此則楊君去後，便以動作。故靈寶經中得取以相採。非都是靈期

造製，但所造製者自多耳。今世中相傳流布。京師及江東數郡，略無人不有。但江外尚未多爾。原注：此當是道法

應宜；而其妙不可廣布，故令王造行此意也。王既獨擅新奇，舉世崇奉，遂託云真授，非復先本。許見卷褻華廣，詭

信豐厚，門徒殷盛，金帛充積。亦復莫測其然。乃鄙閑自有之書，而更就王求寫。於是合迹

俱宣，同聲相讚。故致許王齊轡，真偽比蹤。承流向風，千里而至。後又有榮買者，亦從許受



得此十數卷，頗兼真本。分張傳受，其迹不復具存。原注：案賈善行下道之說，於上經不甚流傳也。馬朗既見許所

傳王經卷目增多，復欲更受，營理理當作治，避唐諱改。詭信，克日當度。忽夢見有一玉椀從天下墜

地破碎，覺而發疑云：此經當在天爲寶，下地不復堪用。於是便停。原注：驗馬朗雖不修學，而實素精至，夢既不凡，解之

又善，亦應是得道人。元嘉六年，許丞欲移歸錢塘，乃封其先真經一廚子，且付馬朗淨室之中。語朗

云：「此經並是先靈之迹。唯須我自來取。縱有書信，慎勿與之。」乃分持經傳及雜書十

數卷自隨。來至杜家。按：謂錢塘杜道鞠家。停數月，疾患慮恐不差，遣人取經。朗既惜書，兼執允旨，近

親受教敕，豈敢輕付，遂不與信。我而許便過世。所貴者因留杜間，即今世上諸經書悉是

也。許丞長子榮弟迎喪還鄉，服闋後，上剡就馬求經。馬善料理，不與其經。許既慚戢，不復

苦索。仍停剡住。因又以靈期之經教授唱言。唱言，即詠誦之義。並寫真本，又皆注經後云：某年某

月某真人授許遠遊。按：即許邁，原注：于時世人多知先生服食，入山得道；而不究長史父子事迹故也。人亦初無疑悟者。經涉數年中，

唯就馬得兩三卷真經，類亦宣泄。原注：今王惠朗諸人所得者，是也。元嘉十二年，仍於剡亡，因葬白山。原注：案

弟在剡，大縱淫侈，都不以經學爲意；所以何公在馬家，快得尋寫。馬朗馬罕敬事經寶，有過君父，恆使有心奴子二人。原注：一

名白首，一名平頭。一常侍直香火，洒掃拂拭。每有神光靈炁，見於室宇。朗妻頗能通見，云數有青衣

玉女，空中去來，狀如飛鳥。馬家遂致富盛，資產巨萬，年老命終。明子洪，洪弟真，罕子智等，猶共遵向。末年事佛，乃弛廢之爾。原注：此篇是經運應出所致也。

山陰何道敬，志向專素，頗工書畫。少遊剡山，爲馬家所供侍。經書法事，皆以委之。見此符

跡炳煥，異於世文；以元嘉十一年稍就摹寫。馬罕既在別宅，兼令何爲起數篇，所以二錄

按二錄之義未詳合本，仍留罕間。何後多換取真書出，還剡東墅青壇山住。乃記說真經之事，可有

兩三紙。但何性鄙滯，不能精修高業，後多致散失。猶有數卷，今在其女弟子始豐後堂山

張玉景間。

原注：何常以彭素爲事，質又野朴。顧居士（當即顧歡）聞其得經，故往詣尋詣，正遇見

果目，謂苦備至。遂不接之。時人或以何鄙恥不除，而失知人之會也。何既分將經去，又泄說其意。馬朗忿恨，乃洋銅灌廚簞，約

敕家人不得復開。大明宋孝武帝年號之一七年，三吳飢饉，剡縣得熟。樓居士惠明者，先以在剡，乃復

攜女師鹽官鍾義山眷屬數人，就食此境。樓既善於章符，五行宿命，亦皆開解。馬洪又得

宗事，出入堂靜，備親經廚。先已見何所記，意甚貪樂。而有鑄嚴固，觀覽無方。景和宋廢帝年號之一

元年，乃出都令嘉興父季真啓敕封取。景和廢帝既猖狂，樓謂上經不可出世。乃料簡

取真經真傳及雜呪十餘篇，乃留置鍾間。唯以豁落符及真呪二十許小篇，并何公所摹

二錄等將至都。父卽以呈景和。於華林按謂華林園暫開，仍以付後堂道士。秦始初，按當作秦始，宋明帝年號之

一。廢帝永光，景和；明帝泰始元年，皆同年。父乃啓，將出私解。解卽解。按上清原統經目註序云：「元徽元年，馬氏卽出訴，啓請其經。謂勅聽還。於是天藏眞書，復歸馬氏。」

陸修靜南下，立崇虛館。又取在館陸亡，隨還廬山。徐叔漂後將下都，及徐亡，仍在陸兄子

瓊文間。原注：此中有三君所書眞受，後人相連裝幀，分爲二十四篇。建元（齊高帝年號）三年，戴黃仲明往廬山營功德。戴欲求神異，徐因分楊書一篇爲兩篇與戴，還上高帝。高帝以付其經典書

戴慶。戴慶出外，仍將自隨。徐因亡。後弟子李果之又取一篇及帙（帙落符）以去。所餘僅二十一篇，悉以還封昭臺也。（昭臺，見第六十二頁。）

樓從都還，仍住剡。就鍾求先所留眞經，鍾不以還之。乃就起寫，久久方得數篇。既與馬洪

爲恨，移歸東陽長山。馬後遂來潛取，而誤得他經。樓中時似復有所零落，今猶應一兩篇

在。原注：其二卷已還封昭臺。

孔瓊賤時，杜居士京產將諸經書往剡南墅大墟住。始與顧歡，戚景玄，朱僧標等數人共

相料視。顧先已寫在樓間經，粗識眞書。於是分別選出，凡有經傳四五卷，眞受七八篇。今

猶在杜家。原注：其經二真（疑有誤字）並眞受，已還封昭臺。宋大明末，有載法興兄延興作剡縣，亦好道，及吳興天目山諸玄秀並頗得寫杜經。樓從弟道濟及法眞鍾與女傳光並得寫樓間經。

亦互相通涉，雖各集符，而殊多遺略；唯加意潤色，淨澤取好，了無復更短鋒勢。寫經又多浮謬。至庚午歲（齊武帝永明八年，見第四十七頁）隱居（按係陶弘景自稱）入東陽、道之。曉學者漸敘爲精。山陰

潘文盛錢塘杜高士義興將弘案句容許靈眞並是館者。時人今知秦二王法書，而永不惜摹眞經。起隱居手爾。亦不必皆須郭境，但一筆就畫，勢力殆不異眞。至於符無大小，故宜皆應郭境也。經正

秦

始當作泰始四年，終於剡，移還始寧岩山。馬智晚爲衆僧所說，改事佛法。悉以道經數十卷送

與鍾。皆是何公先爲其父寫者；亦有王靈期雜經；唯四五篇并其受六七篇是真手，不關

樓所得者。原注：其經二卷此眞受等，悉以還封昭臺。鍾亡後，所餘亡應在兄女及戚屬玄處。

昔有陳雷者，東陽人，是許長史門附。謹敬有心。長史常使典看經書，頗加訓授。其亦換有

所寫，兼得長史自步七元星圖。長史去後，因還東陽。義熙晉安帝年十三年，與東陽太守

任城魏欣之兄子二人共合丹。丹成，三人前後服。服皆有神異。託迹暫死，化遁而去。雷有

孫，名某，號爲長樂，今居永康橫江橋北。青山道士樊仙亦頗就所得所寫經書。但步圖猶在

其處。今所服用，卽是其本。自此前，凡諸經書在處者，其篇數並別有目錄。若止零牒一兩

篇者，今復顯通卷目如後：

楊書靈寶五符一卷，本在句容葛粲間。泰始某年，葛以示陸先生。陸修靜陸旣敷述真文赤

書人烏五符等，教授施行已廣，不欲復顯出奇迹。因以絹物與葛請取，甚加隱閉。顧公聞

而苦求一看，遂不令見。唯以傳東陽孫遊嶽及女弟子梅令文。陸亡，亦隨還廬山。徐叔標

後將出，乃在陸瓊文間。原注：已還封昭臺。

楊書王君傳

按即齊盧王君傳

一卷，本在句容葛永真間，中在王文清家，後屬茅山道士葛景仙

原注：已還封昭臺。

掾書飛步經一卷，本在句容駁虬家。大明七年饑荒少糧，其里王文清以饒食與駁求得之。因在王家。原注：已還封昭臺。

掾書西嶽公禁山符，楊書中黃制虎豹符，凡二短卷，本上虞吳曇拔所得，許丞一瓠蘆雜道書。吳以此與褚先生伯玉，伯玉居南霍，遊行諸山，恆帶自隨。褚亡，留在弟子朱僧標間。

後褚弟五弟之孫，名仲儼，又就朱取之。

原注：已還封昭臺。吳曇拔者，上虞且塘人，頗才致。初爲道士，許丞以瓠蘆書，皆三君小小要用雜訣，以與之。

其後事佛出家，悉分教乞人都盡。後又歸佛還俗，遂留宕而終。諸書決並未測所在。

掾書太素五神二十四神并迴元隱道經一卷，及八素陰陽歌一卷，並東陽章靈民先出都遇得之。章於時未識真書，唯言是道家常經而已。歸東陽，以示顧。顧不卽向道，仍留之分迴元爲二卷。章後既知，方就求得。今在章間。其二景歌一卷，章已與孫公。（按當謂孫慈岳）。原注：

已還封昭臺。章云：于時又有曲素金真合等數卷，魚爛穿壞。既未悟其真手，惟寫取文字而已；經本悉埋藏之也。

掾書所佩列紀黃素書一短卷，本許丞以與弟子蘇道會。道會以授上虞何法仁。法仁以

傳朱僧標。僧標以奉鍾法師。樓居士見而求取。今猶應在樓間。

據抄魏傳

按即南岳魏夫人傳

中黃庭經并復真授數紙。先在剡山王惠明間。王亡後，今應是其女弟

子及同學章靈民處。

永興有一姓解家者，昔亦經供養許郎，又得小小雜書。後菁山女道士樊妙羅因緣得其

楊書鄧宮事一卷。樊亡在其女弟子沈偶間。沈又以與四明山孔總。

原注：已還封昭盛。

解家所餘，

今絕蹤迹。又聞山陰及錢塘數家，皆有古經。恐脫雜真書。從來遂未獲尋檢。想好學挺分

之子，可殷勤求之。脫有所得見，使一觀，則瓊璫辨矣。

原注：又魏夫大小息還爲會稽時，攜夫人中箱法衣，并有經書自隨供養。後仍留山

陰，於今尙在。未獲尋求之。

陶弘景尋求楊許手跡。是文所載，當據所見聞。

上清經之傳授，則見雲笈七籤卷五「真系」。

隋西李渤述

今道門以經籙授受，所自來遠矣。其昭

彰尤著之使搢紳先生不惑者，自晉興寧乙丑歲衆真降授於楊君。楊君授許君。許君授

子玄文。

許黃民字玄元。

玄文付經於馬朗。景和乙巳歲，勅取經入華林園。明帝登極，父季真啓還

私解。簡寂陸君南下，立崇虛館，真經盡歸於館。按黃素方，因緣值經，准法奉修，亦同師授。

按即太上黃素四十四方經。素笈七籤卷四十六修真旨要下黃素內法第一：「凡精誠密向，就味玄真，清靜苦志，感慕神仙，忽遇此三品之經，而不師授者，其人皆玄會宿感，列籍帝庭，真人密授，應得此經。」

。其人異挺，以操世功，依太上黃籙四十四方，聽得隱盟玄誓神科也。其陸君之教，楊許之胃也。陸授孫君。孫君授陶君。陶君授

焦許令。按許謚爲餘姚令，許黃民爲臨沮令。真許敘錄則稱許謚爲長史，許黃民爲許丞。之道經略盡矣。陶授王君。王君又從宗道先

生，誠得諸勝訣。云經法祕典，大備於王矣。王授潘君。潘君授司馬君。司馬君授李君。至於

楊君，十三世矣。楊許並越漢登真。許令按此指許黃民亦終獲度世。馬父幸會而不業。自陸君以

降，則帝者無不趨其風矣。此皆史有明文，或遺迹可訪，又世世從事於斯者，其支裔焉。且

知理而不知神，非長生之士也。超理入神，混合於氣，無爲而不爲者，我真宗之道也。道無

否泰，教有通塞。塞而通之，存乎其人。故予述真經傳，其同源分派者，錄名仙籍，不詳於此。

時貞元唐德宗年號之一乙酉歲按僅有乙丑歲，貞元元年乙亥歲，貞元十一年七月二十一日，於廬山白鹿洞棲真堂述。

楊許道經遺傳後世。嗣歸陸修靜。陸氏先已潛衡熊湘暨九疑羅浮西至巫峽峨嵋搜羅經訣。

故至是而盡有上清經，靈寶經，三皇經。遂總括三洞諸經焉。至陶弘景據括三君（一楊二許）

遺跡略具。及王遠智又從臧矜得諸勝訣。道書於是乎大備。陶氏一派傳經，最重爲三君手跡。

陶弘景封之於茅山昭真臺。至唐玄宗天寶間，時遭喪亂，散逸無餘。李含光奉詔搜訪，悉備其

蹟，獻之於帝。故三君手跡遂不復戾於茅山矣。

茲據道藏南史、隋書、新舊唐書、十國春秋、嘉定赤城誌，立成下表。此表內自陶弘景居茅山以來，開道教之茅山宗。所傳經錄，自陸修靜即總括三洞。但陶弘景搜訪楊許上清經錄，據以纂真誥及登真隱訣。故此宗仍主上清經說。表後所載茅山宗諸師，從茅山志。迄李含光爲止。支派諸道士，概不列入，以免繁長。

據上表，陶弘景等所傳，蓋非僅上清經而已。李渤之說，上表可補其未備。茲依真誥敘錄，真系傳輯錄諸師事蹟如左；另增魏華存及臧矜二師。

南岳魏夫人傳，收入顧氏文房小說。茲節錄如下：魏夫人者，佳城人也。晉司徒劉琨女，康公舒之女，名華存，字賢安。幼而好道，靜默恭謹。讀莊老三傳五經百氏，無不該覽。志慕神僊，味真耽玄，欲求沖舉。常服胡麻散，茯苓丸，吐納氣液，攝生夷靜，親戚往來，一無關見。常欲別居閑處，父母不許。年二十四，疆適太保掾南陽劉文字幼彥。生二子，長曰璞，次曰瑕。幼彥後爲修武令。夫人心期幽靈，精誠彌篤。二子粗立，乃離隔宇室，齋於別寢。後衆真下降，而清虛真人王君王君爲之師，授以太上寶文八素隱書大洞真經靈書八道紫度炎光石精金馬御覽卷六百七十八作玉馬神虎真文高偃羽玄等經，凡三十一卷。王君云：此即昔南極大



人，西城王君所授也。景林真人又授夫人黃庭內景經。其後幼彥物故，值天下荒亂，夫人撫養內外，旁救窮乏，亦爲真仙默示其兆。知中原將亂，攜二子渡江。璞爲庾亮司馬，又爲溫太真司馬，後至安城太守。遐爲陶太尉從事中郎將。夫人自洛邑達江南，盜寇之中，凡所過處，神明保佑，常果元吉。二子位既成立，夫人因得冥心齋靜，累感真靈，修真之益，與日俱進。凡住世八十三年。以晉成帝咸和九年託劍化形而去。又云夫人在世嘗爲女官祭酒。既昇天，受位爲紫虛元君，領上真司命，南岳夫人。比秩僊公，使治天台大霍山洞臺中，主下訓奉道，教授當爲真仙者。後歷降茅山。子璞後至侍中。夫人令璞傳法於司徒卿那王舍人楊羲，護軍長史許穆，穆子玉斧，並皆昇僊。按咸和九年後三十一年爲興寧三年。據真誥敘錄，至是時，魏華存乃降授上清經於楊羲。又謂魏夫人降授上清經於楊羲，而楊羲則僅就劉峻受靈寶五符。又按真誥卷二十注：「又魏夫人小息還爲會稽時，攜夫人中箱法衣，并有經書自隨供養。後仍留山陰，於今尙在。未獲尋求之。」是陶弘景在世之日，魏華存幼子尙在人間，則魏華存似確有其人也。按魏夫人卒於晉成帝咸和九年，下距弘景生年，凡有一百二十三載。宋孝武帝  
孝建三年故是時魏夫人小息，當已去世。則

真誥之說，又不可據。茅山志卷十，明張宇初觀泉集卷四，皆云太康九年王君降授寶經於魏夫人。又云宋元祐間進封高元宸照紫虛元道元君。又見仙苑編珠卷中引魏夫人傳。三洞羣仙錄卷五引廣記，卷十八引本傳。南岳魏夫人傳仙鑑後集卷三，清微仙譜。

真誥卷二十一「楊君，名義，成帝咸和五年庚寅歲九月生。本似是吳人，來居句容。真降時猶有母及弟。君爲人潔白美姿容，善言笑，工書畫。少好學，讀書該涉經史。性淵懿沈厚。幼有通靈之鑒。與先生長史按真君世譜稱許謐爲先生，許謐爲長史。年並懸殊，而早結神明之交。長史薦之相王，

按晉書簡文帝本紀，晉廢帝太和元年，簡文帝爲會稽王，又攝位丞相，錄尚書事。用爲公府舍人。自隨簡文登極後，不復見有述出。原注

（歎）云是簡文帝師，或云博士。楊乃小簡文十歲，皆恐非實也。按真誥云：「應以太元十二年丙戌去。」東晉孝武帝年號之一，卒年五十七。按當作十

一年，故茅山志卷十作太元十一年丙戌。又云「苦不奈風火，可修劍解之道，作告終之術。」如此恐以早逝，不必丙戌也。得真職任，略如九華。按即九華安妃。真誥云：「當輔東華爲司命之任，董司吳越神

靈，人鬼一皆關攝之。」道書每謂道士去世之後，可得仙職。楊先以永和晉廢帝年號之一五年己酉歲受中黃制虎豹

符。六年庚戌又就魏夫人長子劉璞受靈寶五符，時年二十一。興寧三年乙丑歲，衆真降授，年三十六。真降之所，無正定處；或在京都，或在家舍，或在山館。山館猶是雷平山許長

史麻。楊恒數來就掾，非自山居也。」又卷十九言上清真經，晉哀帝興寧二年魏夫人下降，授楊君，使作隸字寫出，以傳許長史并許掾。玄品錄卷三云宋宣和間勅封洞靈顯化真人。雲笈七籤卷五：「年三十六，以興寧乙丑歲，衆真降授。有若上相青童君，太虛真人赤君，上宰西城王君，太元茅真人，清靈裴真人，桐栢王真人，紫陽周真人，中茅君，小茅君，范中候，荀中候，紫元夫人，右英夫人，紫微夫人，九華安妃，昭靈夫人，中候夫人。」以上諸真靈，見陶弘景真靈位業圖：九微太真玉保王金闕上相大司命高晨師東海王青華小童君，太虛真人赤松子，左輔後聖上宰西城西極真人總真君姓王諱遠，司命東嶽上真卿太元真人茅君大茅君，清靈真人裴君，紫陽左真人周君，以上列入第二左位。右輔侍帝晨領五嶽司命右弼桐栢真人金庭宮王君，北牖弟子中候仙人姓范諱邈，以上列入第二右位。右禁郎定錄真君中茅君，以上列入第六中位。三官保命小茅君，荀中候，以上列入第六左位。後聖上保南極元君紫元夫人，紫虛元君領上真司命南嶽魏夫人，滄浪雲林右英王夫人，紫微左宮王夫人，紫清上宮九華真妃姓安，方丈臺昭靈李夫人，東宮中候王夫人，以上列入女真位。降真之法，疑用扶乩。

又見雲笈七籤卷五，清微仙譜歷世真仙體道通鑑以下簡稱仙鑑卷二十四，茅山志卷十，仙苑編珠卷下引真誥，玄品錄卷三，三洞羣仙錄卷三十一引真誥，侍帝晨東華上佐司命楊君傳記，九江府志，皆本真誥。

真誥卷二十真胃世譜：許氏居丹陽之句容縣都鄉吉楊里。許長史兄名「邁」，字叔玄，小名映，清虛懷道，遐棲世外，故自改名遠遊。與王右軍父子周旋。長史名謐，字思玄，一名

穆，正生。按謂嫡出也。少知名，儒雅清素，博學有才章。簡文皇帝久垂俗表之顧，與時賢多所儔

結。少仕郡主簿功曹史。王導蔡謨臨川辟從事不赴。選補太學博士。出爲餘姚令。入爲尚

書郎。郡中正，護軍長史，給事中，散騎常侍。雖外混俗務，而內修真學，密授教記，遵行上道。

仙鑑卷二十一：「以第四兄遠遊遐邇不返，遂表辭榮。挺分所得，乃爲上清真人，爵登候伯，位編

卿司，治仙佐治。仙鑑卷二十一、玄品錄卷三作撫治。助理牧民。按真鑑位業圖列入第二左位，稱左卿仙侯真君許君。按泰和東晉廢帝二

年丁卯歲，司命所告云：「丙子年當去。」按此乃真誥時年七十二。此則永興晉惠帝年二

丁丑生，太元元年去也。而譜云孝武寧康元年去世，年七十一。此爲泰安二年癸亥生，爲

多二年。今以真真誥爲正。原注：顯云寧康元年，又非也。妻同郡陶威女，名科斗。興寧中亡，卽入易還

宮受學。

原注：同縣西北二里舊墓。符按顧即顧歡。譜謂許氏譜。茅山志卷十三：「華陽洞天三宵五府曰：易遷宮，含真宮，蕭閑宮；曰太元府，定錄府，保命府，童初府，鑑虛府。其太元定錄保命爲三茅君所治。易遷含真則女子成道者居之。餘皆男真也。保命間用女官。」

長史三男一女。長史先世，見真譜卷二十。

仙鑑卷二十一：梁高祖爲於山別立祠真館。長史本宅，天監

梁高祖年號之一。

十三年，立爲宗陽

觀。今之紫陽觀是也。宅南一井，卽長史所穿。玄品錄卷三云：宋宣和間敕封太元廣德真人。

許長史見雲笈七籤卷五，卷一百六；茅山志卷十；仙鑑卷二十一；玄品錄卷三；九江府志

皆本真譜。又仙苑編珠卷中引登真隱訣，三洞羣仙錄卷四引真誥。

真誥卷二十一：小男翽，字道翔，小名玉斧，正生。幼有珎璋標挺。長史器異之。郡舉上計掾，

主簿，並不赴。清秀瑩潔，機批塵務。居雷平山下，修業精勤。恆願早遊洞室，不欲久停人世。

遂詣北洞告終。卽居方隅山洞方原館中。常去來四平方臺。故真誥云：「幽人在世時，心

常樂居焉。」又楊君與長史書，亦云：「未審方隅山中幽人，爲已設坐於易遷戶中未；亡

後十六年，當度往東華，受書爲上清仙公，上相帝晨。」真靈位業圖列入第二右位，爲侍帝晨右仙公。真誥卷十五謂侍帝晨，如世之侍中。

譜云：年三十，而不記去歲。按二錄：泰和二年丁卯，時年二十七。則是咸寧七年辛卯生也。

原注：顯云咸和六年生，又云司徒辟豫皆非實。按「咸寧七年辛卯生」，誤。仙鑑卷二十四引作咸康七年辛卯生。諸書亦云然。按咸寧，武帝年號之一，無辛卯歲，且僅有五年。又許顗之父，生於惠帝永興二年。故咸寧七年辛卯，乃傳寫之誤。自泰和三年已後，無復蹤迹。依譜年三十，即是庚午年。海西公太和五年去世。原注

：又眞誥云：「從張鎮南（眞誥卷四）按張係師（即張魯）爲鎮南將軍。建安二十一年亡。葬鄆東。後四十四年，至魏甘露四年，遇水，棺開。見尸如生，出著牀上。因舉尾覆面，大笑訖，又亡。更殯葬壇上。燒香禮拜，因伏而不起。明且視，形如生。此壇今猶存歷然。則是故求隱化，早絕塵世也。事別在第二卷中。」

妻建康令黃演女。『玄品錄卷三云：宋宣和年間封混化元一真人。』

許翊，又見三洞珠囊卷一，三洞羣仙錄卷二，雲笈七籤卷八十六，皆引眞誥。仙苑編珠卷中引登眞隱訣。雲笈七籤卷五引眞系傳。玄品錄卷三，茅山志卷十，仙鑑卷二十四，鎮江府志，皆本眞誥。

眞誥卷二十一「掾子黃名，按眞誥卷二十除此處外，皆作黃民，故名字乃民字之誤。字玄文。升平晉穆帝年號之一五年辛酉生。

時掾年二十一。仕郡主簿，察孝廉，司農丞，南蠻參軍，臨沮令。宋元嘉六年亡，年六十九。妻西陽令葛萬安女。原注：萬安是抱朴子第二兄孫也。『茅山志卷十云：「年十七，任至司農丞。」又見雲笈

七籤卷五，茅山志卷十，仙鑑卷二十四，皆本眞誥。

二許傳經，見前引眞誥鈇錄。

茅山志卷十：『五代宗師上清仙卿保真先生姓馬，諱朗，一名溫公，字子明，浙東剡縣東

關人。真誥敘錄作東關

家素饒財，履信行義，爲鄉里所宗。聞茅山楊許得道，盛傳南真上清經法。

以其居接金庭天台，咫尺仙府，彌加崇慕。元興三年，許丞黃民載經避亂，君躬迎道左，延止其家，禮敬供養。元嘉六年，許丞還錢唐，封其先世真經一櫺子，留君之靜室之中。且云：『此經並是先靈之蹟。唯須我自來取。縱有書疏，慎勿與之。』唯分十數卷自隨。至錢唐，感疾，慮不卽瘳，遣人取經。君既得書，堅執先旨，謂親受教勅，豈敢輕付。遂不還經。許亦旋沒。君同弟罕敬事經寶，有過君父，恆使有心奴二人，一名白首，一名平頭，侍直香火，灑掃拂拭。每有神光靈氣見於室宇。君妻頗能通見，云數有青衣玉女空中去來，狀如飛鳥。君家遂益富盛，資產鉅萬，累世壽考而終。』按此傳本真誥敘錄。

又『六代宗師上清仙卿輔正先生，諱罕，字子言，保真之堂弟也。同兄敬奉經寶。居士裴惠明者，先以在，刻意甚貪樂經法。而肩鑄嚴固，觀覽無方。景和元年，迺出都，令嘉興父季真啓宋主，勅就馬家取經。比經至都，父呈景和，於華林暫開，勅以付後堂道士。（按以上本真誥敘錄。）

（原注：『即陸先生。』此當謂陸修靜。按上清源統經目注序稱後堂道士父季真。又三洞珠囊勅道士引道學傳謂宋明帝，太始三年三月，乃詔江州刺史王景宗以禮敦勸，發遣下都。』一至都，勅主書計林

子宜旨令住後堂。先生不樂，權懸騎鶴愿客子精舍。勞問相望，朝野欽屬。」「宋君乃於北郊築崇虛館以禮之。」是宋明帝時，修靜未嘗住後堂也。而後堂道士，則當爲定季真。靈驗記曰：

「二馬有保經之功。沒世之日，上帝命靈官持玉版，召入金庭洞天，俱授仙卿之任。」

簡寂先生陸修靜，字元德，吳興東遷人，吳丞相凱之後也。父琳，九徵不起，謚高道處士。母

姚氏懷之，有一老姥告之曰：「生子當爲人天師。」及生，蹠有重輪，足有雙蹠，掌有大字，

背一作身有斗文。見三洞珠囊卷八相好品及三洞羣仙錄卷二。篤好文籍，旁究象緯。見玄品錄卷三。

家本奧室，早涉婚宦。見三洞珠囊相好品引道學傳。雖外混世務，內守貞樸。少已習斷穀，別牀獨處。見三洞珠囊卷三服

食品引道學傳。

嘗謂同儕曰：「時難再得。」乃遺棄妻子，脫落營務，專精教法，不捨寤寐。見三洞羣仙錄卷二引道學傳。

隱雲夢山修道。暫下尋藥，進過故鄉，停家數日。女忽暴病，命在晷刻。家人固請救治。先生

嘆曰：「我本委絕妻子，託身玄極。今之過家，事同逆旅，豈復有愛著之心。」於是拂衣而

出，直逝不顧。去後一日，女病卽愈也。修靜素有氣疾，齋藥入山，別處一室。俄而爲火所燔。

弟子欲撲滅之。先生曰：「不須救此。是冥道不許吾持藥耳。吾病行當自差。」少日而瘳

也。三洞珠囊卷一救導品引道學傳。



聞異人所在，不遠千里而造之。果遇其真，爰受祕訣。乃雲棲荆岫，却粒修行。見全唐文卷九百二十六吳筠

簡寂先生  
陸君碑

好方外遊。南詣衡湘九嶷，訪南真魏華存之遺跡。西至峨嵋，尋清虛王褒之高躅。見玄品錄卷三按茅山志卷

十謂係遊嶽「拜簡寂於仙都山」，是簡寂亦曾隱居仙都山也。詳見孫遊發傳。七籤卷五云：「濟衡熊湘，暨九峯緣浮，西至巫峽噴咽」，搜訪道書。

雖身隱彌靜，而名逃益彰。江漢之人，虛往實歸，莫知紀極。見吳筠碑

宋元嘉末，市藥京師。文帝召之於內，講理說法，不捨晨夜，孜孜誘勸，無倦於時。見三洞珠囊卷一教導品

引道帝服膺尊異之。時太后王氏雅信黃老，降母后之尊，執門徒之禮。見御覽卷六百七十九引魏書按茅山志云

「因市藥京師，文帝召不往」，蓋誤。仙鑑卷二十四云：「宋元嘉末，因市藥京邑，文帝素欽其道風，作停假寶車，使左僕射徐湛之留之。先生固辭弗顧，拂衣而去。後帝有太初之難。人咸異之。」

後有太初之難，遂拂衣南遊。見吳筠碑慕廬山之勝境，起觀於其東南瀑布巖下以居之。處所

幽深，構造壯異，見者肅然興崑閬之想。見上清道類事相卷一仙觀品引道學傳，雍正江西通志卷一百二十錄有梁沈確簡寂觀碑云：「大明五年，置館於廬山

高嶺。」「宋陳壽俞廬山記卷二云「觀在白雲峯之下。」

宋明帝思弘道教，廣求名德。悅先生之風，遣招引。太始三年三月，乃詔江州刺史王景宗以禮敦勸，發遣下都。先生辭之以疾。頻奉詔，帝未能致，彌增欽佇。中使相望，其在必至。先

生乃曰：「主上聰明，遠覽至不肖，猥見採拾，仰惟洪眷，俯深慚惕。老子尙委王官以輔周

室，仙公替金錫佐吳朝。得道高真，猶且屈已。余亦何人，寧可獨善乎？」即令弟子陳飄

之山都也。初至九江，九江王問道佛得失同異。先生答：「在佛爲留秦，在道爲玉皇。斯亦

殊途一致耳。」王公稱善。至都，勅主書計林子宣旨令住後堂。先生不樂。權驃騎按漢斯同

臣年表，自太始三年至七年。驃騎將軍山陽王劉休範。航寇客子精舍。勞問相望，朝野欣屬。天子乃命司徒建安王尙書

令袁粲設廣謙之禮，置招賢座，盛延朝彥，廣集時英，會於莊嚴佛寺。時玄言之士，飛辯河

注；碩學沙門，抗論鋒出；持角李釋，競相詰難。先生標理約辭，解紛挫銳。王公嗟挾，遐邇悅

服。坐畢，奏議於人主。旬日間，又請會於華林延賢之館。玄品錄云：華林園之延賢館。帝親臨幸，王公畢集。

先生鹿巾謁帝而昇。天子肅然增敬，躬自問道，諮求宗極。先生標闡玄門，敷釋流統，並詣

希微，莫非妙範。帝心悅焉。王公又問：「都不聞道家說二世？」先生答：「經云：『吾不知誰之

子，象帝之先。』既已有先，居然有後；既有先後，居然有中。莊子云：『方生方死。』此並明

三世。但言約理玄，未能悟耳。」朝廷欲要之以榮，先生眇然不顧。宋帝乃於北郊天印山

按即方山築崇虛館以禮之，盛興造構，廣延勝侶。先生乃大敞法門，深弘典奧。朝野注意，道俗

歸心。道教之興，於斯爲盛也。

三洞珠囊卷二勅召道士品及上清道類事相卷一仙觀品引道學傳。天印山，據玄品錄。良常仙系記云：「爲立崇虛館傳經壇。」仙鑑云：「既

至開，帝設崇虛館通仙臺以待之。」茅山志卷十五：「崇虛館主道士吳郡張釋。晉本宋明帝勅立於潮溝，供養大法師陸修靜。齊永明勅立於蔣陵里。陶先生（弘景）再興焉。」高僧傳卷八道盛傳：「釋道盛

，姓朱，沛國人。幼而出家務學。善經業，維摩，兼通周易。始住湘州，宋明承風，敕令下京。止彭城寺。謝超宗一遇，遂敬以師禮。迺著述交論，及生死本無源論等。後憩天保寺。齊高帝敕代曇度爲僧主

。丹陽尹沈文季素奉黃老，排嫉能仁。迺建義符僧局，責僧屬籍，欲沙簡僧尼。由盛綱領有功，事得寧

寂。後文季故於天保政會，令陸修靜與盛論議。盛既理有所長，又詞氣俊發，嚙呷往返，言無肯綮。靜

意不獲申，惡焉而退。盛以齊永明中卒，春秋六十餘矣。」按南齊書卷四十四沈文季列傳，宋順帝昇

明二年遷丹陽尹。而修靜已先於宋蒼梧王元徽元年去世。高僧傳所記修靜與道盛論議，虛妄不可據。

遂以父季真取到楊許真人上清經法勅付先生。總括三洞，爲世宗師。文據玄品錄。按七錄

靜既立崇虛館，是氏所寶經訣，並歸於陸氏。仙鑑從之。

而玄品錄列此事於造崇虛館之前，蓋誤。茲從前譜錄錄。

宋太始七年四月，明帝不豫。先生即其館率衆建三元露齋，爲國祈請。至二十日，雲陰風

急，輕雨灑塵。二更再唱，堂前忽有黃氣，狀如寶蓋，從下而昇，高十丈許，彌覆堦墀，數刻之

頃，備成五色，映曖櫺楨，徘徊良久，忽復迴轉，至經臺上，散漫乃歇。預觀齋者百有餘人，莫

不皆見。事奏，天子疾瘳，以爲嘉祥。見三洞珠囊卷一救導品引道學傳。茅山志卷十云：「帝復感異於

茅山志作金絲齋。

是年更因敕上三洞經書目錄。此蓋道經目之最古者。笑道論及道教義綱卷二三洞義。

初，先生登車之日，有熊虎猿鳥之屬，悲鳴擁路，出山而止。其忘情感物，有如此者。先是洞

玄之部，真偽混淆。先生刊而正之，淫渭乃刊。

洞玄之部，據吳筠碑。按雲笈七籤卷四有元嘉十四年陸修靜纂寶經目序，故當作洞玄之部。七籤卷五

誤改爲洞真部。按修靜亦傳上清經，故籤卷五誤以爲當作洞真部耳。

著齋戒儀範百餘卷，爲將來典式焉。

參閱唐開元方遠太上洞玄靈寶大綱鈔，詳見靈寶經

考證。初，桂陽王橫逆，暴骨蔽野。先生悉具棺槨，收而葬之。立德施仁，皆此類也。

據吳筠碑。按資治通鑑，元

徽二年桂陽王劉休範反，是年事平。

元徽

宋若稽五年號

五年春正月，謂門人曰：「吾將還舊山，可飾裝整駕。」弟子僉怪詔命未許，

而有斯言。至三月二日，乃倏然解化。膚色輝燦，目瞳朗映。但聞清香惟不息而已。化後三

日，廬山諸徒咸見先生霓旌紛然，還止舊宇，斯須不知所在。相與驚而異之。顧命盛以布

囊，投所在崖谷。門人不忍，遂奉還廬山。春秋七十有二。凡著述論議百有餘篇，並行於代。

有詔以先生廬山故居爲簡寂觀。

嘉慶重修一統志卷二百四十三：簡寂觀，在（南康府）星子縣西十五里。舊名太虛觀。劉宋時，陸修靜居此。卒諡簡寂。因以名

觀。諡曰簡寂先生。

見吳筠碑，雲笈七籤，仙鑑，玄品錄，茅山志，三洞聖仙錄卷二引道學傳。

門徒得道者，孫遊嶽，李果之最著稱

首

見雲笈七籤

撰道德經維說一卷，

見宋志道家類及神仙類，通志略諸子類道家。

靈寶經目序一卷，

見雲笈七籤卷四。

服御五芽道引元精

經一卷

通志略諸子類道家書錄。道藏闕經目錄卷上著錄太上洞玄靈寶服御五芽導引元精經一卷，不著撰人。

昇元步虛章一卷

通志略諸子類道家。

靈寶

步虛詞一卷，步虛洞章一卷

崇文目道書類，通志略諸子類道家。

必然論一卷，榮隱論一卷，遂通論一卷，歸

根論一卷，明法論一卷，自然因緣論一卷，五符論一卷，三門論一卷

唐釋法琳辯正論卷八。

陸先生答

問道義一卷，陸先生黃順之問答一卷

道藏闕經目錄卷上。

太上洞玄靈寶衆簡文一卷，洞玄靈寶

五感文一卷，陸先生科格一卷，太上洞玄靈寶授度儀一卷

道藏。

洞玄靈寶齋說光燭戒罰

燈燭願儀一卷

道藏，及无上黃錄大齋立成儀卷十七。

靈寶道士自修盟真齋立成儀

无上黃錄大齋立成儀卷十七。

金錄齋

儀，玉錄齋儀，九幽齋儀，解考齋儀，陰炭齋儀，三元齋儀

據无上黃錄大齋立成儀卷十六。茅山志卷十云：「所著齋戒儀範百餘卷。」

後孔德璋

按名雅珪。

與果之書，論先生云：「先生道冠中都，化流東國。帝王稟其規，人靈宗其

法。而委世潛化，遊影上玄。微言既絕，大法將謝。法師稟神定之資，居入室之品。學悟之美，

門徒所歸。宜其整緝遺蹤，提綱振紀，光先師之餘化，慕妙道之遺風。可以導引末俗，開曉

後途者矣。」

見靈寶七籤。

宋徽宗宣和間，封丹元真人。誥曰：「朕惟前古高蹈之士，名迹不泯，而稱號未稱者，所以

追顯之。簡寂先生陸修靜真精內得，遺經垂範。而脫然超世，虛阜故隱，有祠至今。考實定

名，禮以真人之號。非特用襄往闕；後之聞風者，知道之所在，而勉焉。可特封丹元真人。」

見茅山志卷四

廬山簡寂觀「殿之後有道藏石刻目錄，列於四壁。」宋陳舜俞廬山記卷二。又隋志史部雜傳類，通

志略諸子類道家並著錄陸先生傳一卷，孔稚珪撰。今佚。按簡寂，南朝高道。宋書南史不爲立傳，遂使事蹟湮沒無聞。用特搜檢典籍，輯成此傳，以揚休烈。

廣弘明集卷四釋道宣敍齊高祖廢道法事：「昔金陵道士陸修靜者，道門之望。在宋齊

兩代，祖述三張，張陵，張衡，張魯。弘衍二葛。葛玄，葛洪。邨張之士，封門受籙。遂妄加穿鑿，廣制齋儀。糜

費極繁。意在王者遵奉。會梁祖啓運，下詔捨道。修靜不勝其憤，遂與門人及邊境亡命，叛

入北齊。又傾散金玉，贈諸貴遊。託以襟期，冀興道法。帝惑之也。於天保六年九月乃下勅，

召諸沙門與道士學達者十人，親自對校。按陸修靜已先於宋後廢帝元徽五年去世。

距北齊文宣帝天保六年，尚有七十八年。故上說荒誕無稽。又按北齊書文宣帝紀及北

史齊本紀皆不載齊文宣帝對校道釋之事。

孫遊嶽，字頴達。見龔茂七錄卷五。三洞珠囊卷一。教導品引道學傳云：「孫東陽永康人，見同上引吳遊嶽，字玄達。」良常仙系記云：「孫岳，字頴達。」

之裔也。幼而恭，長而和。其靜如淵，其氣如春。甄汰九流，潛神希微。見七拜簡寂於縉雲山。

見茅山志卷十。按仙都志卷上：「仙都山，古名縉雲山。按道書洞天三十六所。其仙都第二十九，名玄都，所仙洞天。周迴三百里，黃帝駕火龍上升處。山嶺有石屋，世傳爲洞天之門。史記載縉雲本黃帝夏宮之名。張守節云：「括州縉雲縣，其所封也。太平寰宇記：唐置縉雲縣，又以括州爲縉雲郡。蓋以其地有縉雲山故也。今縣在山之西二十三里。圖經云：唐天寶七年六月八日，有縉雲起於李溪源，覆縉雲山獨峯之頂。雲中仙樂響亮，鸞鶴飛舞。俄聞山呼萬歲者九，諸山皆應。自申至亥乃息。」却粒，創麻屑刺史苗奉倩上其事於朝。勅改今名。一七籤云：「嘗步赤松澗經堂，遂卜終焉之地。」

松與尤。見三洞珠囊卷二勅追服殺仙丸。據七籤。茅山志云：「數精丸。」居縉雲山四十七年，不與世接。見茅山志

宋太始中，簡寂至京，遊嶽往從之。按太始三年，宋明帝勅迎簡寂往京師。元徽五年，簡寂卒。又十二年而遊嶽亦卒。共三十三年。而七籤云：「宋太初一按當作太始」中，陸簡寂至自廬山，雲遊帝宅。先生乃攝衣而趨，「一」因茹此，卻粒，服殺仙丸，六十七年。一此說誤。當從茅山志之說。即遊嶽已先於縉雲山事簡寂也。仙鑑卷二十四云：「宋太初中，簡寂至廬山。」乃執轡事之。一此誤。按簡寂，元嘉末至東師。太初難作，離京南遊。大明五年，始居縉山。故此說不可信。授三洞並所祕楊真人許椽手跡。見七籤

暨簡寂上賓，方旋舊室，拊撫道機，斷疑真假，與緒章朱四君交密。疑即褚伯玉，章黨民，朱僧標，見真譜敘錄。其四人未詳。齊永明二年，詔以代師，並任主興世館。於是搜奇之士，知襲教有宗，若鳳萃於桐，

萬禽爭赴矣。孔德璋、劉孝標等爭結塵外之好。見七籤名士沈約、陸景真、陳寶識等成就學焉。見茅山志後頻謝病歸山，朝命未許。至永明七年五月十五日，內以殫神託化，沐浴稱疾，怡

然而終。年九十一。七籤茅山志門徒弟子數百人，見七籤。三洞珠囊卷一敘導品及上清道類事相卷一仙觀品引道學傳云：「服膺受業者常數百人。」茅山

志云：「弟子百餘人。」唯陶弘景入室焉。自恭事六載，義貫千祀，唯貴知真，特蒙賞識。經法誥訣，悉相傳授。見七籤。仙鑑云：「弘景因撰經行於世。」方欲共營轉煉，已集藥石，將就治合，事故不遂。見七籤。茅山志云：「先生嘗夢茅君曰：『青華小童復降，句曲汝弟子中。善護持之。』永明間，陶弘景入山。先生異其手神超邁，凡聞身有斗文。因省所夢曰：『青華小童，豈非斗中真人耶？』即盡授其法。」遊嶽，又見三洞羣仙錄卷十六引高道傳。

陶弘景，字通明，丹陽人。後隱茅山，因自稱華陽隱居。宋武帝孝建三年生，梁武帝大同二

年卒，年八十一，諡曰貞白先生。雲笈七籤卷一百七引陶翊華陽隱居先生本起錄：「先

生以甲子齊武帝永明三年乙丑丙寅三年之中，就興世館主東陽孫遊嶽杏棗道家符圖經法。

雖相承皆是真本，而經歷模寫，意所未愜者，於是更博訪遠近而正之。戊辰年始往茅山，

便得楊許手書真跡，欣然感激。至庚午永明年八年，又啓假東行浙越，處處尋求靈異。至會稽

大洪山，謁居士婁慧明。疑即真諦敘錄之樓惠明又到餘姚太平山，謁居士杜京產。又到始寧晁山，謁法

師鍾義山。又到始豐天台山，謁諸僧標。按或作朱僧標及諸宿舊道士，並得真人遺跡十餘卷。遊

歷山水二百餘日，乃還。爰及東陽長山吳興天目山於潛臨海安固諸名山，無不畢踐。」

陶弘景事蹟，詳見賈嵩華陽陶隱居內傳。梁書南史均有傳。又見三洞珠囊神仙感遇傳



道教靈驗記玄品錄茅山志仙鑑弘景世所知名茲僅引其搜尋道經事如上。又參閱真誥敘錄。

臧矜

玄品錄卷四云王遠知「生於梁大通二年。」七籤卷五云「弱冠師宗道先生臧矜。」

舊唐書卷一百九十二作臧兢。

時當在梁武帝太清元年。茅山志卷二十二王旻撰唐國師昇真先生王

法主真人立觀碑云「時有國師宗道先生，識洞幽微，智深玄妙，宣風黃道，作訓紫宸，九

重致禮，百工興敬。」又卷二十四徐鉉撰唐道門威儀玄博大師貞素先生王君碑云建

康「有玄真觀」至正金陵新志卷十一云「今不詳其所」陳宣帝爲臧矜先生之所作也。「臧矜當卽臧兢。故

臧矜住世，自梁初暨陳宣帝時。七籤卷六云臧靖師太平法師周智響。智響，陳宣帝時人。

臧靖，不知卽臧矜否？又祕目道書類著錄臧矜撰道學傳一卷闕。杜光庭道德真經廣聖

義序云「梁道士臧玄靜字道宗，作疏四卷。」疏，謂道德經疏。

王遠知，茅山志卷二十二有貞觀十六年王旻撰唐國師昇真先生王法主真人立觀碑，又見舊唐書一百九十二隱逸列傳，新唐書卷二百零四方技列傳，太平廣記卷二十三引說有錄，茅山志卷十，雲笈七籤卷五，

（仙鑑卷二十五同）玄品錄卷四，三洞羣仙錄卷十一引舊唐書隱逸傳，又卷二十引異人錄，茲節錄王旻碑，更以他書增補。

王遠知，僅新唐書云王遠智字廣德，系本琅琊臨沂，王旻碑，茅山志，新舊唐書，談賓錄，玄品錄。後爲揚州人。新唐書父曇選，

陳車騎將軍，揚州刺史。王晏碑，新唐書，舊唐書。外祖濟陽丁超。王晏碑，七錄，舊唐書，談

生於梁大通二年。玄品錄，茅山志。母夢靈鳳有娠，又聞腹中啼。寶誌曰：「生子當爲神仙宗伯也。」

王晏碑，茅山志，新舊唐書，談資錄，玄品錄。少聰明，博極羣書。玄品錄，七錄。弱冠師宗道先生臧於山志。新舊唐書作

臧兢。王晏碑：「時有國師宗道先生，議術幽微，智深玄妙，宣風黃道，作訓紫宸，九重致禮，百工興敬。」即辟穀休糧，唯資松朮。王晏碑，後棲遁於茅

山。按遠知生於大通二年，而隱居卒於大同二年。時遠知年才九歲。故王晏碑末云師事隱居。後既居茅山，蓋亦傳上清經錄耳。故玄品錄云：「後入茅山，別修陶隱居經法。」茅山志云：「進而宗修隱

居。」七錄云：「年十五，入華陽，事貞白先生。又從陳主召入重陽殿，特加禮敬，送歸茅山。居

於洞西北嶺。見新舊唐書，七錄，玄品錄，七錄云：「大建一傾，宣帝年號一本，結案中忽有一神人醉臥嘔吐。先生然香禮候。神人曰：「卿是得道之人。張法本亦嘗有心。吾欲將遊大台山

。石橋廣闊，可過得。彼多數仙人，又常降甘露。以器盛之，服一升，可壽得五百歲。卿能去否？」先生便隨出，上東嶺，就法本。至山半，忽思未別二三弟子，付囑絕書。背行三十步，迴望神人，化爲鶴

飛去。」茅山志卷十七：「天聖觀，在積金山上。天監初，隱居祖。小沼養雷平池龍子。貞觀間，王法主庵居，遇法本仙人。肅宗至德中，賜名火浣宮。唐末，遂廢。景德三年，明真先生張紹英盧其處。明

真與朱觀妙（按即朱自美）爲明肅太后傳錄保度二師。隋開皇十二年，晉王廣鎮揚州，具禮招迎。天監三年九月，賜所居爲延真庵。五年改賜觀額。」

乃出自山谷。長史王子相承候動止，諸議願言每申談對。遠知豪墨所至，必罄今古辭義

所該，殆無遺逸。後還山。見王晏碑。舊唐書談資錄玄品錄云：「使王子相柳顧言相次召之。」在山宣揚法味，開度後學。王晏碑

大業七年，煬帝征高麗，遣崔鳳。七錄玄品錄云崔鳳舉。迎請，見於涿郡之臨朔宮，帝執弟子禮。及六軍

返旆，駕洛都，奉勅於中嶽修齋儀。碑。王晏復詔京師大業元年，移都洛陽。置玉清玄壇以處之。茅山志，

新舊唐書玄，品錄，七籤。及帝幸揚州，遠知謂不宜遠去京國，不省。新舊唐書玄品錄。唐高祖龍濟時，嘗密

告符命。武德中，太宗爲秦王，平王世充。按隋末，王世充據洛陽。因與房玄齡微服謁遠知。遠知曰：「

此中有聖人。」秦王因以實告。曰：「方作太平天子，願自愛也。」新舊唐書，茅山志，談玄品錄，七籤。秦

王詣先生受三洞法。七籤。及登極，將加重位，固請歸山。新舊唐書。乃詔洛州資給人船，並施法服。

勅潤州於舊山造觀一所。遠知卒後，親功始畢。曰太平觀。高宗調露二年，勅賜田，度道士七十七人，以爲侍者。語文見茅山志卷二。按勅置觀事，在貞觀年間。七籤云：揚露二

年勅置太平觀，蓋誤。茅山志卷十一：崇禪萬壽宮，在丁公山前，隱居華陽下館。唐貞觀九年，太宗爲法主建，號太平觀。貞觀九年四月至山。嗣又屢送香

油龍壁，供山中法事。是年九月十六日辛，年一百二十六歲。時稱王法主云。見王晏碑，茅山志，新舊唐

書，七籤，談玄錄。按大通二年至貞觀九年，當爲一百七歲。七籤云：『時有寶德玄，先經揚州，遇司命使者，言其有重祿，以九

錄人見之任，關奏天曹，無不即應。』德玄遂懇祈於先生。先生不得已，因請命使者。報曰：『更延十三年。』至高宗朝，德玄爲左相，捐館舍之日，言皆如之。故舉世呼先生爲法主。又知已授仙職。後謂

潘師正曰：『吾昨見仙格，以小時誤損一童子吻，不得白口昇天。署少室仙伯，將行在近。』翌日，沐浴，加衣冠，焚香而寐。』又見新舊唐書，談玄錄，玄品錄。潘師正徐道

邈同得祕訣，爲入室弟子。陳羽王軌次之。七籤，易總十五卷。茅山志卷九。遺命子紹業曰：「爾

年六十見天子，七十見女君。」調露二年，紹業表其言。高宗召見，嗟賞，贈太中大夫，諡曰

昇真先生。天后嗣聖元年，紹業又召見，皆如其言。又贈金紫光祿大夫，改諡昇玄先生。

見事

茅山志，新舊唐書，七籤，玄品錄。改諡事在嗣聖元年，證文見茅山卷二。七籤亦云然。新舊唐書玄品錄云：天授二年改諡昇玄，蓋誤。

明皇天寶時，勅李含光於太

平觀造影堂，寫真像，用旌仙跡焉。

見七籤

潘師正，見金石萃編卷六十二潘尊師碑（王適撰，司馬承禎書，大周聖曆二年建。）舊唐書卷一百九十二隱逸列傳，新唐書卷一百九十六隱逸列傳，雲笈七籤卷五，茅山志卷十一，玄品錄卷四，仙鑑卷二

十五，三洞羣仙錄卷二十引高道傳。

潘師正，字子真，趙國贊皇青山里人。

據王適碑，舊唐書，七籤。茅山志，仙鑑云具州宗城人。玄品錄云具丘宗城人。

祖居常，周楚州

刺史。

仙鑑父宣，隋通州刺史。母魯氏，善言名理，口授以道德經。母卒，廬墓以孝聞。大業中，有

道士劉愛道者，見而奇之。曰：「三清之駿，非爾誰乘之？」時王法主爲煬帝所尊禮，每入

禁中，躬薦松水以祈福。愛道曰：「吾甚欲子相從，然成就功道，非法主不可。」由是師法

主，盡以道門隱訣及符籙授之。未幾，法主請還茅山，師正亦隨之至山中。一日，謂師正曰：

「嵩陽乃汝修真之地，當亟往無疑。」師正劉愛道居於雙泉中嶺間，將十年，復深入道

遙谷，邈與世絕。

據王適碑。茅山志亦云然。舊唐書玄品錄七籤云居逍遙谷二十餘年。仙鑑云：居雙泉頂間二十年，復隱於逍遙谷。皆誤。

上元三年，高宗幸東都，禮嵩嶽。召見先生，請作符書。辭不解。又問山中所須。答曰：「茂松

清泉，臣之所須，此中不乏。」帝與天后嘆異之，而去。明日，步輦載至行宮，與語，留連信宿

而還。茅山志調露元年，再祀嵩嶽，以車輿迎師，正入嵩陽觀，復送至逍遙谷，見薜荔繩床，將

朽敗，餘無火粒之具，唯兩瓢貯青飴飯耳。今道藏收道門經法相承次序三卷，記唐天皇於中嶽逍遙

見師正傳通經。六朝及有唐高道，大率如此。即勅於逍遙谷建隆唐觀，本王適碑。金石萃編云：以避玄宗諱，故唐書改爲崇唐觀。嶺上別起

精思院以處之。茅山志明年仲春，又以步輦致先生之洛城之西宮，勅改嵩陽觀爲奉天宮，

苑接隆唐，壘鄰逍遙谷，令所司於逍遙谷口，特開一門，號曰仙遊門，復於苑北面置尋真

門。本王適碑。云此事在建隆唐觀之後。事又見新舊唐書本傳，七錄。而舊唐書卷二十三禮儀志云：「高宗既封泰山之後，又欲遍封五岳。至永淳元年，於洛州嵩山之南，置崇陽縣。其年七月，勅其所

遣奉天宮。二年正月，駕幸奉天宮。」而舊唐書本傳王適碑等，皆云師正卒於永淳元年。疑禮儀志所述當爲另一奉天宮。太常獻新樂帝，又令以祈仙翹仙

爲名，皆爲師正焉。舊唐書七錄每手詔具弟子姓名咨白。自是乘輿屢涉山阿。帝在洛陽，復召

對，遂館於天苑。及請還，製詩以送。舊唐書玄品錄云：前後贈詩凡數十首。七錄云數百首。嘗謂弟子曰：「吾實無用，

接見帝王，驚擾靈嶽。汝等學道，不厭深眇，則無累矣。」茅山志遂欲東求蓬萊，孤舟入海。

屬帝敦篤斯道，所歎愈加。踟躕山隅，輟策未往。王適碑嗣聖元年，王適碑六月十六日卒，

仙鑑茅山志年九十八。本舊唐書等。僅七高宗及天后追思不已，贈太中大夫，諡曰體玄先生。

時陳子昂作頌。七

王適撰碑文，聖曆

武后年

二年，立碑嵩山。

王適撰，按即潘尊師碑。

先生

神標仙骨，雅似隱居。夫階真韜冥，練景遊化者，其有類乎？弟子十人，並皆殊秀。然鸞姿鳳態，眇映雲松者，唯穎川韋法昭。皆稟訓瑤庭，密受瓊室，專玉清之業，遺下仙之儔矣。據王適碑

。七籤云：弟子十八人。仙鑑云：八人。韋法昭，司馬子微，郭崇真爲最。

司馬承禎，見唐王屋山中隱臺正一先生廟碑，題曰左威衛錄事參軍衛尉卿。文中有我師云云，故衛尉乃承禎之弟子，其言當最可信。茅山志卷二十二茅山貞白先生碑陰記，題曰天台華峯白雲道士司馬道隱子微述并書。明初纂天台山志載唐崔尚桐祠觀碑。又見續仙傳卷下。按雲笈七籤卷一百十三下引續仙傳，又見太平廣記卷二十一，但與今本續仙傳不同。又天壇玉皇山聖迹記。雲笈七籤卷五引真系傳。舊唐書卷一百九十二隱逸列傳。新唐書卷一百九十六隱逸列傳。茅山志卷十一。續說郭良常仙系記。仙鑑卷二十五。玄品錄卷四（大教本後唐書本傳）。遺述壇經卷二（本續仙傳）。三刻郭仙錄卷四十一引續仙傳。又見南岳總勝集。唐徐靈府天台山記。嘉定赤城志。明釋無盡天台山方外志。

司馬承禎，七籤卷一百字子微，法號道隱。

據廟碑及茅山志卷二十二。天壇玉皇山聖迹記云：謚曰白雲先生，蓋誤。

河內溫人。

本舊唐書

。新唐書云。晉彭城王權之後。

本廟碑。按晉書卷三十七「彭城穆王權，字子興，宣帝弟魏冉相東武洛州溫人。」城侯植之子也。崔尚碑云：一晉宣帝弟太常植之後裔。天壇玉皇

山聖迹記云：「乃西晉司馬宣王之後。今溫縣西二十里招賢城是也。」祖晟，仕隋爲親待大都督。父

仁最，唐襄滑二州長史。少好學。年二十一，入道，事潘師正，居嵩山。本廟碑傳其符籙及辟穀

導引服餌之術。廟碑云：「以金根上經，三洞祕錄，許真行事，陶公微旨，盡授於我尊師。」師正特賞

異之，謂之曰：「我自陶隱居傳上清法，至汝四葉矣。」據舊唐書，本作正一之法，蓋誤，當作上清法。

久之，辭几席，徧遊名山。廬天台，構層軒於壇上，目爲衆妙臺。自號天台白雲子。本仙鑑：「隱居傳：一隱

於天台山玉霄峯。一又茅山志卷二十二茅山貞白先生碑陰記，承禎自稱天台華峯白雲道士。天壇王屋山記曰：住天台山紫霄峯。按嘉慶重修一統志卷二百二十九：「桐栢山在天台縣西北二十五里。有紫霄、翠

微、玉泉、臥龍、蓮花、華林、玉女、玉霄、華頂九峯。上有桐栢觀。」又天台山條云：「舊志在（天合）縣北三里。自縣北二里神龍石起，歷國清、赤城、桐栢，至於華頂，皆名天台。實一邑諸山之總號

，一名大小天台山。」武后聞其名，召至都，降手勅以讚美之。本七鑑卷五及舊唐書。按潘尊師碑，題曰弟子中巖道士司馬子微書。又立於周聖歷二年

。始即在武后自天台召入都時所書也。天壇王屋山聖迹記：「自壇頂至上方院八里，又曰中巖臺，乃司馬子微修行遯息之所。」子微自稱中巖道士，則是時亦曾居王屋山也。及將還，勅麟

臺監李矯饒之洛橋之東。本七鑑卷五及舊唐書既去，與陳子昂廬藏用宋之問王適畢構李白孟浩

然王維賀知章爲仙宗十友。仙鑑

景雲二年，睿宗令其兄承禕就天台山追之至京，引入宮中，問以陰陽術數之事。承禕對

曰：「道經之旨，爲道日損，損之又損，以至於無爲。且心目所知見者，每損之尙未能已；豈

復攻乎異端，而增智慮哉？」帝曰：「理身無爲，則清高矣；理國無爲，如何？」對曰：「國猶

身也。老子曰：「游心於澹，合氣於漠，順物自然，而無私焉；而天下理。」易曰：「聖人者，與

天地合其德。」是知天不言而信，無爲而戎，無爲之旨，理國之道也。」睿宗歎息曰：「廣

成之言，卽斯是也。」

天壇王屋山聖迹記：「天師住天台山紫霄峯。後睿宗詔住上方院。」則是時承禎又曾居王屋山也。承禎在京，止景龍觀。鄭正陝西通志卷二十八引兩京記：

「景龍觀景雲二年，天台道士司馬承正被召，止於此觀。」又宋朱敏求長安志卷八：景龍觀在唐京城南崇仁坊。天寶十二年改爲玄真觀。承禎固辭還山，仍賜寶琴一

張，及霞紋帔而遣之。」七籤卷五，公卿多賦詩以送，常侍徐彥伯總而爲之序，名曰白雲記，

見傳於世。

本仙鑑。舊唐書云：「贈詩者百餘人。」七籤云：「百餘首。」續仙傳云：「常侍徐彥伯攝其美者二十餘篇。」玄品錄云：「李適爲倡，屬和三百餘人。」仙鑑云：「常侍徐彥伯總而爲之

序。」舊唐書卷九十四徐彥伯傳：「景雲初，加銀青光祿大夫，時盧藏用早隱終南山，後登朝居還右散騎常侍，太子賓客，仍兼昭文館學士。」故當作常侍。

要官。見承禎將還天台，藏用指終南謂之曰：「此中大有佳處，何必天台。」承禎徐對曰：

「以僕觀之，乃仕宦之捷徑耳。」藏用有慚色。

續仙傳

又勅建桐柏觀於桐柏山以居承禎。

事在景雲二年，見徐靈府天台山記。又天台山方外志卷十四有唐睿宗賜司馬承禎置觀勅。唐書云：「而後遊句曲，步華陽之天。」（謂茅山）棲桐柏，入靈墟之洞。尋大嶺，采金瓶之實。登衡山，窺石廬之秘。

。」開元初，司馬承禎至衡山，結白雲庵於九真觀北一里，見南嶽總勝集勝集。據此，承禎曾遊茅山大嶺山衡山。嘉定赤城志卷三十云：承禎桐柏觀一有黃雲堂，元晨壇，鍊形室，臥軫臺，朝旨龍草閣，又

有衆妙臺，（原注：蓋以篆隸八分三體寫道德經於巨幅，置臺上，故云。）臺下有醴泉。後皆蕪廢。大中咸通中道士徐靈府築藏寶新之。」

開元九年，玄宗又遣使迎入京，親受法籙，前後賞賜甚厚。

此據七籤卷五及舊唐書。唐書云：「開元十二年，天子修明庭之禮，思接

萬靈。勅汧水之黿，獎逝四子。乃徵尊師入內殿，受上清經法。仍於王屋山置陽臺觀以居之。」道藏靈驗記卷十四：「玄宗皇帝詣司馬天師受三洞寶籙。內殿致齋，投金龍於四明山之東南黃茂潭中。」七籤

卷一百十三下引續仙傳云：「明皇在宵天下，深好道術。徵詔承貞到京，留於內殿，頗加禮敬。間以延年度世之事。承貞隱而微言，明皇亦贊而祕之。故人莫不而知也。山是明皇理國四十五年。雖嶽山犯闕



，變與狩獨，又爲上皇迴，又七年，方始晏駕。雖由天數，豈非道力之助延長耶。」

十年，駕還西都，承禎又請還天台山。玄宗賦詩以

遣之。舊唐書

十二年九月，承禎將歸衡嶽，覽茅山，因撰茅山貞白先生碑陰記。據茅山志卷二十

禎於開元初至衡山。竊嘆云：「幽於南嶽，則玄鶴蔽野。」

十五年，又召至都，令承禎於王屋山自選形勝，置壇室以居焉。

本舊唐書。據此說，置陽臺觀，當在開元十五年。而天壇王屋山聖迹記則云：「唐明皇即位，於開元十二年勅修陽臺觀。明皇御書陽臺殿榜，內塑五老仙像。陽臺有鐘一口，上篆六十願卦，曰萬象鐘。有壇曰法象壇。有鐘樓名曰氣象樓。殿西北有道院，名曰白雲道院。司馬號白雲先生。有亭曰松亭。有先生廟堂。」徐靈府天台山記云：「帝以天台山幽遠，難於迎請，遂於王屋山選形勝，特置陽臺觀居之。」

玄宗登封泰山，迴，問承禎五嶽何神主之？

本續仙傳。按舊唐書卷八玄宗本紀：開元十三年十月，東封泰山，發自東都。十一月登封泰山。十二月至東都。

十五年十月至自東都。

承禎因上言：今五嶽神祠，皆山林之神，非正真之神也。五嶽皆有洞府，各有

上清真人降任其職，山川風雨，陰陽氣序，是所理焉。冠冕章服，佐從神仙，皆有名數。請立

齋祠之所。玄宗從其言，因勅五嶽各置真君祠一所。其形象制度，皆令承禎按道經創意

爲之。

本七籤卷五及舊唐書。續仙傳作仙官廟。南嶽小錄：「真君廟，在嶽觀之東五十餘步，本與司天王同廟各殿。開元中，司馬天師上言五嶽洞天各有上真所治，不可以血食之神同其等祀。既協聖

旨，爰取清廟。是嶽啓夏之際，潔齋致醮，兼度道士五人，長備焚修酒掃。即開元十五年五月十五日明制也。」

承禎頗善篆隸書，別爲一體，號曰金剪

刀書。玄宗令以三體寫老子經，因刊正文句，定著五千三百八十言。

此本天壇王屋山聖跡記，續仙傳，及舊唐書。

七籤卷五云五千三百八言。按茅山志卷九，張魯古本老子四千九百九十九字。混元聖紀卷八云：玄宗開元三年三月置石幢於景龍觀，命天台山道士司馬承禎依藝經三體書，寫老君道德經，鐫之。」注：今有按

版本，在天台山崇道觀，亦子微親札也。一混元聖紀列此事於玄宗東封泰山之後；爲真本，以奏上之。而舊唐書玄宗本紀載開元十三年東封泰山；則承禎寫道德經當在開元十三年之後。

以承禎王屋所居爲陽臺觀，上自題額，遣使送之，賜絹三百匹，以充藥餌之用。俄又令玉

眞公主

天壇王屋山聖迹記云唐睿宗皇帝女玉眞公主好道，師司馬天師。

及光祿卿韋縉至其所居修金籙齋，復加賜寶。

本書唐書

續仙傳云：「嘗緣含象靈寶景劍道之。命光祿卿至其所居按金籙設祠厚錫。」按今有上清含象劍籙圖一卷，題曰天台白雲司馬承禎進。

開元二十三年六月十八日

卒，

本廟碑

年八十九。此本新舊唐書。續仙傳等。七籤卷一百十三下引續仙傳云一年一百餘歲。蓋誤。

葬於王屋山西北之松臺。

本廟其

弟子表稱死之日有雙鶴繞壇，及白雲從壇中湧出，上連於天。而師容色如生。玄宗深歎

之。乃下制曰：「混成不測，入寥自化。雖獨立有象，而至極則冥。故王屋山道士司馬子微

心依道勝，理會玄遠。遍遊名山，密契仙洞。存觀其妙，逍遙得意之場。亡復其根，宴息無何

之境。因以名登眞格，位在靈官。林壑未改，遐霄已曠。言念高烈，有愴於懷。宜贈徽章，用光

丹籙。可銀青光祿大夫，號眞一先生。

此據舊唐書。而新唐書七籤玄品錄茅志廟碑則曰「貞一」。仙鑑嘉定赤城志又曰「正一」。

玄宗御製碑

文在桐柏頂。

本茅山志卷十一

韋渠牟作傳。

此本續山傳。廟碣，南岳總勝集，天壇王屋山聖迹記，玄品錄謂承禎卒於王屋山。茅山志卷十一之說則與此異；一師且

虛帝恩深久，遂徙居天台王屋山（按良常仙系記亦云然），以期沖舉。又勅建桐柏觀。一又云開元乙亥歲（即二十三年）六月十八日卒。按茅山志卷二十二茅山貞白先生碑陰記附議云：「開元歲乙亥四月壬

子，時白雲先生居王屋山，姪延陵縣主簿綽舉命親視鑿勒。」既乙亥四月尚在王屋山，則六月中亦必卒於王屋山也。又玄宗制亦曰王屋山道士。故茅山志之說誤。又桐柏觀建於景雲年間，茅山志之說又誤。

既承禎於二十三年四月尙在王屋山，又茅山志卷二十三唐顏真卿茅山玄靜先生廣陵李君碑銘及玄品錄皆云李含光於開元十七年從司馬承禎於王屋山，故天壇玉皇山聖迹記云承禎卒於開元十五年之說非是。

又勅以承禎南嶽舊居爲降聖觀，令其弟子薛季昌住持之。見南岳總勝集。此弟子七十餘人。

餘人。本續仙傳李含光最著。

著修真祕旨十二篇，

刪補云：「初，隱居抄撰道書，爲登真隱訣。其存修之道，率多闕文。原師乃著修真祕旨十二篇，見行於世。」又見茅山志卷九。通志略諸子類道家云十卷

。道藏闕經目錄卷上不著撰人。續仙傳不著卷數。

修真祕旨事目歷一卷，

通志略諸子類道家

坐忘論一卷，

續仙傳、仙鑑、天壇

卷數。新唐志子錄神仙類、宋志神仙類、茅山志卷九皆云一卷。通志略諸子類道家云三卷。今道藏本一卷。

修生養氣訣一卷，

見新唐志子錄神仙類。崇文

目道書類。通志略諸子類道

家云養生修氣訣一卷。茅山志卷九云養真修氣訣一卷。今道藏有修真精義雜論。

服氣清義論一卷，

見宋志神仙類。今道藏、通

志略諸子類道家云三卷。

等法一卷，見通志略諸子類道家

洞玄靈寶五嶽名山朝儀經一卷，

見新唐志子錄神仙類。通志略諸子類道

家。茅山志卷九。崇文目道書類寶訣作

官，朝下脫儀字。道藏闕經目錄卷上不著撰人。

上清天地宮府圖經二卷，

見陳錄子部神仙類。道藏闕經目錄卷下不著撰

人。續仙傳、仙鑑則云天地宮府圖，不著卷數

。此書錄入七籤卷二十七，較杜光庭洞天福地岳瀆名山記一卷爲古。

登真系，

見續仙傳，仙鑑。

天隱子八篇，

見茅山志卷九，收入道藏。

注，見天壇玉皇山聖迹記

太上昇玄消災護命妙經頌一卷，上清含象劍鑑圖一卷，上清侍帝晨桐柏

真人真圖讚一卷，道體論一卷，

以上四種見今道藏。

時女真焦靜真泛海詣蓬萊求師。至一山，見道者指言曰：「天台山司馬承禎名在丹臺，

身居赤城，此真良師也。」靜真既還，詣承禎求度。此據今本續仙傳。七籤卷一百一十三下引續仙傳作蜀女真謝自然。七籤卷五亦云焦靜真，但其說稍異。

未幾，昇天。嘗降謂薛季昌曰：「先生得道，高於陶都水。」按陶弘景稱金闕右卿，遷萊都水監。之任，當爲

東華上清真人。」開元中，文靖天師按即李含光與承禎赴長生殿千秋節齋直。中夜行道畢，

隔雲屏各就枕。斯須，忽聞小兒誦經聲，玲玲如金玉響。天師乃蹇裳攝步而窺之。見承禎

額上有小日，如錢，光耀一席。逼而聽之，乃承禎腦中聲也。天師退謂其徒曰：黃庭經云：「

泥丸九真皆有經，一有上下脫「房」字。」方圓一寸處此方。」又云：「左神公子發神語，

一先生之謂。」按仙傳。

按茅山志卷二十三有大曆七年建，柳謩唐茅山紫陽觀玄靜先生碑，文甚簡短。雲笈七籤卷五，仙鑑卷二十五大，致據此文。又有大曆十二年建，張真卿茅山玄靜先生廣陵李君碑銘，頗詳其詳實。玄品錄卷四，

茅山志卷十一節錄顏碑，稍有更益。三洞羅便錄卷十一十三引高道傳。茲據玄品錄，更依顏碑略加修改如下：

李含光，廣陵江都人。二十一代祖弘，江夏太守，避王莽，徙居晉陵，遂爲郡人。本姓弘，避孝

敬皇帝廟諱改焉。按舊唐書卷八十六，高宗第六子弘，初立爲太子。尋遷，諡曰孝敬皇帝。家世業儒。父孝威，號貞隱先生，貞本作正，顏真卿

避家諱改。精黃老之術，與天台司馬子微爲方外交。年十八，志求妙道，遂師事同邑李先生。

柳碑云：「年十三辭家奉道。」神龍唐中宗年初，含光以清行度爲道士，居龍興觀。開元十七年，從司馬

子微於王屋山，一見之曰：「真玉清之客也。」

玄品錄茅山志云：「居嵩陽二十餘年。」按司馬承禎卒於開元二十三年，故含光自節事承禎，至玄

宗昭居陽臺觀，以繼子微，其間決無二十餘年之久。按神龍初，至開元十七年，適爲二十餘年。疑含光從子微於王屋山之前，曾居嵩陽二十餘年也。柳碑云：事華蓋司馬君。

司馬仙去，玄

宗召詣闕。

柳碑云：「開元中，玄宗禮請先生。」

與語，歎曰：「吾見含光，知司馬真人猶然在世間。」問及金

鼎，對曰：「道德，公也，輕舉，公中私也，時見其私，聖人存教，若求生徇，乃似繫風。」玄宗深

感異之。召居陽臺觀，以繼子微。含光嘗以茅山靈蹟，剪馬將墜，真經祕籙，亦多數散落。主

陽臺觀歲餘，即稱疾乞歸茅山，纂修經法。天寶四年十二月，命中使齋醮書微之。既至，館

於禁中。每欲咨稟，必先齋沐。請道法，辭以疾。復求還山，乃持勅楊許故宅紫陽觀居之。御

製詩餞別，禁山中採捕魚獵，食葷血者不得入。初，山中有上清真人許長史，楊君陶隱居

自寫經法。時遭喪亂，散逸無遺。含光奉詔搜求，悉備蹟其而進上之。玄宗復召山人王旼

或作旻請含光楷書上經十三紙以補闕。若曰：「欲得神仙手筆，代代相續耳。」七年三月

十八日，玄宗受上清經籙於大同殿，遙禮度師，賜號玄靜先生，法衣一襲，以伸師資之禮。

茅山志卷二：玄宗賜李玄靜先生勅書亦作玄靜先生。仙鑑曰：文靖先生。非是。又大曆唐代宗年號之一。四年十

月十四日，坐蛻於紫陽別院。執簡如生。時年八十七。以左玄大夫，贈正議大夫。顏真卿

柳識撰碑。以上據玄品錄。

弟子可考者，有章景昭，孟湛然，郭閔，殷淑，章渠牟。

柳碑類碑

柳碑曰：「所撰仙學傳記，闕遺備載。又論三玄異同，著真經及本草音義。」顏碑曰：「嘗以本草書精明藥物，事關性命，難用因循，著音義兩卷。又以老莊周易爲深，深，疑當作清。靜之書，著學記義略各三篇。內學記二篇，以續仙家之遺事，皆名實無遺，詞旨該博。」此內學記，當卽仙學傳記，亦卽仙鑑卷二十五之仙學傳。真經音義，未詳何所指。茅山志卷九玄靜先生所著書有周易義略三篇，老莊學記三篇，本草音義二卷，三玄異同論不著卷數，道學傳二十卷。按此誤，當作馬樞撰。新唐志子錄道家類著錄道士李含光老子莊子周易學記三卷，又義略三卷。

茅山志卷十五：「時玄宗於茅山得楊許衆真及陶貞白所寫上清經真蹟。其經闕文十三紙，使王資璽書信幣詣紫陽觀，請玄靜先生補書之。若曰：「朕不欲令小臣干冒於先生，委卿專往，必冀神仙手筆，今古相續耳。」旣到山之日，靈鶴翔鳴。玄靜書經之時，神人降其室，皆精誠所應也。事見仙傳拾遺。」真誥卷十三：「隱居今所安經昭靈臺前。」茅山志卷十七：「宋太始中道士王舉，爲長沙景王雅所推重。就長史宅東，起長沙館。樂天監十

三年，勅賀爲朱陽館，爲陶真人按即陶弘景住止。立昭真臺，供養楊許三真人按即一真蹟經詰，楊二許。

按楊許隱居手蹟，既已由李含光獻之於唐玄宗，則茅山已無此諸真手澤矣。故茅山志

卷二十五茅山第二十三代上清大洞國師乾元觀妙先生按即朱自英幽光顯揚之碑言宋

真宗時，朱自英「復思三茅道藏缺謬，迺載游瀨鄉，校讎太清宮按即亳州太清宮古本。」又卷

八「昭真臺，真誥翼真檢敍論真經，每云還封昭臺。蓋隱居宗修楊許三真上法，此爲藏

經之室。山中久經盜斂，寶書真蹟，散逸無餘。雖有志學之士，何田按當作田復見真人手澤。至

此慨歎而已。玉晨觀靈寶院卽其地。」

古之靈寶經，見東晉葛洪抱朴子，卽今之五符經。靈寶五符經之簡稱

抱朴子辨問篇：「靈寶經有正機，平衡，飛龜授秩，凡三篇；皆仙術也。吳王伐石以治宮室，

而於合石之中，得紫文金簡之書。不能讀之，使使者持以問仲尼。而欺仲尼曰：「吳王聞

居，有赤雀銜書，以置殿上。不知其義，故遠諮。」呈仲尼以視之，曰：「此乃靈寶之方，長生

之法，禹之所服，隱在水邦，年齊天地，朝於紫庭者也。禹將仙化，封之名山石函之中。乃今

赤雀銜之，殆天授也。」

五符經考

抱朴子述  
古之靈寶

今本神仙傳卷一云：「華子期，淮南人也。師角里先生，受仙隱靈寶方：一曰伊洛飛龜，二曰白鴻正機，三曰平衡。按合服之，返老還少，日能行五百里，能舉千斤，一歲十易皮，如蟬蛻。後乃仙去。」是靈寶經即仙隱靈寶方。又抱朴子遐覽篇著錄正機經，平衡經，飛龜振經，各一卷。此蓋一篇爲一卷，而三經之總名，當爲靈寶經。

抱朴子遐覽篇所錄，皆葛洪師鄭隱藏書，則葛洪之有此經，係其師所傳授。又金丹篇僅謂太清丹經，九鼎丹經，金液丹經出於左慈，慈以授葛玄，玄以授鄭隱。江東先無此書，他道士了無知者。又抱朴子未載靈寶經傳授所由，則此經不必出自左慈。或東晉之時，此經流傳已頗廣，亦未可知。

右引抱朴子辨問篇之說，淵源出自越絕書。其言云：「禹治洪水，至牧德之山，見神人焉。謂禹曰：『勞子之形，役子之慮，以治洪水，無乃怠乎？』禹知其神人，再拜請誨。神人曰：我有靈寶五符，以役蛟龍水豹，子能得之，不日而就。因授禹而誡之曰：『事畢，可祕之於靈山。』禹成功後，乃藏之於洞庭包山之穴。至吳王闔閭之時，有龍威丈人得符，獻之。吳王以示羣臣，皆莫能識。乃令箴符以問孔子。孔子曰：『昔禹治水於牧德之山，遇神人授以



靈寶五符。後藏於洞庭之包山。君王所得，無乃是乎？赤鳥之事，其所未詳。」使者反白闕問。乃尊事之。先是江左童謠云：「禹治洪水得五符，藏之洞庭之包山。龍威丈人竊禹書，得吾書者喪國廬。」尋而吳果滅。又見河圖緯象古微書卷三十二其言云：「太湖中洞庭山林屋洞天，即禹藏真文之所，一名包山。吳王闔閭登包山之上，命龍威丈人入包山，得書一卷，凡一百七十四字而還。吳王不識，使問仲尼。詭云：「赤鳥銜書以授王。仲尼曰：「吾昔遊西海之上，聞童謠曰：『吳王出游觀震湖，龍威丈人名隱居，北上包山入靈墟，乃造洞庭竊禹書。』」天帝火文不可舒。此文長傳百六初。今強取出喪國廬。」丘按謠言，乃龍威丈人洞中得之。赤鳥所銜，非丘所知也。吳王懼，乃復歸其書。」

今道藏太  
靈寶五  
符序即  
符經

今道藏太上靈寶五符序卷上即靈寶五符經序。賈善翔繪龍傳卷五度漢天師篇云天師張陵嘗撰靈寶五符序。即此文也。所述靈寶經淵源，大致與抱朴子等之說合。

此太上靈寶五符序三卷，據劉師培讀道藏記，序文與北周甄鸞笑道論及御覽所引五符經文合。一是此書即古五符經。惟上卷首段爲序。今以三卷均序文，乃標題之訛也。特御覽六百五十九又引五符經二十四真圖。今無其文。或亦書有缺殘。然究係六朝以前

古籍。」又云「觀此書五帝官將號章詳析五方帝名及方色。太清五始法章，以五藏五常配五行，並及孤虛王相之法。是均漢人遺說，卽出自漢季，亦未可知。」

按太上靈寶五符序卷中有弟子葛洪聞之鄭君云云。則是亦有後人增益之處。

真誥卷十四：「夏禹詣鍾山，啖紫柰，醉金酒，服靈寶，行九真，而猶葬於會稽。」原注：此事亦出五符中。

三洞珠囊卷八相好品引五符云：「皇人身長九尺。玄毛被體，皆長尺餘。髮纔長數寸。居峨嵋北絕巖之下。」見太上靈寶五符序卷下。

又卷十叩齒嚙液品引五符云：「俯漱五華液，還復返童顏。仰抱三辰精，保身長永安。」見卷下。

又「夫叩齒以命神，嚙氣以和真，納和嚙六液以運入制神，須鳴鼓以行列也。此名呼神。」今無其文。

又卷三服食品引洞玄五符經云：「食月之精，可以長生。食星之精，上昇太清也。」見卷上。唐王懸河上清道類事相卷四瓊室品：「故五符云：九天靈書，猶封於石櫃是也。又云：九天靈書三天真寶，夏禹撰爲靈寶文。一通藏石櫃中，一通藏幽洞室中。」見卷下。

又卷四宅宇靈廟品：「五符云：皇人在峨嵋山北絕巖之下，以蒼玉爲屋也。」見卷下。

又「五符經云：苞山洞室，有金城玉屋，雲霞陵天也。」見卷上。

以上數條，可證劉氏之說。

抱朴子登涉篇：「而靈寶經云：『入山當以保日及義日。若專日者大害，以制日伐日必死。』」

又「抱朴子曰：靈寶經曰：所謂寶孫校當作保日者，謂支干上生下之日也。若用甲午乙巳之日

是也。甲者木也，午者火也，乙亦木也，巳亦火也，火生於木故也。又謂義日者，支干下生上之日也。若壬申癸酉之日是也。壬者水也，申者金也，癸者水也，酉者金也，水生於金故也。所謂制日者，支干上克下之日也。若戊子己亥之日是也。戊者土也，子者水也，己亦土也，亥亦水也，五行之義，土克水也。所謂伐日者，支干下克上之日也。若甲申乙酉之日是也。甲者木也，申者金也，乙亦木也，酉亦金也，金克木故也。他皆仿此，引而長之，皆可知也。」

「又曰：入山宜知六甲祕祝曰：『臨兵闔者皆陣列前行。』凡九字。」以上皆見太上靈寶五符序卷下。今道藏靈寶度人經則無其文。是抱朴子所引靈寶經卽五符經。（還寶篇未

著錄五符經。按太上靈寶五符序謂是書「本名靈寶五符天文」，故亦可稱靈寶五符經，簡稱或作靈寶經，或作五符經。真誥三洞珠囊皆稱五符。而後人反謂今道藏之靈寶度人經爲靈寶經云。河圖緯象云一卷一百七十四字。抱朴子云三篇。今本三卷。無上祕要卷八十八，八十九引作洞玄五符經，是五符經本在洞玄部，今亦在洞玄部神符類。

通志略諸子類道家有靈寶五符三卷宋祕書省續編到四庫闕書目

以下簡稱祕目

子類道書

有靈寶五符二卷。御覽經史圖書綱目五符經。道藏闕經目錄卷上有洞玄靈寶五符經。符有

今之靈寶經，東晉末葉葛巢甫（葛洪從孫）所造。至宋文明二帝時，陸修靜更增修，立成儀軌。於是靈寶之教，大行於世。

道書述靈寶經淵源，互相牴牾。茲就道書之可以確定其出世年代者，斷於唐代，推考之如下：

雲笈七籤卷四引宋文帝元嘉十四年陸修靜靈寶經目序及潘師正道門經法相承次

序述靈寶經淵源，皆本靈寶五符序。蓋以五符經事，移植於靈寶經。至其傳授，則靈寶經目序云「仙公授文於天台。」道教義樞卷二三洞義謂徐來勒等三真人於會稽上虞山傳仙公葛玄。玄於天台山傳鄭思遠。而唐道士徐靈府天台山記據仙公本起傳謂太極三真人太極真人徐來勒，太上玄一第一真人鬱羅翹，太上玄一第二真人光妙音，太上玄一第三真人眞定光，見靈寶七籤卷三引靈寶略紀。在天台山降授靈寶經於葛仙公。

按抱朴子，葛玄乃葛洪之從祖。葛洪師鄭君，而鄭君則葛玄之弟子也。但洪撰抱朴子及道藏引抱朴子佚文，又洪撰神仙傳爲玄傳，皆未載此事。蓋本無其事，因六朝吳會間，盛傳葛玄神蹟，故造經者依託之耳。元諱嗣先造太極葛仙公傳，錄有陶弘景吳太極左仙公葛公之碑，亦未記此事。蓋弘景宗上清經，且知斯事之依託故也。

按上引眞誥敘錄謂王靈期「見葛巢甫造構靈寶，風教大行，按葛巢甫，葛洪從孫，見道義樞卷二三前義。深所忿嫉。於是詣許承求受上經。」又言許黃民於晉安帝元興三年奉經入剡。至宋文帝元嘉六年乃移歸錢塘。王靈期詣黃民求經，卽於是時。既已「風教大行」，或靈寶行世已頗久。巢甫，葛洪之從孫。故其造此經，當在靈期詣黃民求經之前，葛洪去世之後。按葛洪

卒於晉康帝建元元年，歷五十四年而至元興三年。即當在東晉末葉也。道教義樞卷二三洞義曰：「至從孫葛巢甫以晉隆安之末，傳道士任延慶徐靈期之徒，相傳於世。於今不絕。」南岳總勝集及南岳小錄謂徐靈期，吳人。隱衡岳。宋蒼梧王元徽元年卒。

至靈寶經卷數則陸修靜太上靈寶授度儀表云：「然即今見出元始舊經，并仙公所稟，自據信者，合三十五卷。」按元始舊經，即元始天王所傳經之義。仙公所稟，則無上祕要引仙公請問經，今佚。又陸修靜靈寶經目序曰：「頃者以來，經文紛互，按當作是非相亂。或

是舊目所載，或自篇章所見，新舊五十五卷，學士宗竟，鮮有甄別。余先未悉，亦是求者一人。既加尋覽，甫悟參差。或刪破上清，或採摭餘經，或造立序說，或迴換篇目，裨益句章，作其符圖。或以充舊典，或別置盟戒。文字僻左，音韻不屬。辭趣煩猥，義味淺鄙。顛倒舛錯，事無次序。」據此，劉宋初，靈寶經之可信者，有三十五卷。是時已多偽造，且與上清經雜糅，總五十五卷。唐高宗時潘師正道門經法相承次第卷上曰洞玄部五十一卷。唐末閔丘方遠太上洞玄靈寶大綱鈔云五十八卷。

宋陸修靜更加增修，立成儀軌，於是靈寶之教，大行於世。

見太上洞玄靈寶大綱鈔。參閱國符撰道教齋醮儀源流攷略稿。

自葛巢甫至陸修靜，其間傳授，今不可考。疑既謂「風教大行」，則巢甫傳授，必甚濫。靈寶諸經以靈寶无量度人經爲首。簡稱靈寶經或度人經。故太上洞玄靈寶大綱鈔曰「都五十八卷。其經旨在此度人經中。其五十七卷，皆演說科儀，齋法，教戒，緣起。」洞玄靈寶三洞奉道科戒營始卷四之靈寶中盟經，皆靈寶經也。

今道藏另有靈寶无量度人上品妙經六十一卷。其卷一爲經文。餘六十卷則敷演經文而成。

通志略道家靈寶度人經一卷，又四卷。李少微注 又四卷。道士成玄英疏義 祕目子類道書有靈寶

无量度人上品妙經一卷，李少微注靈寶无量度人上品妙經四卷，道士成玄英撰靈寶

无量度人經統義四卷。通志神仙類度人經注三卷，附志御序集註無量度人經二卷。道

藏闕經目錄卷下洞玄靈寶無量度人上品妙經傍通圖。

今道藏收有元始無量度人上品妙經四注四卷。齊駿東，唐薛幽棲李少微成玄英注，宋陳景元集註。 元始無量度

人上品妙經註三卷。齊元真人註，清河老人頌，郭鳳閣參校并讀。 明張宇初元始無量度人上品妙經通義四卷。

宋蕭應叟元始無量度人上品妙經內義五卷。元陳致虛元始無量度人上品妙經註解

三卷。元薛季昭元始無量上品妙經註解三卷。宋陳椿榮元始無量度人上品妙經法五卷。皆收入洞真部玉訣類。按當入洞玄部。

四注本末附經說，謂此經太上道君受之於元始天尊。卷一道君前序。卷二及卷三前段爲正經。卷二爲元始洞玄章。卷三前段爲三洞玉曆章。此二章卽爲正經。後段自「道言此二章並是諸天上帝及靈魔王隱祕之音」一起，爲道君中序。卷四前段爲大梵隱語。薛幽棲注曰：「此是題目也。梵者，道也。言此篇乃是三十二天中大道隱諱語，不可測量也。」內僅有道君撰靈書中篇。後段自「道言，此諸天中」至「大量玄玄也」爲道君後序。通義本及薛季昭注本同。青元真人註本，內義本，陳致虛注本，經法本，則於大梵隱語中，增入靈書上篇，後序後附靈書下篇，云天真皇人撰。又附太極真人頌。

道書常謂道經具避禍降福諸靈效，謂之經德。靈寶經德，見无上祕要卷三十一經德品。

引洞玄五稱經。今道藏有太上無極大道自然真一五稱符上經。詞句與此略有異同。

三皇文，三國帛和所得者爲最古。又鄭隱以授葛洪，其師授今不可考。至晉鮑靚所傳，云於嵩山石室中得之，亦以傳葛洪。三皇文卽三皇經，後人增其他道經及齋儀，編成洞神經。



按三皇文卽三皇經，猶靈寶五符天文之卽爲靈寶五符經也。抱朴子遐覽篇：『敢問符書之屬，不審最神乎？』抱朴子曰：余聞鄭君即鄭思遠言道之重者，莫過於三皇文五岳貞形圖也。古人僊官至人，尊祕此道，非有僊名者，不可授也。受之四十年一傳。傳之歃血而盟，委質爲約。諸名山五岳，皆有此書。但藏之石室幽隱之地，應得道者，入山精誠思之，則山神自開山令人見之。如帛仲理和帛者，於山中得之。自立壇委絹，常畫一本而去也。『今本神仙傳卷七日：』帛和，字仲理。』又曰：『和乃到西城山，事王君。王君語和大道訣曰：』此山石室中，當熱視北壁，當見壁有文字，則得道矣。』視壁三年，方見文字。乃古人之所刻。太清中經神丹方及三皇天文大字，五岳真形圖，皆著石壁。和諷誦萬言，義有所不解。王君乃授之訣。』據此，帛和所得三皇文，卽三皇天文大字。洞神八帝妙精經曰：『西城要訣三皇天文內大字。』注曰：『西城仙人施用立成，隱之玄丘之陰。帛公記錄。天漢元年正月三日受。』此謂帛和得『三皇天文內大字。』又曰：『帛公曰：前漢太初二年，王君明按即聖字授余大道之訣，使燒香齋齋三日三夜，乃見告。』此謂西城王君授帛和以大道之訣，與神仙傳之說合。又抱朴子地真篇：『黃帝東到青丘，見紫府先生，受三皇內文，以

勅召萬神。」

按上句亦見太上靈寶五符序卷下。

按道經體制，經文多自述其來源。地真篇所記，蓋取自三

皇文。其說依託不可據。而帛和云云，乃此經出世之源。抱朴子遐覽篇言自其師鄭君

得三皇內文。又云「道經有三皇內文，天地人三卷。」是三皇內文有三卷。據上考，帛和

所得三皇內文，鄭隱以傳葛洪，且託爲出自黃帝。據雲笈七籤卷六三洞經教部，此卽小

有三皇文。又引玉緯，謂此文在小有之天玉府之中，故云。又可稱小有經。

三皇文五岳真形圖經德，見抱朴子遐覽篇雜應篇登涉篇，唐張萬福傳授三洞經戒法

錄略說卷上，无上祕要卷二十五三皇要用品引洞神經。

此乃總稱。

道教義樞卷二三洞義曰：「晉時鮑靚學道於嵩高，以惠帝永康年中，於劉君石室。」

按葛洪神

仙傳，劉根隱嵩高山石室。清齋思道，忽有三皇文，刊。

按雲笈七籤卷四，文下脫石字。

成字。仍依經以四百尺絹告玄，而

受。後亦授葛法。

按雲笈七籤卷六，法當作洪。

子孫。按三皇經序，鮑君所得石室之文，與世不同。

按此本晚出，與先

已行世之小有三皇文不同，故云。陸先生所得，初傳弟子孫，後傳陶先生。

按雲笈七籤卷六云：「陸修靜得之，傳孫遊葆。遊葆傳陶隱居。」

先生

分折枝派，遂至茲也。」唐張萬福傳授三洞經戒法錄略說云：「洞神經十四卷，陶先生

所傳十三卷。」又太上洞神三皇儀云：

洞神經卷第一

大有錄圖天皇內文

洞神經卷第二

大有錄圖地皇內文

洞神經卷第三

大有錄圖人皇內文

洞神經卷第四

八帝妙精經上

洞神經卷第五

八帝妙精經中

洞神經卷第六

八帝妙精經下

按今道藏有洞神  
八帝妙精經一卷

洞神經卷第七

八帝玄變經上

洞神經卷第八

八帝玄變經中

洞神經卷第九

八帝玄變經下

洞神經卷第十

八帝神化經上

洞神經卷第十一

八帝神化經下

洞神經卷第十二

三皇齋儀

洞神經卷第十三

三皇朝儀

洞神經卷第十四

三皇傳授儀

右十四卷，蓋卽陶弘景十三卷，增一卷科儀耳。大有錄圖三皇內文三卷，當卽大有三皇文。故鮑觀所傳，卽大有三皇文。又稱大有經。大有者，謂此經祕在大有宮中也。

今本神仙傳卷七曰：「帛和，字仲理，遼東人也。入地肺山，事董奉。奉以行氣服朮法授之。告和曰：『吾道盡此，不能得神丹金砂，周遊天下，無山不往。汝今少壯，廣求索之。』和乃到西城山，事王君。王君語和大道訣曰：『此山石室中，當熟視北壁，當見壁有文字，則得道矣。』視壁三年，方見文字。乃古人之所刻：太清中經，神丹方，及三皇天文大字，五岳真形圖，皆著石壁。和諷誦萬言，義有所不解。王君乃授之訣。後入林慮山，爲地仙。林慮，一名隆慮，其山南連太行，北接恆岳，有仙人樓，高五十丈。」御覽卷六百六十三引道學傳，本此。又見仙苑編珠卷中引神仙傳。

御覽卷六百六十一引真人傳

節錄馬明生真人傳，傳文見雲笈七籤卷一百六。

曰：「馬明生者，齊國臨淄人。本姓

帛，名和，字君賢。」雲笈七籤作本姓和。墟城集仙錄卷四太真夫人傳，卽錄自馬明生真人傳，作和君賢。眞誥云：「馬明生，臨淄人。」仙苑編珠卷中引神仙傳：「馬明生，臨淄人，

本姓和，字君賢。太平廣記卷七引神仙傳亦云然。但作馬鳴生。今本神仙傳亦作馬鳴生。仙鑑卷十：「馬明生，一作鳴生」「本姓和，字君賢。」一作寶。又各書所記馬明生事蹟，亦與帛和不同。故御覽所錄蓋誤。馬明生非帛和也。

鮑觀，見晉書卷九十五藝術列傳，卷七十二葛洪列傳，卷八十許邁列傳；御覽卷六百六十四引神仙傳文，及道學傳；但苑編珠卷下引道學傳；卷及七錄卷八十五，一百六；仙鑑卷二十；玄品錄卷二。

鮑觀，字太玄，晉書葛洪傳云：鮑玄，蓋誤。東海人，晉書本傳或云陳留人，七錄或云東海陳留人。玄品錄或云

上黨人，漢司徒鮑宣之後。本神仙傳。御覽六百六十六引道學傳及晉書葛洪列傳亦云上黨人。按東晉立郡縣，更易頻數，故觀之鄉里，異說紛紜。學象內

外明天文，河洛書，遷南陽中部都尉，爲南海太守，時王機爲廣州刺史。晉書本傳。觀，葛洪之

妻父也。晉書葛洪列傳：神仙傳。許邁曾往候之，採其至要。晉書許邁列傳。觀嘗見仙人陰長生，得受道訣。晉書本傳。

御覽六百六十三引道學傳云：於本興元年。本興，東晉元帝年號。

或云觀學明經術，緯侯師左元放，受中部法，及三皇五嶽劾召之要。行之神驗，能役使鬼

神，封山制魔。七錄仙鑑嘗與許謐往還。真詮年過七十而解去。神仙傳或云百餘歲卒。晉書本傳或後

云觀還丹陽，據此，觀後居丹陽。卒葬於石子岡。仙鑑卷二十一引或云於羅浮山得道。仙苑編珠。

廣弘明集卷九周穆王二政論：「晉元康中鮑靖造三皇經被誅。」又笑道論道經未出言出「鮑靖造三皇經，事緣被誅。」按此事未見史文，蓋釋子所造。

抱朴子遐覽篇雜應篇登涉篇述三皇內文五岳真形圖神通多端。法苑珠林卷六十九破邪篇捨邪歸正第六：『至唐貞觀二十年，有吉州囚人劉紹略妻王氏，有五岳真仙圖及舊道士鮑靜所造三皇經，合一十四紙。上云：「凡諸侯有此文者，必爲國王。大夫有此文者，爲人父母。庶人有此文者，錢財自聚。婦人有此文者，必爲皇后。」時吉州司法參軍吉辯因檢囚席，乃於王氏衣籠中得之。時追紹略等勘問云：「向道士所得之。」受持州官，將爲圖識。因封此圖及經，馳驛申省奉聞。勅令省官勘。當時朝議郎刑部郎中紀懷業等乃追京下清觀道士張惠元西華觀道士成武英等勘。同並款稱云：此先道士鮑靜等所妄爲墨書。非今元等所造。勅遣除毀。又得田令官奏云：如佛敎依內律，僧尼受戒得蔭田各三十畝。今道士女道士皆依三皇經，其上清下清管僧尼戒處，亦合蔭田人各三十畝。此經既僞，廢除。道士女道士既無戒法，即不合受田。請同經廢。京城道士等當時懼怕，畏廢蔭田，私懇奏官，請將老子道德經替處。其年五月十五日，勅侍郎崔仁師勅旨云：「三皇經文字既不可傳，又語妖妄，宜並除之。即以老子道德經替處。有諸道觀及以百姓人間有此文者，並勒送省除毀。」其年冬，諸州考使入京朝集，括得此文者，總取禮部尙

書廳前，並從火謝也。」事又見集古今佛道論衡卷丙。

宋志神仙類：陰長生三皇經一卷，五嶽眞形圖一卷，五嶽眞形論一卷。崇文總目道書類：三皇經三卷，陰長生撰；五岳眞形圖文一卷，葛洪撰；又靈寶五岳眞形圖一卷。通志略諸子類道家三皇經一卷，陰長生撰修；五岳眞形圖文一卷，葛洪撰；靈寶五嶽眞形圖一卷；又天皇內文一卷，內諱隱文一卷；三皇內音一卷；三皇內文一卷。祕目子類道書：三皇內文一卷，五嶽眞形序論一卷。御覽經史圖書綱目有三皇經。可見三皇經雖經唐代焚燬，至宋代尙存於世也。道藏闕經目錄卷下有三皇經，卷上洞神三皇內音，洞神三皇經疏略義。」

正統藏洞神部方法類有大清金闕玉華仙書八極神章三皇內祕文三卷。抱朴子所引三皇文，此書無之。故非葛洪所得書。其神宗章述及唐宋道士。疑此書或係晚出，或有後人增入者。又洞玄部靈圖類有洞玄靈寶古本眞形圖，前有東方朔序。

漢末張脩即以老子教人。後人彙集晚出道經若干種，成太玄經，而以老子并其首。

後漢書劉焉傳注引典略謂張脩之法「又使人爲姦令祭酒，主以老子五千文使都習。」

「又云張魯」自在漢中，因其人信行脩業，遂增飾之。」據此，系師即使人習老子五千文。故傳授經戒儀註訣內，太玄部有老君道德經想爾訓二卷。唐玄宗御製道德真經疏前，有道德真經疏外傳云：道德經箋注，有想爾二卷，三天法師張道陵所注。又真誥卷十七有系師注老子內解。

茅山志卷九道山冊：「按登真隱訣，隱居云：老子道德經有玄師楊真人手書張鎮南古本。鎮南，即漢天師第三代系師魯，魏武表為鎮南將軍者也。其所謂為五千文者，有五千字也。數系師內經，有四千九百九十九字。由來闕一，是作三十幅，應作州幅，按老子有三十幅作一觀之句

蓋從省易文耳，非為正體矣。宗門真蹟不存，今傳五千文為正本，上下二篇不分章。」

巴黎所藏敦煌寫本老子二四一七卷，卷尾題識有云：「太極左仙公序，係師定，河上真人

章句。」此係師當即係師張魯。

參看東方雜誌第四十二卷第二號唐文補文

又按茅山志卷十稱楊義為嗣上清第

二代玄師。惟是太玄部，道經中列於三洞之後。

道教義樞卷二三洞義曰：「太玄者，重玄為宗，老君所說。故道君序訣云：『玄玄道宗。』」

又太玄經云：「无无曰道，義樞玄玄。」而尹生所受，唯得道德妙真西昇等五卷。」按甄



正論卷中曰：「後遂西之流沙，至函谷關，爲關令尹喜演道德二篇上下兩卷論修身理國，誠剛守雌，挫銳解紛，行慈儉，謙下之道，成五千餘言。尹喜又錄老子談論言旨爲西昇經。其中後人更增加其其文，參糅佛義，大旨略與道經微同。多說人身心性情性稟生之事，修養之理，天壽之由。後人改記爲經。」故尹喜自老君受道德經二卷，妙真經二卷，西昇經一卷，共五卷。則妙真經西昇經皆依託老子尹喜。

道教義樞卷二三洞義又曰：「按正一經云：太上親授天師太玄經有二百七十卷。推檢是漢安元年七月得於此經。爾來傳世，乃至今日也。」雲笈七籤卷六云：「今玉緯所撰，止有一百三十五卷。又非盡是本經。餘者不見。當時運會未行。」潘師正道門經法相承次序，卷上亦云太玄部一百三十五卷。此中當有尹生所受經。「又非盡是本經」當謂有齋儀等書也。而正一經所載，當係虛數。虛數，詳見第一  
百二十四頁。

世徒知道教之依託老莊，而不知亦有非老莊者。抱朴子釋滯篇：「又五千文雖出老子，然皆汎論校略耳。其中了不肯首尾全舉，其事有可按據也。但暗誦此經，而不得要道，直爲徒勞耳。又況不及者乎。至於文子莊子關令尹喜之徒，其屬文華，雖祖述黃老，憲章玄

虛；但演其大旨，永無至言。或復齊死生謂無異，以存活爲徭役，以殂沒爲休息。其去神僊，已千億里矣。豈足耽玩哉。其寓言譬喻，猶有可采，以供給碎用，充御卒乏。至使末世利口之奸佞，無行之弊子，得以老莊爲窟藪，不亦惜哉！」

據洞玄靈寶三洞奉道科戒營始，傳授三洞經戒法籙略說，傳授經戒儀注訣，太玄部當收下列諸書：老子道德經二卷，河上公注二卷，想爾注二卷，杜光庭曰：「三天法師張道陵所注。」老子妙真

經二卷，老子西昇經二卷，新唐志子錄道家類著錄，或作一卷，舊唐志子錄道家類著錄，玉歷經一卷，歷藏經一卷，

老子中經一卷，老子內解二卷，杜光庭曰：「尹喜以內修之旨解注。」老子節解二卷，隋志子部道家類，兩唐志子錄道家類著錄。杜光庭曰：

「老君與尹喜解。」高上老子傳一卷，舊唐志史錄雜傳類著錄高士老君內傳三卷，尹喜張林亭撰。舊唐志子錄神仙類著錄尹喜高士老君內傳三卷。按高士當作高上。無

上真人，即關令尹喜，內傳一卷，隋志史部雜傳類云關令尹喜傳，鬼谷先生撰。四皓注。新唐志子錄神仙類著錄同。符圖

儀注在外。道家及百家諸子，亦當收入此部。

今道藏道德經誤入洞神部玉訣類。按混元聖紀卷九謂宋王欽若以道德經乃老君所述，遂自四輔部陞於洞真部。據此，欽若實未嘗深達道教也。

太平經，東漢順帝時，宮崇詣關上其師于吉，道藏多作于吉，所得太平清領書一百七十卷，即其書也。

又張陵另出太平洞極之經一百四十四卷。

太平之義，見雲笈七籤卷六引太平經甲部第一。其言云：「澄清大亂，功高德正，故號太平。若此法流行，即是太平之時。」按此乃佚文

後漢書卷六十下襄楷傳：「桓帝時，楷上書言臣前上琅邪宮崇受于吉神書，不合明聽。

于吉太平

原注：于姓，吉名也。神書即今道家太平經也。其經以甲乙丙丁戊己庚辛壬癸爲部，每部一十七卷。」又「前者宮崇所獻神書，專以奉天地，順五

行爲本，亦有興國廣嗣之術。其文易曉，參同經典。而順帝不行，故國胤不興。」云云。又「

初，順帝時，琅邪宮崇詣闕上其師于吉樊道論引化胡經作于室於曲陽泉水上所得神書百七十卷，皆

縹白素，朱介，青首，朱目，號太平清領書。原注：今潤州有曲陽山，有神溪水。定州有曲陽山，有神

北溪水。而于吉宮崇並琅邪人。蓋東海曲陽是也。縹，青白也。素，縹也。以朱爲介道。首，幘也。目，題目也。（下略）其言陰陽五行爲家，而多巫覡雜

語。有司奏崇所上妖妄不經，乃收藏之。後張角頗有其書焉。及靈帝卽位，以楷書爲然。」

按北宋賈善翔猶龍傳卷四授于吉太平經篇云：「至順帝時，琅邪人宮崇詣闕進太平

經。表云：親受於于吉，言吉親受於太上也。」此說是也。蓋此經本附進經表。今道藏本殘

闕，此表已佚。

前漢書卷七十五李尋列傳「成帝時，齊人甘忠可詐造天歷包元太平經十二卷。」此條

最早見趙翼廿二史劄記卷四光武信讖書條又葛洪抱朴子遐覽篇記其師鄭君之書有包元經

據傳，此經述災異廣嗣益壽。蓋與宮崇所上太平

經說相似。疑與後漢于吉太平經，或有關係，亦未可知。

自後漢順帝約歷四十年，而至靈帝熹平年間。三國志卷八張魯列傳注引典略曰：熹平

中，妖賊大起。東方有張角，角爲太平道。後漢書襄楷列傳云：「後張角頗有其書。」即太平經

「故張角所奉道書，卽于吉之太平經，實于吉宮崇之同黨。其後中平元年，乃有黃巾賊

張角之亂。時其徒遍青、徐、幽、冀、荆、揚、兗、豫八州，見後漢書卷一百一皇甫嵩列傳。嗣黃巾

之亂雖平，而太平道當仍流行於民間也。至獻帝建安中，三國志卷四十六孫策列傳注

引江表傳曰：「時有琅邪道士于吉，先寓居東方，往來吳會，立精舍，燒香，讀道書，制符

水以治病。吳會人多事之。」吳會稽二郡屬揚州，故靈帝時太平道已流佈於此二郡。傳

至建安中耳。又引江表傳志林搜神記皆云：孫策殺于吉。按順帝至獻帝建安中五六十

年，于吉如仍在世，是時當已近百歲，或逾百歲。享壽過長，不合常理。于吉蓋已去世。孫策

所殺，非于吉本人。抱朴子道意篇曰：「吳大帝時，蜀中有李阿者，穴居不食。傳世見之，號

爲八百歲公。人往往問事。阿無所言。但占問顏色。若顏色欣然。則事皆吉。若顏容慘戚。則事皆凶。若阿含笑。則有大慶。若微歎者。卽有深憂。如此之候。未嘗一失也。後一旦忽去。不知所在。按見葛洪神仙傳後有一人。姓李。名寬。到吳而蜀語。能祝水治病。頗愈。於是遠近翕然。謂寬爲李阿。因其呼之爲李八百。而實非也。自公卿而下。莫不雲集其門。後轉驕貴。不復得常見。賓客但拜其外門而退。其怪異如此。於是避役之吏民。依寬爲弟子者。恆近千人。故孫策所殺于吉。當與李寬相類。乃後世太平道祭酒。假託爲于吉耳。又雲笈七籤卷一百一引洞仙傳隋志著錄云「世中猶有事于君道者。」

另有三說。其一說出葛洪神仙傳。三洞珠囊卷一教導品引神仙傳佚文云「于君者。北海人也。病癩數十年。百藥不能愈。見市中一賣藥公。姓帛名和。往問之。公言卿病可護。卿審欲得愈者。明日雞鳴時來會大橋北木蘭樹下。當教卿。明日雞鳴。于君往期處。而帛公已先在。怒曰。不欲愈病耶。而後至何也。更期明日夜半時。於是于君日入時便到期處。須臾。公來。于君曰。不當如此耶。乃以素書二卷授于君。誡之曰。卿得此書。不但愈病而已。當得長生。于君再拜受書。公又曰。卿歸。更寫此書。使成百五十卷。于君思得其意。內以治身。

外以消災救病，無不差愈。在民間三百年，道成仙去也。」仙苑編珠卷中引神仙傳佚文「吉受之，按謂素書二卷乃太平經也。行之疾愈。乃於上虞釣臺鄉高峯之上，演此成經，成一百七十卷。今太平山千谿在焉。」據此，帛和授素書二卷於于吉，吉演成一百七十卷。據太平經鈔王部，此經分爲十部，共一百七十卷。百五十卷之說非是。又云，在民間三百年。自建安中上溯至前漢成帝或元帝，爲時約二百三十四十年。故今本神仙傳卷十曰：「宮崇者，琅琊人也。有文才，著書百餘仙苑編珠引作二百卷。師事仙人于吉。漢元帝時，嵩隨吉於曲陽泉上，遇天仙，授吉青縑朱字太平經十部。吉行之得道，以付嵩。後上此書。書多論陰陽否泰災眚之事，有天道地道人道。云治國者用之，可以長生。此其旨也。嵩服雲母，數百歲有童子之色。入入上本有出字，據仙苑編珠刪。紵嶼仙苑編珠引作李嶼。山仙去。」蓋謂于吉于前漢元帝時得太平經也。惟此說謂于吉於曲陽泉上遇天仙，得太平經十部。蓋據異聞，故同書而著異說也。其宮嵩當即宮崇。故宮崇亦有住世三百年之說。據此說，則于吉太平經，更可與成帝時人甘忠可之天歷包元太平經發生關係。又猶龍傳卷四授于吉太平經篇云：「今於正經而外，又有複文一卷。稱後聖君撰，凡二千一百二十三字。似篆而非篆。有序冠于其首。其文隱而難解。」

今道藏有太平經複文序，乃隋唐人撰述。其詞曰：「皇天金闕後聖太平帝君，太極宮之高帝也，地皇之裔。生而靈異，早悟大道。勳業著於丹臺，位號編於太極。上清錫命，總統羣真，封掌兆民，山川河海，八極九垓，莫不盡關於帝君而受事焉。君有太師、上相、上宰、上傳、公卿、侯伯，皆上真寮屬。垂謨作典，預令下教，故作太平複文。先傳上相青童君，傳上宰西城王君。按詳見太平經鈔甲部王君傳弟子帛和，帛和傳弟子干吉。干吉初得惡疾，殆將不救，詣帛和求醫。帛和告曰：「吾傳汝太平本文，可因易爲一百七十卷，編成三百六十章，普傳天下，授有德之君，致太平；不但疾愈，兼而度世。干吉受教，究極精義，敷演成教。當東漢末，中國喪亂，齋經南遊吳越。原注：居越東一百十三里，山名太平，溪曰干溪，遺跡見存。士庶翕然歸心。」又云：「凡四部九十五章二千一百二十八字，皆太平本文。其三百六十二章，是干吉從本文中演出，並行於世。以複相輔成，教而傳受焉，故不謬焉。」右太平本文二千一百二十八字，即賈善翔太平複文二千一百二十三字。三誤作八耳。蓋干吉從本文演成一百七十卷，太平本文遂與太平經以複相輔，故又稱複文。複文序所述，帛和傳干吉，以及太平山干谿干吉遺跡，與神仙傳干吉傳說合。當據同一傳聞。至東漢末南遊吳越云云，干吉傳固曾謂在民間三百

年也。故此說之太平本文，或卽于君傳之素書二卷。

抱朴子勤求篇曰：「故後之知道者，于古容嵩。」

按蓋卽宮嵩

桂帛諸家，各著千數篇。」按三洞

珠囊卷一救導品引神仙傳佚文云：「桂君者，徐州刺史也。病癰十年，醫所不能治。聞千

君有道，乃往見之。道從數百人，威儀赫奕。至門，于君不迎。入室，于君不起。桂君拜而自陳。

千君問子來何爲？桂君曰：「無狀，抱此篤疾，從神人乞愈耳。」千君曰：「子徒從乃衆，吾謂子欲

求劫道，子若信治病者，皆遣侍從，身留養馬，可得愈也。」桂君卽去從官，方留養馬。三年亦

不見治病。不知病愈也。」仙苑編珠卷中引神仙傳佚文：「心不退，君與其丹及書一百

五十卷。桂服之，癰愈。年百九十歲，色若童子。自貨藥於成都，復歸西嶽不出。」桂帛疑卽

桂君，則亦奉太平道者也。

其二說出後漢書，混元聖紀卷一云：漢成帝「河平二年甲午，老君降於琅琊郡曲陽瀾，

授于吉太平經。」

出後漢書

「今范曄書無其文。此當出已佚之後漢書。猶龍傳卷四授于吉太

平經篇據老君內傳，

新舊唐志著錄

謂孝成帝河平二年，混元分身，下遊琅琊曲陽泉，授北海人

于吉太平經一百七十卷。此說謂老君子前漢成帝河平二年下降，授于吉太平經。



其三說出老君說一百八十戒序，文見太上老君經律及雲笈七籤卷三十九。其言曰：「昔周之末，赧王之時，始出太平之道，太清之教。老君至瑯琊，授道與干君。干君受道法，遂以得道，拜爲真人。又傳太平經一百七十卷，甲乙十部。後帛君篤病，從干君授道護病，病得除差。遂復得道，拜爲真人。今瑯琊有木蘭樹，干帛二君所治處也。幽王時，老君教胡，還當入漢中；過瑯琊，干君得見老君。老君謂干君曰：吾前授汝助人救命，愛念萬民，拜署男女祭酒，廣化愚人，分布弟子，使上感天心，下動地祇，當令王者歡心。」北周甄鸞笑道論及梁孟安排道教義樞卷二七部義徵引之，故此亦六朝舊說。其赧王幽王云云，蓋與老子化胡說有關。此說謂老君授干君，干君授帛和。

後漢末葉，太平道流佈甚廣，傳世亦頗久。於太平經之淵源，因地域或時代之不同，傳聞蓋各異其辭。六朝人據傳聞著之竹帛，遂得右列四說。至于古屬籍，僅有琅琊北海二說。猶龍傳卷四授干吉太平經篇曰：「今於正經外，又有複文一卷，稱後聖君撰。凡二千一百二十三字，似篆而非篆。有序冠於篇首。其文隱而難解。又有太平鈔十卷，不著撰人名氏。大略發明本經篇目。又有祕旨一卷，稱上相青童君受守一之法。又有宗師傳，不著撰

人名氏，載西城王君、帛和、千古三傳，合爲一卷。」又云唐末 閭丘方遠精太平經，因詮爲三十篇，盡其樞要。元鄧牧 孟宗寶 洞霄圖志卷五云：「先是太平青領書自漢于真人傳授，卷帙浩繁，複文隱祕。先生閭丘方遠鈔爲二十卷，文約旨博，學者便之。」太平經複文收入太平經卷一百四之一百七。宗師傳及閭丘方遠太平經鈔二十卷，皆佚。

抱朴子 遐覽篇所載道書有太平經五十卷，甲乙經一百七十卷。按後漢書章懷太子注：「神書，卽今道家太平經也。其經以甲乙丙丁戊己庚辛壬癸爲部，每部一十七卷也。」今道藏本亦然。是甲乙經卽太平經。而太平經五十卷，則疑爲此書之別本。

宋志 神仙類：襄楷太平經一百七十卷。文獻通考：太平經一百七十卷。宋祕目子類道書：太平經一百七十卷。御覽經史圖書綱目：太平經。道藏闕經目錄卷下太平經。今涵芬樓影印北平白雲觀藏正統藏本太平經以太平經鈔十卷爲卷一之十，實存卷三十五，三十六之三十七，三十九之五十五，六十五之七十二，八十六，八十八之九十三，九十六之一百四，一百十四，一百十六之一百十九，共計實存四十九卷。明白雲霧道藏目錄詳註卷四及明李本道藏目錄詳註卷四皆云太平經存卷一之十四，卷三十五之五十，卷五

張陵太平  
洞極經

太清經考  
證

神仙傳抱  
朴子述丹  
經之傳授

十一之九十（內有缺卷），卷九十一之一百七（內缺卷九十四九十五），卷一百八之一百一十九。是北平白雲觀正統藏已有缺佚。蓋此藏皮觀內，歷時既久，頗多殘闕。後雖於清道光中修補，仍未能復其舊觀也。

另有天師所傳太平洞極經一百四十四卷，道教義樞七部義云：「按正一經云有太平洞極之經一百四十四卷。此經並盛明治道，證果修因，禁忌本作惡，據雲笈七籤卷六校正。衆術也。其洞極經者，按正一經，漢安按順帝年號之一元年，太上親授天師，流傳茲日。但今本太平經鈔已部庚部，太平經卷四十一，卷八十八皆詮洞極經。

太清經述金丹服食之道。東晉葛洪神仙傳謂漢馬鳴生受太陽陽字疑當作清神丹經三卷。馬鳴生

授陰長生太清神丹經（十篇）八公授漢淮南王安丹經三十六卷。漢張陵得九鼎丹經，以

授弟子王長，趙昇，帛和得太清中經，神丹方。吳介像得還丹經一首。

葛洪抱朴子謂三國左慈出黃帝九鼎神丹經一卷，太清丹經上中下三卷，金液丹經一卷，以

授葛玄。玄以授鄭隱。隱以授葛洪。

道教義樞卷二七部義謂太清經「明金丹之術。服御之者遠昇太清」（境）故言泰清

也。」

抱朴子金丹篇：「昔左元放按左慈，字元放，見後。於天柱山中精思，而神人授之金丹僊經。會漢末亂，不遑合作。而避地來渡江東，志欲投名山以修斯道。余從祖僊公按卽葛玄。又從元放受之。凡受太清丹經三卷，及九鼎丹經一卷，金液丹經一卷。余師鄭君按卽鄭隱，字思遠。者，則余從祖僊公之弟子也。又於從祖受之。而家貧無用買藥。余親之灑掃，積久乃於馬迹山中立壇盟受之，并諸口訣之不書者。江東先無此書。出於左元放。元放以授余從祖。從祖以授鄭君。鄭君以授余。故他道士了無知者也。」

隋志子部醫方類：神仙服食經十卷，太清神丹中經一卷。崇文總目道書類：黃帝九鼎神丹經訣十卷，金液歌一卷，金液丹訣一卷，神丹經訣十卷，金液神丹經三卷。宋志神仙類：太清丹經一卷，太清金液神丹經三卷，黃帝九鼎神丹經訣十卷，金液還丹歌一卷。通志略諸子類道家：黃帝九鼎神丹經訣二十卷，金丹歌一卷，神丹中經一卷，九丹神祕經三卷，神丹經訣十卷，金液神丹經三卷，太清神仙服食經五卷，神仙服食經十二卷，神仙服食經一卷。祕目子類道書：金液還丹經二卷，神丹中經三卷，九丹神祕經一卷，太

清金丹經一卷，神仙服食經一卷。御覽經史圖書綱目：太清中經，神仙中經，神仙服食經，金液經。道藏闕經目錄卷下：太清經六十二卷，太清金丹經，太清神仙服食經，黃帝九鼎神丹經訣。

今道藏洞神部衆術類收黃帝九鼎神丹經訣二十卷，其第一卷文與抱朴子金丹篇所引合。故卽黃帝九鼎神丹經。又據所記產藥地名，又謂陶隱居云云，故卷二以下，乃唐人所撰集。

又同部類收上清金液神丹經三卷。卷上正一天師張道陵序，經文，及作丹法。卷中經文及作丹法。此二段經文皆云出自陰君長生。卷中又附鄭君按語，及葛洪記鮑靚遇仙人陰長生事。卷下抱朴子述，記產丹砂之國，係晉代外國地理志。抱朴子金丹篇所引三經文，皆無之。

左慈，字元放，廬江人。

神仙傳後漢書

善道術。曹操招集方士，慈亦在其中。

三國志魏志卷二十九華陀傳注引東阿王辯道論。

以爲軍吏。

同上引文帝典論。

按左慈事蹟確然可信者，僅此。

曹操以其有左道，欲殺之不能也。慈在荊州，劉表爲收，以爲惑衆，復欲殺之。慈委表東去。

慈見孫策，策復欲殺之。見神傳及見吳主權，權素知慈有道，禮重之。此舉僅見玄品錄。

明五經，兼通星氣。後學道，能役使鬼神，坐致行廚，變化萬端，不可勝紀。神仙傳知房中補導

之術。文帝典論，東阿王辯追論。曹操嘗試閉左慈等，令斷穀近一月，而顏色不變，氣力自若。抱朴子論仙

釋疑能行諸禁術。抱朴子至理篇變形，幻人視聽，厭刻鬼魅。張華博物志

慈於天柱山石室中精思，而神人授之金丹僊經。會漢末亂，不遑合作，而避地來渡江東，

真諦卷十二云建安末，渡江尋山，乃得入洞。志欲投名山以修斯道。葛玄從慈受之。凡受太清丹經三卷，及九鼎

丹經一卷，金液丹經一卷。見抱朴子金丹篇。真諦卷十二云又乞丹砂合九華丹，是太清中經法。後慈以意告葛玄，言當入霍山

合九轉丹，遂乃仙去。神仙傳

真諦卷十二：「左慈，今在小括山，常行來數在此下，尋更受職也。慈顏色甚少，正得鑪火

九華之益。原注：左慈字元放，李仲甫弟子，即葛玄之師也。魏武父子招集諸方士，慈亦同在中。建寧末，渡江尋山，乃得入洞。又乞丹砂，合九華丹，是太清中經法。小括即小括蒼山，在永嘉

構豁之北。按真諦謂左慈已爲仙人，在小括山云云，並非實有其事也。附錄於此。

按左慈見神仙傳，太平廣記卷十一又見雲笈七籤卷八十五，仙鑑卷十五，玄品錄卷二，消搖墟

經卷二，皆本神仙傳或後漢書。後漢書卷一百十二，方術列傳除述慈字里外，皆敘怪誕

事。又見仙苑編珠卷上引神仙傳；三洞羣仙錄卷五引後漢隱逸傳，卷九，二十引丹臺新錄，卷十五引三洞羣仙記；茅山志卷十四，慈之事蹟道術，備見此諸書中。茲僅舉其綱要如右。

陰君卽陰長生，見神仙傳。太平廣記卷八引其文御覽卷六百六十四引靈寶赤書，雲笈七籤卷一百

六陰真君傳。李仲甫，名翼，見御覽卷六百七十八引登真隱訣。茲不具錄。

葛玄，字孝先，丹陽句容都鄉青陽里人也。本屬瑯琊，後漢驃騎僮侯廬讓國於弟，來居此

土。七代祖艾，卽驃騎之弟，襲封僮侯。祖矩，安平太守，黃門郎。從祖彌，豫章等五郡太守。父

焉，字德儒，州主簿，山陰令，散騎常侍，大尚書。而玄則蘭洪之三代從祖也。據陶弘景吳太極左

見太極萬仙公傳。此傳題曰青元觀譚劉先造。前有丁巳歲朱緯序，謂據簡皇山所記仙公傳一卷，重行編次。吳初，左慈自洛而來，陶弘景碑授玄太清丹經

三卷九鼎丹經一卷，金液丹經一卷。玄以授弟子鄭思遠。抱朴子金丹篇，真略卷十二。常服餌，尤能用

符，行諸奇術。吳大帝嘗召見之。神仙傳卷七于是有人漂海隨風，渺漭無垠，忽值神鳥。見人授

書一函，題曰寄葛仙公，令歸吳達之。由是舉世翕然，號爲仙公。陶弘景碑，真略卷十二。故葛洪著抱

朴子，亦云余從祖仙公。抱朴子金丹篇赤烏七年，太歲甲子，八月十五日，平旦升仙。陶弘景碑宋崇寧

三年，勅封沖應真人。淳祐三年，封沖應孚佑真人。太極葛仙公傳 葛洪元始上真人仙記云：「葛玄受金闕君命，爲太極左仙公，治蓋竹山；

又在女凡山，常騎乘虎騎也。」

抱朴子遐覽篇：『抱朴子曰：余亦與子同斯疾者也。昔時幸遇名師鄭君，即鄭隱但恨子弟不慧，不足以鑽至堅，極彌高耳。於時雖充門人之洒掃，既才識短淺，又年尙少壯，意思不專，俗情未盡，不能大有所得，以爲巨恨耳。鄭君時年八十，先髮鬢斑白，數年間又黑。顏色豐悅，能引強弩，射百步。步行日數百里。飲酒二斗不醉。每上山，體力輕便，登危越險，年少追之，多所不及。餘食與凡人不異，不見其絕穀。余問先隨之弟子黃章，言鄭君嘗從豫章還，於掘溝浦中，連值大風，又聞前多劫賊。同侶攀留。鄭君以須後伴，人人皆以糧少。鄭君推米以卹諸人，己不復食五十日，亦不飢，又不見其所施爲，不知以何事也。火下細書過少年人。性解音律，善鼓琴。閒坐，侍坐數人，口答諮問，言不輟轡，而耳並聰，聽左右操絃者，數遣長短，無毫釐差過也。余晚充鄉君門人，請見方書。告余曰：「要道不過尺素上，足以度世，不用多也。然博涉之後，遠勝於不見矣。既悟人意，又可得淺近之術，以防初學未成者諸患也。」乃先以道家訓教戒書不要者近百卷，稍稍示余。余亦多所先見，先見者頗



以其中疑事諮問之。鄭君言君有甄事之才，可敬也。然君所知，雖多未精，又意在於外，學不能專一，未中以經深涉遠耳。今自當以佳書相示也。又許漸得短書，縑素所寫者，積年之中，合集所見，當出二百許卷。終不可得也。他弟子皆親僕使之役，採薪耕田。唯余尪羸，不堪他勞。然無以自效，常親掃除，拂拭牀几，磨墨執燭，及與鄭君繕寫故書而已。見待余同於先進者。語余曰：「雜道書卷卷有佳事，但當校其精粗，而擇所施行。不盡事暗誦以防日月，而勞意思耳。若金丹一成，則此輩一切不用也。亦或當有所教授，宜其本末，先從淺始，以觀勸進，學者無所希准階由也。」鄭君亦不肯先令人寫其書，皆當訣其意。雖久借之，然莫敢有盜寫一字者也。鄭君本大儒士也。晚而好道，由以禮記尚書，教授不絕。其體望高亮，風格方整。接見之者，皆肅然。每有諮問，常待其溫顏，不敢輕銳也。書在余處者，久或一月，足以大有所寫。以不敢竊寫者，政以鄭君聰敏，邂逅失其意，則以小喪大也。然於求受之初，復所不敢，爲斟酌時有所請耳。是以徒知飲河而不得滿腹。然弟子五十餘人，唯余見受金丹之經，及三皇內文，枕中五行記；其餘乃有不得一觀此書之首題者矣。他書雖不具得，皆疏其名。今將爲子說之。後生好書者，可以廣索也。」『鄭君不徒明五

經，知僊道而已。兼綜九宮三奇，推步天文，河洛讖記，莫不精研。太安晉惠帝年號之一元年，知季

世之亂，

按抱朴子內篇校勘記：「御覽六百七十二季世作季晨，案晉書張昌傳，太安二年昌易姓名爲季晨。作季晨，與昌本名尤相應。」

江南將鼎沸，乃負笈持

仙藥之璞，

孫校當作樓

將入室弟子，東投霍山，莫知所在。『晉書葛洪列傳』從祖玄，吳時學

道得仙，號曰葛仙公。以其煉丹祕術授弟子鄭隱。

即鄭思遠

洪就隱學，悉得其法焉。『仙苑編

珠』卷上云：「隱於括蒼山，仙去。」

雲笈七籤卷一百十，仙鑑卷二十四並云：「鄭思遠少

爲書生，善律曆，候緯。晚師葛孝先，受正一法文，三皇內文，五嶽真形圖，太清金液經，五符

入廬江馬跡山居。」又見清微仙譜。

仙鑑卷三十一鍾離權傳謂：「清溪鄭思遠與秦華施真人」及鍾離權爲三仙。按此非

晉人鄭思遠。

葛洪，字稚川，丹陽句容人也。自號抱朴子。見抱朴子自敘篇，晉書卷七十二葛洪傳。又清

微仙譜稱之曰小仙翁。按抱朴子自敘篇：「洪年二十餘，乃計作細碎小文，妨棄功日，未

若立一家之言。乃草創子書，會遇兵亂，流離播越，有所忘失，連在道路，不復投筆十餘年。

至建武中，乃定。凡著內篇二十卷，外篇五十卷。」據此，二十餘歲後再加十餘年，約相當

爲三十五歲。此與自敘篇「先生以始立之盛」之語合。故葛洪寫定抱朴子時，爲晉元帝建武元年也。又云「先作子書內外篇，幸已用功夫，聊復撰次，以示將來云爾。」此卽謂年二十餘創子書，十餘年後始行寫定。又云「今齒近不惑，」又「洪自有識，以逮將老。」是與上說不合。蓋洪於始立之年，撰定抱朴子；至齒近不惑，又復修改耳。又言「大安中，石冰作亂，」義軍大都督邀洪爲將兵都尉。洪起兵攻賊之別將，破之。按資治通鑑：晉惠帝太安二年七月，石冰寇揚州。同年十二月，「議郎周玘，前南平內史，長沙王矩起兵江東，以討石冰，推前吳興太守吳郡顧祕都督揚州九郡諸軍事，傳檄州郡，殺冰所署將吏。於是前侍御賀循起兵於會稽，廬江內史廣陵華譚及丹陽葛洪、甘卓，皆起兵以應祕。」如建武元年洪年三十五歲，則是時洪當年二十一歲。按御覽卷三百二十八引抱朴子外篇佚文：「昔太安二年，京邑始亂，三國舉兵攻長沙王。小民張昌反於荊州，奉劉尼爲漢主。乃遣石冰擊定揚州，屯於建業。宋道衡說冰求爲丹陽太守。到郡，發兵以攻冰。召余爲將兵都尉，余年二十一。」與國符所推定者，如合符節。又遐覽篇言洪爲鄭隱門人，時「年尙少壯。」又言鄭隱於「太安元年，知季世之亂，江南將鼎沸，乃負笈，

持仙藥之撲，

孫校當作撲

將入室弟子，東投霍山，莫知所在。」太安元年，洪爲二十歲。洪從鄭

隱在二十歲前，亦與建武元年洪年三十五歲之推定合。蓋太元二年後十餘年間，會遇

兵亂，流離播越，連在道路，亦難於安心從學矣。自敘篇又云：「石冰事平，

永興元年三月，見資治通鑑，時洪年二十

二歲

「洪投戈釋甲，徑詣洛陽，欲廣尋異書。」「正遇上國大亂，北道不通，而陳敏又反

於江東，歸途隔塞。」按資治通鑑，永興二年

時洪年二十三歲

十二月，陳敏叛據江東。至永嘉元

年

時洪年二十五歲

始平。自敘篇又言「故譙國嵇君道

稽

見用爲廣州刺史，乃表請洪爲參軍。

雖非所樂，然利可避地於南，故黽勉就焉。見遣先行催兵，而君道於後遇害，遂停廣州。頻

爲節將見邀用，皆不就。」按資治通鑑：晉惠帝光熙元年八月「成都王穎自武關奔新

野。會新城元公劉弘卒，司馬郭勸作亂，欲迎穎爲主。郭舒奉弘子璠以討勸，斬之。」又按

晉書卷八十九嵇含傳：「含奔鎮南將軍劉弘於襄陽。弘待以上賓之禮。」「屬陳敏作

亂，江揚震蕩，南越險遠，而廣州刺史王毅病卒。弘表爲平越中郎將，廣州刺史，假節。未發。

會弘卒，時欲留含領荊州。含性剛躁，素與弘司馬郭勸有隙。勸疑爲己害，夜掩殺之。」又

按萬斯同晉方鎮年表：光熙元年廣州刺史王毅卒。是則嵇含之遇害，在光熙元年八月。

時洪年二十四歲而洪之往廣州，當亦在是年。

永興二年十二月，陳敏叛據江東。

自彼篇又言「後州郡及車騎大

將軍辟，皆不就。薦名琅邪王丞相府。昔起義兵，賊平之後，了不修名詣府論功。主者永無

賞報之冀。晉王應天順人，撥亂反正，結皇綱於垂絕，修宗廟之廢祀，念先朝之滯賞，並無

報以勸來。洪隨例就。庚寅詔書，賜爵關內侯，食句容之邑二百戶。」按庚寅乃晉成帝咸

和五年，當誤。晉書本傳「元帝爲丞相，辟爲掾，以平賊功，賜爵關內侯。」資治通鑑：晉愍

帝建興元年癸酉五月壬辰「以琅邪王睿爲左丞相，大都督，督陝東諸軍事。」故洪之爵

關內侯，當在建興元年（時洪年三十一歲）後。是時洪已返鄉里，不復連在道路，當可

寫定其著作矣。又晉書本傳言洪後又至廣州，刺史鄧嶽留不聽去。乃止羅浮山。旋忽卒。

鄧嶽至，已不及見。按吳廷變東晉方鎮年表：晉成帝咸和五年，鄧嶽始領廣州刺史。康帝

建元二年，嶽卒，其弟逸代之。故洪至遲當卒於建元二年。據此，則太平寰宇記謂洪卒年

六十一之說爲是。而晉書本傳之說則誤。

洪卒年八十一

由以上考證，斷定洪生於晉武帝太康

四年，卒於晉康帝建元元年，年六十一。玄品錄卷三仙鑑卷二十四據晉書本傳，仙苑編

珠卷上引道學傳亦云年八十一卒。又見三洞羣仙錄卷十，十四引神仙傳。按此神仙傳，

蓋非葛洪所撰者。

雲笈七籤卷六「太清者，太一爲宗，老君演說。建豐經云：『微妙之旨，出於太清。』」天老祕識經云：「生道實妙，人不釋誠，釋誠不倦，升太清也。」九君申明道要云：「太清中經，元始出來，出於老君，傳付元君九皇真人，祖習不絕，皆開此君也。」正一經云：「太清金液天文地理之經，四十六卷。此經所明，多是金丹之要，又著緯候之儀。今不詳辯。」按黑錄按道義綱卷二七部義，黑當作墨。所明，卽漢安元年，太上以此經四十六卷付天師。因此至今也。」

### 正一經，張陵一派所傳經錄也。

雲笈七籤卷六第四「正一者，真一爲宗，太上所說。正一經：『天師自云：我受於太上老君，教以正一新出道法。謂之新者，物厭故舊，盛新，新出名異實同，學正除邪，仍用舊文，承先經教，無所改造。亦教人學仙，皆用上古之法。王長慮後改易，法師故撰傳錄文，名曰正一新出儀。故天師云：『後世男女，必改善法，貪財愛色，不施散一切。汝曹宜重擔地獄爲家，宜各慎之！』」正一經云：「正一法文一百卷，今孟法師錄亦一百卷，凡爲十帙。未知並是此經不耳。斯經所明，總述三乘。王長所撰新出之儀四十卷，但未有次第。長既隨師

昇玄，于時多承口訣，紙錄爲卷名，未詮次第也。其源流者，玉緯云：昔元始天王以開皇元年七月七日丙午中時，使玉童傳皇上先生白簡青籙之文，自然得乎此法。虛無先生傳於唐堯，又後聖君命小有天王撰集宣行。青童云：自爾之後，得此文者乃七千人，皆飛龍玄昇，或淪化潛引，不可具記。得道者藏文五嶽，精思積感，先得此文。此文極妙，得之隨緣，文或出河洛，或戒經方，依因結果也。漢末有天師張道陵，精思西山，太上親降。漢安元年五月一日，授以三天正法，命爲天師。又授正一科術要道法文。其年七月七日，又授正一盟威妙經三業六通之訣，重爲三天法師正一真人。按正一經治化品目錄云：正目經九百三十卷，符圖七十卷，合千卷。付天師正一百卷，卽在其內。後會教重，自當具顯。道本尊卑經云：真經要妙，其文無雙。三十六萬四千，正言無數，不離正一。演氣布化，五千爲宗。真精要妙，三洞爲最也。然此法雖復久遠，論其所盛，起自漢朝。天師旣昇天後，以此法降於子孫弟子，嗣師系師及諸天人一切內外至信者，修行傳習，屢有傳道之人，今不具載。此文因此行矣。」

正一經德，見唐張萬福傳授三洞經戒法籙略說卷上引正一法文科戒品。

道藏闕經目錄卷下正一法文六十卷。

華陽國志漢中志：「漢末沛國張陵學道於蜀鶴鳴山，造作道書，自稱太清玄元，以惑百姓。陵死，子衡傳其業。衡死，子魯傳其業。魯，字公旗，以鬼道見信於益州牧劉焉。」

後漢書劉焉傳焉爲益州牧。沛人張魯母有姿色，兼挾鬼道，往來焉家。遂任魯督義司馬。遂與別部司馬張修將兵掩殺漢中太守蘇固，斷絕斜谷，殺使者。魯既得漢中，遂復殺張

修而并其衆。魯，字公旗。初，祖父陵，順帝時客於蜀，學道鶴鳴山中，造作符書，以惑百姓。從

受道者，輒出米五斗，故謂之米賊。漢中志作米道，亦稱五斗米道。陵傳子衡。衡傳於魯。魯遂自號師君。其

來學者初名鬼卒，後號祭酒。祭酒各領部衆，衆多者名治。本作理，避唐諱。茲校正。頭皆校以誠信，不

聽欺妄。有病，但令首過而已。諸祭酒各起義舍於路，同亭傳。縣置米肉，以給行旅。食者量

腹取足，過多則鬼能病之。犯法者先加三原，然後行刑。不置長吏，以祭酒爲理。民夷信向。

朝廷不能討，遂就拜魯鎮夷中郎將，領漢寧太守，通其貢獻。魯自在漢川垂三十年。曹操

征之，魯降。拜鎮南將軍，封關中侯，邑萬戶。將還中國，待以客禮。封魯五子皆爲列侯。魯卒，

諡曰原侯。子富嗣。案張陵初起始末，見於正史如此。上段錄自姚振宗隋書經籍志考證。



三師三夫人

王長

冠諱之道書

仙鑑卷十九謂張陵稱天師。其長子衡稱嗣師。衡長子魯稱系師。

笑道論：「陵傳子衡，衡傳子魯，號曰三師。三人之妻爲三夫人。皆云白日昇天。」三夫人

謂張陵妻孫氏，張衡妻盧氏，見仙鑑後集卷二張魯妻姓氏未詳。

張陵，又見太平廣記卷八引神仙傳，仙苑編珠卷中引正一經，雲笈七籤卷一百九引神仙傳，三洞羣仙錄卷二引本傳，卷十四引高道傳，玄品錄卷二，仙鑑卷十八，清微仙譜，漢天師世家卷二，消搖墟經卷一，搜神記卷二。語多怪異，故不錄。

仙鑑卷十九：「真人王長，不知何許人。從張正一真人按謂張學真人住雲錦山，散羣弟子。惟王長習天文，通黃老，留侍左右。長遂負書行歌，同真人住雲錦山。日侍真人，服丹戰

鬼，積行累功。後於渠亭山，真人一日指長曰：「惟爾累世種善，宿有仙骨，可與成就矣。」遂盡得真人九鼎之要。白日飛昇。」又見仙苑編珠卷中引神仙傳。

魏書釋老志及隋書經籍志並云北魏寇謙之，出圖籙真經六十餘卷，雲中音誦新科之戒二十卷。圖籙真經今佚。今道藏收有老君音誦戒經。云老君以授寇謙之。所述天師道流弊，及革新之法，與魏書釋老志同。蓋卽雲中音誦新科之戒。又稱：「樂章誦誡新法，」

「太上老君樂音誦誡，」音樂新正科律。「音誦卽「樂音誦」疑卽唱誦之義，所以別於「直誦」也。惟今本僅一卷，已非全帙矣。又寇謙之道法，雖意在改革天師道，但仍與之有關。故所出道書，當入正一部。

攷上清經靈寶經，係經之總稱。各統經數種或數十種。最初不過數十卷。後人據先出道經，敷衍增修，仍題以原名，卷帙遂因而增多。又據所統經文，修撰齋儀，仍編入此經，種數亦因以孳乳。今之洞真洞玄二經，實即上清靈寶二經演繹而成。又洞神經最初僅有三皇經，後增入其他道經，又修齋儀，初亦不過十餘卷。四輔經之孳乳亦類此。故三洞四輔經，端視其來源以爲區分。攷後漢書之三洞經，僅指本文而言。見第六頁。

道士率珍祕其書，不輕傳授；雖或廣授異書，仍宗師說。故傳授亦爲重要。

道士之於其書，素所珍祕，傳授亦鄭重其事。故抱朴子勤求篇云：「抱朴子曰：天地之大德曰生。生，好物者也。是以道家之所至祕而重者，莫過乎長生之方也。故歆血誓盟乃傳，傳非其人，戒在天罰。先師不敢以輕行授人，須人求之至勤者，尤當揀選至情者，乃教之。」又曰：「其指真之訣，或但口傳，或不過尋尺之素，在領帶之中，非隨師經久，累勤歷試，

者；不能得也。猥雜弟子，各隨其用心之疎密，履苦之久遠，察其聰明之所逮，及志力之所能辦，各有所授。」廣弘明集卷八釋道安二教論自注：「玄光論曰：道家諸經，制雜凡意，教迹邪險，是故不傳。但得金帛，便與其經。貧者造之，至死不覩。賈利無慈，逆莫過此。」又卷第十三釋法琳辨正論：「其法律也，若失符籙，則倒御手板，逆風掃地，楊枝百束，自斫自負。盜奏章也，則匍匐灰獄，背負水漚。」原注：出道士孫氏法義。責罰尤重，同奴隸之法。罪譴銜伏，比畜生之類。

自漢末，而三國兩晉南北朝，道書疊出。惟以道士之珍祕其書，當時道士所藏道書，多不甚衆。然或則不憚跋涉艱苦，廣求異書；或則出貲購集，故東晉鄭隱集六百七十卷，抱朴子後魏王道義集萬餘卷。仙鑑卷三十至唐開元中，乃列以爲藏。

歷代出世道書，溯其淵源，或有出于三洞四輔之外者。而唐代修道藏，將道書强行統入七部。故所統道經，不盡與三洞四輔經有關。

後世道士著述，分類之法，可得而言。例如上清經之注釋，以及宗上清經說之撰述，均入洞真部。但唐宋以來，道士撰述，如南北宗道士所著書，當入何部，殊難判定。

自唐開元以來，道藏屢經重修。然以歷安史黃巢五季之亂，元代焚經之禍，故今明正統道藏，雖仍分爲三洞四輔部；其中六朝道經，亦已分部混淆，非復唐藏本來面目；其他道書，更無論矣！

正統藏分部混淆，舉其犖犖大者：如上清經當入洞真部，而今大多誤入正一部。度人經諸家注當入洞玄部，而今誤入洞真部。道家諸子注疏當入太玄部，而今亦誤入洞真部。按道書係歷代先後出世，後人搜集以成巨帙。道教之言，則依託天尊。道藏闕經目錄卷下道藏尊經歷代綱目云：「天尊哀憫，大開方便之門，下民失道，受苦無邊，乃演道爲經，談玄立教。故天書雲篆，則元始天尊開其先。寶笈瓊章，則道君老君繼其後。遂說三洞真經。洞真演大乘上法九聖之道。洞玄演中乘中法九真之道。洞神演小乘初法九仙之道。三部共一百九十三萬四千三百八十卷。祕在玉京玄都，洞天海嶽。未盡降世。三洞真經又分四輔。洞真則太玄輔之，洞玄則太平輔之，洞神則太清正一輔之。凡七科，號三洞四輔。自伏羲神農之後，至殷湯武丁以前，歷聖相傳，經文流布者，一萬五千餘卷。其諸真文所受修行得道之經，行於世者，計二萬九百八十卷。上三皇，中三皇，下三皇，九皇所受謂

之玄經。天皇地皇，人皇所受，曰內文。五方五帝所受曰真文。受經修行，功行圓備，證品凡七果位。道門戒品一千五百二十七戒，隨法所受，檢制修行。道門科品三十六卷，科令檢制所受及傳道品格。道門律品四十卷，制御鬼神，條錄罪福。至如章奏，符圖，論議，傳記，諸醮方術，諸疏法律，經義，凡十四部，計一千六百二十七卷，皆隨經入藏。儒書，醫書，陰陽，卜筮，諸子，百家皆與焉。是文末云：「至元十二年歲次乙亥立石。」按卽元世祖至元十二年也。又諸子等書，乃後人所加入，陸修靜經目中尙無此類書。

### 歷代道書目及道藏之纂修與鏤板

漢書藝文志著錄道三十七家，九百九十三篇；房中八家，百八十六卷；神僊十家，二百五卷。道家，老莊之所自出。房中家，後世房中術之祖。神仙家，服餌練養之所發端。其房中神僊諸家書，至三國晉初，是否散失盡罄，今不可考。

右房中神僊諸家書，葛洪抱朴子遐覽篇皆未著錄。然此篇所錄書，疑其或有源出自漢志房中神僊諸家者。如容成經一卷，或出自漢志容成陰道二十六卷，亦未可知。又東漢

末始有道書之稱。

漢末三國，道書先後出世頗衆。及晉初，卷帙滋繁。其載於抱朴子選覽篇者，約有六百七十卷，內多一卷道書。另符五百數十卷，合計約一千二百卷。攷其書目，則可分爲道經、記、符、圖。試爲分類，則

具服餌、鍊養、符圖、算律、惟齋懺之書，此篇之所不載。老莊、諸子、醫藥方，亦未列入。

抱朴子釋滯篇：「道書之出於黃老者，蓋少許耳。率多後世之好事者，各以所知見滋長。遂令篇卷，至於山積。」

葛洪師鄭隱藏道書其富。洪錄其書名卷數於遐覽篇，以示後人。惟洪所見者，僅二百餘卷耳。

今本神仙傳卷一謂老子「所出度世之法：九丹八石，金醴金液，次存玄素守一，思神歷藏，行氣鍊形，消災辟惡，治鬼養性，絕穀變化，厭勝教戒，役使鬼魅之法，凡九百三十卷，符書七十卷。皆老子本起中篇所記者也，自有目錄。其不在此數者，皆後之道士，私所增益，非真文也。」唐釋道世法苑珠林卷六十九破邪篇妄傳邪教第三節引此文。此說如確，則晉代道書出世已甚富。但道士皆珍祕其書，流佈不廣，故易於亡佚。

宋明帝太始七年，陸修靜因敕上三洞經書目錄云：「道家經書，并藥方，符圖等，總一千二百二十八卷。其一千九十卷已行於世，一百三十八卷猶在天宮。」此蓋道書目之最古者。

笑道論道經未出言出三十一。按玄都道士所上經目，取宋人陸修靜所撰者目云：上清經一百八十六卷，一百二十七卷已行。始情已下四十部六十九卷，未行於世。檢今經目，并云見存。乃云洞玄經一十五卷，猶在天宮。今檢其目，并注見存。臣笑曰：修靜，宋明帝時人。太始七年因敕而上經目。既云隱在天宮，爾來一百餘年，不聞天人下降，不見道士上昇。不知此經從何至此。又唐高宗龍朔三年，釋明粲決對傅懸廢佛僧事并表。見廣弘明集卷二十「爰至宋朝道士陸修靜答宋明帝云：道家經書，并藥方符圖，總有一千二百二十八卷。」又唐高宗總章元年，釋道世法苑珠林卷六十九破邪篇妄傳邪教第三：「又按宋太始七年道士陸修靜答明帝云：道家經書并藥方符圖等，總一千二百二十八卷。云一千九十卷已行於世，一百三十八卷猶在天宮。」據此，可知宋明帝太始七年陸修靜經目所載道書總數。又據笑道論諸子道書三十六陸修靜錄中另有四千三百二十三卷，謂尚未出世。

道藏尊經歷代綱目「宋簡寂先生陸修靜經目，藏經一萬八千一百卷。宋明帝太始七年，考功郎中校勘，僅存六千三百有餘卷。」南宋金允中編上清靈寶大法卷四十云陸簡寂目萬八千篇。當是每篇一卷。而後世合併之，故卷數較少也。

唐廣成先生杜光庭刪太上黃籙齋儀卷五十二：「自三古以降，迄於巨唐，寶軸靈文，或隱或見，或出於史冊，或著在別傳。至宋朝簡寂先生校讎之際，述珠囊經目萬八千卷。其後江表干戈，秦中兵革，真經祕冊，流散者多。」按北周王延有經目三洞珠囊。以上所述修靜經目卷數，異於笑道論。

道教義樞卷二三洞義云：「陸先生三洞經書目錄」

清康熙年間毛德琦纂廬山志卷四云：「簡寂觀道士相傳：昔觀中有道藏閣，乃陸修靜奏請御賜道家經并符圖一千二百卷，龍箴貯之。後被回祿。」

孟法師有玉緯七部經書目。梁陶弘景亦有經目。

道教義樞卷二三洞義第五：「又序三洞經洞者，其卷數題目，具如陸先生三洞經書目錄，孟法師玉緯七部經書目，陶隱居經目，太上衆經目，三十六部尊經目等所明。今不具



辨。又按雲笈七錄卷六三洞經教部數引孟法師云。

梁武帝普通四年阮孝緒七錄仙道錄列經戒部二百九十種，三百一十八帙，八百八卷；服餌部四十八種，五十二帙，一百六十七卷；房中部十三種，十三帙，三十八卷；符圖部七十種，七十六帙，一百三卷。共四部，四百二十五種，四百五十九帙，一千一百三十八卷。

七錄見廣弘明集卷三。按右當作四百二十一種，四百五十九帙，一千一百一十六卷。又術伎錄有醫經部及經方部。

北周武帝天和五年玄都觀道士上經目，增入諸子論，共二千四十卷。云有六千三百六十三卷，二千四十卷見有其本，四千三百二十三卷云並未見。建德中，更令王延校定道書，凡八千三十卷。延並作經目三洞珠囊七卷。

北周武帝天和五年甄鸞上笑道論諸子道書三十六。玄都經目云道經，傳記，符，圖，論六千三百六十三卷。二千四十卷有本，須紙四萬五十四張。其一千一百餘卷，經，傳，符，圖，其八百八十四卷，諸子論。其四千三百二十三卷，陸修靜錄中有其數目，及本并未得。臣笑曰：道士所上經目，陸修靜目中見有經書藥方符圖，止有一千二百二十八卷。本無雜

書諸子之名。而道士今列二千餘卷者，乃取漢藝文志目八百八十四卷，爲道之經論。據如此狀，理有可疑。何者，至如韓子孟子淮南之徒，並不言道事。又有八老黃白之方，陶朱變化之術，翻天倒地之符，辟兵殺鬼之法，及藥方呪厭，得爲道書者，可須引來。未知連山，歸藏，易林，太玄，皇帝金匱，太公六韜，何以不在道書之例乎？修靜目中，本無諸子。今乃乘安不知何據。且去年七月中道士所上經目，止注諸子三百五十卷爲道經。今云八百餘卷。據此，玄都經曰，天和五年上。何以前後不同。又人之有惡，唯恐人知。已之有善，慮人不見。故道士自書云，不受道戒者不得讀道經。卽如此狀，恐人知其醜乎？若以諸子爲道書者，人中諸子，悉須追取，何得遺之。且道士引老子道德，本是諸子，今尊爲經。流例相附。有何過歟？「又統收道經目錄，乃有六千餘卷。覈論見本，止有二十四十餘者。虛指未出。」又按道經未出言出三十一。「案玄都道士所上經目」云云。又周書武帝本紀：「建德元年春正月戊午，帝幸玄都觀，親御法座講說，公卿道俗論難。」宋宋敏求長安志卷五云：「玄都觀，周武帝所有。建德三年廢道釋二教。此觀當亦被廢。故玄都，北周道觀名。玄都經目卽玄都觀道士所上經目之謂。」唐釋法琳辯正論卷八稱玄都館經目錄，館卽觀也。又甄

鸞謂玄都經目中八百八十四卷諸子論，乃取漢藝文志目八百八十四卷爲道之經論。按此說非是。據廣弘明集卷三引阮孝緒七錄序「七略書三十八種，六百三家，一萬三千二百一十九卷。五百七十二家亡，三十一家存。漢書藝文志書三十八種，五百九十六家，一萬三千三百六十九卷。五百五十二家亡，四十四家存。後漢藝文志書若干卷，八十八家亡。可見漢書藝文志諸子亡失者甚衆。安得有八百八十四卷，以充道書卷帙乎？論當指南北朝人撰述。如道釋優劣論等

雲笈七籤卷八十五王延傳「後周武帝欽其高道，遣使訪之，」「延來至都下。久之，請還西嶽，居雲臺觀。」「其三洞元奧，真經玉書，皆焦君見附錄二焦贛傳所留，俾後傳於世。周武以沙門邪濫，大革其訛。元教之中，亦令澄汰。而素重於延，仰其道德。又召至京，探其道要。乃詔雲臺觀精選道士八人，與延共弘元旨。又敕置通道觀，令延校三洞經圖，緘藏於觀內。延作珠囊七卷。凡經傳疏論八千三十卷，奏貯於通道觀。」據此，周武帝令王延校道書，在廢佛法之時。按武帝廢佛法在建德三年。而鸞上笑道論則在此四年之前。是王延之校道書，在玄都觀經目之後。據道藏尊經歷代綱目：「後周法師王延珠囊經目藏

經八千三十卷。」又仙鑑卷三十謂王延撰三洞珠囊七卷。今佚。按唐王懸河另有三洞珠囊十卷。

唐廣成先生杜光庭刪太上黃籙齋儀卷五十二。後周武帝立通玄觀，收集衆經，猶及萬卷。按通玄觀當卽通道觀。

混元聖紀卷八：「周武帝建德三年五月丙子，除浮屠教，悉毀經像。又下議欲廢道教。詔道士嚴達，問曰：『道與釋孰優？』達曰：『主優客劣。』帝曰：『主客奚辯？』曰：『釋出西域，得非客乎？道在中夏，得非主乎？』帝曰：『客既西歸，主無送耶！』達曰：『客歸則有益於胡土，主在則無損中華。去者不追，居者自保，不亦可乎？』帝嘉其對。然業已建議，遂併斷之。止留五嶽觀廟而已。六月丙午，帝將視朝，忽見黃衣使者自空持玉版丹書，告曰：『太上有敕。』帝愕然，不覺下拜。使者以詔示帝曰：『告宇文邕：大道經教，亘古長存。所以保制天地，濟度生靈。何關爾事，而輒行廢黜？以爾爲世主，乃蔑棄天命，自絕於天。非天棄汝，胡爲稔惡？將速厥辜。』帝覽之再三，使者曰：『天命靡常，不可久稽。』卽收詔，飄空而去。帝驚懼累日，乃復建通道觀於都城。命嚴達主之。仍召諸山方士講道德經。戊午下詔曰：『至道弘深，混成無際，體包空有，理極玄幽。但』

岐路既分，源流愈遠，渾濁朴散，形器斯垂。遂使三墨八儒，朱紫交競，九流七略，異說相騰。道隱小成，其來舊矣。不有會歸，爭祛靡息。今可立通道觀於都城。聖哲微言，先賢典訓，金科玉篆，祕蹟玄文，可以濟養黎元，扶成教養者，並宜弘闡，一以貫之。俾夫翫培塿者，識嵩岱之崇崛；守磧礫者，悟渤澥之泓澄。不亦可乎？乃命袁九流之書，摘其合於道者，並付道藏。按諸子先已編入道書，見前。又北周已有道藏否，待考。

谷神篇二卷，題曰五福玄巢子林輟神鳳述。前有序，云：「延祐乙卯夏六月，書于臨川濠上，趙州趙思玄從善敬敘。」云：「北魏寇謙之嘗集道經，爲其書少，遂將方技、符水、醫藥、卜筮、讖緯之書，混而爲一。」此說確否待證。

右謂立通道觀於都城。仙鑑卷三十嚴達法師傳謂建德中廢道釋二教，「自五嶽觀廟外，悉廢之。特爲法師建通道觀於田谷之左。」關中勝蹟圖志卷二云：「田谷在盤屋縣東南三十五里，開仙谷之東。」二說未知孰是。長安志卷九曰：「玄觀按當作都觀，隋開皇二年自長安故城徙通道觀于此，（南崇業坊）改名玄都。」

仙鑑卷三十嚴達法師傳續云：「復選樓觀之士十人，俾共弘玄本作眞，善避朱諱，當作玄。教。」三

洞羣仙錄卷八引高道傳謂嚴達「與王延、蘇道標、程法明、周化生、王眞微、史道樂、于長文、張法成、伏道崇等十人，以道術相忘，同乎出處。世號十老。」仙鑑嚴達法師傳本此，作田谷十老。蓋皆係北朝高道。廣弘明集卷十云周武帝詔「所司（於通道觀）量買員數，俸力務異恆式，主者施行。于時員置百二十人，監護吏力各有差等。並選李門人有名當世者，著衣冠笏履，名通道觀學士。」田谷十老，當卽通道觀學士。

隋朝道書總目

四卷，通志略諸子類道家著錄。隋書經籍志本此。

則載經戒三百一部，九百八卷；服餌四十六部，一百六

十七卷；房中十三部，三十八卷；符錄十七部，百三卷；共三百七十七部，一千二百一十六卷。

至唐則尹文操玉緯經目藏經七千三百卷。

右據道藏尊經歷代綱目。按古樓觀紫雲衍慶集卷上唐開元五年員半千大唐宗聖觀

主銀青光祿大夫天水尹尊師碑，尹文操，字景先，隴西天水人。高宗以晉王舊宅爲太宗

造昊天觀，以文操爲觀主，兼知宗聖觀。見附錄二事，武后垂拱四年卒。

長安志卷七南保寧坊「昊天觀，盡一坊之地。貞觀初，爲晉王宅。顯慶元年，爲太宗追福，立爲觀。」雍正陝西通志卷二十八云「在城北一里許。」

佛祖統紀卷五十四云：「唐高宗詔議化胡經。沙門法明曰：既無翻譯朝代，豈非偽造？乃敕令聚偽本，一處焚棄。」

混元聖紀卷八：武后「萬歲通天元年丙申，東都福光寺僧惠澄表乞除毀老子化胡經。敕秋官侍郎集成均監弘文館學士詳議。」化胡經議，見混元聖紀，不具引。又云：「六月十五日，敕旨老君化胡，典誥攸著，豈容僧輩妄請削除！故知偏僻難以憑據，當依對定，僉議惟允。倘史籍無據，俗官何忍虛承？明知化胡是真非謬云云。」

舊唐書卷七中宗本紀云：神龍元年九月壬午，禁化胡經。佛祖統紀卷五十四云：「中宗敕毀化胡經及畫壁變相，達者科罪。」

唐釋道宣續高僧傳卷二十六潤州牛頭沙門釋法融傳：「又往南陽南牛頭山佛窟寺，現有辟支佛窟，因得名焉。有七藏經畫：一佛經，二道書，三佛經史，四俗經史，五醫方圖符。昔宋初有劉司空造寺，其家巨富，用訪寫之。永鎮山寺，相傳守護。達於貞觀十九年，夏旱失火，延燒五十餘里，二十餘寺，并此七藏，並同燬燼。」是佛寺亦藏道書。承湯錫予先生告知此條，謹錄於此。

玄宗先天中，勅京太清觀主史崇玄及京太清觀、玄都觀、東明觀、宗聖觀、東都大福唐觀、絳州玉京觀、大德昭文館、崇文館學士修一切道經音義。開元中，發使搜訪道經，纂修成藏，目曰三洞瓊綱，總三千七百四十四卷。（或曰五千七百卷）天寶七載，詔傳寫以廣流布。

新唐志著錄道藏音義目錄一百一十三卷，崔湜、薛稷、沈佺期道士史崇玄等撰。妙門由起序，題曰金紫光祿大夫鴻臚卿河南郡開國公上柱國太清觀主史崇等奉勅撰。云：「我國家承宗李樹，襲訓霽林。恆締想於真靈，每稽芳於道德。無爲無事，載揚垂拱之風。迺聖迺神，逾闡不言之教。既而彤闈少事，紫掖多閑，披鳳笈之仙章，啓龍緘之祕訣。文多隱諱，字殊俗體。欲使普天率土，廣識靈音。故勅金紫光祿大夫鴻臚卿員外置同正員上柱國河內郡開國公太清觀主臣史崇爲大使，銀青光祿大夫檢校太子僕射上柱國臣盧子真爲副使，宣議郎試右領軍衛長史臣史杲爲判官，與銀青光祿大夫檢校中書令兼太子左庶子昭文館學士上柱國安平縣開國子臣崔湜、金紫光祿大夫行禮部尚書昭文館學士上柱國晉國公臣薛稷、銀青光祿大夫右散騎常侍昭文館學士權檢校左羽林將軍上柱國高平縣開國公臣徐彥伯、銀青光祿大夫右散騎常侍昭文館學士權檢



校右羽林將軍上柱國壽昌縣開國侯臣賈膺福、銀青光祿大夫行黃門侍郎昭文館學士上柱國贊皇縣開國男臣竺乂、銀青光祿大夫行太子右諭德昭文館學士兼宋王侍讀上柱國臣丘悅、正議大夫行工部侍郎昭文館學士柱國臣盧藏用、正議大夫行祕書少監昭文館學士柱國臣韋利器、正議大大行太府少卿昭文館學士上柱國吳興縣開國男臣沈佺期、通議大夫主爵郎中權檢校右羽林將軍兼昭文館學士上柱國臣李猷、正議大夫行太子洗馬昭文館學士上柱國臣張齊賢、大中大夫昭文館學士輕車都尉臣鄭喜、朝散大夫檢校祕書丞昭文館學士臣胡皓、金紫光祿大夫崇文館學士上柱國魯國公臣祝欽明、銀青光祿大夫行黃門侍郎兼修國史崇文館學士東海郡開國公臣徐堅、朝散大夫守中書侍郎崇文館學士臣王珣、銀青光祿大夫崇文館學士上柱國平涼縣開國子臣員半千、銀青光祿大夫崇文館學士上柱國臣胡雄、銀青光祿大夫行國子司業崇文館學士兼皇太子侍讀上柱國臣褚無量、通議大夫行祕書少監崇文館學士知館事上柱國居巢縣開國子臣劉子玄、朝議大夫行中書舍人崇文館學士上輕車都尉臣賈魯、朝散大夫中書舍人內供奉崇文館學士柱國臣蘇晉、大德、京太清觀大德

張萬福、大德劉靜儼、大德田君楷、大德阮孝波、京玄都觀主尹敬崇大德、京東明觀主寇義待大德、京太清觀法師孫文儔大德、時居貞大德、單大易大德、高貞一大德、張範大德、田克勤大德、范仙廈大德、宗聖觀主侯元爽大德、東都大福唐觀法師侯抱虛、上座張至虛、劉大良大德、絳州玉京觀主席抱舟等，集見在道經，稽其本末，撰其音義。然以運數綿曠，年代遷易，時有夷險，經有隱見，或劫初卽下，劫末還昇，或無道之君，投以煨燼，或好尚之士，秘之巖穴。因而殘缺，紊其部伍。據目而論，百不存一。今且據京中藏內見在經二千餘卷，以爲音訓，具如目錄。餘經儀傳論疏記等文，可易解者，此不詳備。其所散逸，分別搜求，續冀修繕，用補遺闕。而經且久遠，字出靈聖，梵音罕測，雲篆難窺。或爲無識加增，或爲傳寫妄誤。或持浮僞之說，竊揉真文。或采菁華之言，將文釋典。不可齊其所見，斥以靈篇。今之著述，或所未悟。中間闕疑，用俟能者。名曰一切道經音義，兼撰妙門由起六篇。具列如左。及今所音經目與舊經目錄，都爲一百一十三卷。按此文實乃史崇等奉勅撰一切道經音義序，誤題爲妙門由起序耳。據上文，新唐志所云道士史崇玄，卽此領修一切道經音義之太清觀主史崇。按長安志卷十云：唐京城南金城坊廣太清觀，一本勅逆麻。

人宅。初封安樂公主，出降武三思子崇訓。誅後，自休祥坊移宅於此。改適武承嗣之子建秀。及誅後，勅太清觀道士史崇玄居。崇玄以先天二年謀道當作伏法。其觀遂廢。又云南頌城坊「楊士達宅」（高宗）咸亨元年太平公主立爲太平觀。尋移于大業坊。改此觀爲太清觀。高宗御飛白書額。至（武后）垂拱三年改爲魏國觀。載初元年改爲大業宗福觀。武太后又御書飛白額。蓋先有太清觀。及安樂公主誅後，太清觀道士史崇玄徙居其宅，始改爲太清觀。舊唐書卷七云：中宗景龍四年六月壬午，韋后及安樂公主進鵠。中宗暴崩。是月被誅，亂平。次月追廢皇后韋氏爲庶人，安樂公主爲勃逆庶人。又云：玄宗先天二年秋七月，太平公主等謀逆。玄宗率兵誅之，窮其黨與，或誅戮，或流逐，薛稷、賈膺福、崔湜、盧藏用皆在其中。長安志云：史崇玄於先天二年謀逆伏法。崇玄蓋亦太平公主之黨與也。又唐玄宗御製一切道經音義序云：「爰命諸觀大德及兩宮學士，討論義理，尋釋冲微披珠叢玉篇之衆書，考字林說文之羣籍，入其闕闕，得其菁華。所音一切經音義，凡有一百四十卷。其音義目錄及經目不在此數之中。」是一切道經音義乃玄宗勅撰。而史崇玄又因係太平公主黨與而於先天二年七月伏法。故史崇玄等之撰一切道

經音義，當在玄宗先天元年或二年。舊唐書卷七云：中宗神龍二年二月「丙申，僧會範按或作惠範，亦太平公主之黨與。道士史崇玄等十餘人授官封公，以賞造聖善寺功也。」又傳授三洞經

戒法錄略說，末云先天元年十二月太清觀道士張萬福記。卷下云：「竊見金仙玉真二

公主以（睿宗）景雲二年歲次辛亥春正月十八日於大內歸真觀中詣三洞大法師

金紫光祿大夫鴻臚卿河內郡開國公上柱國太清觀主史尊師受道。」此史崇玄及史

尊師當即奉玄宗敕領修一切道經音義之太清觀主史崇玄也。纂修一切道經音義，集

京太清觀、玄都觀、東明觀、宗聖觀、東都大福唐觀、絳州即今山西省新絳縣玉京觀大德、太清觀玄

都觀已見前。宗聖觀見附錄二樓觀條。東明觀見長安志卷十，云：唐京城南普寧坊「東

南隅東明觀，顯慶元年孝敬按乃高宗第五子升儲所立。」東都大福唐觀見元河南志卷一，云：

「福唐觀在唐東都北崇業坊。絳州玉京觀舊址，未詳在今山西省新絳縣何處。與修諸大

德撰述見存者，除傳授三洞經戒法錄略說外，明正統藏又收三洞衆誡文、洞玄靈寶三

師名諱形狀居觀方所文、三洞法服科戒文，皆題曰三洞弟子京太清觀道士張萬福編

錄。

按玄宗序謂一切道經音義一百四十卷；而音義目錄及經目不在此數內。史崇序則云一切道經音義，妙門由起及所音經目與舊經目錄，都一百一十三卷。此書今佚，僅存妙門由起一卷六篇，故二說孰是孰非，無由考定矣。新唐志著錄道藏音義目錄一百一十三卷，崔湜、薛稷、沈佺期、道士史崇玄按即史崇等撰。通志略諸子類，道家目錄，著錄唐朝道藏音義目錄一百一十三卷。道藏闕經目錄卷下一切道經音義一百五十卷。

據笑道論，周天和五年玄都道士上經目有二十四卷，距玄宗先天年間，爲時僅一百四十餘年。何以道藏殘闕，據目而論，百不存一？又據唐高宗龍朔三年釋明契決對傅奕廢佛僧事并表，「今道士或出情製造，或改換佛經，添足目錄，增加部表。云有二十四卷。」又唐高宗總章元年釋道世法苑珠林卷六十九破邪篇妄傳邪教第三，「案今玄都經目云依宋人陸修靜所上目。今乃言有六千三百六十三卷，云二十四卷見有其本，四千三百二十三卷云並未見。」是高宗時道書仍二十四卷之舊。暨玄宗初年史崇玄云：「據京中藏內見在經二千餘卷，以爲音訓，具如目錄。餘經儀傳論疏記等文，可易解者，此不詳備。」設無重複，當係全帙。百不存一云云，據道經虛目而言也。按笑道論

諸子道書三十六。玄都經目、道經、傳記、符圖、論六千三百六十三卷。二千四十卷有本，須紙四萬五十四張。其一千一百餘卷經傳符圖。其八百八十四卷諸子論。其四千三百二十三卷陸修靜錄有其數目及本並未得。」又統收道經目錄，乃有六千餘卷。數論見本；止有二千四十卷。餘者虛指未出。茲舉一事，以爲虛指未出之例。抱朴子金丹篇：「復有太清觀天經，有九篇。云其上三篇不可敬受；其中三篇世無足傳，當沈之三泉之下；下三篇正是丹經上中下凡三卷也。」不特此也，北周道書，有二十四十卷，既唐高宗時卷帙仍舊，則是晉南北朝道經古籍，初唐時，即或略有散失，存者當仍有十之八九也。又史崇玄謂京中道經二千餘卷，但唐玄宗時，道書總數，當較二千餘卷爲衆。

文獻通考卷二百二十四引宋三朝國史志曰：「班志藝文，道家之外，復列神仙，在方伎中。東漢後道教始著，而真仙經誥別出焉。唐開元中，列其書爲藏，目曰三洞瓊綱，總三千七百四十四卷。」唐廣成先生杜光庭刪太上黃籙齋儀卷五十二，「洎隋火版盥，唐土龍興，剪掃氛祇，底寧寰宇。至開元之歲，經訣方興。玄宗著瓊綱經目，凡七千三百卷。復有玉緯別目，記傳、疏、論、相兼九千餘卷。」此文又見无上黃籙大齋立成儀卷二十一。文末題

云杜光庭述道藏尊經歷代綱目云：「唐明皇御製瓊綱經目，藏經五千七百卷。」混元聖紀卷九唐玄宗天寶七載閏六月「丙辰，詔曰：玄宗妙本，實備微言，垂範傳學，將弘至化。朕所以發求道之使，遠令搜訪。因開政之餘，親加尋閱。既刊訛謬，爰正簡編。必有闡揚，以崇勸道。令內出一切道經，宜令崇玄館卽繕寫分送諸道採訪使，令管內諸道轉寫。其官本便留採訪，至郡親勸持誦。」又宋陳景元南華真經章句音義卷八亦云開元校勘道經。故開元中，玄宗發使搜訪道經，加以校勘，列爲道藏。天寶七載，詔傳寫以廣流布。右引三洞瓊綱藏經卷數，凡有三說。今明正統道藏將所收道書重行分卷。短卷則數卷，合而爲一。所收道書總卷數，實較道藏卷數爲多。道書載歷代道藏卷數每多岐異，或可以此說解之。卽或記道藏卷數，或記所收道書總卷數也。

新唐志子錄神仙類著錄道士張仙庭三洞瓊綱三卷。崇文總目道書類三洞瓊綱三卷，張仙庭撰。道藏闕經目錄卷上有三洞瓊綱五卷。通志略有開元道經目一卷。

舊唐書卷八玄宗本紀下開元「二十九年春正月丁丑，制兩京各置」，「崇玄學，置生徒，令習老子莊子列子文中子，每年准明經例考試。」天寶元年二月丙申，「崇玄學置

博士助教各一員，學生一百人。」二年正月丙辰，「兩京崇玄學改爲崇玄館，博士爲學士。」長安志卷六曰：「崇玄館，天寶中明皇命周按元時文獻類編長安志卷三，命字衍，周當作用。尹愔爲崇玄館口按同書，士。值祿山兵亂，館宇浸廢。至武宗特詔營創，置吏鑄印，以劉玄靜爲崇玄館學士，號廣成先生，入居靈符殿。」

呂秋逸佛典泛論謂佛教經典，入吾國凡一千七百餘年。其匯集儲存，析分經律論，而合稱之爲藏，蓋始於唐。是道釋二藏，皆成於唐代。

舊唐志引母嬰自序：「其外有釋氏經律論，道家經戒符籙，凡二千五百餘部，九千五百餘卷，亦具翻譯名氏，序述指歸，又勒成目錄十卷，名曰開元內外經錄。」

唐代各處道藏，可考者如右：

類編長安志卷十云：「唐大當作太清宮道藏經目錄碑，秦守正書，趙盈篆額。本唐太清宮，

今爲賢老庵。」是唐代長安太清宮當存道藏經。長安志卷八唐京城南進昌坊「太清宮，禮閣新儀曰：開元二十九年始詔兩京及諸州各置玄元皇帝廟一所，依道經醮口。天寶元年正月，陳王府參軍田同秀上言，玄元皇帝見于丹鳳門之通衢，以天下太平，舉壽無



疆之言傳于女

當作玄

宗，仍告賜靈符尹喜之故宅上。遣使就桃林縣函谷關令尹臺西得

之。于是置廟于太寧坊，東都於積善坊。九月改廟爲太上玄元皇帝宮。二年正月，加號大聖祖。三月勅西京改爲太清宮，東都太微宮，諸州爲紫極宮。十二載二月，加號大聖祖高上大道金闕玄元天皇帝。每歲四時及臘修廟獻之禮。初建廟，取太白山白石爲眞像。袞冕之服，當展南向。玄宗肅宗眞宗侍立于左右，皆朱衣朝服。宮垣之內，連接松林，以像仙居。殿十二間四柱，前後各兩階。東西各側階一。其宮正門曰瓊華，東門曰九靈，西門曰三清。御齋院在宮之東，公卿齋院在宮之西。道士雜居其間。

雲笈七籤序謂大中祥符初年，宋眞宗以太清寶籙出降於餘杭郡。茅山志卷二十五茅

山第二十三代上清大洞國師

按卽朱自英

幽光顯揚之碑言宋眞宗時，朱自英「復思三茅

道藏缺謬，迺載游賴鄉校讎太清宮古本。」是宋初亳州太清宮貯有古本道藏。按孫夷

中集三洞修道儀曰：「五季之衰，」一經籍亡佚，宮宇摧頽。巋然獨存者，唯亳州太清宮

矣。」杜光庭歷代崇道記曰：唐僖宗中和「三年十一月，亳州刺史潘闕差道士馬含章

孫棲梧奏太清宮自乾寧

按舊作符

四年已後，累有逆寇侵犯眞源。少或逾千，多或至萬。皆窺

伺是宮，欲爲焚劫。或來攻城邑，或旁犯縣城。老君皆密垂神化，忽起濃雲，或驅以陰風，或擊以雷電。率皆顛沛，尋至敗亡。」是唐亳州太清宮歷唐末及五季之亂，巋然獨存。其北宋道藏，實唐代古本，歷唐末五季之亂，而未亡佚，故迄北宋尙存於宮中也。按光緒鹿邑縣志卷二，今河南省鹿邑縣，曹魏稱譙郡苦縣，唐乾封元年改眞源縣，屬亳州。又卷五云：「晉太康地記，苦縣城東有賴鄉祠，老子所生也。」杜光庭道教靈驗記卷一亳州太清宮驗：「亳州眞源縣太清宮，聖祖老君降生之宅也。」自漢宣漢桓增修營葺，魏太武隋文帝別授規模，邊韶薛道衡爲碑以紀其事。是賴鄉卽係太清宮所在地。又按舊唐書禮儀志，唐制，西京及譙郡老君廟稱太清宮。光緒鹿邑縣志卷五曰：「太清宮在縣東十五里，始名老子廟。」宮觀碑誌收元王鶚元重修亳州太清宮太極殿碑曰：「隋文帝開皇六年，詔亳州刺史楊元冑考其古迹，營建宮宇。勅內史舍人薛道衡作祠庭頌。」混元聖紀卷八曰：「太宗貞觀元年七月丙午，敕修太上老君廟於亳州。」舊唐書卷五高宗本紀下：乾封元年，帝自東封岱嶽，禮畢回駕，「二月己未，次亳州，幸老君廟，追號曰太上玄元皇帝，創造祠堂。」混元聖紀卷八曰：「祠堂廟宇，並令修創。」又卷九玄宗本紀下：天寶二年正月丙辰，

改天下諸郡玄元廟爲紫極宮。九月「辛丑，譙郡紫微按宮作極，改爲太清宮。」元重修亳州太清宮太極殿碑曰：「文宗太和七年，宮經水潦，顛至摧毀。勅宣武軍節度使兼充太清宮使漸加修葺，尋復完美。」

茅山志卷二十四著錄唐碑檢校尚書彭彭一作瀆 宣志卷十奉勅撰經藏碑。是唐代或五代茅山有經藏。當有道藏經。

天台山，唐代有經一藏，道士葉藏質造。明初纂天台山志：「洞天宮，其宮在縣西北三十里，重崖疊嶂，松竹忽蒨，地產香茅。直南巽隅，有兩石峙，狀如門扉，人呼爲小桐栢。唐咸通間，道士葉藏質嘗於玉霄峯創道齋，號石門山居。後奏乞爲玉霄宮。懿宗許之。又徐靈府小錄：道士陳寡言嘗隱居玉霄峯，號華琳。有經鐘一樓。經皆咸通十一年書。後題云：上清三洞弟子集藏質，爲妣劉氏四娘造，永鎮玉霄藏中。宋祥符元年改額。今歸併桐栢。名廢。

雍正江西通志卷一百二十李湜唐江州冲陽觀碑云：「冲陽觀，梁普通三年刺史邵陵王泰置，奉詔造焉。」又云「藥堂經藏，蕭然松石之間。」有經藏當有道藏經。又云垂拱

四年冬遭回祿。開元中重建。是其道藏經當亦於垂拱四年燬於火。

前引天寶七載詔曰「令內出一切道經，宜令崇玄館卽繕寫分送諸道採訪使，令管內諸道轉寫。」是唐代諸道當存道藏，今已無由詳考矣。

尋值安史之亂，兩京祕藏多遇焚燒。肅宗上元年中所收經錄六千餘卷。至代宗大曆年，道士冲虛先生殿中監申甫海內搜揚，京師繕寫，又及七千卷。穆崇長慶之後，至懿宗咸通年之間，兩街所寫，纔五千三百卷。

右據太上黃籙齋儀卷五十二昭宗大順二年杜光庭自記。道士冲虛先生殿中監申甫，原作申甫先生。杜光庭道德真經廣聖義序云：道士冲虛光生殿中監申甫作道德真經疏五卷。故云。又道藏尊經歷代綱目云：「唐文宗太和二年，太清宮使奏陳，止見五千三百定數。」按文宗在穆宗懿宗之間，故與光庭之說合。

黃巢之亂，毀文祕軸，焚蕩之餘，散無統紀。幸有神隱子收合餘燼，拾遺補闕，復爲三洞經。再經五季亂離，篇章雜揉。

右據道藏尊經歷代綱目。按舊唐書僖宗本紀：廣明元年庚子十二月，黃巢陷京城，僖宗

出奔。中和元年辛丑七月，僖宗至西蜀，御成都府廨，遂駐蹕焉。三年癸卯四月，李克用收復京城。四年甲辰七月，黃巢受戮。光啓元年乙巳三月，僖宗還至京師。十二月，沙陀逼京師，僖宗又出奔。自是中原喪亂，藩鎮割據。其間長安稍較平靖，自癸卯四月至乙巳十二月，爲時僅二年有餘。又太上黃籙齋儀卷五十二杜光庭所撰文，亦未記是時有人於長安重集道藏。故上文云所集道藏，嘗不在長安。神隱子名里事蹟未詳。

又當宮觀損頽情形，見三洞修道儀。其言云：「五季之衰，道教微弱。星弁霓旆，逃難解散。經籍亡逸。宮宇摧頽。巋然獨存者，唯亳州太清宮矣。次則北邙陽臺陽輔慶唐數觀，尙有典刑。天台衡湘豫章潯嶽，不甚浚毀。山東卽隣於地矣。」按陽臺觀，在山西省陽城縣王屋山上，見司馬承禎傳。嘉慶山西通志。慶唐觀，今稱天聖宮，在山西省洪洞縣之龍角山，見龍角山記及嘉慶山西通志。

至五季重建道藏，其可攷者，一在蜀中，杜光庭建。一在天台桐柏宮，按明經無靈天台山方外志卷四：唐睿宗景雲二年置桐柏觀，五代梁開平中改桐柏宮。宋大中祥符元年改桐柏崇道觀。明復改桐柏宮。吳越忠懿王建。後者宋金允中謂其甚多顛倒錯誤。

太上黃籙齋儀卷五十二杜光庭述：「近屬巨寇凌犯，大駕南巡。按謂黃巢之亂，僖宗幸蜀。兩都煙煤，

六合榛棘。眞宮道宇，所在凋零。玉笈琅函，十無三二。余屬茲艱會，漂寓成都，扈蹕還京，淹

留未幾，再爲搜摺，備涉艱難，新舊經誥僅三千卷，未獲編次。又屬省方所得之經，尋亦亡

墜。重遊三蜀，按事在僖宗光啓二年後。更欲搜揚，累阻兵鋒，未就前志。時大順昭宗年號之一二年辛亥八月三

日庚辰，成都王局化化本作治，避唐諱改。閱省科教，聊記云爾。一又太上洞玄靈寶素靈符三卷，前有

杜光庭序。謂天復六年丙寅，請經于平都山，得天師翟乾祐所傳素靈符，編入三洞藏中。

據此，辛亥年後，光庭仍搜集道書，建立道藏。按道教靈驗記卷三，唐代忠州豐都縣有仙

都觀。通志略道家著錄平都山仙都觀記二卷，云山在忠州，陰長生成仙之所，又見崇文

目地里類，道書類，皆云一卷。詳見豐都縣志。

天台山志大中祥符三年夏，陳撰重建道藏經。按赤城志三十，藏經當作經藏。記：「唐景雲中，天子爲司

馬承禎置觀。按即桐栢觀。桐栢界瓊臺三井之下。五代相競，中原多事。吳越忠懿王得按吳越備

王名俶。爲道士朱霄朱外。朱字衍，當作朱霄外。新之。遂築室於上清閣西北，藏金錄。按宋乾道四年曹

得誤。字經二百函，勤其事也。」嘉定赤城志卷三十云：「梁開平中改觀爲宮，有錢忠

作銀。錄當

懿王所賜金銀字經二百函及銅三清像。

忠懿自爲記。夏英公棟亦有經藏記。

周廣順二年朱霄外建藏殿。

「按資治通鑑卷二百八十七，錢俶初爲台州刺史，後漢高祖天福十二年七月同參相府事。十二月被立爲吳越王。是周廣順二年，乃吳越忠懿王在位第四年。宋金允中編上清靈寶大法卷二十四：「若用道家經典，切宜詳審。道藏所寄經文，近來真僞混雜，未易分別。如天台桐栢崇道觀，乃五代之末，吳越王錢氏所建。藏中諸經，拘集道童及僧寺行者，衆共抄錄，以實其中。碧紙銀書，悉成卷軸。當時四方割據，錢氏處於偏方，隨其境內所有之書，一時欲應限數，故其間顛倒錯謬，不可勝紀。有脫字漏句，全不可讀。有言辭鄙俚，昭然僞撰者。于今幾三百年，更數世之後，不知始末，謂是道典，果有此等經文。高識之士，自能剖決是非。淺學之人，執爲正典，或者取而引用，可乎？允中所見諸方經教混淆，不失於天台。况允中足跡所不經行之地，耳目所未涉歷之書尤多。遐方僻郡，道館琳宮，經籍失正者甚衆。學者所當深加詳酌，不宜一例輕用。」

至五代道士，貯道書甚富者，則有暨齊物。元鄧牧孟宗寶洞霄圖志卷五云：「暨齊物，字

子虛。

十國春秋卷八十九云：一作物齊，又作濟物，杭州人。

師玉清觀朱法師君緒，

按字法滿，開元八年卒。正統藏收有受朱法滿撰要修科儀戒律鈔十六卷。

法錄神符。」後隨入大滌山精思院。剏垂象樓三間，又名書樓。積書數千卷其上。日以著述爲事。每講述元學，聽者歎服。」

杜光庭錄異記卷六云：「長安富平縣北定陵後，通關鄉。入谷二十餘里，有二洞，一名東女學，一名西女學。」其西女學洞內，「旁有崖龕，梯橙而上，屈曲甚廣。龕內有道經數萬卷，皆置於栢木板牀之上。」按六朝道書，唐代尙存於世，今則十佚六七。道教史種種問題，因史料之缺乏，不得解答。設此事確實可恃，且因藏於山洞，尙得保存至今。倘有人發現，則於學術界影響之巨，可以比美鳴沙石室藏書。

宋太宗嘗求道書，得七千餘卷。命徐鉉等雠校，去其重複者，得三千七百三十七卷。

右據文獻通考卷二百二十四引宋三朝國史志：「太宗」則本混元聖紀卷九云：「初，太宗嘗訪道經，得七千餘卷，命散騎常侍徐鉉，知制誥王禹偁校正，刪去重複，寫演送入宮觀，止三千三百三十七卷。」按宋史卷四百四十一徐鉉列傳云：太平興國八年出爲右散騎常侍，遷左常侍。淳化二年鉉貶靜難行軍司馬。卷二百九十三王禹偁列傳云：端拱二年拜左司諫，知制誥。淳化二年貶商州團練副使。四年再知制誥。至道元年召入翰林。



林爲學士，知審官院，兼通進銀臺封駁司。按宋太宗年號，太平興國八年，雍熙三年，端拱二年，淳化五年，至道三年。自端拱二年，至淳化二年，徐鉉爲散騎常侍，王禹偁知制誥。二人奉勅校正道經，當在是時。

仙鑑卷四十八「張契真，字齊一，錢塘人也。」「周世宗顯德五年，受正一盟威，靈寶法錄於大元樊先生。由是紫藥玉笈之書，無不歷覽。而名振江浙（吳越）忠懿王精崇道法，每三錄齋，俾總其事。王公貴人，亦從而欽尚。宋太平興國中，太宗命有司卽國之東南建太一宮。詔天下戒潔之士居之，而契真與選。未幾，禁中清醮，因召見，款對稱旨，賜紫衣。而上以道書魚魯未定，詔兩街道錄選優學者刊正，而契真復與。既畢，賜元靜大師之號。」又見十國春秋卷八十九。據此，太宗時繼校道書，有道士張契真參與其事。

天台山志大中祥符三年夏，竦撰重建道藏經記：「國家有成命之二十載，削平天下，列爲郡縣，艤舳千里，東暨於海。有靈靜大師孟玄岳者，始越會稽，濟沃洲赤城，訪桐柏，爲山門都監。冲一天師稽常一等請掌斯藏。至雍熙二年，有詔悉索是經，按謂桐柏宮道藏付餘杭傳本。既畢，運使諫議大夫雷公德祥命舟載以還，從師請也。」按雍熙年間，索桐柏宮藏經

赴餘杭傳本，蓋已在搜訪道經。其後始命徐鉉、王禹偁讎校，以成道藏也。

大中祥符初年，眞宗遣以祕閣道書、太清寶籙，

按謂亳州太清宮道藏

出降於餘杭郡，俾知郡樞密直學士

戚綸、漕運使陳堯佐、選道士冲素大師朱益謙、馮德之等，專其修較。又命司徒王欽若總統其事，俾成藏而進之。於是依照舊目刊補：凡洞真部六百二十卷，洞玄部一千一十三卷，洞神部一百七十二卷，太玄部一千四百七卷，太平部一百九十二卷，太清部五百七十六卷，正一部三百七十卷，合爲新錄，凡四千三百五十九卷。（較徐鉉所校道藏，增六百餘卷。）又撰篇目上獻，賜名寶文統錄。

右據雲笈七籤序及文獻通考卷二百二十四引宋三朝國史志

南宋道士謝守灝編混元聖紀卷九：「大中祥符二年己酉，詔左右街選道士十人校定

道藏經典。至三年，又令崇文院集館閣官僚詳校，

按此說與前說不同

命宰臣王欽若總領之。」

欽若沿舊三洞四輔經目增補，凡四千三百五十九卷，撰成篇目上進，賜名寶文統錄。帝

親製序。（序略）：「洞霄圖志卷五：『馮德之，字幾道，河南人。少習儒業，書無不讀。京師

號馮萬卷。不慕聲利，棄家人道，被旨住杭州洞霄宮。時公卿皆以詩餞行。宋眞宗銳意元

敎。盡以祕閣道書，出降餘杭郡，俾知郡戚淪，漕使陳堯佐選先生及冲素大師朱益謙等脩校，成藏以進。號曰雲笈七籤。按雲笈七籤非道藏，乃張君房所纂。洞霄圖志之言非是。又按是文，馮德之住餘杭大滌山洞霄宮，故馮德之朱益謙當在此道宮中修校道藏，而祕閣道書太清寶籙亦出降於餘杭郡也。又據前引混元聖紀，大中祥符二年三年已兩詔校定道藏經典。其後又出降道書於餘杭郡，選朱馮二道士修校。故宋史眞宗本紀云大中祥符九年三月己酉，王欽若上寶文統錄。蓋又經朱馮二道士修校，延至大中祥符九年，始得撰成篇目上進也。

宋史王欽若傳云：「欽若自以深達道敎，多所建明，領校道書，凡增六百餘卷。」佛祖統紀卷四十四云：大中祥符中，「選道士十人校道藏經，舊錄三千三百三十七卷，欽若詳定，增六百二十卷，賜名寶文統錄。御製序以冠之。」此舊錄當指徐鉉等所校定道藏目錄。茅山志卷二十五宋仁宗慶曆二年晏殊撰茅山五雲觀記：「公謂王欽若又以混元即老子之法，有助享會，幽窈所蘊，源流實繁。欣逢盛明，用得論次。迺復選通達其學者，校讎而辨正焉。名山洞室之藏，金簡玉文之萃，多所刊定，迄無譌謬。」混元聖紀卷九云：「欽若以

道德經陰符經乃老君聖祖所述。按老君即老子，宋代聖祖，即黃帝。天上黃籙大齋立成儀卷十五：「唐以李姓出於老子，故祖老子。本朝以趙姓出於黃帝，遂加尊號，築景靈宮以事之。州郡天慶觀，率立聖祖殿，其禮至嚴。」請自四輔部陞于洞真部。初，詔道釋經互相毀謗者削去之。欽若言老子化胡經乃古聖遺跡，不可削除，詔從之。

通志略諸子類道家有三洞四輔部經目錄七卷，王欽若等撰。按此當即寶文統錄宋朝明道宮道

藏目錄六卷；洞元部道經目錄一卷；太真部道經目錄二卷；洞神部道經目錄一卷；道藏

經目七卷。祕目史類目錄：道門藏經目一卷；道經目錄一卷；又子類道書：王欽若等撰三

洞四輔部經目七卷。按此當即寶文統錄道藏經目七卷。道藏闕經目錄卷上：衆經目錄；

然其綱條漶漫，部分參差，與瓊綱玉緯之目，舛謬不同。歲月坐遷，科條未究。適綸等上言，共薦

海寧謫官張君房主其事。時王欽若亦同時薦之。五年冬，張君房除著作佐郎，俾專其事。君房

於時盡得所降到道書，并續取到蘇州舊道藏經本千餘卷，越州台州舊道藏本亦各千餘卷，

及朝廷續降到福建等州道書，明使摩尼經等。按今道藏內無此類書與道士依三洞綱條，四部錄略，品詳

科格，商較異同，以銓次之，始能成藏。都四千五百六十五卷，起千字文天字爲函目，終於宮字

號，得四百六十六字。題曰大宋天宮寶藏。至天禧三年春，寫錄成七藏以進之。君房撮其精要，

雲笈七籤

爲雲笈七籤百二十卷

右據雲笈七籤序及文獻通考卷二百二十四引宋三朝國史志。咸淳臨安志卷八十九謂大中祥符「九年，選道士十人校定道藏經，命王欽若總領。舊藏三千七百三十七卷。欽若增六百二十二卷。仍令著作佐郎張君房就杭州監寫本。」據前引謝守灝之說，選道士校定道藏經，在大中祥符二年。茲從其說。上引宋史真宗本紀謂王欽若於大中祥符九年上半年文統錄，而雲笈七籤序謂張君房已先於大中祥符五年除著作佐郎。又據咸淳臨安志，或大宋天宮寶藏七藏，亦由「張君房就杭州監寫本。」

佛祖統紀卷四十八謂摩尼教經，「經名二宗三際。二宗者明與暗也。三際者，過去未來現在也。大中祥符興道藏，富人林世長賂主者，使編入藏，安於亳州明道宮。」主者，當指負責搜訪道經者及道藏纂修官。

宋彭耜道德真經集註道德真經說序：「仁宗天聖四年正月，玉清昭應宮使王曾請下

三館

按係昭文館，史館，集賢殿。

校道藏庫經，從之。上因言其書多載飛鍊金石方藥之事，豈若老氏

五千言之約哉。張知白曰：陛下留意於此，迺治國清靜之道也。」又見彭耜道德真經集

摩尼教經

註雜說卷上引陳瓘昭語序。

混元聖紀卷九「仁宗天佑

按當作天聖

四年丙寅，宰臣王曾言道藏經，其中有詞語淺俗者。

帝曰：道藏多說飛煉金層修合方藥，豈得皆如老子五千言。宰臣張知白曰：道德經乃治

治下當脫國字

清靜之術，與諸道經不同。帝曰：今搜訪道經，當精細詳校，乃入道藏。」

徽宗崇寧中，詔搜訪道家遺書，就書藝局令道士校定。大藏又增至五千三百八十七卷。

南宋彭耜纂集道德真經集注雜說卷上：「我朝崇寧中再校定道藏經典。」文獻通考

卷二百二十四引四十九章經李壁季章序云：「至崇觀間，大藏又增至五千三百八十

七卷。」仙鑑卷五十一：「劉道元，字景初，開封府人。」宋徽宗初，興道教，詔天下搜訪

道家遺書，就書藝局令道士校定。元道首與茲選。」據此，崇寧中詔搜訪道家遺書，就書

藝局令道士校定。大藏又增至五千三百八十七卷。

政和中，詔搜訪道書，設經局敕道士校定，送福州閱縣鑲板，總五百四十函，五千四百八十一

卷。刊鑲工訖，即進經板于東京。是曰萬壽道藏。金藏刊板始此。及靖康建炎年間，各處道藏多

燬于兵盜。

宋史徽宗本紀：政和三年「十二月癸丑，詔天下訪求道教仙經。」

茅山志卷二十五：政和八年茅山乾元觀住持知

觀道士楊守粹云：「政和四年八月間，聖上道君皇帝搜羅天下奇異之文。」

古樓觀紫雲衍慶集卷下元杜道堅撰大宗聖宮重建

文始殿記：「政和中，刊藏典，凡兩詔郡國蒐訪道門逸書。所獲雖衆，」云云。太上助國救

民總真祕要洞幽法師元妙宗編，前有政和六年進書表云：「哀訪仙經，補完遺闕，周於

海寓，無不畢集。繼用校讎，祕藏，將以刊鏤，傳諸無窮。」又云「臣於前歲七月，被旨差入

經局，詳定訪遺，及瓊文藏經，開板符篆。」據此，政和初蒐訪道門遺書，嗣於政和五六年

設經局，敕道士詳校。至藏經雕板，當在政和六七年。校經道士，除元妙宗外，尚有王道堅。

玄品錄卷五：「王道堅，龍虎山道士。政和間，徵赴闕，館於太一宮。」一時方校定道藏經，

制授太素大夫，凝神殿校籍，同校定道經。」宋梁克家淳熙三山志卷三十八云：福州閩

縣九仙山巔，崇寧中建有天寧萬壽觀，虔「政和萬壽道藏：政和四年黃尙書裳請建廢

作飛按即天法藏，輪藏藏天下道書，總五百四十函，賜今名，以鏤板進于京。」又卷二十二云：

政和三年郡守黃裳，於「閏四月以龍圖閣直學士中大夫知」福州，迄七年「六月奉

祠。」蓋政和三年詔訪求道教仙經，福州知州事黃裳乃於政和四年奏請建輪藏，以虔

天下道書。五六年乃設經局，敕道士校定。即送福州閩縣，由黃裳役工鏤板。事畢，進經板于東京。刊鏤經板，當在政和六七年，時黃裳仍爲福州郡守也。所刊道藏稱政和萬壽道藏，都五百四十函。南宋末葉林希逸撰南華真經口義題亦云：「大藏經五百四十函。」五千四百八十一卷。見第一百五十五頁故道藏闕經目錄卷下著錄宋萬壽道藏三十六部經品目，不著卷數，又宋萬壽道藏經目錄十卷。

黃裳有演山先生文集，末附神道碑。謂黃裳，字冕仲，延平人，高宗建炎三年卒，年八十七。又云「頗從事於延年養生之術，博覽道家之書，往往深解，而參諸日用」。

按道書雕板始於五代，而至藏付刊，則始於宋徽宗政和中。混元聖紀卷九：「晉高祖天福五年五月，賜張薦明號通玄先生，令以道德二經雕上印板，命學士和凝別撰新序冠于卷首，俾頒行天下。」宋陳景元列子冲虛至德真經釋文序謂列子有（真宗）景德年間中國子監印本。陳景元南華真經章句餘事謂莊子有景德四年國子監刊行本。

徽宗又勅編修道史道典。宋史卷二十一：「重和元年九月，丁酉，用蔡京言，集古今道教事爲紀志，賜名道史。」混元聖紀卷九：「宣和元年八月，編修道史官言，編修道史所止



年代。詔自龍漢

按係道經年號

止五代爲道史。本朝爲道典。宣和三年十一月三日，詔提舉道錄

院：見修道史非可以常史論。自史記漢書以來，體制有可采，當以爲例。則史表一門，不須徒設。道紀斷自天地始分，以三清爲首，三皇而下，帝王之得道者，以世次先後列於紀。爲天地、宮府、品秩、輿服、符籙、儀範、禁律、修煉、丹石、靈文、寶書等十二志。男真自風后、力牧以下，女真自九靈元君而下，及臣庶之得道者，各以世次先後爲傳。仙鑑卷五十三云：林靈素於政和七年「刪定道史經錄靈境等事」。晁志著錄朱鄧自和道藏書目一卷，所載道書較大宋天宮寶藏爲少，或即徐鉉所校定道藏，亦未可知。

北宋諸方  
道藏

北宋諸方所度道藏，除祕閣外，可考者如左：

陳景元南華真經章句餘事末附覽過南華真經名氏云：「中太一宮本，張君房校。」又

陳景元南華真經章句音義跋云：「中太一宮寶文統錄內有莊子數本。」據此，北宋東

京中太一宮疑有王欽若及張君房所校二藏。清周城宋東京考卷十二云：「太一宮有

四：一在城東南蘇村，爲東太一宮。太平興國中，建一在城西南八角鎮，爲西太一宮。天聖

六年建。一卽五嶽觀舊址，爲中太一宮。（神宗）熙寧初建。一政和間改龍德宮爲北太一宮。俱廢久矣。」

嘉慶四川通志卷三十八引宋范鎮道藏記謂英宗治平中，「有詔卽建隆觀給官本（道藏）以足其傳。」故建隆觀當有道藏。此觀亦在東京。宋東京考卷十三：「建隆觀在閭闔門外西北。周世宗建。初名太清觀。太祖以建隆改元，遂更名爲建隆觀，重修殿宇廊廡，總一百四十有九區。後取杭州昊天上帝銅象奉安於中。大中祥符元年，以唐祕書監賀知章七代孫道士某住持是觀，加葺昊天上帝殿，皆燬於金兵。」

宋東京考卷十二云：「上清儲祥宮，在新宋門裏街北。至道元年，上清宮成。慶曆三年火。其後復修，以宮之所在爲國家子孫之祥也，因賜名上清儲祥宮，命蘇軾撰碑文以紀其事。」明李濂汴京遺蹟志卷十六蘇軾上清儲祥宮碑謂有經樓，故當有道藏經。

宋東京考卷十二云：「祥源觀，在繁臺東南。宋初有人於此見龜蛇，因建真按真當作玄，避宋諱改。

武祠。天禧二年，泉湧祠側，汲之靡竭。人有疾疫者，飲之輒愈。乃就其地建觀，總殿廡神廚鐘經樓齋室道院廨舍凡六百一十三區。其正殿曰靈真，以奉真武像，加號靈慈真君。東

聖藻殿，以安御製贊。西靈淵殿，湧泉之所。前廣聖殿。西南祥齋殿。南有靈禧園。東有凝碧池，卽故牧澤，改爲池也。後皆燬於金兵。累經河溢淤平。一既有經樓，常有道藏經。

玄天上帝啓聖錄卷七云：駕部郎中王袞致仕，歸宿州，因悟殺生，發心寫道經一藏。奉聖旨就延福宮內建造藏殿，安著王袞所進道經。按宋史地理志，東京宮城內有延福宮。

清丁步上郭懋隆道遙山萬壽宮志卷七曰：政和六年詔以西京崇福宮爲例，建玉隆萬壽宮，有輪藏殿。是北宋西京崇福宮亦有輪藏殿，當有輪藏及道藏經。明萬曆間傅梅撰嵩書卷三：「崇福宮，在（登封）縣東北五里許，太室萬歲峯之下。漢武帝元封元年登山，聞呼萬歲，觀於此。唐改太乙觀。」至宋更名崇福宮，增置殿閣。」又卷二十一：元梁宜嵩陽崇福宮修建碑謂宮燬於金兵，其道藏經蓋亦燬於金兵。又云元重建。又明張祚重修崇福觀記謂元季厄於兵燹，成化十年重建。卷三謂萬曆中，「遺址尙存。」

金王處一（字子淵）編西嶽華山志：「休糧院在栢行內。太平興國年，太宗紹興，休糧道者赴闕，賜經一藏。」此藏，當卽徐鉉所校定者。

亳州太清宮唐代道藏，迄北宋尙存。見第一百

頁。元王鶚元重修亳州太清宮太

極殿碑云：宋太宗淳化四年，遣（中使）修宮宇。至明道元年工畢，詔水部員外郎和嶸撰碑銘。」「真宗咸平五年，遣內侍重修。」「哲宗紹聖五年，」「詔本路運轉司，凡宮宇之弊者，隨即繕完。徽宗崇寧改元，詔翰林學士張商英作記，以成哲宗之志。」「逮靖康之亂，太清宮被焚燬。光緒鹿邑縣志卷十下引金章宗明昌二年胡筠續修太清宮記：」「至靖康之亂，大軍已過，而鼠盜竊發，其宮層樓傑閣，門閤廊廡，蒼官翠琰，玉像神儀，靈蹤聖跡，爲狂賊縱火，一燬而盡。敗壁頽垣，空庭斷砌，蓬蒿蔚長，狐兔潛遊，其荒涼如此。」「故亳州太清宮道藏，當燬於靖康之亂。

佛祖統紀卷四十八謂亳州明道宮庋有張君房所校道藏。又通志略諸子類道家著錄，宋朝明道宮道藏目錄六卷。光緒鹿邑縣志卷五謂明道宮「後燬於兵。」疑亦指靖康之亂而言。所庋道藏，當亦於是時焚燬。又謂明道宮於元大德三年復建。清康熙重修。在東門內昇仙臺前。

前引茅山志卷二十五文謂宋真宗時「三茅道藏缺謬。」又宋仁宗天聖三年朱自英宋天聖皇太后受上清籙記謂於江寧府茅山崇禧觀依科傳授。又張商英撰宋哲宗紹

聖三年立石江寧府茅山崇禧觀碑銘謂茅山「宮觀十二，崇禧總之。」又曰：「宜其宮闕壯麗，列聖下居，廊廡深嚴，萬靈侍衛。」是宋初茅山道觀以崇禧觀最爲壯麗。疑宋初茅山道觀在此觀中。又卷十七云崇禧觀於「建炎復遭火，秦熺再造。」其道藏當亦於建炎中被焚。又云「元符萬寧宮，在積金山，陶隱居道靖故基。劉先生涪康按：涪康，今茅山道士自謂劉靜一派，蓋因淵源於北宋劉靜一故也。庵居其上。先生以道遇哲宗，詔以所居爲元符觀。崇寧五年落成。徽宗御題額曰元符萬寧宮。」（高宗）「建炎四年爲盜焚毀。紹興戊寅，高宗賜金重建。」

「理宗朝勅修。」又卷二十六引蔡卞茅山元符萬寧宮記謂崇寧五年宮成，「經有閣。」徽宗「又爲書道藏經數卷及親畫老子像賜。」劉混康又著錄秦熺元符萬寧宮經藏記是宋代茅山元符萬寧宮有經藏經閣。當有道藏。

宋汪藻浮溪集卷二十鎮江府金山神霄宮碑：「政和四年七月乙未，詔天下悉立神霄玉清萬壽宮。鎮江府以金華龍游寺改建如詔書。」工事始於政和七年秋，而成於次年夏。有經閣。當有道經。至順鎮江府志卷九引洪邁記謂北宋末「遭罹廢劫，鞠爲墟。」其道經當亦焚燬。又記南渡後仍爲寺。

前引張君房云「蘇州舊道藏經本千餘卷，越州台州舊道藏本各千餘卷，」福建等州道書。「南華真經章句餘事未附覽過南華真經名氏曰：「江南古藏本，徐鉉爲漏校。」此卽太宗朝徐鉉所校定道藏。張君房所記台州道藏經本，當卽天台山桐柏宮吳越王所建道藏。故宋太宗讎朝校道書，眞宗朝張君房修大宋天宮寶藏，皆曾借用此藏。天台山志夏竦重建道經藏記謂至道元年「藏室幾壞，虞於風雨。」靈靜大師孟玄岳乃募款並已錢重建。暨南宋，天台山方外志卷二十引宋孝宗乾道四年曹勛重修桐柏觀記曰：「乾道中，道士唐知章以錢氏手寫金銀字道經，出私錢建藏并殿。」故南宋乾道中，重建經藏及藏殿。又記乾道中和王揚存中及其子俟重修桐柏觀，規模宏麗。及元代，清容居士集卷四十有修桐柏觀疏，是桐柏觀元代又曾重修。其道藏迄明初而燬。天台山方外志卷四謂桐柏宮五代越王所建金銀字道藏經二百函，「歷代珍襲供奉。至國朝吳元年遭火」焚燬。天台山志曰：「迨今國朝更化，人民逃難竄匿，而火從中起。宏規巧製，化爲丘墟，金碧文章，悉歸灰燼。」惟餘迎仙房及檀香像一龕而已。事在丁未年，卽吳元年。天台山方外志卷四謂洪武永樂間相繼營建，「其間架規模，崇飾艷麗，去舊爲遠，

至今按謂萬曆年間百餘年間，道衆貧匱，殿宇日就頹壞。「其復改桐柏宮，當在本朝，但不知何時。」乾隆浙江通志卷二百三十二謂清「雍正十年奉旨勅帑鼎建，遣官督視，於十二年正月訖工。」

嘉靖栢蒼彙紀卷十五：「萬壽宮在（龍泉縣）西鳳山之麓。」「崇寧間，住持吳應能以符水遇微廟，賜號妙應先生。出內帑營繕，偉麗倍前，御書天寧萬壽之宮以寵之。」又引何執中萬壽宮記云營繕宮宇，始於崇寧四年，訖大觀元年，有經閣，並「賜道藏經四千五百五十一卷。」此道藏既於徽宗大觀年間頒賜，當爲張君房所修大宋天宮寶藏，但少十五卷耳。卷十五又云：「紹興七年改爲報恩光孝宮。十三年詔復舊名。」光緒龍泉縣志卷四云「今廢。」

逍遙山萬壽宮志卷七謂宋徽宗政和六年勅建玉隆萬壽宮（在江南西路洪州新建）制飾宏麗，有輪藏殿。當有輪藏及道藏經。又卷十五熊益革萬壽宮廢與顛末記謂理宗寶慶元年增修。疑北宋道藏迄南宋尙存於宮中。

明俞策閭阜山志卷上引宋神宗熙寧五年楊申閭阜山景德觀記：「皇朝賜名景德。」

又引宋寧宗慶元二年周必大崇真宮記曰：「江南李氏改名玄都。」（宋初賜名景德。）天禧庚申，熙寧丙辰，再焚再葺。政和八年始賜號崇真宮。「宮有藏經殿。又記此宮燬于元末。故此宮自北宋歷南宋元代皆嘗有道藏經。詳見附錄二道教諸宗條。

元道法宗旨圖衍義卷上引無盡居士張商英廬陵道藏記注云：「今玄妙觀道藏是也。按宋代天慶觀，元代皆改稱玄妙觀。故北宋廬陵天慶觀虔有道藏。且至元代尙存。

雍正江西通志卷一百二十七吳澄紫霄觀記云：「紫霄觀在南豐之西南八十里，」有藏室。「觀肇自開元，名妙仙觀。五代時頽廢。宋（眞宗）大中祥符，道士王士良重興之。（英宗）治平初改今額。（孝宗）淳熙間善遠大師吳源清一新殿堂。元成宗大德丁未，道士張惟善修葺。仁宗延祐丁巳又建經藏。按此觀有經藏藏室，嘗有道藏經。又此觀自宋大中祥符中重興以來，迄元延祐間，未遭兵燹，屢行修葺，未嘗頽廢。其元代道藏經，淵源當出自北宋或南宋，傳至元延祐間張惟善乃爲建經藏耳。

宋仁宗嘉祐及英宗治平年間蜀中道士姚若谷朱知善仇正宗鄧自和建有道藏。嘉慶四川通志卷三十八引朱范鎮道藏記云：「宋興祥符天禧中，始崇其教。而玉清昭應宮，



景靈宮，會靈觀，祥源觀皆置使典領。又命其徒與諸儒哀其書，是正謬訛，繕寫以藏於處。而以其餘賜天下宮觀，以廣其傳。按此當謂天禧三年，張君房核定道經，錄成七藏，分頒天下宮觀。獨劍南一道，未遑暇焉。

嘉祐初，成都府郫縣道士姚若谷，梓州飛鳥縣道士朱知善慨然欲盡讀其書而莫由得也，於是東走於鳳翔府之上清太平宮，慶成軍之太寧宮，又東至於亳州之太清宮，明道宮，凡得書二千餘卷。「治平元年，今天子既即位，若谷又與其徒仇正宗鄧自和列言於府曰：釋氏書徧滿州縣，而道家所錄，獨散落不完。願至京師，得官本以足其傳。於是端明殿學士兼翰林侍讀學士尚書戶部侍郎韓公知府事，以其狀聞。且言蜀之名山祕洞，勝景爲多；而道家書不完，無以奉揚清靜之風。有詔卽建隆觀給官本以足其傳。凡得五百帙，四千五百卷。溢於唐者，又千九百二十二卷。是則姚若谷等所見唐藏，僅二千五百七十八卷，蓋非全藏。可謂完且備矣！若谷，宗正自和且將益其書爲五本，藏於成都之天慶觀，郫縣之崇道觀，青城山之丈人觀，梓州飛鳥縣之洞靈觀，綿州之洪德觀，使學者優遊以求所謂清虛自然之要，而至其歸之道，如太史公所謂者，顧不偉歟！若谷，飛鳥人，後徙於郫。宗正，青城人。自和，按蜀志書目類著錄宋鄧自和道藏書目一卷。此藏共六部三百一十一帙，而姚若谷仇正宗鄧自和所建道藏，藏五百帙。擬撰道藏書目一卷之鄧自和，非蜀中道士。綿州人。三人者，持操堅

至，而皆有功於其教者。後之人，觀其勤勞而輕其守，則其書之傳爲無窮矣。治平三年十二月日記。一據右記，姚若谷等擬建五藏，分貯蜀中五處道觀。此記，四川通志附於郫縣崇道觀，故宋英宗時，郫縣崇道觀必存道經一藏。其餘四藏，錄成與否，今不可考。又治平中所給官本，當爲張君房所校定大宋天宮寶藏。但當爲四千五百六十五卷。此云四千五百卷，舉成數也。又據右記，北宋鳳翔府之上清太平宮，慶成軍之太寧宮，皆虔有道書。按同治郫縣志云：崇道觀在東門外，今廢。又宋徐鉉徐公文集卷二十五大宋鳳翔府新建上清太平宮碑銘并序謂宮在鳳翔府藍屋縣之望仙鄉，地近樓觀。宋蘇轍樂城集卷三十四鳳翔府太平宮修殿告遷太宗神御祝文謂元祐五年修殿。雍正陝西通志卷二十八稱太平興國觀，云在藍屋縣東三十里終南鎮，俗稱雪樣宮。

道藏闕經目錄卷下著錄宋梓州天慶觀道經藏記有經藏當有道藏經。宋梓州故治，卽今四川省三台縣。嘉慶三台縣志卷四云：「天慶觀，縣北一里，宋建，有甘露亭，今廢。」

民國十八年資中縣續修資州志卷一引宋政和三年龍洞觀記碑謂潼川府路資州龍水之龍洞觀，「對峙二閣，以口寶鐘，以藏玉笈。」玉笈者，道書也。故此觀北宋時虔有道

書。

淳熙三山志卷三十八福州閩縣報恩光孝觀，崇寧三年建，在「九仙山之巔」，「神天寧萬壽」。「紹興七年改爲報恩光孝觀」。按當作廣十三年改廣爲光。有政和萬壽道藏五百四十函。據乾隆龍溪縣志卷十一及乾隆漳州府志卷七，南宋理宗端平中，此藏尙在觀內。明王應山閩都記卷五云元順帝至正初改九仙觀，明「朝因之。永樂正統成化間太監屢修。」萬曆里普募衆修葺。陳衍閩侯縣志卷十九云「清康熙間重修。」北宋道士藏書甚富者，有碧虛子陳景元。宋薛致玄述道德真經藏室纂微開題科文疏卷一云：「真人姓陳氏，諱景元，字太初，玄號碧虛子，家世建昌。」神宗賜眞靖之號。「所藏內外書數千卷，皆素所校正。」景元著述甚富。卒於紹聖元年，年七旬。

高宗紹興年間，鄭樵撰成通志。其藝文略諸子類道家著餘道書分二十五種，都一千三百二十三部，三千七百六卷。

通志略諸子類道家著錄道書，分爲二十五種，卽老子，莊子，諸子，陰符經，黃庭經，參同契，目錄，傳記，論書，經科儀，符錄，吐納，胎息，內視，道引，辟穀，內丹，外丹，金石藥，服餌，房中，修養，

載書名卷數，兼及撰人。所錄道書，較宋史藝文志爲衆。按宋太宗朝校定道藏三千七百三十七卷，卷數與此相近。但通志略著錄宋真宗朝王欽若、神宗朝道士陳景元、哲宗朝道士賈善翔撰述。又鄭樵於宋高宗紹興年間撰成通志，著錄道書，當據政和道藏目錄。而此藏有五千四百八十一。故鄭樵著錄道書，所據目錄，今不可考。又崇文總目、祕書目著錄道書，皆甚衆。

又通志略著錄道書有重出者，如陶植撰還金術一卷，見外丹及金石藥。按當入內丹。

孝宗淳熙二年，緬州閩縣報恩光孝觀所庠政和萬壽道藏送往臨安府。太乙宮即抄錄一藏，四年成。其後敕寫錄成數藏，六年成。尋頒賜道觀。南宋末，南方道觀，頗有免於兵燹者。其道藏因得保存，而傳至元代。

咸淳臨安志卷十三曰：「太乙宮在新橋南。」孝宗「淳熙四年重建道藏成，御書瓊章寶藏以賜。」又謂餘杭縣大滌山洞霄宮，高宗「紹興二十五年旨賜錢重建。」孝宗「淳熙六年道藏成。八年賜藏經。」元鄧牧大滌洞天記卷下度宗咸淳元年資政殿學士宣奉大夫眉山楊棟東楊樓記：「先墓在餘杭，廬居山中，數游洞霄。道藏寫本甚真，時得

假借。」是淳熙八年所賜藏經，乃係寫本。淳熙三山志卷三十八云：淳熙二年令福州閩縣九仙山巔報恩光孝觀崇寧中稱天寧萬壽觀。紹興中改名。以所庋政和萬壽道藏五百四十函送行在所。蓋淳熙二年令福州閩縣報恩光孝觀政和萬壽道藏五百四十函送行在所。太乙宮即抄錄一藏，四年成。其後敕寫錄成數藏，六年成。尋分賜道觀。故洞霄宮於淳熙八年請得寫本道藏也。嘉定赤城新志卷三十云：仙居縣「凝真宮在縣東南三十餘里括蒼洞。」建炎初重建。淳熙九年道士陳會真得內賜道藏以歸鎮之。「當亦即此藏。至正四明續志卷十一淳熙七年戴機蓬萊觀輪藏記云：鄞城有湖，中有望春山，上有蓬萊觀。道士童思定胡志清建輪藏於觀西，「經始於淳熙之戊戌，按即五年而落成乎辛丑之孟秋。」藏經五千四百八十一卷。「蓋輪藏落成於淳熙六年，即請藏經以實之。當亦即此藏。且據此文而知其有五千四百八十一卷也。此藏既據政和萬壽道藏重建，而北宋末葉，福州九仙山天寧萬壽觀未經兵火，其藏經自政和中庋觀內，歷六十餘年而至淳熙年間，當仍完整。故政和萬壽道藏當亦有五千四百八十一卷也。

南宋各處新建道藏，可考者如左：

臨安府太乙宮道藏，見第一百五十四頁。

咸淳臨安志卷十三曰：「佑聖觀，在興禮坊。」理宗「紹定間重建。」「藏殿在西廡，曰瓊章寶藏。」故當有道藏經。元戴表元剡源戴先生文集卷六杭州祐聖觀記：「嘉熙元年丁酉夏，民廬火，觀遂延燬。籍有司之力，期歲復舊。」其道藏經或於是時被燬。又云：「元世祖」至元十七年庚辰冬復燬。」即重建，至成宗元貞中始告工竣。成化杭州府志卷十八云：「元（成宗）大德七年燬於火，是年重建。」

咸淳臨安志卷十三曰：「龍翔宮，在後市街。」孝宗淳熙四年建。其南真館內有「藏殿，曰琅函寶藏。」故當有道藏經。元楊維禎東維子先生文集卷二十三杭州龍翔宮重建碑謂元初胡僧竊佔，改爲寺。住持胡古泉乃遷宮於城西北宋揚和王府基地，於元成宗大德丁酉重建宮宇。元順帝元統癸酉隣火延燬。住持史景仁重建。成化杭州府志卷四十八云：「元末張氏據杭，占爲軍器局。歲丙午順帝至正二十六年十一月，杭城款附，住持毛繼祖請于總兵官復之。今爲叢林。」

咸淳臨安志卷十三云：「宗陽宮，在三聖廟橋東。」度宗咸淳四年建，有「藥簡之樓，瓊

章寶書。「既曰瓊章寶書，當有道書。」成化杭州府志卷四十八云：「元初燬于兵。」其道書當亦焚燬。又云：「延祐間杜南谷真人按即杜道堅重建。」元順帝「至正末燬于兵。皇朝宣德間重建。」

咸淳臨安志卷十三云：「四聖延祥觀，在孤山。」高宗紹興十四年建，有「藏殿曰瓊章寶藏。」又有輪藏。嘗有道藏經。成化杭州府志卷五十一云：「元初爲西僧楊璉真伽所據。乃以武林水門東舊市舶務及城基改建。至正丙申十六年燬於兵，基入于軍營。後遷于葛嶺。」

咸淳臨安志卷七十五曰：「天慶觀，在宰執府後。」又據理宗淳祐二年盧壯父記，此觀「負吳山南鄉。」理宗紹定年間重建天慶觀，有藏室。當有道藏經。

咸淳臨安志卷十三：餘杭縣大滌山洞霄宮，高宗「紹興二十五年旨賜錢重建。」按咸化杭

州府志卷五十三引陸游記，謂有經樓。孝宗「淳熙八年賜藏經。」大滌洞天記卷上曰：「咸淳甲戌冬，防虞

弗慎，延燬一空。」其道藏經當亦焚燬。成化杭州府志卷五十三云：「元（世祖）至元甲申後再新宮宇。元末兵燬。皇朝洪武初重建。」宋元明三代宮宇規模宏麗。光緒杭州

府志卷三十八云：「國朝乾隆辛未冬燬于火，惟方丈三間，及斗閣丹室數處。」今改方丈爲正殿。正統藏收有元鄧牧大滌洞天記。藏外有元鄧牧孟宗寶洞霄圖志。

宋談鑰吳興志：武康縣「昇元」

萬曆湖州府志卷四作玄，避清高宗諱作元。

報德觀，在縣東南禹山之麓。紹興二

十六年和王揚存中建。「乾隆湖州府志卷十引元戴表元計壽山昇元報德觀記謂有經閣。當有道經。又云「元燬。」其道經當亦於元代焚燬。又云「明洪武二十四年道士袁居安重建。本朝康熙六年道士余體庵重建。」

鄞縣望春山蓬萊觀道藏，見第一百五十五頁。

仙居縣括蒼洞凝真宮，南宋有道藏經，見第一百五十四頁。大明一統志卷四十七稱凝真觀。光緒仙居縣志卷二十三云：「宮久廢。」其道藏當亦久已亡佚。

元趙孟頫松雪齋全集卷九隆道冲真崇正真人杜公碑言：「真人諱道堅，字處逸，杜姓，當塗采石人，號南谷子。」宋末「入茅山披閱道藏。」是南宋茅山有道藏。按茅山志卷十七，南宋茅山道觀，以元符萬寧宮及崇禧觀爲最大，故道藏當在元符萬寧宮或崇禧觀中。又靈寶濟度金書卷二百六十一記乙未歲林靈真云：「句曲道藏。」按靈寶濟度



金書嗣教錄，靈真卒於元成宗大德六年，故乙未歲當爲元成宗元貞元年。是茅山元代度有道藏。按茅山志卷十七，元代茅山宮觀，以元符萬寧宮及崇禧萬壽宮（宋稱崇禧觀）爲最大，故元代茅山道藏，當在元符萬寧宮或崇禧萬壽宮中。按二宮於南宋末皆未經兵燹。其元代道藏，蓋卽南宋道藏，傳至元代耳。

咸淳毗陵志卷二十五曰：「天慶觀在州東南四里。」唐稱龍興。宋天聖五年重修。大中祥符元年賜今額。理宗「紹定間新建藏殿。」當有道藏經。大明一統志卷十云元改玄妙觀。光緒陽湖武進縣志卷二十九：陽湖縣「元按本作主，遼清高宗諱改。妙觀，在東直街。」宋帝熈

「德祐間重建。」按紹定歷四十餘年而至德祐，爲時尚暫，此觀當不致傾頽。蓋燬於火，故至是重建也。其道藏蓋亦被燬。又云「元元貞元年增建。明洪武間重建。宣德間增建。嘉靖間知府金豪增建。萬歷二十九年知縣晏文輝增脩。」今僅存大殿三間，有駐軍而無道士守護之。又咸淳毗陵志卷二十九曰：毗陵州有「道藏經目傳授圖，景祐四年郡守王浚立。」

咸淳毗陵志卷二十五曰：宜興「通真觀在縣東南八十步。」唐稱興道。宋「大中祥符

二年賜額玄真。避聖祖諱改今名。寧宗「嘉定初建輪藏。」故嘗有道藏經。嘉慶荆溪縣志卷四「通真觀」上卓樓傾廢日久。乾隆三十八年正殿傾頽。五十年於樓前舊基募建三楹。五十八年邑紳倡募於正殿基上增築石臺建閣三層中祀文昌上供魁宿下仍塑三清像。舊址在城東南隅其上現前爲宜興縣政府後爲精益中學。

乾隆南昌府志卷二十三云新建縣「建德觀在易俗坊。」又引胡儼記曰「宋建炎中擢兵燹淳祐二年胡松年重修之後李天然者相繼興作」有輪藏。「元季復失按當於兵。」故建德觀自南宋迄元末當有道藏經。

雍正江西通志卷一百十一「昭德觀在奉新縣西二百步舊名閩業觀。」宋祥符元年賜今額明洪武成化間相繼修建。「光緒江西通志卷一百二十一引宋辛元龍昭德觀道藏記謂冲真大師熊元澤唐若祥陳端平建輪藏嘉定十一年告成故此觀南宋有道藏經。

元募廬山太平興國宮採訪真君事實謂宋宣和中始稱太平興國宮建炎兵燬即重建嗣續有增建規制偉麗元世祖至元十二年以兵事頗有毀壞至元中即重修卷一謂南

宋「有道藏，榜曰瓊章寶藏，于湖張孝祥筆，貯經五百二十八函，計五千二百八十七卷。外九十九函，奉敕禁隱，不曾頒降。係揚和王府捨。」按宋史卷三百六十七楊存中列傳：「楊存中，本名沂中，字正甫，紹興中賜名存中，代州崞縣人。」南宋初葉勇將。乾道二年卒，「年六十五，以太師致仕，追封和王，諡武恭。」天台山志乾道四年曹勛重修桐柏記：「謂和王揚公重修桐柏宮。宋談鑰吳興志謂紹興二十六年和王揚存中建昇玄報德觀於武康縣，皆卽此人。故此藏當於南宋初年施捨，蓋據他處政和萬壽道藏抄寫。但當有五百四十函。而據此書，全藏有六百二十七函。未詳何故？」明桑喬廬山紀事卷十稱太平宮云：「元末兵燬，蕩無復存。」故其道藏當燬于元初或元末。又云：「後雖復構，然甚寥，僅存而不振。」嘉靖中復建殿宇。光緒江西通志卷一百二十五云：「明洪武二年道士江梅高復興。」「國朝咸豐間燬。」

無上黃籙大齋立成儀卷五十七高文虎撰宋冲靖先生留君傳云：冲靖先生，名用光，字道輝，卒於宋光宗時。「又鈔諸部經內之藏。」按謂南宋龍虎山上清正一宮之經藏。清婁近垣龍虎山志卷十六元虞集龍虎山道藏銘并序云：「龍虎山者，嗣漢天師居之。其

上清正一宮者，道家之總會也。宋（寧宗）慶元中，冲靜先生留用光見之，寧宗使有司新其宮。而藏室之所謂經者，皆粉黃金爲泥書之。」

雍正江西通志卷一百十二云：「善修觀在崇仁縣西南，」寧宗「開禧間創藏經閣。」當有道藏經。大明一統志卷五十四有記載。雍正江西通志卷一百十二又云「已廢」。

均州武當山：

一名太和，一名大嶽，一名仙室。

元世祖至元中，劉道明武當總真集卷中：「日月池，在五

龍宮（即五龍靈應宮）天寶壇南廡後。」宋理宗「端平之前，山門全盛，管轄曹侍應建」轉輪「藏於池南。」有輪藏，故南宋末及元初五龍靈應宮當有道藏經。

五龍靈應宮「在大頂之北，五龍頂之東，隱仙巖之南，青羊澗之西。」

武當總真集卷中

「唐貞

觀中，均州守姚簡禱雨於是山，五龍見。即其地建五龍祠。宋真宗時陞祠五龍觀，賜額曰

五龍靈應之觀。其後廢于靖康之歟。」

明隆慶中盧重鵬編大岳太和山志卷五元揭傒斯大五龍靈應宮碑

「紹興南渡，茅山

清貞觀道士孫元政「重行開基。」

武當總真集卷中

「又廢于金元之兵。」

揭傒斯碑

「金亡，瓢笠唐守

澄重復其規。宋末，江陵超然觀王以事管轄于內。至元乙亥全真汪思真復振宗風。至元丙戌，建寧葉希真領都提點任。」

武當總真集卷中

至元十六年玄教宗師總攝江淮荆襄道教

張留係改隍宮號。二十三年詔隍宮號。武當總真集卷中及揭傒斯碑元仁宗「天壽節實與玄武神同，遂

加賜其額曰大五龍靈應萬壽宮。揭傒斯碑元末燬于兵。大岳太和山志卷三永樂十一年八月勅其道藏當亦焚

燬。永樂中頒內帑重建。十一年落成，賜額興聖五龍宮。嘉靖三十一年特頒內帑重修。大岳

太和山志卷一

道門通教必用集，前有寧宗嘉泰元年西蜀道士呂元素序。云「頃觀中藏書既成。」是

南宋西蜀有道藏經。

宋魏了翁鶴山先生大全集卷三十八紫雲山崇仙觀記，文撰於寧宗嘉定五年，謂觀在

綿州彰明縣西南十里，有經樓。是此觀南宋有道經。

乾隆龍溪縣志卷十一。元按當作玄，避清高宗諱改妙觀，在城西隅。唐貞元十二年刺史李登移建。

在初潭前舊州治，名開元觀。宋大中祥符元年改名天慶。唐祀老子，宋祀趙真君，各從其姓而祖之也。

元元貞間改今名，祀老子如故。明洪武間修。大明一統志卷七十八云：「洪武朝永樂中重修。」中有道藏，宋端平間

顏檢正善仲，侍郎顏仲詣福州九仙觀募寫道經五百六十四函而度藏之。鄉人立二公

祠於藏之右。一按卷十五，顏善仲，字景英，顏頤仲，字景正，皆南宋龍溪人。所寫道藏，係政

和萬壽道藏。自南宋歷元明而傳至乾隆年間，實係壞寶。光緒漳州府志卷四十七云：同治三年九月十四日，太平天國侍王李世賢「陷郡城，大肆焚殺，城鄉男婦老幼不屈死者數十萬人。」府城內玄妙觀及其道藏經疑皆已遭兵燹。

南宋金允中編上清靈寶大法卷四十：「自唐以後，五代亂離，道格之亡，嘗七人。四方割據之地，亦有崇廣經誥之地。或起琳宮，或見道藏，多隨偏方所有之經，編排而入，訛雜尤多。宋朝統一之後，天下平安，真宗命宰臣王欽若校正道典，其中精粗莫別，真偽混雜，已不能免。宣和之末，徽宗主張科法，教門大興於一時，而經籍正典，終不能一一淳正。靖康之後，駐蹕錢塘，南北間關，道家經籍，尤長不備。」「今之諸方道藏，可以數計，而經籍不訛者甚少。況於私家相傳，里閭集寫，實難依據。」如前考定，南渡後淳熙中，據政和萬壽道藏重建道藏，頒賜宮觀。雖唐末散佚道經已不可復得，然較之北宋道家經籍，並無散闕。

政和道藏經板，至金代尚存，但已殘闕。金世宗大定四年，詔以南京即宋東京經板，付中都十方大天長觀。章宗明昌元年，提點孫明道即據以補刊成藏。既又搜訪遺經，得千七十四卷，補繕經

板，詮次爲六千四百五十五卷，爲帙六百有二，題曰大金玄都寶藏。前後歷時共二年。泰和二年，天長觀燬於火。經板被焚。暨金末，各處道藏多燬於兵燹。

宮觀碑記魏博霄十方大天長觀玄都寶藏碑銘：「十方大天長觀（按卽今北平白雲

觀）新作玄都寶藏，提點冲和大師孫明道……曰……國家定都永安，按金史地理志，海陵王貞元元年定都

燕京，改號爲中都。迄今四十餘年。天長觀實奉香火。舊貯藏經，缺而未完。住持道士，繼承非一，因

仍苟簡，莫有以補綴爲意者。（金世宗）大定丙午，二十明道始奉詔提點觀事（中略）

後二年，會有詔以南京卽今開封道藏經板付觀。又易置玉虛觀。按同治畿輔通志卷一百七十八，玉虛觀在確兒衛，已額收。

經於飛玄之閣。宮觀碑誌大定十四年鄭子聰中都十方大天長觀重修碑言天長觀有飛玄閣以貯道藏。以備觀覽。天長舊經，還付玉虛。其舊

有名籍，而玉虛不具者，聽留勿還。須補完則遣之。（中略）明昌改元之元日，勅遣中使

諭旨度支，（中略）其北宮第一區，并以賜觀，俾構屋列櫃，以貯經板。仍置文臣二員，與

明道經書參訂。卽補綴完成，印經一藏。既又命選精勤道士一員住持，須及五年，若職事

修舉者，賜紫衣德號。仍歲度支服勤道童二人以爲常。明道奉詔，不遑居處，分遣黃冠，訪

遺經於天下。且募工鳩材。有趙道真者，願以板材自任，丐化諸方，不二年間，勝緣俱辦。壞

材會珍，良工萃巧，櫺星屹立，鏤槩具完。凡得遺經千七十四卷，補板者二萬一千八百冊有畸，積冊八萬三千一百九十八，列庫四區，爲櫺三十有五，以架計者百有四十。明道於是倡諸道侶，依三洞四輔，品詳科格，商較異同，而詮次之，勒成一藏，都盧六千四百五十卷，爲秩六百有二，題曰大金玄都寶藏。上述金南京道藏經板，當卽宋東京政和萬壽道藏經板，歷靖康之亂而未焚燬，然當有殘闕。右文謂天長觀得南京道藏經板，於明昌元年起參校天長觀玉虛觀原存殘闕藏經，補綴完成，印經一藏。既又分遣黃冠，訪得遺經，補鑲經板，歷時不二年而功畢。卽詳行詮次，勒成一藏，題曰大金玄都寶藏。此事皆由天長觀提點孫明道主持之。

金代各處道藏，除中都天長觀玉虛觀外，可考者如左：

光緒鹿邑縣志卷十下金胡筠續修太清宮記謂靖康亂後，「先有道士邢象符王繼真丁禮符李修口相繼以主宮事，僅二十餘年而稍加興葺焉。其次兩宮

按謂太清宮洞霄宮

都監田

子文與副運韓元英再創修太極殿，並轉輪大藏，仍印經以實之。」事當在金海陵王天德年間，時在孫明道刊大金玄都寶藏之前。故金亳州太清宮所庋道藏，當仍爲宋政和



道藏續修太清宮記又謂嗣續有營建，體制宏大。暨金末，甘水仙源錄卷四元好問離峯子于公墓銘謂離峯子于道顯于金哀宗「正大中，被旨提點亳州太清宮」居三年。「避壬辰之兵于廬氏」壬辰卽金哀宗正大九年。金史哀宗本紀云：「正大九年正月，改元開興。四月又改元天興。五月癸巳，楊春入亳州。」是金哀宗天興元年五月，亳州又被兵禍。元王鶚元重修亳州太清宮太極殿碑曰：「元世祖至元五年，太清宮太極殿成。詔詞臣王鶚爲文以紀其事。又曰：『太清頃罹兵燹，按謂金末兵燹復值河渦合流，向之仙宮，漂蕩無餘。但數千年九龍井僅存耳。長春仙蛻，傳法眞常。時有今安肅公張柔戍兵亳社，命官持疏俾事修建。眞常先委隱眞大師提點石志玉，通微大師知宮李志祕爲之經始。公亦委曲用心，按此字誤極力護持。其參佐卒伍亦皆樂赴，仍給據並宮，施地周四十里。無何，厥功肇始，而眞常示寂。逮吾誠明之嗣教也，承海都太子之命，敦請崇道眞人張志素，棲雲眞人王志謹同辦其事。棲雲未幾物故。其門人輩尤爲致力。崇道則朝夕以之，始終匪懈。至是，太極殿告成。甘水仙源錄卷四孟拱應緣扶教崇道張尊師道行碑曰：「宗師姓張氏，諱志素，號谷神子，睢陽人。」丘曉機弟子。嘗從曉機西覲元太祖。世祖至元五年卒，年八十。

一。又云「時譙郡玄元祖庭按卽亳州太清宮久廢於兵，僉以興復爲難。誠明真人念獨師可辦，

乃請往重建。志素「居十餘年，殿堂廊廡百餘楹，煥然一新。」據此，金末太清宮罹兵燹，

又值河渦合流，遂漂蕩無餘。其道藏經當亦亡失。按甘水仙源錄卷三王鶚玄門掌教大

宗師真常真人道行碑銘，真常真人李志常自元太宗十年迄憲宗六年爲全真教主。又

卷五王磐玄門掌教宗師誠明真人道行碑銘，憲宗六年迄世祖至元七年，誠明真人張

志敬繼爲全真教主。右云「厥功肇始，而真常示寂。」是元初重建太清宮，始於憲宗朝，

迄世祖至元五年，而太極殿告成。光緒鹿邑縣志卷五云：「元末韓林兒盜據亳州，撤紫

極殿爲僞宮。嗣是屢經兵火，雖修葺不廢，而規模疏陋，不能復初矣。今惟存正殿五楹。」

甘水仙源錄卷二陳時可長春真人本行碑云：「長春子，姓丘氏，諱處機，字通密，登州

棲霞人。」明昌二年，東歸棲霞，乃大建琳宮，勅賜其額曰太虛。按嘉靖山東通志卷三十五：「太虛宮，在登州府棲霞縣北十

里，卽元丘處機得道之所。」氣象雄偉，爲東方道林之冠。泰和金章宗年號之一間，元妃重道，遙禮師禁中。遺道

經一藏。金蓮正宗仙源象傳長春子傳云事在「泰和七年丁卯春。」仙鑑續編卷二丘

處機傳云事在泰和七年。甘水仙源錄卷二姚燧玉陽體玄廣度真人王宗師道行碑

井序云「真人王姓，名處一，寧海東牟人。」又云泰和「七年，居聖水玉虛觀，元妃送道經一藏。」金蓮正宗仙源像傳玉陽子傳云事在泰和七年春。仙鑑續編卷三王處一傳云事在泰和七年。七真年譜云「泰和七年丁卯，」元妃施經二藏，一驛送棲霞太虛觀，一驛送聖水玉虛觀。」據金蓮正宗記卷四長春丘真人傳，此丘處機所得道藏，稱玄都寶藏，都六千餘卷。但云事在戊辰，泰和八年則非是。

甘水仙源錄卷三元弋設清和妙道廣化真人尹宗師碑銘井序言甲午歲元太宗六年「時皇后遣使勞問，賜道經一藏。」按清和真人，姓尹，名志平，字太和，萊州人，丘處機之弟子。是時住長春宮。終南山祖庭仙真內傳卷下清和真人傳謂事在甲午秋。

按宋德方於元太宗九年倡始搜羅道經，刊鏤經板。而金章宗泰和七年元妃施經二藏；一送丘處機，一送王處一。又元太宗六年（即哀宗天興三年）皇后賜尹志平道經一藏。此三藏當皆係大金玄都寶藏。光緒順天府志卷二百二十九引元成宗元貞二年王鶚重修天長觀碑謂「泰和壬戌年正月望日，焚燬殆盡。宣宗貞祐南遷，止餘石像，觀額爲風雨所剝，委荆榛者有年。」又宋德方廣搜道經，與籍亦未載其訪得道藏經板。是

泰和二年天長觀大金玄都寶藏經板亦被焚燬。上距明昌年間補鑲經板完竣，爲時僅約十年左右。故泰和七年，元太宗六年施送道藏經，據其他道觀所度藏經抄送。

元元好問道山文集卷三十一通真子墓碣銘謂元初宋德方云金末「喪亂之後，圖籍按謂道藏散落無幾，獨管州者僅存。」通真子墓碣銘，甘水仙源錄卷七作通真子秦公道行

碑銘。此本管州作管岑。按嘉慶重修一統志卷一百五十，金元之管州，即今山西省靜樂縣。又云：管澤山在山西省靜樂縣東北。故金代管州度有道藏。當即大金玄都寶藏。此處道藏，經金末兵亂而未亡燬。宋德方等即據以修刊元藏。

道藏闕經目錄卷下著錄金萬壽道藏三十六部經品目，不著卷數；又金萬壽道藏經目錄十卷。金萬壽道藏，疑即大金玄都寶藏。

元初宋德方遵其師丘處機之遺意，於太宗九年倡刊道藏經。令其弟子秦志安於平陽玄都觀總領其事。乃設經局二十有七，據管州所存金藏，搜羅遺逸道經，校讎付刊。有李志全者，亦任校讎之事。至乃馬眞皇后稱制三年，全藏刊竣。藏經凡七千八百餘卷，亦稱玄都寶藏。即度經板於觀內。定宗時，平陽永樂鎮建純陽萬壽宮，成，經板乃移貯焉。

終南山祖庭仙真內傳卷下披雲真人傳云：「師姓宋，諱德方，字廣道，萊州掖城人。」生

於大定癸卯歲，

二十三年

卒於丁未歲，

元定宗二年

年六十五。曾師事劉處玄丘處機，隨處機西行，

朝見元太祖。後還燕，與處機一語及道經泯滅，宜爲興復之事。長春曰：茲事體大，我則不

暇；兼冥冥中自有主之者。他日爾當任之。」處機卒後，「丁酉，元太宗九年復主平陽醮事。因

於玄都觀思及長春向日之下燕閒之際，有曰：藏經大事，我則不暇，他日汝其任之。」（中

略）遂與門下講師通真子秦志安等，謀爲鈔本流布之計。丞相胡公天聞而悅之，傾白

金千兩以爲剞劂之費。即授之通真子，今議於平陽玄都觀總其事。至事成之日，

曾不愆于素。故翰林學士李冶所作碑文，從倡始而至於畢手，靡不備錄。讀之，見其補完

亡缺，搜羅遺逸，而海內數萬里，經親歷之地，使他人處之，總不爲煩冗所困，則必厭其

勞矣。（中略）甲辰，乃馬真皇后稱制三年。自丁酉迄甲辰，歷時凡八載。春，來終南山祖庭。（中略）是時藏經勝緣，俱

已斷手。

遺山文集卷三十一通真子蔡嗣銘甘水仙源錄卷七作通真子秦公追行碑銘。云：「通真子，諱志安，字彥容，出於

陵川秦氏。」父諱略，字簡夫，自號西溪道人。一生二子，通真子其長也。自蚤歲

...

趣尙高雅，三舉進士，而於得喪澹如也。（金宣宗）貞祐初，<sup>上三字據甘水</sup>避亂南渡，西溪

年在喜懼，親舊以祿養爲言，不獲已復一試有司，至御簾而罷歸。（金哀宗）正大中，西

溪下世。通真子已四十，遂致家事不問，放浪嵩少間，取方外書讀之，以求治心養性之實

於二家之學。有所疑，質諸禪子。久之，厭其推墮淠漾中而無可徵詰也，去從道士游。河南

破，北歸。遇披雲老師宋公於上黨，略數語，卽有契。嘆曰：吾得歸宿之所矣！因執弟子禮事

之。受上清大洞紫虛法錄，且求道藏書縱觀之。披雲爲言：喪亂之後，圖籍散落無幾，獨管

州按嘉慶重修一統志卷一百五十，金元之管州，卽今山西省靜樂縣。管州，甘水仙源錄作管州。嘉慶重修一統志卷一百五十三云：管州，在山西省靜樂縣東北。者僅存。吾欲力紹

絕業，侵木宣甘水仙源錄作流布有可成之資。第未有任其責者。獨善一身，曷若與天下共之？道

真子再拜曰：受教。乃立局二十有七，役工五百有奇。通真子校書平陽玄都觀，以總之。其

於三洞四輔萬八千餘篇，補完訂正，出於其手者爲多。仍增入金蓮正宗記，烟霞錄，絳僊

婆僊等傳附焉。起丁酉，盡甲辰。中間奉被朝旨，借力貴近，牽合補綴，百方本作萬。據甘水

並進。卒至於能事穎脫，真風遐布，而通真子之道價益重於一時矣。通真子記誦該洽，篇

什敏捷，樂於提誨，不立崖岸。居玄都垂十稔，雖日課校讐，其參玄學受章句自遠方至者

源源不絕。他主師席者皆竊有望洋之嘆。寶藏既成之五月，爲徒衆言寶藏成壞，事關幽顯，冥冥中當有陰相者。今大緣已竟，吾其行乎。」後卒，年五十七。秦志安既於平陽玄都觀主持校刊道藏，經板當即貯於觀中。

宮觀碑誌收重陽成道宮記，「云全陽周真人，按名全道淵虛李公，按名志源洞虛張公，按名志淵生前

行事，亦各在秦樛樛彥容金蓮記，煙霞錄中，與祖師以下衆師同載玄都寶藏，俱不煩贅述。一是秦志安撰金蓮記及煙霞錄。金蓮記卽金蓮正宗記五卷。此記題曰林間羽客樛

樛道人編。按通真子秦公道行碑銘，秦志安卒於平陽玄都觀之樛樛堂。秦志安蓋居樛

樛堂，故號樛樛道人。是記卽全真派各師之傳。傳各有贊。計東華帝君，正陽鍾離真人，按名

房純陽呂真人，按名海蟾劉真人，按名重陽王真人，按名玉蟾和真人，按名靈陽李真人及七真。

而煙霞錄蓋全真派高道傳記。此書道藏闕經目錄卷下著錄，云十卷。

甘水仙源錄卷八元李蔚純成子李君墓誌銘：「講師諱志全，字鼎臣，太原太谷人。」丘

處機之弟子。元世祖中統二年卒，享年七十一。其後東萊宋披雲以所在道書，焚於劫

火，奉朝旨收拾於灰燼之餘，散亂無復可考。求博洽異聞之士，俾校讎之。迺得講師。始終

十年，朝夕不倦。三洞靈文，號爲完書。」

又卷三元弋穀清和妙道廣化真人尹宗師碑銘并序。云乙未元太宗七年「九月，達平陽，分

命披雲宋公率衆鑄道藏經板。不數載而完。所費不貲，而人樂成之。亦師爲之張本。」是時清和真人尹志平爲全真教主。宋德方率衆鑄道藏經板，當奉其命而行之。又據右引李蔚文，搜羅道書，亦曾請得朝旨。上引終南山祖庭仙真內傳及遺山文集皆言校刊道藏，始丁酉，迄甲辰。蓋乙未年尹志平已有此命。後二年，宋德方始着手進行也。

又卷七元李國維頤真冲虛真人毛尊師蛻化銘：「師諱養素，字壽之，道號純素子，頤真

冲虛真人，其師號也。家世平水。」馬鈺之再傳弟子。已未歲元憲宗九年卒，年八十二。「辛丑，

元太宗十三年清和真人至終南，以師宿德望重，起爲棲霞提點，兼領披雲玄都寶藏八卦局。」

按是文，毛養素於辛丑年奉全真教主尹志平命爲洛陽棲霞宮提點，兼領玄都寶藏八卦局後，實未嘗至平陽玄都觀。是棲霞宮八卦局，乃分局而非總局。又據此文，宋德方所刊道藏，亦稱玄都寶藏。

道藏歷代尊經綱目云：「披雲子宋真人收索到藏經七千八百餘帙，鑄梓於平陽永樂



鎮東祖庭藏之。此帙當作卷。是元藏有七千八百餘卷。按甘水仙源錄卷五徒單公履冲和真人潘公神道之碑云甲辰歲，乃馬真皇后稱制三年河東永樂呂純陽祠堂災。全真教主真常真人李志常乃命丘處機弟子潘德冲前往擴建，改爲純陽萬壽宮。德冲至永樂，經營數稔，新宮告成，規模宏敞。此河東永樂當即平陽永樂鎮。考全真教推祖呂純陽，故平陽之純陽萬壽宮可稱東祖庭。王嘉則創全真教。王嘉葬於終南山劉蔣村全真祖庭重陽萬壽宮。此可稱西祖庭。蓋經板初藏於平陽玄都觀。其後定宗時，純陽萬壽宮落成，宮宇宏敞，乃移虔焉。

憲宗朝，僧道辯化胡經眞僞，即頒旨焚毀道經四十五部經文印板。世祖至元十七年又校對道釋。十八年頒詔除道德經外，其餘道藏經文印板盡行焚毀。是年十月，於燕京憫忠寺集百官焚道藏經，並遣使諸路俾遵行之。元刊玄都寶藏經板遂被焚毀，而藏經亦因此亡佚甚多。正統藏道藏闕經目錄所著錄道書，大多係遺元代焚經而致亡闕者也。及元末，各處餘存道藏，又多燬於兵燹。

元代僧道辯化胡經及焚毀道藏經，詳見元釋祥邁至元辯僞錄。按宋德方刊道藏，在憲

宗世祖焚經之前，道書必因二次焚燬而多散失。此明藏卷帙所以反較元藏爲少也。白雲觀志，後附東嶽廟志，廟在北平朝陽門外錄趙孟頫大元勅賜開府儀同三司上卿輔成贊化保

運玄教大宗師志道玄教冲玄仁靖大真人知集賢院事領諸路道教事張公碑銘并序

云道士張留孫，元世祖所信任，或以道家書當焚。上既允其奏，按元史卷一百十四，即元世祖皇帝子真金。裕宗

以公謂張留孫言請曰：黃老之言，治國有不可廢者。上始悔悟，集儒臣論定所當傳者，俾天下

復崇其教。是右記詔除道德經外，其餘道藏經文印板盡行焚毀，並未嚴厲執行。又依中國官場慣例，除京畿道觀外，其他各路，殊不必謹恪奉詔。儘可將藏經隱匿。尤以偏僻道觀爲便。如龍溪玄妙觀之改刊道藏是也。

陳援庵先生南宋初河北新道教考云：「今本闕經目錄，即明正統刊藏時校元藏所闕之目錄。」

至元辯僞錄卷二元世祖至元十八年十二月詔書謂：「保定，真定，太原，平陽，河中府，王祖師庵頭，關西等處有道藏經板。」平陽道藏經板當即平陽府永樂鎮純陽萬壽宮道藏經板。王祖師庵頭即全真祖庭重陽萬壽宮。除平陽府外，他處所度，蓋非全藏經板。平

陽度有玄都寶藏經板，衆所周知，非可隱匿。亦必於至元十八年焚燬。上距太宗九年刊成全藏經板，爲時僅四十四年。

又卷二「欽奉聖旨禁斷道藏偽經下項見者便宜燒毀

化胡經王存撰

猶龍傳

太上寶錄宋謝守撰

聖紀經

西昇經

出塞記

帝王師錄

三破論齊人張融假託他姓

十異九迷論傅奕李玄卿

明真辯僞論吳筠

十小論吳筠

欽道明證論唐員

牛千，假託他姓。

輔正除邪論吳筠

辟邪歸正論杜庭

乾邪論梁廣

辯仙論梁廣

三光列紀

謗

道釋經破大藏經，林靈素杜光庭撰

五公問虛無經

三教根源圖大金天長觀道士李大方述

道先生三清經

九天經

赤書經

上清經

赤書度命經

十三虛無經

藏天隱月經

南斗經

玉緯經

靈寶二十四生經

歷代應現圖

歷代帝王崇道記

青陽宮記

紀勝賦

玄元內傳

樓觀先生內傳

高上老子內傳

道佛先後論

混元皇帝實錄「按

上開焚燬道書，多見道藏闕經目錄。今道藏中僅存猶龍傳，歷代崇道記，洞玄二十四生圖經。

右猶龍傳宋賈善翔撰。太上寶錄，即混元皇帝實錄，即今之混元聖紀。聖紀經即玄元聖

紀經，唐尹文操撰。出塞記，虞宣撰。歷代應現圖，歷代帝王崇道記，紀勝賦，皆唐杜光庭撰。明王禕王忠文公集卷十六元故弘文輔道粹德王公碑謂元成宗大德元年隆福太后有旨命道士王壽衍求經錄江南。泰定帝泰定元年，詔出內府道經賜之。元史卷二十九云：泰定二年二月「丙戌，頒道經于天下名山宮觀。」此內府道經及道經，蓋非全藏。至元以後，又否重修及重刊道藏經，待考。

元代各處道藏，可考者如左：

元代北方道藏，多罹焚經之禍。南方道藏，頗多由南宋流傳至元代者。蓋南宋末年，南方道觀，多未經兵燹；暨元末始燬於兵盜。其道藏經或道經亦得傳至元代。如天台山桐柏宮吳越王所建道藏，杭州佑聖觀，茅山，廬山太平興國宮，新建建德觀，閩阜山崇真宮，廬陵玄妙觀，南豐紫雲觀，武當山五龍靈應宮，龍溪玄妙觀道藏是也。已見前。他處道藏，鈎錄於後：

按日本小柳氣司太白雲觀志金大都天長觀，泰和二年燬。尋重建，改稱太極宮。貞祐廢。元初丘處機重建，並改稱長春宮。元末廢。至元辯偽錄卷五，元世祖至元二十一年聖旨

焚毀諸路偽道藏經之碑謂長春宮有道藏經。又云至元十八年「十月壬子，集百官于憫忠寺，盡焚道藏偽經雜書。」按事前既有詔：除道德經外，其餘道藏經文印板盡行焚燬；而長春宮又適在京師，必恪遵此詔。是其道藏經當於此時焚燬。

甘水仙源錄卷四李道謙終南山全真道人周尊師遺行碑：「謹按藏室金蓮記。」是文作於元世祖至元十一年。時李道謙在終南山劉蔣村全真祖庭重陽萬壽宮。故元初此宮有藏室；當有道藏經。此宮「在（陝西省藍屋）縣東六十里。」見雍正陝西通志卷二十八。

又卷十元世祖中統二年商挺增修華清宮記謂元初華清宮有經藏閣。當有經藏及道藏經。

王忠文公集卷十六元故弘文輔道粹德真人王公碑：「公諱壽衍，字眉叟，姓王氏，其先河南修武人。」後爲杭州人。至正十三年卒，年八十一。元世祖至元戊子二十年任杭州開元宮提舉宮事。「大德丁酉元年春奉香詣闕下。隆福太后有旨命公求經錄江南。」（英宗）「至治辛酉元年冬，（杭州）開元（宮）燬于災。公卽圖起夫廢。」「泰定甲子元年詔

遣使函香爲新宮落成。就召詣闕。見上于宣德府。勞問甚至。會天師繼至。同建大醮者三。出內府道經并金幣賜之。」「至正辛巳。開元宮復以舊殿。」「其內府道經當亦焚燬。又云「委提點毛子敬任興創之功。而公親爲之謀畫。曾不踰歲。舊觀復還。」「成化杭州府志卷四十八謂舊在泰和坊。至元中遷清湖橋西。」「今遺址割其半爲三學射圃。其半重建園後。」

至正四明續志卷十云：「玄妙觀（元武宗）至大二年火。道士呂震亨重建。」「又引虞集碑銘謂至大二年六月卽行重建。其後續有營建。至泰定三年訖工。而藏經殿則作於至大三年八月。中有輪藏。故有道藏經。嘉靖寧波府志卷十八云：「冲虛真觀在（鄞）縣治東南泰和坊。」「元稱玄妙觀。」「大明永樂間圯。」「是時藏經當已亡佚。又云宣德天順間相繼重建。」

處州路麗水縣玄妙觀：蘇伯衡蘇平仲文集卷四梁道士傳云：元末處州路玄妙觀有藏殿。是元代當有道藏經。又云時明太祖命越國胡公取處州。「軍士卽觀而屯。固無隙宇矣。」「疑其藏經已致散佚。又云時梁棟傾圯。住持梁貞修葺。嘉靖括蒼彙紀卷十五云：「

玄妙觀在府治東南。」洪武庚申<sup>年十三</sup>燬，惟存鐘樓。天順間修建。」道光麗水縣志卷十云：「宣德八年修。」

逍遙山萬壽宮志卷十五柳貫玉隆萬壽宮興修記謂元代此宮有藏室。泰定年間重修，卷十五熊革萬壽宮廢興顛末記謂「紅巾煽亂，大縱焚掠，殿閣像主御書玉冊，灰燼無遺。」卷七謂事在元順帝至正十二年壬辰歲。是時藏室藏經當亦焚燬。又卷十五熊益革萬壽宮廢興顛末記謂明萬曆間重建，但規制頗爲狹小。「國朝戊己間，逆鎮不軌，江省沸騰，所在兵燹，而洞天福地，亦緣羽流星散而頽廢焉。」乾隆初重修，規制盛於明，而不及宋代。

元柳貫柳待制文集卷十四雲從山崇真觀記謂觀在今江西南昌元代舊城琉璃門外，元世祖至元年間建，有藏室。當有道藏經。

婁近垣龍虎山志卷十六元虞集龍虎山道藏銘<sup>并序</sup>言龍虎山上清正一宮南宋有藏室，度有經。後以宮火不存。「皇元大德三年有勅重建宮。」因重作藏室，以度道藏經。又卷三大上清宮建置沿革曰：「大德戊申<sup>年十二</sup>重修，」「越明年燬。」此道藏經當亦焚

燬。

民國十年刊湖北通志卷一百五元世祖至元二十四年趙孟頫九宮山重建欽天瑞慶宮記碑謂此宮元代有藏室。當有道藏經。又卷一百六歐陽元九宮山欽天瑞慶宮記碑云：元仁宗「延祐甲寅，元年山有火，宮爲所燬。」其道藏經蓋亦焚燬。旋興復。英宗至治元年又災。卽重修，至順帝至元年間訖工，有「御書集經之閣。」當有道經。按九宮山在通山縣。

元虞集道園學古錄卷四十六潭州重建壽星觀記謂潭州壽星觀宋政和中建，元重葺，「藏經有室。」當有道藏經。康熙長沙縣志卷八「壽星觀，初在駟步門內；後移按大明一十二云：洪武初通貨門內。係明李吉藩重修。以長沙星主壽考，故名。崇禎時被焚。本朝僧性能重修玉皇閣三官殿。」

元代度道書甚富者，有燕京之長春宮，孟宗寶，杜道堅，周德方。又神仙宅亦有道書。

甘水仙源錄卷五王盤玄門掌教宗師誠明真人碑銘謂元代燕京長春宮「方丈有堂曰萃玄，側有小樓，積書萬卷。」此萬卷書或非盡是道書。又卷七恕齋王先生事蹟謂王



粹在萃玄堂編輯全真祖師傳。

大滌洞天記卷下元大德三年鄧牧集虛書院記謂孟法師集虛按名宗寶蓄書數千卷。

松雪齋全集卷九隆道冲真崇正真人杜公碑謂杜道堅於元代在湖州白石通玄觀作攬古之樓，聚書數萬卷。萬曆湖州府志卷四：「通玄觀在（湖州武康）縣東南計籌山北。元大德七年建。」乾隆湖州府志卷十曰：「今廢。」又卷五曰：「計籌山，在武康縣東南三十五里。」又曰：「白石洞天，在計籌山。宋姜夔以此自號。」

无黃潛金華黃先生文集卷四十廣莫子周君碣云：周德方，號廣莫子，吳興計籌山老子

祠杜真人按即杜道堅之弟子也。「君自恨少不學，至是一意讀書。山中所居，設老子像而列

道學六君子其旁。朝夕敬禮之。題曰不自恕齋。坐臥一榻，積書數千卷，皆真人按即杜道堅藏。繙閱偶有所得，則疏以別紙。歲久成巨帙。義理淹貫，心識融會。」

明宋濂宋學士文集卷二十六神仙宅碑云：至正二十六年道士於鹽水縣眉巖之巔，「造祠宅七楹間，名之曰神仙宅。」分爲三室。其「東室曰芸香，藏書其中。」此中當稍有道書。

明永樂中，成祖勅第四十三代天師張宇初纂校道藏，將錢梓以傳。宇初乃招道士往北京輯校。功未就緒，而成祖崩殂。仁宗宣宗相繼嗣位，棄置未理。暨英宗正統九年始行刊板。乃詔通妙真人邵以正督校。即重加訂正，增所未備。至十年刊板事竣，都五千三百五卷四百八十函。仍以千字文爲函目，自天字至癸字。每函各爲若干卷。卷爲一冊。原有道書短卷，則數卷併爲一卷。係梵夾本。是爲正統道藏。神宗萬曆三十五年又勅第五十代天師張國祥刊續道藏。自杜字至癸字，凡三十二函。是爲萬曆續道藏。正續道藏共五百十二函，經板十二萬一千五百八十九葉。入清代，經板庋於大光明殿。日有損缺。迨光緒庚子之亂，存板盡燬。明清二代，頒賜各處宮觀道藏甚多。以屢經兵燹，存者寥寥可數。道藏遂成祕笈。及民國十二年迄十五年，上海涵芬樓據北平白雲觀所藏正統道藏萬曆續道藏景印，縮改爲六開方冊本，凡一千一百二十冊。自是而後，學者始得讀明刊道藏矣。但北平白雲觀道藏，雖經道光間修補，仍稍有缺卷。宜搜訪各處道觀殘藏，輯印補遺。

又敦煌卷子，頗存道藏佚書。內且有元藏中已亡佚之書。萬曆三十五年，距今已三百四十餘年。晚出道書，道教名山志，宮觀志，卷帙不少。皆宜收集校印，以成再續道藏。海內學者，希留意

焉。

皇明恩命世錄卷三命編進道書勅：「勅真人張宇初：前者命爾編修道教書，可早完進來，通類刊板。故勅。永樂四年十一月十九日。」光緒江西通志卷一百二十三引張宇初紫霄觀在廬陵縣記：「永樂四年夏，予承旨纂修道典。」明何喬遠名山藏方外記張真人世家：「永樂元年命，（張宇初）陪祀天壇。五年命編修道教書。」華蓋山浮丘王郭三真君事實，前有永樂五年張宇初序，謂「今夏蒙旨纂修道典，謹以是錄正而附之。」是張宇初於永樂四年五年奉勅編修道教書，即謂纂修道藏也。漢天師世家卷三云：「四十三代天師諱宇初，字子璿，號耆山。」有峴泉文集二十卷，正統藏道藏收峴泉集十二卷。永樂八年卒弟宇清嗣，至宣德二年而卒。皇明恩命世錄卷三云：洪武十三年二月制授張宇初正一嗣教道合無爲闡祖光範大真人，領道教事。卷四云：永樂八年十月制授張宇清正一嗣教清虛冲素光祖演道大真人，領道教事。是張宇初於永樂八年卒後，宇清繼領道教事。當繼宇初主持纂修道藏。

北平白雲觀正統十三年許彬碑云：「臣彬仰惟太宗文皇帝按即成祖臨御之日，舊命道流

合道藏諸品經，纂輯校正，將鈐梓以傳；而功未就緒，奄忽上賓。肆今皇上，以至聖之德，統承天位，體皇曾祖按即成祖之心，以天下生民爲念，追尊先志，於是重加訂正，增所未備，用壽

諸梓。蓋謂成祖勅張宇初率道士纂校道藏，將鈐梓以傳，功未就緒，而成祖崩殂，仁宗

宣宗相繼嗣位，擱置未理。暨英宗承統，追成先志，始重加訂正，增所未備，刊板流布。明金

陵玄觀志清黃虞稷千頃堂書目卷十六著錄葛寅亮金陵道藏志口卷，蓋即此書。卷一明周洪謨潛濟喻真人誌略云：「正統甲

子」按即九年通妙邵真人「奉詔督校大藏經典。」名山藏典謨記云：正統九年十月甲子

「頒釋道大藏經典於天下寺觀。」金陵玄觀志卷十三引明鍾傳玄真觀興造記，謂正統八年勅賜道經一藏於玄真觀。蓋誤。當作九年。是正統

九年將刊道藏，乃詔邵通妙督校；故至十月即可頒道藏經於天下宮觀也。所謂督校者，

蓋刊板之際，主持校對耳。許彬謂重加訂正，增所未備。邵氏所訂正，必甚鮮也。通妙邵真

人卽邵以正。明史卷二百九十九云：劉淵然之「徒有邵以正者，雲南人。早得法於淵然。

淵然請老，薦之。召爲道錄司左元義。正統中遷左正一，領京師道教事。」金陵玄觀志卷

一云天：順二年賜號悟玄養素凝神冲默闡微振法通妙真人，領道教事。

永樂中與修道藏道士之可考者，有涂省躬；正統中有喻道純、湯希文。乾隆南昌府志卷

二十三引明曾榮玉虛觀記觀在南昌府城德勝門外曰永樂中，玉虛觀道士羅「素行之弟子涂省躬

承詔至京師纂修道藏經典。」金陵玄觀志卷一潛濟喻真人誌略：「真人姓喻氏，諱道

純，長沙清瀏人。聞通妙邵真人在京師領道教事，遂詣邵而受其法。」正統甲子，邵奉

詔督校大藏經典，真人乃預校讎。」景泰壬申春，拜道錄司右玄義。丙子進左玄義。頃

之昇右正一。」成化「甲午，賜誥體玄守道安恬養素冲虛湛默演法翊化普濟真人，仍

領道教事。」乙未，南京西山道院長春劉真人淵然之舊居。時圯且蕪，乃爲重構。卒年七

十。明嘉靖中江永年纂茅山志後編道秩考：「湯希文，永樂間由副靈官宣德正統間歷

授道錄，至靈官，欽取修道藏經，陞左演法。景泰改元，陞右正乙，兼朝天宮按在南京住持。天順

五年卒，遣應天府丞劉洙賜以諡祭。」清康熙中宣蟾光編茅山志道秩考云：「湯希文，

號復古，溧陽人。」今正統道藏分部混淆，足證與修道藏道士學術之淺陋。又搜訪道書，

亦未周遍。福建省龍溪縣玄妙觀政和道藏五百六十四函，明代尙存。亦未運往北京，據

此增補成藏。不然者，今道藏闕經目錄所著錄道書，皆可刊入正統藏也。當時蓋僅據各

處宮觀所存元刊踐蘇藏，增入元明二代道書，校刊成藏耳。

今上海白雲觀所庋正統道藏，每函卷首刊有三清及諸聖像，卷末有護法神像，卷首並有正統十年十一月十一日御製題識。是正統藏雕板當於正統十年告成。但正統九年已先有頒賜，蓋藏經刊板於正統九年訖工，而每函卷首卷末圖板乃十年所增刊也。

皇明思命世錄卷六頒賜藏經旨：「皇帝聖旨：朕體天地保民之心，恭成皇曾祖考之志，刊印道藏經典，頒賜天下，用廣流傳。茲以一藏安奉龍虎山大上清宮，永充供養。聽所在道宮道士，看誦讚揚。上爲國家祝釐，下與生民祈福。務須祇奉守護，不許縱容閑雜之人，私借觀玩，輕漫褻瀆，致有損壞遺失。違者必究治之。」正統十二年八月初十日。北平白雲觀有許彬碑，刊有賜經旨，江永年茅山志後編皇明懿典賜三茅山元符宮藏經勅，金陵玄觀志卷三頒南京獅子山盧龍觀卷七頒長壽山朝真觀護道藏勅同，皆頒於正統十二年八月初十日。蓋正統九年僅稍行頒賜道藏；及十二年，始印就道藏經多藏，分頒天下宮觀也。

其後明代皇帝，續有印造道藏經，頒賜宮觀者。金陵玄觀志卷一護道藏勅，頒於憲宗成

化十二年二月日：「皇帝聖旨：皇考體天地保民之心，恭成皇曾祖考之志，刊印道藏經典，其來已久。茲以一歲安奉南京朝天宮，永充供養。聽所在道官道士看誦讚揚。上爲國家祝釐，下與生民祈福。務須祇奉守護，不許縱容閒雜之人，私借觀玩，輕漫褻瀆，致有損壞遺失。違者必究治之！故諭。」卷八頌方山洞玄觀護道藏敕同。嘉慶三台縣志卷八云：「明萬曆二十七年賜雲臺觀住持勅諭一道：勅諭雲臺山佑聖觀住持及道衆人等：朕發誠心，印造大藏經，頒施在京及天下名山宮觀供奉。經首護勅已諭其由。爾住持及道衆人等，務要虔潔供安，朝夕禮誦，保安眇躬。康泰宮壺，肅清懺已往愆尤，祈無疆壽福，民安國泰，天下太平。俾四海八方，同歸清靜善教。朕成已無爲之治道焉。今特差道經廠副掌壇御馬監左少監白忠齋請前去彼處供安。合宜仰體知悉。欽哉故諭。萬曆二十七年八月二十七日。」又婁近垣龍虎山志卷十錄有明神宗二十七年二月欽頒道藏安供大上清宮勅，清乾隆中姚遠翻纂華嶽志卷五錄有萬曆二十七年頒西嶽華山西嶽廟藏經勅，乾隆中桂敬順纂恆山志享集錄有萬曆二十四年元集作二十七年頒北岳廟藏經勅，康熙中宜璿光編茅山志卷二錄有萬曆四十二年三月頒三茅山九霄萬福宮藏經勅，

以上諸頒藏經勅，除宮觀各異及齋經使或有不同外，勅文與古勅全同。又管蟾光茅山志卷二頌三茅山元符萬寧宮藏經勅，未著頒於何年，勅文同，蓋亦頒於萬曆年間。

正統道藏據北平白雲觀正統十三年許彬碑云：「計五千三百五卷，通四百八十函。」

又有續道藏經，退耕堂

徐世昌所用堂名

景印文津閣四庫全書本明白雲霧道藏目錄詳註卷

四末，續道藏自杜字號至將字號。（道藏以千字文爲函次）國學圖書館藏乾隆刊本

杜字號至府字號。退耕堂景印文津閣四庫全書本末又附大明續道藏經目錄，自杜字

號至纓字號。是續道藏經乃陸續增刊，初自杜字號刊至府字號，或將字號，其後乃刊至

纓字號也。續道藏經杜字號太上元始天尊說孔雀經白文末，

志誤作至

和字號弘道錄卷三

十三末，槐字號無生訣經末，縣字號岱史卷十八末，給字號古易考原卷三末，冠字號玄

天上帝百字聖號末，

且作

陪字號天皇至道太清玉冊卷七末，纓字號莊子翼卷八末，

且作

皆附識語：「大明萬曆三十五年，歲次丁未，上元吉日，正一嗣教凝誠志道闡玄弘教

大真人掌天下道教事張國祥奉旨校梓。」壁字號漢天師世家卷四末附識語：「大明

萬曆三十五年，歲次丁未，上元吉日，正一嗣教凝誠志道闡玄弘教大真人掌天下道教



事五十代孫國祥奉旨校梓。一將字號弘道錄卷二十五末附識語：「大明萬曆三十五年二月十五日奉旨續刊印施，正一嗣教大真人張國祥校。」據小柳氣司太白雲觀志所收補漢夫師世家，張國祥乃五十代天師。是續道藏經乃五十代天師張國祥於萬曆三十五年奉旨校梓印施。正統道藏末收道藏經目錄四卷，末附續道藏經目錄，後題曰：「大明萬曆三十五年，歲次丁未，上元吉日，正一嗣教凝誠志道闡玄教大真人掌天下道教事張國祥奉旨校梓。靈佑宮供奉。」是萬曆續道藏經板皮於靈佑宮。既續道藏經目錄附正統道藏經末，則萬曆年間，正統中所刊道藏經板，亦皮於靈佑宮中也。靈佑宮，見光緒順天府志卷十六所記京師外城寺觀。府志據沈進行國錄云：「又山川壇之北，有靈佑宮。舊爲十方道院，止一楹。萬曆壬寅，<sup>三十</sup>始拓爲三楹，名真武廟。越歲癸丑，太監魏學顏闢地數十畝，建閣一，爲請于朝，賜額靈佑。殿外有碑二：一大學士葉向高撰，一天啓王紹徽撰。」蓋萬曆三十一年，太監魏學顏拓建真武廟，賜額靈佑。其後乃移皮正統道藏經板焉。萬曆續道藏經板刊竣，亦皮於此。明劉若愚明朝宮史上集內板書數：「道經一藏，五百十二函，十二萬一千五百八十九頁。」（明志著錄道經五百十二函，道

藏目錄四卷。明周弘祖古今書刻記內府刊有道藏經。是正統道藏經四百八十函，合萬曆續道藏經三十二函，共五百一十二函，皆刊於內府。據此，正續道藏經板皆度於皇城內，而明朝宮史及光緒順天府志京師志宮禁園囿下，皆無靈佑宮。蓋此乃外城道觀。民國初年重印正統道藏緣起謂正統藏及萬曆續藏「經版刊板，率用舊規，傳至有清，舊度大光明殿，日有損缺。迨庚子之亂，存板盡燬。」按婁近垣龍虎山志卷一：雍正八年龍虎山道士婁近垣以符水爲清世宗治病，有驗，因賜以四品龍虎山提點司，欽安殿。按清世宗志卷二：京城內坤寧宮後，有欽安殿，祀玉皇上帝。任持。雍正十一年六月諭修理大光明殿，婁近垣居住。八月諭封婁近垣妙正真人。十月大光明殿修理告竣。是月，婁近垣率江南江西道衆四十八名進院。又按光緒順天府志卷十六皇執寺觀音池口內草廠西，有永佑廟。其「西爲大光明殿。明萬壽宮。嘉靖間建大光明殿。本朝雍正十一年修。乾隆四十八年重修。殿內奉玉皇。」明道藏經本刊於內府，故清代度於皇城道觀大光明殿也。

北平白雲觀正統十二年賜有道藏經。觀有許彬碑，詳記其事。守一子編道藏精華錄本李杰道藏目錄詳註前有道光二十五年鄭永祥孟至才撰白雲觀重修道藏記云：「蓋

涵芬樓影  
印北平白  
雲觀道藏

明藏目錄

此藏之存於觀中者非一日矣。閱藏者不一其人，主事者弗介乎意。遂至三洞真經頗多殘缺。道光二十五年，本觀大檀越王公廷弼助資修補。於是借諸山之經，繕本補入。數月之間，竟成完璧。民國初年徐世昌借以重印。道藏精華錄緒言云：大總統徐世昌「借北京白雲觀道藏縮爲石印六開小本，每梵本二葉，併爲一葉，始將梵本改爲」線裝本，「每部實價八百銀圓。」請前教育總長傅增湘總理其事。摹影校勘，始民國十二年十月，迄十五年四月。由上海涵芬樓影印。凡印三百五十藏。每藏一千一百二十冊。此本避清帝諱處，卽道光中所修補者。明清二代，頒賜各處宮觀道藏甚多。以屢經兵燹，見存者寥寥可數。見後道藏經遂成祕笈。及北平白雲觀道藏影印行世，學者始得讀正統道藏及萬曆續道藏矣。

涵芬樓景印北平白雲觀道藏，正藏末收道藏經目錄四卷，附續道藏經目錄。此錄前有道教宗源及凡例，正藏天字至英字號，續藏杜字至癸字號。卷一洞真部，卷二洞玄部，卷三洞神部，各分爲十二類。卷四太玄部，太平部，太清部，正一部。每卷首錄部類。次字號及各字號重編卷數，卽原刊本冊數。各字號冊數多寡不等。道書分列於各字號後，著書名

原卷數道藏重編卷數。其有數種道書合爲一卷卽一冊者，則於末種下著云某數種同卷。有符圖像者皆爲標明。各書間著撰人。續道藏經則題曰正一部。

藏外有白雲霧道藏目錄詳註四卷。通行本爲退耕堂景印文津閣四庫全書本。題曰明白雲霧撰。前有提要云：「白雲霧，字明之，號在壺子，上元人。是書成於天啓丙寅。」各卷所錄部類字號道書列次與右錄同。各條加著撰人，略附子目，並摘錄原書序文。但卷四於正藏後附續藏杜宇至將字號。後另附大明續道藏經目錄一卷，自杜宇至纓字號，無解題。江蘇省立國學圖書館所藏題曰明冶城白雲霧詳註。明南京冶城山有朝天宮。白雲霧蓋明南京朝天宮道士也。此本玄作元，弘作宏，訴仍作訴，蓋乾隆中刊本；乃丁氏八千卷樓舊藏。前有凡例，道藏總目，道教宗源。脫惟鞠二字號道書。卷四正藏後附續道藏杜宇至府字號。末無大明續道藏經目錄。

又有李太道藏目錄詳註四卷。國符所見爲道藏精華錄本。題曰遼左李杰若之詳註。前有凡例，道藏總目，道藏宗源，白雲觀重修道藏記。各卷所錄部類道書次序同白雲霧詳註。撰人卷數大致相同。解題互有詳略；而李杰解題與白雲霧解題相同者甚多。是錄載

滴字樓景  
印北平白  
雲觀道藏  
之缺卷

道藏源流攷

一九六

書名而著所屬字號及卷數於其下。卷四至英字號。後附大明續道藏經目錄，亦題曰正一部，自杜宇至纓字號，無解題。清孫星衍孫氏祠堂書目內編卷三著錄道藏目錄十二卷，明李杰若撰。李杰若疑當作李杰若之。不知卽此書否也。

以白雲霽道藏目錄詳註校涵芬樓景印北平白雲觀道藏及其目錄，則道書標題卷數稍有不同，且有此存而彼缺者。除道書標題不同外，其他二事，據退耕堂景印文津閣四庫全書本列表於左，而以乾隆刊本參校之。白雲霽間有脫誤，亦錄於表內。

部別	類別	字號	書	名	白雲觀道藏目錄詳註	新芬樓影印北平白雲觀道藏
洞真	本文	宿	元始天尊說甘露昇天神呪妙經	脫	存	
	玉訣	收	九天應元雷聲普化天尊玉樞寶經集註	誤作一卷當作二卷	二卷	
	威儀	篇	正一醮司辟毒神燈儀	脫	存	
	方法	珍李	難明瑞象燈儀	脫	存	
		奈榮	修真十書	誤作六十四卷當作六十卷	六十卷	
記傳	重	黃帝宅經		未著卷數當作二卷	二卷	
	海	穆天子傳		五卷	六卷	

洞玄	本文	人	太上黃庭外景玉經
戒律	陶	太上洞玄靈寶宣戒首悔衆罪保護經	退耕堂景印文津閣四庫全書本誤作十卷乾隆刊本不著卷數當作三卷
		上清骨髓靈文鬼律	中下三卷
威儀	壹	洪恩靈濟真君集福宿啓儀	退耕堂景印文津閣四庫全書本誤作一卷乾隆刊本作二卷
化	此	太上洞淵三昧神呪濟十方懺儀	存
方法	身	天僊院都司須知令	存
洞神	女	鄒覽淨明黃素書經義秘訣	一卷
玉訣	男	老子像名經	十卷內缺六之八
		道德真經（明太祖註）	二卷成二冊
		道德真經四卷（唐玄宗注）	存
經	經	道德真經藏室纂微手鈔	二卷原缺上卷
星壘		道德真經行義手鈔	二十卷原缺一之
悲		道德真經疏義	二
方法	海	北斗治法武威經	六卷
			誤作二卷當作一卷

太平										
衆術 記傳										
夙	之	流	外	受	傳	訓	入	母	諸	伯
太上五星七元空常訣	九轉靈珠神仙九丹經	玄天上帝啓聖錄	太平經	又	又	又	又	太上洞玄靈寶三十二天尊應號經	道教義樞	太平兩同書
脫	未著卷數當作二卷	六卷	卷一之十四內缺十五之三十四	卷三十五之五十	卷五十一之九十內有缺卷	卷九十一之一百七內缺九十四九十五	卷一百八之一百一十九	卷一之十二成二冊	十卷	不著卷數
存	二卷卷上有闕文八卷	卷一之十內缺十一之三十四實乃太平經鈔十卷	卷三十五之五十內缺三十八	卷五十一之九十內缺五十二、五十六之六十四、七十三之八十五、八十七、	卷九十一之一百七內缺九十四九十五	卷一百八之一百一十九內缺一百一十五	二十六卷存二卷	漏刻卷六	上下二卷下卷有	

叔	猶	子	比	兄	孔
無上祕要	又	又	又	又	又

卷二之二十	卷二十一之三十二	卷三十三之四十七	卷四十八之五十九	卷六十之八十八	卷八十九之一百
闕文 卷三之九、卷十五之二十、內缺一之二、八之十四、	卷二十一之三十二	卷三十三之四十七 七內缺三十六	卷四十八之五十九 七內缺五十八五十九	卷六十五之八十八、內缺六十之六十四、六十七之七十三、七十五之七十七、七十九之八十二、八十五、八十六、八十九之九十、	卷九十一之一百



次弗	法海遺財	五十六卷	四十六卷
離節			
獸養	上清靈寶大法(金允中編)	誤作四十七卷當作四十四卷	四十四卷
彩仙			
鏡			
鼓	諸真內丹集要	誤作二卷當作三卷	卷三成三冊
轉疑	規泉集	誤作十五卷當作十二卷	十二卷成十二冊
左	洞真太上太霄琅書	十卷成九冊	九卷成九冊漏刻卷二
右	太上中黃妙真經	追尋堂景印文津閣四庫全書本作三卷蓋三冊之錢乾隆刊本作八卷十五品成三冊	十卷十七品成三冊
藏經	贊靈集四卷(附徐仙翰藻後)	缺	存，四卷成二冊，但目錄內不著錄
戶	徐仙真錄五卷	脫(李杰道藏目錄詳註存)	存
警			
振			

樓

製

莊子翼

莊子翼四卷四冊

莊子翼附錄一卷

一冊

附註一、滄葭樓影印北平白雲觀道藏正一部檢字號收丹陽真人直言，附重陽立教十五論後，目錄內不著錄。

二、右表所著卷數皆道書原卷數；道藏重編卷數則記冊數。

由此表，足見北平白雲觀道藏雖經道光中修補實未能復其舊觀，而仍稍有缺卷也。

上海市方斜路上海白雲觀度有正統道藏萬曆續道藏，以千字文爲函次，一字當一函。正藏自天字至英字。續藏自杜字至縷字。每函分爲若干冊，冊數多寡不定。冊爲一卷；卷已重編，所收道書原有短卷，則數卷合爲一卷。係梵夾本，每函卷首刊有神像及正統御製題識：「天地定位。陰陽協和。星辰順度。日月照明。寒暑應候。雨暘以時。山嶽靖謐。河海澄清。草木蕪麻。魚鼈咸若。家和戶寧。衣食充足。禮讓興行。教化修明。風俗敦厚。刑罰不用。四夷賓服。邦國鞏固。宗社尊安。景運隆長。本支萬世。正統十年十一月十一日。每函卷末亦刊有神像。每函有標籤曰：「同治五年重修。」據該觀道士劉永祥云：上海白雲觀於清同治中由道士徐立成創立，其道藏於光緒十六年由嘉定徐麟閣狀元（同治壬戌

科向北京請來。徐邨乃徐立成之同族也。據燕京大學所刊涵芬樓影印正統道藏詳目檢視，則太平經，無上祕要，道教義樞存缺卷全符合。疑北平白雲觀道藏於道光二十五年重修後，大光明殿道藏經板亦依此藏重行補板。於同治五年補板及重編完畢。光緒十六年上海所請正續道藏，即用此板印造。故二藏完全符合也。或此乃北方道觀舊藏。道光二十五年北平白雲觀道藏重修後，此藏即據以寫補，故二藏相同。亦未可知。此二說孰是孰非，須詳檢此藏以定之。而白雲觀新仁監院李理山於閱藏多方留難，故事未果行。

道藏精華錄緒言謂明道藏又有天啓丙寅新刊袖珍本。但國符尙未之見。右記白雲霽道藏目錄詳註成於天啓丙寅。如道藏精華錄緒言之說可信，則白雲霽蓋據天啓丙寅新刊袖珍本，以成道藏目錄詳註。雲霄乃明南京朝天宮道士。天啓丙寅新刊袖珍本或係南京朝天宮所刊。

正統道藏所收書籍，多避宋諱。蓋雖係明刻，而淵源固自政和道藏也。

光緒中上海福瀛書局借仁和和朱氏增訂本重編付刊彙刻書目第二十冊：道藏亦有

南北兩本。北藏係宋人舊帙，未經後人驟入他書。華陰道院有之。發後不知尚在否？南藏乃明初金陵某道觀重編。配隸或有未安。門目或有改易。其無以爲道宗言者，一概收載，殊爲牽強。嘉靖間繙經廠取以重刻，仿釋藏亦改爲梵夾本。今世所通行，卽此也。」是冊所收道藏目錄，卽正統道藏萬曆續道藏目錄。按道藏僅南宋時南方有道藏，北方金元亦有道藏，可稱有南北藏。其淵源則皆出自北宋政和道藏。明刊道藏，典籍所載，及國符所目見，皆係正統刊道藏及萬曆刊續道藏。天啓丙寅新刊袖珍本則尙未經眼，蓋亦據正統道藏萬曆續道藏重刊。嘉靖間並未刊有道藏。華陰道院有宋本道藏，亦誤。元太宗九年迄乃馬真皇后稱制三年，宋德方刊道藏，嘗廣搜道書，而云金末喪亂之後，道藏散落無幾，獨管州者僅存。是時夏金二國皆已亡於元；今華陰縣當已入元版圖。而德方未記此地有道藏。足證今華陰縣元初已無道藏。據乾隆中姚遠翻纂華嶽志，清初華山太虛庵，西嶽廟，萬壽閣度有道藏，皆明萬曆中頒賜。卽係明刊道藏，非宋人舊帙。正統道藏分部混淆，見第

頁。三洞四輔十二類一仍舊律，無所改易。若藥方諸子之列入道經目道藏，則由來已久。劉宋陸修靜三洞經書目錄已有藥方。北周玄都觀道士所上

經目已屬入諸子。蓋非始自正統道藏也。正統道藏萬曆續道藏原印本乃梵夾本。惟宋金元刊道藏皆未得見。是否明刊道藏始爲梵夾本，不能臆測也。彙刻書目所載，蓋據道士傳說。國符嘗訪道觀多處。其道士率皆不學。曾見道藏者鮮。或有道書數十種，遂謂其有全藏。或誤道藏輯要爲道藏。而上海一二黠巧道士，且以不知爲知，誇發妄言。作四川尙有道士熟讀道藏。通常道士所述，多不可信。必實地考訪，以定其僞否。儒釋著述，涉及道藏，亦多謬誤。

自劉宋陸修靜道經目以來，歷代道書目及道藏目錄亡佚者多。國符所見僅道藏闕經目錄及前述數種明刊道藏目錄。常熟丁國鈞撰子辰注補晉書藝文志引宋靈佑宮道藏目錄。丁國鈞乃常熟荷香館街名丁氏子丁辰患肺癆早卒，無後。國鈞以周氏外孫爲嗣。此人已售其房屋遷居上海。遺書已散失。又秦榮光補晉書藝文志亦引宋靈佑宮道藏目錄。

明清各處道藏，可考者如左：

北京白雲觀按小柳氣司太白雲觀志：丘處機卒後，元太祖二十三年，其弟子尹志平營

道觀於長春宮東，以葬處機。謂之白雲觀。元末頽圯。明洪武末年重建。宣德間增建。正統間增建並廣觀址。（正統十二年頒藏經）景泰弘治，正德嘉靖年間葺建。明末傾頽，並燬於兵燹。清康熙中廣觀址，並重建。乾隆道光，光緒間葺建。民國庚申壬戌重修。

靈真觀，在直隸省。「宣府雲州城西南十五里金閣山中。元時建。」觀有金閣，道經藏焉。

區書集成 觀在宣化府赤誠縣境。「康熙十一年二月賜金修葺。」乾隆宣化縣志

宣化府延慶州藏經閣，「在州城西北樂善街。明萬曆二十三年，太監羅本資捧道藏至

州。道人周雲清立道場講道德經。因建閣貯藏。」乾隆延慶州志

山西省太原府陽曲縣「元通觀在城東南鐵匠巷。」明正統「十二年勅頒道經一藏，

凡四百八十函。」見乾隆太原府志。民國三十六年一月十四日上海大公報圖書副刊謂山西太原崇善寺藏明正統藏，極完整。民國二十九年春爲當時僞山西省長蘇體仁運出。現況不詳。

但太原府志未載崇善寺賜有道藏。

渾源州恆山清乾隆中桂敬順纂恆山志元集「萬曆二十七年按亨集云二十四年遣內監白忠

齋道大藏經置恆山。勅卷藏九天堂。」按賜經總五百十二函。明末散失四十八函。今

道十九天宮劉一雲於乾隆十一年往京師白雲觀募王按當鈔補。今全。有目。目下幾兩有餘字

木櫃藏寢殿之東西石窟中。」又云嶽廟「明洪武中都指揮周立復建。成（化）宏（治）間知州關宗董賜重修。宏治十四年勅擴修。都御史劉宇以古廟隘，度地中峯之陽，建朝殿。改古廟爲寢宮。古廟在山巔。」又云此寢宮「在白雲谷東。」右云藏寢殿之東西石窟中。此寢殿當卽古嶽廟。

澤州府陽城縣「紫微宮，在王屋山陽臺宮東北。明李濂記」：「曰：通明殿祀吳天上帝。殿內環列朱龕，貯明御賜道藏經。」雍正澤州府志

河南省河南府登封縣嵩山：明萬曆間傅梅撰嵩書卷三：「中嶽廟在太室東南黃蓋峯之下，去（登封）縣八里。」「黃籙殿在嶽廟之後，今貯欽降道藏經函於此。」清康熙間景日昉撰說嵩卷四：「明萬曆間勅降道藏經函貯於內。鼎革兵燹，無存焉。」「今藏函久燬，而羽流於殿中祀玉皇焉。」

陝西省西安府盤屋縣東南三十里樓觀，明萬曆間有道士姬東坡。御賜以道經二藏。見

正陝西通志。參閱附錄二樓觀條。

同州府華陰縣華山：清乾隆年間姚遠翻纂華嶽志卷三：「太虛庵，在青柯坪東谷中。明

羽士高元和卜居其上。後北遊京師。慈聖太后感夢，「命神宗施賜道藏四百八十函。至萬曆十八年成藏經閣而納之。」西安八仙宮道士邱明中云：「今華山無道藏。」

又：「萬壽閣，在嶽廟後，萬曆中道士席演魁建。」又清王引之撰纂修萬壽閣疏謂萬曆中「頒道藏經焉。」按卷五，事在萬曆二十七年。經「共五千三百六十餘卷，續二百餘卷。」「比乃

散失，至百二十餘卷。予以彌歲之力，倩人寫補，始成完書。別爲目錄一卷，併度諸閣中。」蓋據太虛庵道藏寫補。

江蘇省江寧府城冶城山朝天宮：金陵玄觀志卷一謂五代楊吳建，稱紫極宮。明初改朝天宮。天順辛巳延燹。成化年間重建。成化十二年頒道經一藏。又成化十五年商輅奉勅重建朝天宮碑，謂是時有經閣二。明吳寬鮑翁家藏集補遺南京朝天宮重修碑謂成化某年南京朝天宮幾盡燬於火。今宮爲首都地方法院。道藏亡。

獅子山盧龍觀：金陵玄觀志卷三云：「在都城內盧龍山，與儀鳳門接。」「洪武初建。景泰間重修。」「觀在山之上。」正統十二年頒道經一藏。今爲要塞區，內無道士。道藏亡。  
江寧府上元縣長壽山朝真觀：金陵玄觀志卷七云：「在郭門外淳化鎮東。」「國朝正



統年間建。」「正統十二年頒道經一藏。」「甲戌重修。」「今僅存屋宇數楹。內存元至正元年金陵長壽山朝真觀碑，由一雪居寺僧守護之。道藏亡。

方山洞玄觀：金陵玄觀志卷八謂在「方山一名天印山之麓。」「國朝重建。」「成化萬曆間俱重修。」正統十二年（一作成化二年）頒道經一藏。今殿宇狹小，規模去古爲遠。有茹素者守護之。道藏亡。

玄真觀：金陵玄觀志卷十三云在「都城外中和橋。」「地」去「正陽門一里。」永樂十八年爲勅封妙惠仙姑建，名玄真堂。正統八年賜觀額并道藏。旋廢。成化間月鶴道人及安守備重建。今殿宇如故，而丹碧剝落，不堪觀矣。」「今又廢。道藏亦亡。

黃鹿觀：金陵玄觀志卷十三云「在郭城外，東城，地去所領神樂觀十四里，通濟門十五里，係（神樂觀）觀墳塋處所。」又云有輪藏殿。常有輪藏及道藏經。

江寧府溧陽縣「太虛觀，在縣西南盤白山。」「明萬曆間賜有道藏。」嘉慶溧陽縣志「光緒

十六年重建。」光緒溧陽縣志今僅存屋三間，由茹素者守護。內設小學校。道藏亡。

「泰清觀在縣東南隅。」「明正統初邑人戴慶祖請道藏貯焉。後移城隍廟東。」嘉慶溧陽縣志

縣志「今廢」。光緒縣志

江寧府句容縣「青元觀」在縣治西南隅。原係葛仙翁故宅，丹井猶存。正統十二年敕賜道經一藏。成化癸卯殿廊被燬，僅存其敕并藏。有仙翁遺傳，內分五院：紫微、大清、東嶽、茅君、真武。道會司在焉。乾隆句容縣志。今廢道藏并敕皆亡。舊址附近有葛仙庵。光緒初年道士施代銘募建。光緒續句容縣志。今存屋二進，各三間。茅山道士一人，率僕一人守護之。

明嘉靖間江永年纂茅山志後編「正統十二年八月頒賜道經一藏于元符宮」。今俗稱中宮或印宮

即建藏殿貯之。今殿回祿。清康熙間宣蟾光編茅山志卷二有萬曆四十二年三月賜

九霄萬福宮

今俗稱上宮

道藏勅。是萬曆中頒道藏於九霄萬福宮。又有賜元符宮藏經勅，不

著頒賜年月。敕文除宮觀及齋經使不同外，與賜九霄萬福宮藏經勅全相符合。蓋亦萬

曆中所頒賜。是萬曆間重賜道藏於元符宮。楊世沅輯句容金石記卷十王錫爵乾元觀

記「萬曆己亥，二十

七年

神廟以聖母所印道藏四百八十函賜」乾元觀，因建藏經殿。九霄

宮本有藏經閣，以度明刊道藏。太平天國時，閣被焚，此藏亦燬。在抗戰前，元符宮乾元觀

二藏，亦已亡佚。乾元觀尚存藏經數冊。民國二十七年，日本軍焚元符宮乾元觀。元符宮

稍存殘道院。乾元觀夷爲廢墟。此數冊道經亦燬。

蘇州府城玄妙觀：「正統三年巡撫周公忱，知府況公鍾捐資，委道紀郭貴謙募建彌羅

閣，請賜道藏經。」「萬曆三十年閣圯。」未詳道藏損毀否？道士「惠遠模，字虛中，號潛

峯，」乾隆「十五年冬」自北京「南歸。上聞，賜道經一藏，歸建藏經閣。」顯況元清乾

嘉間此觀尙存道藏。國朝漢學師承記今亡，蓋燬於咸同間。

蘇州府城外西鄉近善人橋鎮，有穹窿山。上有上真觀。清順治中鐵竹道人施亮生興建。

今爲屋三四百楹。國符所見江南現存道觀，以此爲最巨。蘇州玄妙觀已成商場但道衆貧乏四散，留

觀者鮮。長此以往，將就傾頽。觀有樓，舊滿度經板。今皆亡。民國三十二年重印本康熙中

吳偉業向球纂穹窿山志卷三謂觀有道書數千卷。今亦亡。

蘇州府嘉定縣「集仙宮（在）東城二圖。」「明正統間道士陸宗潤修，賜道經一藏。嘉

靖二十九年道士謝一誠重建三清殿，徽商吳國寧建三官殿三茅殿。萬曆三十二年里

人唐洪重建東嶽殿。國朝乾隆三十五年重建玉皇殿，錢大昕記。今廢。」光緒嘉定縣志「光緒

季年募建。」續志

揚州府儀徵縣「元妙觀」舊儒學西。卽宋天慶觀，政和中分建者。明洪武中更名。嘉靖初，

巡按御史李東毀之，歸其地於事宮。觀有道藏及呂真人祠堂。

嘉慶揚州府志

浙江省杭州府城「三茅寧壽觀」在七寶山東麓。

「嘉靖間賜道藏。」

此當係正統藏

「萬曆

間賜道藏經一部，明季漸圯，今僅存三茅君小殿。」

光緒杭州府志

今存小殿，前有小亭，亭前有

萬曆間重修吳山三茅寧壽觀記碑。

「佑聖觀」在錢塘興禮坊。

「康熙五十二年欽頒道藏，供奉殿內。雍正七年移供聖因

寺。」此寺「在孤山之南，面明聖湖。」

「咸豐辛酉燬於寇。」

光緒杭州府志

此道藏當亦焚燬。

此寺於光緒十六年重建。

光緒杭州府志

舊址今爲浙江省立西湖博物館。

寧波府鄞縣冲虛真觀。元稱玄妙觀。

見第一百七十九頁

嘉靖寧波府志卷十八云天順「七年奏賜

今額。今殿堂西廊俱燬。」

光緒鄞縣志卷六十引明姚夔冲虛觀記云明天順間重修，有

「經室。」故明代當有道經。卷六十又云「國初其址改爲右營教場，僅建三官，玄壇，關

帝三殿於外。」

安徽省太平府當塗縣「希範觀」在郡城崇教坊。「明正統景泰間，都紀湯慶雲重修。

巡撫周忱請道經一藏置觀內。「天啓康熙續有增建。乾隆六年重修。」乾隆太平府志今廢。道藏亦亡。

寧國府宣城縣「元妙觀，在府志當作西南鼇峯上。」嘉慶寧國府志「宣德間重修。」大明

一統志「正統」「丁卯年十二頒道藏經貯三清殿。」此觀於康熙中重修。嘉慶寧國府志

江西省南昌府南昌縣逍遙山萬壽宮省城行宮稱妙濟萬壽宮，在廣潤門之左。舊稱鐵

柱宮。明嘉靖間賜今名。萬曆間賜道藏。萬曆二十八年燬。逍遙山萬壽宮志三十年復建。尋

燬。「康熙十年巡撫董衛國建。雍正元年復燬。巡撫裴律度建。」雍正江西通志

江西省南昌府新建縣「建德觀，在易俗坊。」明永樂，宣德，正統間重修。宣德「庚戌作

輪藏殿，」故嘗有藏經。「明末觀圯。」清康熙間重修。乾隆南昌府志

廣信府貴溪縣龍虎山大上清宮。婁近同龍虎山志卷三記此宮燬於元成宗大德十二

年。洪武重建，有藏室。未詳有道藏否。又記永樂正德嘉靖屢有修建。萬曆三十七年被水

災，重修。康熙年間又重修。雍正江西通志卷一百十二謂雍正中又發帑興修。光緒江西

通志卷一百二十四云「乾隆嘉慶間俱特旨動帑修葺。」皇明恩命世錄卷六記正統

十二年八月頒道經一藏。山志卷十記萬曆二十七年頒道藏經。按山志未載正統十二年後，大上清宮有火災。是萬曆二十七年時，正統所頒道藏，當仍存於宮中。萬曆三十七年宮被水災。正統及萬曆所頒道藏，未詳有損佚否？嗣漢六十三代天師張恩溥云：太平天國時代，上清宮大部被焚；藏經則仍得保存。事後地方人士募款，將上清宮稍行修葺。民國十六年，普通道書頗有損失。二十年陰曆二月，焚上清宮，藏經亦燬。此人言語不甚真實，錄於此以資參考。今上清宮存門樓，亭，牌樓，鐘樓，道院。正殿則蕩爲廢墟。上有數石碑。江西道教式微。今正乙派重心，在蘇常一帶。

湖北省襄陽府均州武當山明隆慶中盧重華編大岳太和山志卷三云：「成化二十二年九月初一日欽降道經七千卷」於武當山；但未記奉安於何宮觀。按山志，明代武當山宮觀，以玄天玉虛宮規制最大。疑道經奉安於此宮中。按百川學海收明嘉靖中方升撰大嶽志，宮在展旗峯北。盧重華志卷一云永樂中頒內帑建；嘉靖三十一年頒內帑重修。清乾隆中王槩纂大嶽太和山紀略卷三云清初宮已燬。道經當亦亡。

湖南省衡州府衡山縣衡山康熙中吳偉業向球纂穹窿山志卷三施亮生正一偶商，前

有吳晉錫序云：「余遊南嶽，簡道藏。」是清初南嶽有道藏。循中、西、北嶽例，此藏當在嶽廟，且疑亦係明萬曆中所頒賜。乾隆中高自位重編南嶽志卷一云：「南嶽廟，在赤帝峯下。」明成化七年迄八年大修。嘉靖二十一年修葺。清順治五年殿燬于火。康熙四十四年迄四十六年大修。雍正十年迄十一年，乾隆十六年重修。光緒湖南通志卷七十五云：嘉慶九年，道光二十一年，同治三年重修。同治十二年正殿火。

四川省潼川府三臺縣「佑聖觀」(在治南百里雲臺山)趙真人修真處。舊爲雲臺觀。明萬曆時勅建。「萬曆二十七年頒賜道藏。」又賜存經典甚多。兵燹之後，大半失散。其現存者三十四種。嘉慶三臺縣志後稱佑聖寺。清「光緒間又修。」光緒道川府志嘉慶三臺縣志卷四

載有佑聖觀殘藏經三十四種目錄，內各種道德經注疏，及南華經注疏各爲一種，共藏經一千二百數十卷。其中太平經有九十卷；無上祕要經五十四卷。而涵芬樓影印北平白雲觀正統藏本，太平經存太平經鈔十卷，太平經四十九卷；無上祕要存六十八卷。因函四川灌縣青城山常道觀道士易心盤轉託該觀道士抄錄影印本所缺太平經卷。無上祕要疑亦有此存而彼佚者。易道士乃親往三臺縣河嘴雲臺觀詳檢。函覆云：是觀殘

藏實存三千三百餘卷。並錄寄見存太平經無上祕要卷目。經核對，則二書佚卷較影印本更多，亦無影印本之佚卷。其後又抄寄白雲靈道藏目錄詳註與涵芬樓景印北平白雲觀道藏之對照表，請其託人檢對雲臺觀殘藏存有景印本之缺卷否？易道士又於三十七年十月親往詳檢全藏。函覆云：雲臺觀道藏係兩次頒賜。聖旨原文俱存。首在萬曆二十七年。次四十四年。前者用高麗紙印，紙質厚重。後者用連史紙印，紙質單薄，板高約八九寸，寬約四五寸。每頁十行，行十七字。函末護法神像側署萬曆戊戌年二十六年十月吉日奉旨印造施行。係梵夾本。云此兩者合爲一藏。前者已爲成都梓潼宮請去。民國宮毀。道經由國學院（存古學堂取去。）當向先喬掌院時，更加整理。繼歸四川大學。後者存於觀中，已三百三十餘年。此藏書套敗壞已久。各函道書，以散麻束之。經詳檢，計洞真部存五百二十卷，洞玄部存六百四十卷，洞神部存八百四十卷，及四輔部，共存三千二百餘卷。續藏則已零亂不堪清理矣。景印本缺卷，此藏皆無有。

盛京奉天府承德縣「太清宮」在外攘關角樓西隅。清康熙四年建。八年御賜藏經一藏，凡七百二十四函。」「乾隆年監院趙一堯重修，規模始備。（民國六年修）道藏今亡。（瀋陽縣志）



右南京附近，茅山，當塗，武進，吳縣，上海，杭州，北平，江西龍虎山宮觀，凡載籍記其度有道藏者，咸親往察訪。瀋陽、溧陽、宜興，則託學生資源委員會同事代詢。

上海白雲觀道藏見第一百九十九頁。易心瑩道士云：河南南陽玄妙觀道藏，今存河南鎮平杏花山菩提寺。王獻堂先生長山東圖書館時，嘗在山東諸道觀搜集殘藏。「道光乙巳，北平孟方丈修補白雲觀玉清觀道經二藏。戒徒趙圓祥，時主瀋陽太清宮，亦來信疑係西白雲觀之惠求補。照單抄補二百卷。復於同治甲子春再補仁威觀之經。」易道士熟讀道藏，與通常道士迥然不同。

按小柳氣司太道教概說，陳彬龢譯本，日本道內省及東本願寺皆度有道藏。又日本宮內省印圖書寮漢籍善本書目卷三著錄明正統刊殘道藏經四千五百十五卷四千一百十五帖。按正統藏每卷爲一冊。

唐五代宋金元明清各處道藏道書，經廣檢載籍，鈎錄於右。除涵芬樓影印道藏外，又據國學圖書館金陵大學圖書館陳羣澤存書庫由中央圖書館接收，改稱城北閱覽室。藏書，檢其道教名山志，宮觀志，方志。宋金元明清人文集，亦皆擇要尋閱，鈎錄於此。方志集部，卷帙浩繁，勢不能

檢閱周遍。茲書所錄歷代各處道藏，當已十得其九；或且過之。

四川成都通惠門外二仙庵道藏經流通處有光緒丙午重刊道藏輯要板及其他道書板。重刊道藏輯要二十八函二百四十餘冊。可零售。今各處道觀多有此書。目前道士；蘇常道士齋醮舉止文雅，音樂講究，體制較大。四川道士則頗能讀道書；且有能著書者。

六朝道書亡佚者多。正統道藏所存，十無三四。敦煌卷子中頗有其書。既係古本，與今本或有不同；可資校勘。

如北平圖書館所藏元上秘要卷五十二，見敦煌劫餘錄第十三跋。羅振玉刊入雪堂叢刻。係開元寫本。與正統道藏本頗有不同。

又存道藏

佚書多種。其中且有道藏闕經目錄未見著錄者；即元刊道藏中亦已亡佚之書。彌足珍貴。敦煌卷子大部分藏於國立北平圖書館，倫敦不列顛博物院（British Museum）巴黎國家圖書館。茲分錄其道藏佚書目於左；而以不知名道書附焉。

國立北平圖書館藏敦煌寫本八千餘軸。陳援庵先生編有目錄，曰敦煌劫餘錄，凡六冊。其第十三帙中錄有道書。茲列道藏佚書及不知名道書於左：

太上洞玄靈寶天尊名卷上，一軸。

太玄真一本際經卷第五，一軸。

按今道藏太平部母字號收太玄真一本際妙經一卷，係付囑品，非全帙。巴黎國家圖書館所藏敦煌卷子第二三五九號亦爲太玄真一本際經付囑品第二。

道經（不知名）十五軸。

道懺（不知名）二軸。

倫敦所藏敦煌卷子，十九集於不列顛博物院。此中漢文寫本約七千卷，印本約二千餘卷。回鶻文古突厥文等卷子約二百卷。向覺明先生嘗由北平圖書館，派往觀書，於民國二十五年九月至二十六年八月，一年之間過目者計回鶻文等印本諸卷及漢文寫本五百卷左右。不列顛博物院所藏敦煌卷子，除回鶻文等二百卷，已編有簡目，公諸世人外，餘尙未公開，亦無正式目錄。

北平圖書館圖書季刊新第一卷第四期刊載向覺明先生之倫敦所藏敦煌卷子經眼目錄。承向覺明先生惠寄此文，茲錄其道藏佚書及不知名道經目於左：

又不列顛博物院所藏敦煌卷子號碼前均有S字，蓋Stein氏之縮寫。目內略去S字，止舉號碼，以清眉目。各卷目後括弧內所注數碼字，則爲該卷子文字行數。

八〇无上祕要卷第十（五九）

紙背戒律（六三）

按涵芬樓影印北平白雲觀正統藏本缺此卷。

一〇七靈寶昇玄經（？一一九）

按笑道論引昇玄經；無上祕要卷三十一經德品，卷三十四師資品，卷四十三修道冠服品，卷六十五山居品，達俗品，卷一百洞冥寂品引昇玄經；上清道類事相卷一，三引昇玄經；三洞珠囊卷四丹竈香鑪品，卷八分化國土品引昇玄經；卽此書也。

二〇三度仙靈錄儀（？一五〇）

四二五太極真人問功德行業經（五九）

按道藏闕經目錄卷上著錄洞玄靈寶太極太虛真人問功德行業經，卽此書也。

四八二元陽上卷超度濟難經品第一（一〇七）

七八四天尊說禁誡經（一一七）

按道藏闕經目錄卷上著錄洞玄靈寶天尊說禁戒經，卽此書也。

八〇九失名道經（三五）

八一〇太平九口太上中皇經（？三二）

九八六道經（經名未悉。二四〇）

一〇二〇道經（經名未悉。六一）

一二四六道經（經名未悉。五六）

一三五一太極仙公請問經卷上（一〇〇）

按無上祕要卷三十五，三十七，四十八，五十，七十四引仙公請問經，卷四十

七齋戒品引仙公請問上經，卷三十九引仙公請問下經，卷四十三修道冠

服品卷六十五山居品引洞玄請問下經，卷一百洞冥寂品引洞玄請問經

下，卽此書也。

一三七六道經（經名未悉。五六）

一五一三老子十方像名經卷下（一九四）

按此卽道藏女字號老子像名經，但今本析爲十卷。

一八五七老子化胡經卷第一（道士索洞玄經，與六六九三字跡同。一二九）

二〇八一太上靈寶老子化胡妙經（一三九）

按此書簡稱老子化胡經。

二二九五老子變化經（一〇一）

按道藏闕經目錄卷上著錄太上變化經，道藏滿字號收老君變化無極經，或卽此書。

二四三八道家方書（書名未悉。一八一）

二六一八道經（經名未悉。八四）

二九一五君道經空洞靈章（五七）

按無上祕要卷六劫運品，卷二十八九天瓊章品，卷四十三誦經品，卷一百并無形品，入自然品引洞玄空洞靈章經；卷二十引洞玄空洞靈章，卽此書

也。

二九九九太上道本通微妙經卷第十（開元三年道士索洞玄寫。二六七）

按道藏母字號收洞玄靈寶飛行三界通微內思妙經，或卽此書。

三一三五太玄真一本際妙經卷第二（二六五）

三三七〇道經（經名未悉。三九）

三三八〇太上靈寶洗浴身心經一卷（六六）

按道藏闕經目錄卷上著錄洞玄靈寶妙本清靜洗浴身心經。又雲及七籤。

卷四十引沐浴身心經。洗疑當作沐，或卽此書。

三五四七道經（經名未悉。一〇九）

三五六三太玄真一本際經卷第二（開元二年索洞玄寫。六一）

三六一八大道通玄要卷第七（二〇七）

三七一二靈寶昇玄內教經卷第八（一七二）

按道藏闕經目錄卷上著錄太上靈寶無等等按當有異字昇玄內教經十卷。

三七五○道經（經名未悉，有授受五岳圓法等。二九）

右圓疑當作圖。或卽五岳真形圖。

三八三一太玄真一本際經卷第二（一三〇）

三八三九昇玄經卷第五等（八四）

四〇七七道經（經名未悉，殘存兩段。五一）

四二二六太平部卷第二（三四七）

按三洞珠囊卷九老子爲帝師品引太平部第八老子傳授經成儀注訣，故此書未必卽係太平經。

四三三〇道經（經名未悉。五三）

四五六一十戒經（？九六）

按原錄未注明係佛經或道經。

四九六三道經（經名未悉五六）

五三〇八神人說三元威儀觀行經卷第二（一六九）



按道藏闕經目錄卷上著錄洞玄靈寶三元威儀境行經四卷，疑境當作觀。  
六四五四十戒經（？四九）

六八四一道經（經名未悉一一九）

六九六三老子化胡經卷第二（與一八五七字跡全同。三二五）

巴黎國家圖書館所藏敦煌卷子，王重民先生嘗親往巴黎寫有目錄。特託向覺明先生轉請王重民先抄出其中道書目。今錄其道藏佚書及不知名道書目於左：

二〇〇二元上金玄上妙道德玄經

存卷上卷中二卷。上卷爲經文，共十三章，每章均記字數。中卷爲誦，唐諱不避，則爲六朝寫本。背有佛像若干尊，不工，而風神頗疏灑，中有「辛巳年五月」一行，則畫於唐末五代矣。

二〇〇四老子化胡經卷第十

末有「淨土寺藏經」印。前題「老子化胡經卷第十。」

二〇〇七老子化胡經卷第一

前題「老子西升化胡經序說第一」前有殘序。北京裝裱。

二二七〇太玄真一本際經卷第三（女官趙妙虛敬寫。）

二二三一殘道經（不知名）

二二五六殘道經（不知名。似爲太玄真一本際經）

末題「開元二年十一月二十五日道士索洞玄敬寫。」

二二五七太上大道至清經卷第二（天寶十二年寫。）

二二三六道經（不知名。內涉及化胡故事。）

二三四一道經（不知名）

二三四三道經（不知名）

二三四七十戒經（景龍三年寫。）

二三五〇十戒經（甲寅年寫。）

二三五三道德經開題序訣義疏（咸玄英撰。）

按新唐志丙部子錄道家類通志略道家老子宋志道家類著錄，云七卷。

二三五四道經（不知名）

二三五六道經（不知名）

二三五七道經（不知名）

二三六〇道經（不知名）

二三六一本際經疏卷第三（景龍二年寫。）

二三六三大道通玄要卷第十二

二三六四太上濟衆經

二三六六（一）太上元陽經十六至十八品

按今道藏洞玄部本文類皇字號收太上靈寶元陽妙經僅十卷七品，  
卷十末有闕文，疑非全帙。

（三）太玄真一本際經卷第五

二三六七道經（不知名）

二三六八道經（不知名）

二三六九太玄真一本際經卷第四（開元二年寫。）

二三七二道經（不知名）

二三七七道經（似爲本際經。）

二三七八道經（不知名）

二三七九道經（不知名）

二三八〇開元二十七年寫道經題識

二三八五靈寶戒拔除生死濟苦經

二三八八太上妙法本相經卷第二十三

按王希巢洞玄靈寶自然九天生神玉章經解卷中云：「如妙法本相經載太玄紫虛真人本玄丘國王，名曰賓靈，遇天尊說本相妙經天景大混之因，卽悟前生。於南方閻浮地震旦國中，任子智生以造招賢習仙天宮，三級三十六宮七十二窟，仙房一百二十間，養道三百六十人。」上清道類事相卷一仙觀品：「本相經云：天尊以龍漢之時，於北隴玄丘七寶館內鍊，以真文

天景大混，題館四面也。」又卷四宅宇靈廟品引本相經「第二十一卷云：習仙神宮，上下九級一百二十丈，基面九尺，方圓一百二十步。」是妙法本相經卽本相經。道藏太平部姑字號收太上妙法本相論三卷。卷上有闕文。每冊標籤題曰論。本文則題曰經。混元聖紀卷五引本相經，上清道類事相卷一、卷二仙房品卷三、卷四瓊室品、宅宇靈廟品引本相經，要修科儀戒律鈔卷一、二、二十三引本相經，脩戒錄引本相經，王希巢洞玄靈寶自然九天生神玉章經解卷中引妙法本相經，今皆無其文。是此書非妙法本相經。

二三八九太上妙法本相經廣說普衆捨品第二十一

二三九〇道經（不知名）

二三九一道經（不知名）

二三九二太玄真一本際經卷第一

二三九三太玄真一本際經卷第三

二三九四道經（不知名）

二三九五道經（不知名）

二三九六道經（不知名。疑與二三八八爲同書。）

二三九七道經（不知名）

二三九八太玄真一本際經卷第三

二三九九太上洞玄靈寶空洞靈章

二四〇〇殘道經

二四〇一殘道經

二四〇二太上靈寶洗浴身心經

二四〇三道經（疑與二四五二爲同書。）

二四〇四太玄真一本際經卷第三

二四〇五道經（不知名）

二四〇六太上洞玄靈寶明真經科儀

按明真卽盟真。元上黃籙大齋立成儀卷十七云：「陸天師因太極救齋誠

威儀經撰靈寶道士自修盟真齋立威儀。即此書也。陸天師謂劉宋陸修靜。太極敷齋誠威儀經即太極真人敷靈寶齋戒威儀諸經要訣。

二四〇九道經（有符）

二四一〇神人所說三元威儀觀行經卷第二

二四一九道經（不知名）

二四二二太玄真一本際經卷第二

二四二三道經（不知名）

二四二五太玄真一本際經卷第四

二四二六道經（不知名）

二四二九太上妙法本相經卷第五

二四三〇太上靈寶昇玄內教經第九

二四三二道經（不知名）

二四三三道經（不知名。存罪福報對品，預修科文品。）

二四三四道經（不知名）

二四三六道經（不知名）

二四三七太玄真一本際經卷第七

二四三八太玄真一本際經卷第五

二四四三道經（不知名）

二四四七老子說法食禁誡經

按道藏闕經目錄卷下著錄太上老君法食禁戒經，即此書也。

二四四八道經

二四四九元始應變歷化經

按茅山志卷九道山冊上清大洞寶經篇目著錄上清元始歷化經，當即此書。

二四五〇道經

二四五一道經



二四五二靈寶威儀經訣上

按今道藏洞玄部威儀類被字號收太極真人敷靈寶齋戒威儀諸經要訣，

无上祕要卷三十四法信品引洞玄敷齋經，卷一百會兼忘品引洞元

按元當作

玄，避唐高宗諱也。敷齋經，无上黃籙大齋立成儀卷十七引太極敷齋威儀經，文見

此書。凡此皆係簡稱，而靈寶威儀經訣蓋亦其簡稱也。无上祕要卷三十五

引敷齋經，同卷四十八引敷齋經，无上黃籙大齋立成儀卷十八引太極敷

齋威儀經，卷三十三引太極敷齋威儀經，卷三十四引靈寶太極敷齋威儀

經，要修科儀戒律鈔卷八引敷齋威儀，今皆無其文。是今本已有殘闕。而此

云上，則此書最少常有上下二卷也。道書命名，率多繁長。以上諸稱，皆係簡

名。是書據无上黃籙大齋立成儀卷一，當題曰洞玄靈寶太極真人敷靈寶

經文齋戒威儀諸經要訣。道藏闕經目錄卷上簡稱太極真人敷靈寶文齋

誠威儀諸經要訣。此書云是太極真人徐來勒降授於葛玄，或即葛巢甫所

造。見前洞玄靈寶者，屬於洞玄靈寶諸經也。太極真人者，太極真人所降

授也。此書齋戒威儀應用文祝，皆敷演靈寶諸經，故名。

二四五三道經（不知名）

二四五四太上洞玄靈寶妙經卷第十五

二四五五道經

二四五六大道通玄要卷六又卷一并序

二四五七閱紫錄儀

二四五九道經（不知名）

二四六〇道經（不知名）

二四六一太上洞玄靈寶智慧上品大戒第四

按无上黃籙大齋立成儀卷一齋壇安鎮經目著錄洞玄靈寶智慧上品大  
誠經，即此書也。

二四六二玄言明記明老部五卷（顏他字師古撰。）

二四六三太玄真一本際經卷第四

二四六五太上本際道本通微妙經第十

二四六六大道通玄要第五

二四六七諸經要略抄義

二四六八太上消魔寶真安志智慧本願大成上品

按无上黃籙大齋立成儀卷一齋壇安鎮經目著錄洞玄靈寶消魔寶真安

志智慧本願大成上品妙經，即此書也。

二四六九道經（不知名）

二四七〇太上真一本際經卷第四

二四七三背道經（不知名）

二四七四靈寶升玄經卷第八

二四七五太玄真一本際經第二（開元二年寫。）

二四七六道經（不知名）

二五五一道經（不知名）

二五五九道經（不知名）

二五六〇太上靈寶昇玄內教經第六

二五六一道經（不知名）

二五七六背（二）道經（不知名）

二五八二慈善孝子報恩成道經卷第四

按今道藏洞真部本文類宿字號收元始洞真慈善孝子報恩成道經一卷，  
蓋非全帙。

二六一一道經（不知名）

二六六五道經（不知名。存「稱揚持戒品第三。」）

二七二四太上洞玄靈寶妙經卷第十五

二七二五殘道經（與二四五六、二四六六等書相類。）

二七二八殘道經（不知名）

二七三二道經（不知名。有注述呼吸導引之術。）

二七四九道經（不知名）

二七五〇太上靈寶昇玄內教無極九誠妙經卷第九

二七五一紫文行事訣

按此或即靈書紫文行事訣。

二七五二道經（不知名）

二七五三道經（不知名）

二七五五道家著述殘卷

二七五七道經（不知名）

二七五九道經（不知名）

二七七一道經（不知名）

二七七三道經（不知名）

二七九二太上濟衆經第二十四

二七九五太玄真一本際經聖行品第三

二八〇六太玄真一本際經卷第四（證聖元年寫）

二八一八老子說罪福大報應經第七

二八二七太玄真一本際經卷第一

二八二八道經（不知名）

二八二九太玄真一本際經卷第三

二八四五道經（不知名）

二八四八道經（不知名）

二八六〇道經（不知名）

二八六一無上祕要目錄及道經目錄

按今道藏存無上祕要殘目

二八六五道經（不知名）

二八六八天尊說隨願往生罪福報對次說預修科文妙經

按道藏闕經目錄卷上著錄洞玄靈寶天尊說隨願往生罪福報對次說須

修科文妙經，須當作預，卽此書也。

二八七八道經（不知名）

二八八二道經（不知名）

二九二〇道經（不知名）

二九八九道經（不知名）

二九九〇太上洞玄靈寶昇玄內教善勝還國經第五

三〇〇一道經（不知名）

三〇〇二道經（不知名）

三〇二二背：太上洞玄靈寶真文度人本行妙經第八

按道藏闕經目錄卷上著錄，但不著卷數。

三〇二七道經（不知名）

三〇五〇道經（不知名。存「福報品第十八。」）

三〇九一道經（不知名）

三一四四道經（不知名）

三一四八道經（不知名）

三一八〇道經（不知名）

三二〇〇道經？

三二三五太玄真一本際經卷第三

三二八〇太玄真一本際經卷第九

三二八三道經

三二八五太玄真一本際經卷第七

三二九七道經（不知名）

三二九九道經（不知名）

三三〇〇太玄真一本際經卷第四

三三〇四太玄真一本際經卷第三

三三一〇道經（不知名）



三三二七道經（不知名）

三三四一靈寶昇玄經卷第七

三三四四道經（不知名）

三三五三道經（不知名）

三三五六道經（不知名）

三三六二道書

三三七一太玄真一本際經

三四三五道經（不知名）

三四八四道經（不知名）

三五六二背道教章奏

三五九六太玄真一本際經卷第四

三六五二道經（不知名）

三六六三道經（不知名）

三六七四道經（不知名）

三六七五道經（不知名）

三六七六道經（不知名）

三六七八道經（不知名）

三六八四道經（不知名）

三七五五道經（不知名）

三七七三道經（不知名）

三七七五道經（不知名）

三七八六道經（不知名）

三七九〇太玄真一本際經卷第一

三七九三太上洞玄靈寶智慧上品大戒

三八七六道經（不知名）

四〇三八道家醫方書

四〇六六道經（不知名）

四五六二道經（不知名）

四六一八道經（不知名）

四六三六道經（不知名）

四六五八道經（不知名）

四六七六道經（不知名）

四七三〇太上洞玄靈寶淨土生神經

按道藏闕經目錄卷上著錄。

四七三一道經（不知名）

四七八一道經（不知名）

四九五一道經（不知名）

四九六五道教齋儀

四九七九殘道書

五五六三道經（不知名）

二三二九道德經序訣——二一

二四〇七道德經序訣

按隋志子部道家類著錄老子序次一卷，葛僊公撰。葛仙公即葛玄。兩唐志丙部子錄道家類通志略道家老子著錄老子道德經序訣二卷，葛洪撰。今道藏收唐明皇上公王弼王弼註道德真經集註，錄有長文，題曰左仙公葛玄撰。三洞珠囊卷五坐忘精思品引作葛仙公五千文經序。太平御覽卷六百六十七引作道德經序訣。笑道論二引作道德經序。宋彭耜纂集道德真經集註，前有道德真經說序。其註引作葛玄河上公注老子序。元劉惟永編集道德真經集義大旨卷上引作葛仙翁序。仙苑編珠亦引其文。當即葛玄老子道德經序訣。但笑道論八，三十四引老子序，今無其文。蓋非全帙。

二五六七老子道德經義疏卷第五

按隋志子部道家通志略道家老子著錄老子義疏一卷，顧歡撰。兩唐志丙

部子錄道家類云四卷。隋志子部道家新唐志丙部子錄道家類通志略道家老子著錄義疏五卷，孟智周私記。隋志子部道家通志略道家老子著錄義疏九卷，戴詵撰。新唐志丙部子錄道家類云六卷。隋志子部道家通志略道家老子著錄義疏四卷，韋處玄撰。隋志子部道家著錄義疏一卷，釋慧觀撰。通志略道家老子又著錄義疏四卷，趙志堅撰。宋志作疏，云三卷。又八卷，唐明皇撰。今道藏本作疏，一種撰，十卷，又一種四卷。又二卷，不著名氏。又四卷，王願等撰。宋志道家類作疏，王願撰。又十卷，江徵撰。今道藏本作疏。又四卷，賈青夷撰。新唐志丙部子錄道家類通志略道家老子宋志道家類著錄道士成玄英老子道德經開題序訣義疏七卷。右敦煌本義疏，未詳係何種。

二五七七道德經（李榮注。六八——七六）

二五九四道德經（李榮注。四〇——四三）

二八六四道德經（李榮注。四三——五三）

三二三七道德經（李榮注。六一——六七）

三二七道德經（李榮注。七六一八一）

按通志略道家老子著錄老子道德經三卷，道士李榮注。宋志道家類云二卷。今道藏本李榮道德真經注四卷，卷四末有闕文。

三六〇二莊子釋文，駢拇——在宥

由右列目錄，足見敦煌卷子存有道藏佚書多種。又溯萬曆三十五年，以迄今日，已三百四十餘年。晚出道書，道敎名山志，宮觀志，卷帙必已不少。宜訪集，合右列道藏佚書，以纂再續道藏經。

又涵芬樓景印北平白雲觀道藏缺卷，亦宜搜訪各處道觀所存殘藏以修補之。

易心楚道十云：抗戰前杭州六部橋直街明德道場玄照樓續修道藏會嘗徵道書。除正

統道藏

符按，若有之，必係景印本。

及道藏輯要外，收得道書一千餘卷。淪陷期內，明德宮及其道書

皆燬於火。

常熟俞調卿，以藏道書甚富著稱於本邑。近年來其長曾孫俞炳星以生計艱難，已將道書傳罄。國符向其索閱乃曾祖所藏道典目錄，共著錄二百二十二種，多係單冊晚出道

法科儀。內有巨帙道書一種，即明刻大成金書八套四十一冊。調卿，字漁隱，道號蘊成翁。同姊妹之子。民國七年冬卒，享年七十有餘。

今江南蘇常一帶道士，藏有抄本科儀道法。國符以限於財力，未能多所收購也。

經藏科律，見洞玄靈寶三洞奉道科戒營始。

此書已於唐代行世，見第 頁。巴黎國家圖書館藏敦煌寫本二二三七，三六八二號，當即此書。

卷

二寫經品：「科曰夫經皆須作藏。有二種：一者總藏，二者別藏。總藏者，三洞四輔同作一藏，上下或左右前後作重級，各安題目。三洞寶經藏，別藏者，三洞四輔各作一藏。凡有七種：一者大洞真經藏，二者洞玄寶藏，三者洞神仙經藏，四者太玄經藏，五者太平經藏，六者太清經藏，七者正一經藏。皆明題目，以相甄別。若次安之。若各藏如並藏法，皆安經臺。或天尊殿當陽左右間，左三洞，右四輔，每藏皆作臺舉之，不得正爾頓地。巾帕表蘊如法。置几案香爐龍壁，燒香明燈存念，並須得所。藏之大小，皆在時之所制，不復爲常。」又卷三法具品曰：「科曰：凡造經藏，皆外漆內裝沉檀，或表裏純漆，或內外寶裝，或表裏彩畫，或名木純素，各在一時，大小多少，並隨力辦。或作上下七重，或三重，並別三間，或七間，安三洞四輔，使相區別。門上皆置鎖鑰。左右畫金剛神王，悉須作臺安，不得直爾頓地。」

又有轉輪藏，簡稱輪藏。其近垣龍虎山志卷十六虞集龍虎山道藏銘并序記元代龍虎山上清正一宮輪藏曰：「藏以木爲置，置藏室中，高若干尺，內廣圍徑若干尺，觸其隅，爲八面，面爲方格，以次盛經之函，刻木爲天人神仙地靈水官飛龍翥鳳之屬，附麗其上，皆塗以金，中立鉅木貫之，下施輪令其關以旋轉，言象天運焉。」淳熙三山志卷三十八云：「政和四年（福州知州事）黃尙書請建廢按廢誤當作飛天法藏，藏天下道書。」至正四明續志卷十記鄞縣玄妙觀於元至大三年「八月作藏經之殿，中爲飛天法輪，以度道經。」此飛天法輪之藏，卽輪藏。北宋西京崇福宮已有輪藏殿，當有輪藏。見第一百頁經表、經函、經廚、經架、科律，見洞玄靈寶三洞奉道科戒營始卷三法具品。科曰：凡經每一部或五卷十卷皆須著表。凡表有五種：一者錦綺，二者織成，三者繡作，四者純綵，五者畫繪。皆安裏及帶如法。皆書題曰某經。

科曰：經函凡有十二種：一者雕玉，二者純金，三者純銀，四者金鏤，五者銀鏤，六者純漆，七者木畫，八者金飾，十者寶裝，十一者石作，十二者鐵作。大小任宜。

科曰：凡經廚有六種：一者寶裝，二者香飾，三者金銀隱起，四者純漆，五者沉檀，六者名木。



大小任時。

又曰：「科曰：凡經架有十種：一者玉作，二者金作，三者銀作，四者沉木，五者紫檀，六者白檀，七者黃檀，八者名木，九者純漆，十者金銀隱起。或金玉珠綵裝校。皆須作函藏舉，勿得隨宜頓地。」

## 附錄一 引用傳記提要

晉葛洪神仙傳十卷，見葛洪抱朴子自敘篇，又見隋志史部雜傳類，舊唐志史錄雜傳，新唐志子錄神仙類，宋志神仙類，太平御覽經史圖書綱目，晁志傳記類，道藏闕經目錄卷上著錄。通志略諸子類道家作列仙傳十卷，葛洪撰，蓋誤。今通行本亦十卷，但非全帙。佚文見三洞珠囊仙苑編珠。

真誥，題曰金闕右卿司命蓬萊都水監梁國師貞白真人華陽隱居陶弘景造。今本真誥卷十九云：「真誥，真人口授之誥也。」當係扶乩降筆，陶弘景搜集而敘次之，又略事注解。雲笈七籤卷一百七陶翊華陽隱居先生本起錄云：「此一誥並是晉興寧中衆真降授，楊許楊羲許謐手書遺迹。顧居士已撰，多有漏謬，更詮次敘注之爾。不出外聞。」按真誥卷十九有顧玄平云云。又云「又按此書真誥所起，以真降爲先，然後衆事繼述。真降之顯，在乎九華；九華安妃而顧撰最致末卷。又顧所記二許許謐許翊年月，殊自違僻。今謹依真授檢求，又以許家諸參校，注名異同，在此卷後。」按南史卷七十五「顧歡，字景怡，一字玄平。」據此，本起錄所謂顧居士，卽是顧歡。

而真誥乃楊許手書，注則弘景所增。真誥本起錄云一秩七卷。晁志神仙類真誥十卷：「本七卷，運題一，象甄二，命授三，協昌期四，稽神樞五，握真輔六，翼真檢七。後人析第一，第二，第四各爲上下。」舊唐志子錄道家類，新唐志子錄神仙類，崇文總目道書類，通志略諸子類道家，陳錄子部神仙類皆云十卷。又見太平御覽經史圖書綱目。今道藏本析爲二十卷。其第十九卷，即真誥敍錄云：「真誥運題象按此本卷一至四實題曰運象篇。第一，原注：此卷並立辭表意，發詠暢旨，論冥數感對，自相備會。分爲四卷。真誥甄命授第二，原注：此卷並詮導行學，誠屬愍意，兼曉諭分獎，炳發禍福。分爲四卷。真誥協昌期第三，原注：此卷並修行條領，服術節度；以會用爲宜，隨事顯法。（按分爲二卷。）真誥稽神樞第四，原注：此卷並區貫山水，宣敘祠宅，測真仙位業，領理所闕。分爲四卷。真誥闡幽微第五，原注：此卷並鬼神官真誥翼真檢第六，原注：此卷是三君在世自所記錄，及書疏往來；非真誥之例。分爲二卷。真誥翼真檢第七，原注：此真誥，證實玄原，悉隱居所述，非真誥之例。分爲二卷。右真誥一蘊。原注：其十六卷是眞人所譜。四卷是在世記述。其稽神樞篇亦記仙眞事蹟，後人多引用之。酆都及鬼官見闡幽微篇。翼真檢篇則有真誥敍錄眞胄世譜。即許氏世譜。朱子語錄云：「甄命篇卻是竊佛家四十二章經爲之。」雖然，楊許晉人，故真誥卷一至十八確爲晉人撰述。其注則陶弘景所增。卷十九及二十弘景所述。晉葛洪抱朴子及此書實爲治晉南朝道教史之要籍。但其所述道士事蹟，不可遽視爲實事耳。又其所引道書，亦已有散佚者。

眞誥效緯候，以三言爲篇名。眞誥卷十九眞誥敍錄：「夫眞人之旨，不同世目。謙仰範緯候，取其義類，以三言爲題。所以莊篇亦如此者，蓋長桑公子之微言故也。俗儒觀之，未解所以。」莊子師長桑公子。唐杜光庭道德眞經廣聖義卷四：「莊子，姓莊，名周，宋國蒙邑人也。當趙文王，齊宣王，梁惠王時，師長桑公子，受其微言。隱於抱犢山，服大丹昇天。署位爲太極韋編郎，入侍帝晨。嵇康云：又師涓子。居世時，爲漆園吏。著書三十三篇，皆言大道方曠無爲之治。」原作「笑道論三卷，見唐釋道宣廣弘明集卷九。前有啓云：「大周天和北周武帝年號之一五年二月十五日，前司隸母極縣開國伯臣甄鸞啓。」又云：「案五千文曰：上士聞道，勤而行之。中士聞道，若存若亡。下士聞道，大笑之。不笑不名爲道。臣輒率下士之見，爲笑道論三卷，合三十六條。三卷者笑其三洞之名；三十六條者，笑其經有三十六部。」廣弘明集卷八唐釋道宣辯惑論云：周天和五年，甄鸞上笑道論。帝集羣臣詳議，以爲傷蠹道法，卽於殿廷焚蕩。是書現存。徵引道書數十種，內多散佚者。按甄鸞笑道論三卷，見舊唐志子錄道家類，新唐志子錄釋氏類，宋志釋氏類，通志略諸子類釋家著錄。

樓觀先生本行內傳三卷

尹軌章節尹文操撰

終南山說經臺歷代眞仙碑記

通志略道家著錄樓觀內傳三卷，

尹軌章節等撰

樓觀本行傳一卷，不著撰人。初學記卷二十三引

太和真人尹軌樓觀先師傳。宋志神仙類著錄尹文操樓觀先師本行內傳一卷。古樓觀紫雲

衍慶集卷上。大庾宗聖觀主銀青光祿大夫天水尹尊師碑，碑建立於唐開元五年，員半千撰。

亦云尹文操著先師傳一卷。崇文總目道書類著錄樓觀內傳二卷。祕目子類道書著錄樓觀

先生本行內傳三卷。道藏闕經目錄卷下著錄太和樓觀內紀本章記一卷。

終南山說經臺歷代眞仙碑記，末有云：「樓觀爲天下道林張本之地。自文始

按尹尊稱文始先生元上真人

上

仙之後，登眞之士，無世無之。閱諸仙史，不一而足。始以太和尹君

按終南山說經臺歷代眞仙碑記，尹軌，字公度，太原人，稱太和

真人，尹尊之從弟也。

別作樓觀先師傳於晉，次則精思

按終南山說經臺歷代眞仙碑記，精思，字處玄，稱精思法師。

述之於後周，末則尹

尊師文操續之於唐，合三十人，各一列傳，爲書三卷，垂世久矣。至元己卯，象先自浙右往禮祖

庭，

見終南山祖庭仙眞內傳提要因坐於經臺，得熟其書。乃知地靈人勝，源深流長，誠非偶然。第以韞之編牘，未

洽見聞。遂節其緩九，錄其要一，各系以贊，總爲是碑；復纂文始本傳弁之首，以呈宗主聶公，提

點趙公，刻之貞石，照示無窮。俾來裔得以究明祖道而勵之耳。茅山朱象先拜識並書。」

碑記又云：梁考成真人「名謙，扶風人，」以晉惠帝永興二年遇太和真人降其庭，授日月黃

華上經，水石丹法，并授本起內傳。仙鑑卷三十梁謨傳：「晉惠帝永興二年乙丑五月五日，老君命真人尹軌降于樓觀，乃謁弟子禮事之。」又卷二十九韋節傳：「又讀太和真人樓觀先生內傳，復爲一卷。」據此，晉代太和真人降授梁謨樓觀先生本起內傳一卷。初學記所引尹軌樓觀先師傳，當即此一卷本，又簡稱樓觀本起傳。文另有樓觀本記，述樓觀淵源，一切道經皆義其文。後周韋節續撰一卷，成二卷。即崇文總目之二卷本。唐尹文操再續一卷，共爲三卷。此即通志略及祕目之三卷本。亦即朱象先所見三卷本。至通志略及宋志之一卷本，乃尹文操所撰樓觀先生本行內傳，亦可稱樓觀先師本行內傳，亦簡稱樓觀先師傳，或樓觀內傳，或樓觀本行傳。此傳國符有輯本。

元朱象先所見三卷本共三十人，人各一傳。終南山說經臺歷代真仙碑記則節錄此書，傳各系以贊，又纂文始傳以弁其首。所錄仙真，除文始尹文操及宋元人外，適爲三十人。故尹文操及宋元人傳，乃象先所增入。按碑記梁謨傳前，除文始外，計有太和和尹真人軌，太極杜真人沖，彭真人宗，太清宋真人倫，馮真人長，姚真人田，周真人亮，尹真人澄，王真人探，李真人翼，封真人衡，張真人皓，蓋即取自梁謨之一卷本。以上諸道士，皆見仙鑑卷八及卷九。又七籤卷一百

四有太和真人傳，太極真人傳，太清真人傳，當皆取自此傳。又碑記章節傳以前數人，當即章節所續撰。計梁謀，王嘉，孫微，馬儉，尹通，王道義，毋始光，陳寶熾，李順興，張法樂諸道士。尹文操傳以前諸傳，當即文操所再續者。計章節，侯楷，王延，嚴達，于章，岐暉，巨國珍，田仕文諸道士。仙苑編珠數引樓觀傳，其所載道士，除焦曠外，皆見碑記，即此傳也。又碑記內北朝道士，多見仙鑑卷二十九及三十。考仙鑑傳文，本高道傳；而高道傳或亦取材於樓觀內傳也。樓觀內傳，今佚。元釋祥邁至元辯偽錄卷二欽奉聖旨禁斷道藏偽經內，有樓觀先生內傳，當即此書。又道藏闕經目錄卷下著錄太和樓觀內紀本章記。太和即謂太和真人。本章記之義未詳。

按三洞珠囊卷九老子化西胡品引鬼谷先生撰文始先生，即笑道論所引文始傳述

老子西遊事，與化胡經相表裏，蓋亦偽書。又仙鑑卷八尹喜傳，碑記九天仙伯文始先生，太上真人傳，述尹喜事蹟，多未見史文者，故不可據。碑記文始傳有云：「其後遊覽山水，於雍州終南山盤桓，神就鄉關仙里中，結草爲樓，精思至道，不求聞達，而逸響遐宣。」又引樓觀本起傳云：「樓觀者，昔周康王大夫關令尹之故宅也。以結草爲樓，觀星望氣，因以名樓觀。此宮觀所自始也。問道授經，此大教所由興也。是以古仙哲后，景行高真，仰道德爲生化之源，宗神仙

爲立教之本；尋衆妙之軌躅，慕重玄之指歸。故周穆西巡，秦皇東獵，並回轅枉道，親禮真宗。始皇建廟於樓南。漢武立宮於觀北。晉宋謁板，于今尙在。秦漢廟戶，相繼不絕。一切道經音義，妙門由起。五引樓觀本記云：「周穆王好尙黃老，聞仙師杜冲有至德高志，遂師之。因追仰遺迹，崇構靈壇。仍招四方幽人逸士，以紹玄業。並道均巢許，德爲物範。故天子揖之而不臣，諸侯禮之而不爵。朝野以其弘脩道事，故以道士爲號焉。」按此說不確。平王東遷洛邑，度道士七人。秦昭秦莊二王度道士七人。漢文帝尤尊道德，屢招幽逸之人，度爲道士，常使滿二七人。漢武帝亦好神仙，置道士二十一員。晉武帝特致崇仰，乃度道士四十九人。文始傳既係僞書，樓觀本起傳亦係降筆或依託，而樓觀本記，蓋與樓觀本起傳有關。故上文所述樓觀原始，亦不可據。又御覽卷六百六十六引太霄經曰：「人行大道，謂之道士。」又云：「從道爲事故稱也。」周穆王因尹軌真人制樓觀，遂召幽逸之人，置爲道士。平王東遷洛邑，置道士七人。漢明帝永平年，置二十一人。魏武帝爲九州置壇，度三十五人。魏文帝幸雍，謁陳臧法師，置道士五十人。晉惠帝度四十九人，給戶三百。亦不可據。參閱道館源流條。又廣弘明集卷一漢顯宗開佛代法本內傳言五嶽十八觀云云。惟是漢明帝時既無太上三洞弟子之稱，又無靈寶真文、太上玉



訣，三元符錄等五百九卷道書，亦無道士六百九十人，故此篇乃虛偽之文，其所言五嶽十八觀，當亦不可據。

猶龍傳卷二爲帝師篇，謂老君「又傳二儀異形圖與（黃）帝。帝受訖，乃置像於高觀，以異香名花千珍萬寶，晨夕供養。雖后妃宰輔，莫得覩焉。觀之上常有異色雲氣，加天之香芬郁，謂之道觀。道觀之號，自茲始也。帝有離宮別館，在名山洞府者，三百餘所，並捨爲道觀。每觀度道士七人，以焚修。」此說亦是偽造。

按尹軌初見神仙傳，太平廣記卷十三引，僅云字公度，太原人。後到太和山仙去。至梁譔所出樓觀先生本起內傳，始有尹軌乃尹喜從弟之說。又碑記云，太極杜真人一名冲，鎬京人。年甫冠，聞文始得道，來師事之。文始適蜀，依止草樓真宅。穆王追慕仙躅，命駕詣焉，爲建觀宇。延冲等七人爲道士。此七道士，卽杜冲，彭宗，宋倫，馮長，姚坦，周亮，尹澄。亦始見於此傳。

陳馬樞道學傳二十卷，見通志略道家著錄。隋志史部雜傳類不著撰人。太平御覽經史圖書綱目，道藏闕經目錄卷下不著卷數撰人。舊唐志史錄雜傳類云學道傳二十卷。新唐志子錄神仙類云學道傳十二卷。今佚。三洞珠囊，太平御覽，三洞羣仙錄數徵引之。其所述南朝道士，

見在道藏傳記內有未記載者。國符有輯本。

洞仙傳十卷。隋志史部雜傳類不著撰人。舊唐志史錄雜傳類，新唐志子錄神仙類，宋志神仙類，通志略道家皆云見素子撰。崇文總目道書類道藏闕經目錄卷上云九卷，不著撰人。原書佚。雲笈七籤卷一百一十所錄，蓋非全帙。道藏國字號黃庭內景五臟六腑補瀉圖一卷，題曰太白見素子胡愔述。前有自述，末題大中唐宣宗年號二年戊辰歲。既洞仙傳已見隋志著錄，則此見素子至遲當爲南北朝人，非唐人吳愔也。

三洞珠囊，題曰大唐陸海羽客王懸河修。三洞珠囊之義，謂擷三洞經之精英也。王縣河名里事蹟失考。宋志神仙類，通志略諸子類道家，祕目子類道書皆云三十卷。太平御覽經史圖書綱目不著卷數撰人。今道藏本十卷。每卷或爲一品，或爲數品，共三十四品。體裁同太平御覽。徵引道書甚衆，內多散佚者。

續仙傳三卷。前有序，題曰朝請郎前行溧水縣令沈汾撰。謂矧當中和唐僖宗年號兵火之後，云云，則沈汾乃唐末人也。序又謂據聞見撰成。卷上列飛昇一十六人，內女真三人。卷中隱化一十二人。卷下隱化八人。多唐代仙真及道士。是書見崇文總目道書類，宋志神仙類著錄。陳錄

子部神仙類云沈汾或作玢。新唐志子錄神仙類，通志略道家，太平廣記皆作續神仙傳。真系傳一卷，唐隋西李渤述於廬山白鹿洞棲真堂，作於唐德宗貞元年間。首述上清經之傳授，次則列自楊羲至李含光諸師傳記。見雲笈七籤卷五。又新唐志子錄神仙類，崇文總目道書類，宋志神仙類，通志略諸子類道家皆著錄真系傳一卷，李渤撰。道藏闕經目錄卷下不著卷數撰人。

仙苑編珠，題曰天台山道士王松年撰。前有自序，謂自「唐梁以降」云云，又見宋志著錄。故松年當爲五代或宋人。宋志神仙類，通志略諸子類道家，祕日子類道書並云一卷。晁志類書類云二卷，唐王松年撰。今道藏本三卷。自序云尋列仙傳記神仙七十二人，神仙傳一百一十七人。松年「又尋真誥，棲樓當作樓觀傳，靈驗傳，八真傳，十二真君傳，近自唐梁以降，接於聞見者，得一百三十二人。」數蒙求四字比韻，撮其樞要，箋註於下，目爲仙苑編珠。今道藏傳，樓觀傳，靈驗傳，八真傳，十二真君傳，皆已亡佚。登真隱訣亦僅存殘本。又是書除序文開列諸書外，另引用書數種。晁志類書類云：「右唐王松年撰。取阮倉劉向葛洪所傳神仙，又取傳記中梁以後神仙百二十八人，比事屬辭，效蒙求體爲是書。」又通志略道家書另著錄王松年撰上清

天中眞鑑錄一卷。

雲笈七籤，題曰宋朝奉郎尚書度支員外郎充集賢校理賜緋魚袋借紫臣張君房集進。前有自序云君房修大宋天宮寶藏，眞宗天禧三年進之。復撥雲笈七部之英，以成是書。仁宗時上之。雲笈七籤者，謂取道藏七部之精英也。是書卷帙既富，徵引道書甚衆，或節錄，或取全文，間存佚書。宋志神仙類，晁志神仙類，文獻通考云一百二十卷。陳錄子部神仙類云一百二十四卷。今道藏本一百二十二卷，其第一百十三卷復分爲上下，而君房自序則云一百二十卷。

宋賈善翔高道傳十卷，見宋志神仙類，通志略史類傳記，祕目子類道書，道藏闕經目錄卷下著錄。今道藏無此書。三洞羣仙錄數引其文。仙鑑卷五十一賈善翔傳云字鴻舉，蓬州人，於宋哲宗朝作高道傳行於世。

三洞羣仙錄二十卷，題曰正一道士陳葆光撰集。前有紹興甲戌<sub>二十四年</sub>某氏序。云江陰靜應菴道士陳葆光「網羅九流百氏之書，下逮稗官俚語之說，凡載神仙事者，哀爲是書。」體裁同仙苑編珠，而所引多小說，約有二百餘種。

混元聖紀，題曰朱觀復大師高士謝守灝編。前有陳傳良序，作於宋光宗紹熙四年。次紹熙二年進書表，作太上老君混元聖紀。按高士之義，見卷九，云：宋徽宗政和六年，詔凡在學校習道經者，其品秩如下：「元士，品正五；高士，品從五；大士，品正六；上士，品從六；良士，品正七；方士，品從七；逸士，品正八；居士，品從八；隱士，品正九。志以品從九。」按以當作士。仙鑑續編卷五云：謝守灝，字懷英，永嘉人也。宋光宗紹熙初，「作太上老君混元皇帝實錄一部七卷，奏聞主上，盛行於時。」卽此書也。今本九卷。此書陳傳良序止齋先生文集卷四作謝懷英老子實錄序。太上老君混元皇帝卽老子。是此書舊題太上老君混元皇帝實錄。仙鑑數引其文。此書記自開闢以來，迄宋徽宗宣和年間，老子靈跡變化，以及歷代之崇敬道法。取編年體。老子化胡經今佚。讀此書及賈善翔猶龍傳，尙可知其梗概。守灝又編太上混元老子史略三卷，題曰廬山清虛庵道士謝守灝編。又許真君石函記，前有序，云：此記「西山玉隆高士謝觀復，高弟清虛羽衣朱明叔，東嘉鄉道全等遞相授受。」西山玉隆者，洪州新建西山玉隆萬壽宮也。清虛羽衣者，廬山清虛庵道士也。故守灝嘗居廬山清虛庵，洪州新建西山玉隆萬壽宮。此事可補仙鑑之闕略。

玄品錄五卷，題曰句曲外史吳郡張天雨集。前有自序，作於元乙亥歲。所作傳記，非止道士而

己傳文之前，各標以品類。首錄周道家諸子傳，題曰道德品。自秦迄宋，則曰道品、道樞、道化、道儒、道術、道隱、道默、道言、道質、真隱、道華。如司馬談、王弼、向秀、皇甫謐等，則曰道儒。張良、曹參、王羲之、謝安、魏徵等，則曰道樞。嚴光、梁鴻、陶潛等，則曰道隱。賀知章、李白等，則曰道華。

歷世真仙體道通鑑

仙鑑

五十三卷，續編五卷，後集六卷。題曰浮雲山聖壽萬年宮道士趙道

一編修。前有自序，甲午年廬陵劉辰翁序，鄧光薦序，某氏序，進書表，編例。道一事蹟失考。自序

引白海瓊語，道一或南宗道士歟？大抵正編止於兩宋，續編補其缺，兼及金元間七真事。後集

均女真。諸家傳記，以此最爲詳贍。書雖晚出，而語均有所本。

如卷三多據列仙傳，卷五以下多據神仙傳。又此條本劉師培讀道藏記。

七真年譜，題曰門下夷山李道謙編。末有後序，云：「至元辛未歲，」

元世祖至元八年

中元日，天樂道人

李道謙書於終南祖庭之筠溪道院。按甘水仙源錄卷一至元六年詔書云：「丹陽以下七

真。」故七真卽丹陽真人馬鈺，長真真人譚處端，長生真人劉處玄，長春真人丘處機，玉陽真

人王處一，廣寧真人郝大通，清淨散人孫不二，皆全真派祖師。重陽真人王嘉之弟子也。又卷

二王粹七真讚則增重陽祖師，而省清淨散人。年譜後序云：「起重陽祖師降世之歲，訖長春

真人升仙之秋。」按七真之中，丘處機去世最晚。故是書乃王嘉及七真之合編年譜也。

終南山祖庭仙真內傳三卷。題曰夷山天樂道人編。前有至元甲申歲元世祖至元二十一年王道明序云：

「天樂真人復於暇日，編述嘗居祖庭者已往師真道行，別爲一傳。」按七真年譜：「大定金世宗三年癸未重陽祖師年五十二秋，」遷劉蔣村，結茅與玉蟾和公靈陽李公三人同居。

卽今之祖庭重陽萬壽宮也。」又云重陽卒後，大定十二年歸葬於劉蔣村祖庭。甘水仙源錄

云金章宗承安間大加營葺，賜額曰靈虛觀。元太宗十三年重葬，卽興建道宮，曰重陽萬壽宮。

甘水仙源錄十卷。題曰夷門天樂道人李道謙編。前有至元戊子歲元世祖至元二十五年自序，謂重陽祖

師「於金正隆海陵王年號之一己卯四年夏，遇真仙於終南甘河鎮。飲之神水，付以真訣。自是盡斷諸

緣，同塵萬有。」故題曰甘水仙源錄。首錄元世祖至元六年褒贈詔書。次錄自王嘉以下全真

派各師碑文。七真弟子及再傳弟子等，亦皆收入。繼則集全真派道觀碑銘題詠。

茲考見李道謙事蹟如下：古樓觀紫雲衍慶集卷中有大元宗聖宮主李尊師道行碑，云：「宣

授陝西五路西蜀四川道教提點，玄明文靖天樂真人李道謙撰。」甘水仙源錄卷二姚燧玉陽體玄廣度真人王宗師道行碑銘并序

云「提點秦蜀九路道教天樂真人李道謙。」文作於至元庚午歲。元世祖至元七年是文又見甘水仙源錄卷七。但玄明天靖

天樂真人作天樂真人。甘水仙源錄卷十李鼎終南山甘河遇仙宮詩序。此文作於中統辛酉歲，卽元世祖中統二年。

云：「天樂道人李公和甫請予爲序。」是道謙，字和甫。按甘河遇仙宮，于善慶所立。又卷八王鶚洞玄子史公名志道行錄言辛丑元太宗十三年八月，達華嶽，住持雲臺觀。丙午定宗元年詣渾源。己酉，拜于洞真。庚午至燕。辛亥憲宗元年從掌教李真人李志北觀。壬子，從真人遍祀嶽瀆。戊午憲宗八年東游海濱。癸亥元世祖中統四年還燕。按同卷史講師道行錄後跋文，題曰篤溪天樂道人夷山李道謙撰。文作於乙亥歲。元世祖至元十二年云：「史志經於至元癸酉元世祖至元十年自燕還雲臺。乙亥十二年卒。是史志經自己酉年後，雲遊四方，癸酉始返華嶽也。跋文又云：「講師洞玄史公，余弱冠始識芝眉于太華，後既會於終南，又復會於燕山。」按終南距華山甚近，是辛丑至丙午數年間，志經嘗行游終南也。故道謙初見志經，必在辛丑後五年間。時方弱冠也。則其序七真年譜，年已五十；元世祖至元八年及撰終南祖庭仙真內傳，至元二十二年序甘水仙源錄，至元二十五年年將七十矣。按甘水仙源錄卷八元姚燧洞觀普濟圓明真人高君道行碑，文作於至元丁丑歲，元世祖至元十四年有云「嗣真人李天樂實狀其行。」疑道謙乃高圓明弟子。按碑文，圓明真人，姓高，名道覺，字裕之，應之懷仁人，于洞真弟子，曾提點陝西興元等路、西蜀道教，兼領重陽萬壽宮事。卒於至元丁丑歲，年八十三。故其時亦相及。按卷三元楊奐終南山重陽萬壽宮洞真子真人道行碑云：洞真子真人，



名善慶，字伯祥，後易名志道，寧海人，馬鈺之弟子，亦參丘處機、譚處端、劉處玄。則道謙或馬鈺之再傳弟子也。又卷一王利周全真第二代丹陽抱一無爲真人馬宗師道行碑。記住持終南山重陽萬壽宮真人李天樂稱馬鈺爲嫡祖。是道謙確係馬鈺之再傳弟子。又卷四有終南山全陽真人周尊師道行碑，題曰筠溪天樂道人李道謙撰。碑文云：至元甲戌年十一秋，道謙在劉蔣祖庭之筠溪。又李謙弘玄真人趙公道行碑云：「弘玄真人仙蛻之七十年，至元庚辰年十七春，嗣法孫邢默庵道安託終南山萬壽宮宗主天樂真人李道謙狀其行實。」古樓觀紫雲衍慶集卷中王守道玉華觀碑云：至元丙戌年二十一，卽庵爲觀，仍扁以玉華，實祖庭天樂真人之命也。「筠溪卽終南祖庭之筠溪道院。又夷山或夷門，按嘉慶重修一統志卷一百四十九，開封府「夷門」山，在府城內東北隅，一曰夷山，以山勢平夷而名。大梁舊稱夷門，蓋以山名。」故李道謙，字和甫，稱玄明，文靖，天樂真人，元初南京路開封人。生於元太祖十七年金宣宗元光元年，後五年之內，卒於元世祖至元二十五年之後，享年逾七十。馬鈺之再傳弟子。嘗提點陝西五路西蜀四川道教，領終南山劉蔣村全真祖庭重陽萬壽宮事。編七真年譜，終南山祖庭仙真內傳三卷，甘水仙源錄十卷。

金蓮正宗記五卷，題曰林間羽客樛櫟道人編。前有平水長春壺天序，作於元代辛丑歲。樛櫟道人卽秦志安。此辛丑歲，卽元太宗十三年。平水長春壺天，蓋卽重陽成道宮記之「平水毛收達」。按七真年譜，「大定九年己丑，重陽祖師年五十八」（中略）四月，祖師引丹陽、長春、廣寧遷居寧海金蓮堂。」金蓮正宗之稱，蓋昉於此。參閱第一百頁

金蓮正宗仙源像傳。前有泰定丙寅

元泰定帝泰定三年

廬山清溪道士劉志玄序，云與謝西蟾合撰。又

嗣天師太玄子序，稱志玄爲劉文素。則天素乃志玄之字也。又二人序文皆云全真仙源像傳，

與今標題異。首列元太祖召丘神仙

卽丘處機

手詔。次元歷朝加封制詞，有云泰定元年正月望日

賜紫教門高士登寂海照法師臣劉志玄稽首頓首拜書。次列全真派各師像傳。視金蓮正宗

記增混元老子，而省玉蟾靈陽二真人。傳文較簡略。

古樓觀紫雲衍慶集三卷。題曰句曲朱象先集。句曲山，卽茅山也。所收自撰碑文，則題曰三茅

山一虛叟朱象先撰。象先另纂終南山說經臺歷代真仙碑記，見樓觀內傳提要。按卷上大元

重修古樓觀宗聖宮記，謂元重修宗聖宮，有樓曰紫雲衍慶。歷代崇道記言唐玄宗開元二十

九年，陳王府參軍田同秀於丹鳳門外，忽見紫雲自西北咲樓。又見混元下降。是集收古樓觀

唐元碑記，及唐宋元人題詠。所收碑文，迄元至大武宗年號年間。

茅山志，題曰上清嗣宗師劉大彬造。前有元泰定甲子趙世延序，泰定丁卯吳全節序，天曆元年劉大彬敘錄。云：「句曲有記尚矣。宋紹興二十年南豐曾惇字仲昭臺道士傅霄子昂修山

記四卷。山水祠宇，粗錄名號而已。考古述事，則猶略焉。」蓋據舊志增纂。又云十二篇十五卷。

今正統道藏本則析爲三十三卷。嘉靖二十九年王晨觀刊本十五卷詰副墨第一，錄歷代詔誥，附以表奏，分爲四

卷。嘉靖刊本分爲二卷三神紀第二，載三茅君世系及傳記，爲一卷。嘉靖刊本亦爲一卷。可與雲笈七籤卷一百四太元真人東嶽上卿司命真君傳對照。

括神區第三，述山、峯、洞、水、壇、石、橋、亭，分爲二卷。嘉靖刊本一卷稽古蹟第四，考仙真遺跡，爲一卷。嘉靖刊本

亦一道山冊第五，一卷。嘉靖刊本一卷錄道德經五千文，上清大洞寶經篇目，上清大洞寶錄篇目，衆

眞所著經論篇目，鄭樵通志藝文略茅山道書目。上清品第六，首述上清經錄聖師七傳眞系

之譜，謂自元始虛皇天尊至小有清虛道君即王褒七師之傳也；次南嶽夫人魏華存、楊義、許穆

及上清歷代宗師迄四十五代宗師劉大彬之傳，分爲三卷。嘉靖刊本一卷仙曹署第七，記華陽洞天

即茅山三宮五府諸仙眞，分爲二卷。嘉靖刊本一卷采眞游第八，記歷代隱士道士之棲遊茅山者，分爲

二卷。嘉靖刊本一卷樓觀部第九，記宮觀、山房庵院，分爲二卷。嘉靖刊本一卷靈植檢第十，記神芝奇藥。名木

二卷。嘉靖刊本一卷

異卉爲一卷。嘉靖刊本亦一卷錄金石第十一，集梁至元代碑文，分爲八卷。嘉靖刊本分爲二卷金薤編第十二，錄齊梁至元代詩及雜著，分爲五卷。嘉靖刊本分爲二卷道教茅山宗，讀此書可窺其全貌，蓋非徒山志而已。清孫星衍平津館鑒藏記卷一元板：「茅山志十五卷，題上清嗣宗師劉大彬造。自詰副墨至金薤編凡十二篇。」前有泰定甲子趙世延，泰定丁卯吳全節，天歷戊辰劉大彬三序。末卷後有金華道士錢塘西湖隱真庵開山何道堅施梓十八字。又引洪頤煊曰：「金薤編有編刻三葉，又有明淮南黃綺登茅山詩，皆後入所附。」笄蟾光編茅山志，前有永樂二十一年胡儼序。嘉靖二十九年王晨觀刊本存殘序云：「茅山志，劉大彬所編集，又外史張伯雨所書，極精潔。元季析毀，至天朝永樂癸未，姚公（廣孝）得道刻善本於本山，靈官陳得明，乃合同志之士，一鈐梓以傳。」嘉靖二十九年王晨觀刊本劉大彬茅山志有成化六年陳鑑序云：「成化丙戌板復燬，道錄右玄義兼朝天宮。按在南京住持丁法師興明，乃求舊刻善本，哀朝廷之賞賚，檀樾之施予，命良於工者，重鑲諸木。」故是志刊於元代，分爲十二篇十五卷。元季板毀，永樂癸未重刊。成化丙戌板復燬，六年重刊。正統道藏本無胡儼序，蓋據元刊本析爲三十三卷。正統藏板式有定規，每卷字數不能過多，故需重析也。

錢大昕元史藝文志卷二另著錄張天雨茅山志十五卷。成化杭州府志卷十五云：「張天雨，字伯雨，錢塘人。」嘗屏居修茅山志，因號句曲外史。」劉大彬志元原刊本明永樂及成化重刊本皆爲十五卷。吳全節序，劉大彬敘錄，胡儼序亦皆云十五卷。正統道藏本則析爲三十卷。又胡儼序云元原刊本張伯雨所書。蓋此書實卽張天雨所修，劉大彬竊取其名而已。此志詳審而有條理，非通常道士所能爲也。

澤存書庫藏有嘉靖二十九年王晨觀刊本茅山志，前有殘序，是實趙世延編茅山志，即次泰定甲子趙世延序，永樂二十一年胡儼序。

子趙世延序，次泰定丁卯吳全節序，次成化六年陳鑑序，次嘉靖二十九年徐九思序，謂：「時

山志復燬。王晨觀

按乃茅山道觀名

道人張全恩募工重刻，既成。」云云，次山圖，次劉大彬志目錄，次

天曆元年劉大彬敘錄，次皇明懿典內首刊嘉靖辛亥

三十

句容柳泮祭史江永年識語，云：「

元季板罹兵燹。我朝三刻三燬。漫無記載。今眞人府贊教王晨觀張全恩得舊本募工重刻。本

山靈官戴相資任紹續金玄禮

贊教元符（宮）

陳應符請余詮次，并書國朝懿典于前，修建

諸文及羣公登覽詩作于後。」次明代詔誥等，次宮觀考，次道秩考，爲首卷，次原志十五卷，末

附錄金石後卷，錄皇明碑，又金薤編後卷，錄皇明詩，合爲後卷。又是本稍有殘闕。按劉志卷十，

「抱元觀在柳泮泉上。」又見筴蟾光編茅山志卷十。江永年稱柳泮祭史，蓋居抱元觀。

又有康熙十年刊本茅山志十三卷，題曰鬱岡真隱筴蟾光審編。按卷十茅山之鬱岡，有乾元觀。筴蟾光蓋居乾元觀。是志據劉志重編，前有山圖，次康熙八年筴蟾光自序，次劉序，即敘錄；次趙序，次吳序，次胡序，次陳序，次徐序，次江識語，次詳目；卷一之二詔誥；卷三表奏等；卷四之五碑文；卷六三神紀及上清經錄；聖師七傳真系之譜；卷七洞天職仙，即仙曹署；卷八上清嗣宗師四十七代傳；卷九茅山高真，即采真游；卷十茅山各宮泉洞記，重撰，包括括神區稽古蹟樓觀部；卷十一無標題，即道山冊；卷十二之十三歷代詩，附道秩考及重修茅山志紀略。紀略云：劉大彬志一至近歲而全書已亡，僅存殘帙。幸遇大護法侍御筴公廣搜精訂，采輯審編，閱三年始獲成書。向來殘缺者補之，未載者增之，視舊志更爲完好。是嘉靖刊板至康熙中亡失已久。茅山諸觀且僅存殘本。筴蟾光即據以重編。是志刪節劉志而紊其條貫，除稍增輯明清文獻外，無可取者。筴志又有光緒丁丑，三仲冬懶雲草堂重刊本。同康熙刊本，僅增二序。其一光緒三年周鳳藻序，云：「咸豐癸丑歲，粵匪犯順，茅山志書散失無存。」住持周紹溪求得完善舊本，由甘泉全壽椿出資刊板。其二光緒二十四年王友桂後序，謂至庚申之變，粵逆

披猖，肆掠焚山。紺宇雲房，仙經志板，殘燬殆盡。在山道衆受其荼毒，星散四方，欲歸不得。雖盛衰有數，而兵燹之災，莫此爲甚。迨同治甲子克復金陵，道衆陸續回山，始克收拾餘燼，燕泥鵲架，草創粗周。惟志板無存，博雅者銜之。全壽椿捐款依舊本重刊。光緒二十四年春，由揚州取板，回度茅山九霄宮怡雲道院。是此本刊於揚州。懶雲軒堂當卽全壽椿艸堂名。志板歸度於茅山九霄宮怡雲道院。今俗稱六房

今茅山九霄宮怡雲道院有茅山志輯要，不分卷，乃怡雲道院住持滕瑞芝於抗戰前山私費鉛印，以贈遊客。末有庚申民國九年婺源江導岷跋，謂笱志山中僅存一部（是光緒重刊茅山志板又已亡失。）卽據以編輯要，爲印百部。是本首輯要目錄；次笱序；次徐序；次三茅君像；次山圖，同原志；次三神紀系，卽原志卷六之一部；次茅山各宮泉洞記，卽原志卷十；次歷代詩，卽原志卷十二；次原志各序；次原志總目；末江導岷跋。滕瑞芝所印贈，乃重印本。

自元代張天雨修茅山志以來，已六百餘年。宜搜載籍碑文，訪故老舊聞，纂修續志。

宮觀碑誌，集宋金元宮觀碑文九種。

消搖墟經二卷，前有某氏序云：「洪生自誠氏，新都弟子也，一日，攜仙紀一編，徵言於予。」則

此書撰人卽洪自誠也。消搖墟經，蓋取仙人逍遙物外之意。是書乃仙傳自老子至明人張三丰；又入萬曆續藏，蓋明人撰述。



## 附錄二 道藏筭記

### 三十六部異說

道藏分爲七部或六部，具如右考。但可分爲三洞，各十二部，總三十六部，部分名稱有數說，臚列於左：

其一、一切道經皆義妙門由起明經法第六引「常住鎮經目云：三洞三十六部真經，都合二百六十二萬八千二百二十卷。祕在三清之境，玄臺之上，大有紫微太極三宮之中，煥然朗曜。各有仙童玉女三千萬人常燒香散花。遁甲開山圖所記云：名山石室，藏道經有三十二所。其十九室有經一百六十九萬五千八百三十一卷。其六室有經一萬二千二百三篇，不名卷數。其六室有經，直標名目，不說卷數。其一室有奇經妙圖，黃老發命，河洛之文，不可稱計。」

其二、杜光庭刪太上黃籙齋儀卷五十二曰：「三洞真經部帙品目：

洞真寶經十二部凡二十三萬三百八十卷

太一部第一

妙林部第二

太清部第三

徹視部第四

上清部第五

開化部第六

元陽部第七

妙真部第八

開山部第九

十仙部第十

玉林部第十一

黃老部第十二

洞玄寶經十二部凡八十萬四千卷

靈和部第一

靈寶部第二

通神部第三

無量部第四

集仙部第五

內祕部第六

真志部第七

集善部第八

鍊精部第九

生尸部第十

宮圖部第十一

鍊魔部第十二

洞神寶經十二部凡八十四萬三千卷

太真部第一

至德部第二

黃庭部第三

鍊氣部第四

道德部第五

元神部第六

大劫部第七

內簡部第八

神呪部第九

三皇部第十

按摩部第十一

小劫部第十二

右三洞三十六部共一百八十七萬六千三百八十卷。此文又見无上黃籙大齋立成儀卷二十一。太上慈悲道場消災九幽懺十卷，題曰太極左仙公葛玄纂集，按此乃依託前有唐季含光序。其卷一記三洞三十六部品目大致與右文同，但不著卷數。其洞玄經真志部作至真，生尸部誤作生死，鍊魔部作銷魔，洞神經按摩部作按魔。又唐代出世之太上洞神天公消魔護國經，亦謂三洞各十二部，凡三十六部，計一百八十八萬四千二百二十卷。太上說玄天大聖真武本傳神呪妙經，陳佖集疏，卷五，記洞玄經秩目，蓋據杜光庭說。其第七作至真部，第十誤作生尸部，第十一誤作官圖部，第十二作銷魔部。卷數則八下脫十字，成八萬四千卷。

其三、寧全真授王契真纂上清靈寶大法卷五十三記三十六部尊經標題曰：

「洞真十二部」

上清經一部八千卷，妙真經一部五百卷，太一仙經一部八百卷，妙林仙經一部八十卷，開化經一部八千卷，仙人侃經一部七千卷，黃林先生經一部一萬八千卷，太上真經一部一萬五千卷，道教經一部一萬五千卷，煉精經一部八萬八千卷，功德經一部八萬四千卷，道德經一部五千卷。

洞玄十二部

靈寶經一部八千卷，元陽經一部百十二卷，元辰經一部一十萬卷，大劫經一部一萬卷，開山經一部十萬卷，諸天內音經一部十萬卷，八煉生尸經一部十萬卷，靈和心音經一部八萬卷，消魔經一部八萬卷，無量壽經一部八萬卷，按摩經一部十萬卷，道身經一部十萬卷。

洞神十二部

太清經一部八千卷，微視經一部九萬卷，集仙品經一部八萬卷，洞淵神呪經一部八萬卷，內秘經，真一經，集靈經，中精經，無量品經一部八萬卷，黃老集宮經一部八萬卷，黃庭經一部十

萬卷，小劫品經一部八萬卷，「右洞真部二十四萬九千三百八十卷，洞玄部八十五萬八千一百一十有二卷，洞神部五十九萬八千卷，都一百七十萬五千四百九十有二卷。又太上靈寶洪福滅罪像名經述三洞三十六部尊經，標題大致與右引同，但每部不著卷數。其洞真十二部尊經內，妙林仙經作妙林仙記經，仙人侃經作仙人品經，太上真經作太一真經，煉精經作太上練精經，功德經作太上功德經。洞玄十二部尊經內，靈寶經作太上洞玄靈寶經，原辰經作元辰經，大劫經作太劫經，開山經作太上開山海經，八練生尸經作太上八練生尸經，靈和心省經作靈想經，消魔經作太上消魔經，無量壽經作太上無量壽經，道身經作太上通身經。洞神十二部尊經內，徹視經作老君徹視經，集仙品經作太上集仙品經，內祕經作無上內祕經，真一經作真一志經，集靈經作太上集靈經，中精經作太上小中精經，无量品經誤作元置品經，黃老集宮經作黃老集靈經，黃庭經作老君黃庭經，小劫品經作大小劫經。洞真經計二十三萬五千四百四十卷。洞玄經計八十五萬八千一百十二卷。洞神經七十萬二千八十卷。又无上內祕真藏經卷四三洞三十六部經標題，大致與上清靈寶大法之說相同，但不著卷數。其洞真經中太一仙經作太一，妙林仙經作妙林，仙人侃經作僊人，黃林先生經作黃林，

太上真經作上真，煉精經作上鍊，功德經作上妙功德。其洞玄經中靈寶經作洞玄，元辰經作原辰，開山經作上聞，諸天內音經作內音，八煉生尸經作煉生，靈和心音經作靈祕，無量壽經誤作無著，按摩經作案摩，道身經作上通。洞神經內集仙品經作集僊，洞淵神呪經作洞淵，無量品經作無量，黃老集宮經作集宮，小劫品經作小劫。

右數說卷數浩繁，蓋出已佚道經，謂天宮存道書如此之衆，固未嘗全行下降人世也。故南宋

金允中編上清靈寶大法卷四十曰：「及至開皇按乃道經年號之餘，數三洞下化人間。上皇按乃道經年號

以後，羣經衆典，流布無窮。三洞之經，乍隱乍顯，或存或亡，自非玄都玉宗之上，不得備足。三十

六部之全，總計一百八十四萬四千二百餘卷。凡世有此而闕彼，後降而前隱。天地開闢，教法

興行之後，人間未嘗三洞周足。」又杜光庭在唐僖宗時居長安太清宮，爲道門領袖。二街藏

書，必嘗目覩。所述三洞經卷數，或有所據。宋金允中編上清靈寶大法卷四十謂陸簡寂經目

「一萬八千卷，後世稱三十六部萬八千篇者。」光庭所述卷數或卽篇數，故若斯之浩繁也。

道光二十五年鄭永祥孟至才（北京）白雲重修道藏記：「唐天寶間，纂輯成藏，統曰三

洞：一，洞真經十二部；上煉太一開元道敎道衆仙人計文二十三萬三百八十卷。二，洞玄經

十二部：元陽靈和無量煉生內音洞玄計文八十萬四千卷。三、洞神經十二部：太清內秘微視洞淵

集靈真一小劫黃庭中精無量集宮集仙計文八十萬四千卷。統計一百八十三萬八千三百八十卷。是爲一藏，

天下頒行。按上述三十六部目，大致據第三說；卷數則大致據杜光庭說。又唐代修道藏在開元中。此云天寶，非是。道光年間道書，當皆見在。但遍檢道藏，未見何書載唐開元藏部目及合於上說之卷數。右說未知何所據。

其四：太上靈寶洪福滅罪像名經又述三洞三十六部尊經目。

洞真部：大洞玉經，上清經，無上祕要經，老君黃庭經，妙林仙記傳經，太上集仙經，太上開天化經，太上八史經，黃林先生經，老君鍊精養生經，老君黃書經，道教經。

洞玄部：太上靈寶經，功德經，元陽經，大小劫經，太上開山海經，諸天內音經，太上鳴寶經，太上集靈經，無量壽經，太上靈祕經，太上濟衆經，太平經。

洞神部：高上玉皇經，太清經，正一消魔章儀經，老子經，玄妙真經，太上洞淵神呪經，老君玄中精經，黃老集宮捍厄圖經，無上金真上妙玄經，太上真一經，太上一乘海空經，玄門道德經。

今道藏有太上三十六部尊經六卷：

卷一卷二玉清境經

上清經，妙真經，太一經，妙林經，開化經，仙人經，黃朴經，上真經，道教經，

上鍊經，上妙功德經，道德經。

按此非老子道德經

卷三卷四上清境經

洞玄經，按此非寶度人經

元陽經，元辰經，大劫經，上開經，內音經，鍊生經，靈祕

經，消魔經，無量經，按魔經，上通經。

卷五卷六太清境經

太清經，微視經，集仙經，洞淵經，內秘經，真一經，集靈經，中精經，無量意

經，集宮經，黃庭經，

此非通常之黃庭經

小劫經。

## 方士道士術士

戰國時已有方士之稱。文選宋玉高唐賦：「有方之士，漢門，高谿，上成，鬱林，公樂，聚穀。」史記秦始皇本紀：始皇三十五年，始皇問侯生盧生亡去，「乃大怒曰：『吾並收天下書不中用者盡去之，悉召文學方術士甚衆，欲以興太平；方士欲鍊以求奇藥。』」是方士卽方術士也。至三國時，仍沿用此稱。博物志卷五方七條：「魏武帝好養性法，亦解方藥，招引四方之術士，如左元放、華陀之徒，無不畢至。」其後載魏王所集方士名。道士之稱始於漢。漢書五行志中：「道



士始去，茲爲傷。」又京房傳：「今涌水已出，道人當逐死，當復何言。」顏注：「道人，謂有道術之人也。」後漢書靈恩何皇后紀：「生皇子辯，養於史道人家。」注：「道人，謂道術之人也。」後漢書方術許曼傳：「行過道士張巨君，授以方術。」按莊子天下篇：「天下之治方術者多矣，皆以爲有爲不可加矣！所謂道術者果烏乎在？曰：無乎不在。」是道術卽方術，故道士卽方士也。道士之稱，雖原於漢；至晉以後，方士之稱，始不復通用；而以道士代之。故抱朴子金丹篇曰：「余周旋徐豫荆襄江廣數州之間，閱見流移俗道士數百人矣。」初則以道人道士泛指僧道，至南北朝乃以道人稱沙門，道士指黃冠。齊書高逸顧歡傳：「道士興道人戰儒墨，道人與道士辯是非。」南史陶弘景傳：「道人道士並在門中，道人左，道士右。」按晉代金丹仙藥、黃白、玄素、吐納、導引、禁呪、符籙之術，悉謂之道術。道士者，研習此諸道術者也。「迨及宋元，乃緣參同爐火而言內丹，鍊養陰陽，混合元氣，斥服食胎息爲小道，金石符呪爲旁門，黃白玄素爲邪術；惟以性命交修，爲谷神不死，羽化登真之訣。其說旁涉禪宗，兼附易理，製微重妙；且欲併儒釋而一之。自是而漢晉相傳神仙之說，盡變無餘。」見方維甸校刊抱朴子內篇序故治黃白等術者，乃稱爲術士。今世俗則僅知念經拜懺者爲道士矣。

## 道及道教

道者，道術也。因道術之不同，而有太平道

張角，見三國志張魯傳引典略。

五斗米道

張陵，見資治通鑑卷六十，又稱天師道。

干君道

干吉，見雲笈七籤卷一百一十引洞仙傳。

李氏道

見抱朴子道意篇。

等。佛法之入中國也，當時人視之，直不過此諸道之一耳。齊

顧歡夷夏論引玄妙內篇

見南齊書高逸顧歡傳。抱朴子題覽篇未載此書。笑道論引其文。按葛洪於東晉中宗建武元年撰定抱朴子，下距顧歡，約一百五十年左右。是書之行世，即於此時。

稱之爲佛道。按道術又稱法術，故佛道又稱佛法，而中國本有之諸道，則統稱爲道法焉。

又道法佛法，亦稱道教佛教。蓋總括此中國本有之諸道術者，謂之道教。於是金丹、仙藥、黃白、

玄素、吐納、導引、禁呪、符籙之術，靡不統屬焉。其雜而多端，李海類編收明王緯青鰲嶽錄云：「道家之說，雜而多端。」也宜矣？始

則頗乏條貫，至南北朝稍仿佛教而改變之，然後蔚然爲中國三教之一。又按廣弘明集卷十

敘任道林辯周武帝除佛法詔：「詔曰：佛生西域，寄傳東夏。原其風教，殊乖中國。漢魏晉世，似

有若無。五胡亂治，風化方盛。」蓋漢魏西晉，佛法亦似有若無耳。及石虎傾心事佛圖澄，而後

始臻興盛也。按葛洪略與佛圖澄同時。

## 天師道與巫覡有關

後漢書劉焉傳：「張魯，字公旗。初祖父陵，順帝時客蜀，學道鶴鳴山中，造作符書，以惑百姓。受其道者，輒出五斗米。故謂之米賊。陵傳子衡，衡傳於魯。」後漢書孝靈帝紀：「中平元年春二月，鉅鹿人張角自稱黃天，其部帥三十六皆著黃巾，同日反叛。」秋七月，巴郡妖巫張修反。」注：「劉艾紀曰：時巴郡巫人張修，療病，愈者屢以米五斗，號曰五斗米師。」據此巴郡巫人張修亦修五斗米道。又三國志張魯傳引輿略曰：「熹平中，妖賊大起。三輔有略，耀光。和東方有張角。漢中有張修。略耀教民緇匿法。角爲太平道，修爲五斗米道。」後漢書劉焉傳注引輿略誤作張修爲太平道，張角爲五斗米道。按雲笈七籤卷二十八：「謹按張天師二十四治圖云：太上以漢安二年正月七日中時下二十四治。」其二十四治，分佈於益州，且遠至洛陽。是張陵在日，五斗米道已傳至巴郡。順帝漢安二年，下距靈帝中平元年，已四十二年，又張修亦修是道，必其徒黨無疑。張陵之同黨張修係巫人，當不能遽據以推定，謂張陵亦爲巫人。但由

是可見五斗米道與巫覡之關係矣。不特此也，笑道論二十二：「又按三張之術，畏鬼科曰：左佩太極章，右佩昆吾劍，指山則停空，擬鬼千里血。又造黃神越章殺鬼，朱章殺人。或爲塗炭齋者，黃土泥面，驢轅泥中，懸頭着柱，打拍使熟。自晉義熙中，道士王公期除去打拍法，而陸修靜猶以黃土泥額，反縛懸頭。如此淫祀，衆望同笑。」又言道士上章文詞，「同俗巫解奏之曲。」按笑道論製於北周之時，上距張陵在世之日，已將四百年，猶且如此。則最初三張之術，與巫人之法，相去必不甚遠也。

### 樓觀攷

樓觀傳云：魏元帝咸熙初，道士梁譙事鄭法師於樓觀。樓觀之見載籍，始此。晉惠帝永興二年，太和真人尹軌降于樓觀，授梁譙以日月黃華上經，水石丹法，并授樓觀先生本起內傳一卷。終南山說經臺摩代真仙碑記自是北朝高道，多止樓觀，爲當時道法重鎮。後魏太武帝致香燭於樓觀，道士尹通，倬之建齋行道。自是四方請謁不絕。是時道士牛文侯、尹通、尹法興等四十餘人，於樓觀敷弘道化，朝野欽奉。後魏孝文帝太和中，王道義自姑射山將門弟子六七十人來居之。大修觀宇，

# 樓觀道士傳授表

魏晉

鄭法蘭樓觀——梁謹字孝成樓觀

王嘉字子年人呼爲大煉師東陽谷、終南山、劉歌山

孫微字仲宣人呼爲小煉師樓觀

馬儉字元約樓觀

尹通字靈聖樓觀

尹法興樓觀尹通之姪

牛文侯樓觀

王道範樓觀

陸景華陰

陳寶徽諱曰貞懿先生樓觀

焦贛字大度茅山道士華山雲臺觀

王延字子元加號成儀法師道觀、華山雲臺觀、通

李順興字煉師樓觀

嚴建嚴達及右列九人皆居唐

鮑暉字平定樓觀

侯楷字法光樓觀

史道徽王真周化生程法明蘇道標

唐游法師樓觀——丘國珍樓觀

尹起樓觀

張法樂樓觀

張通樓觀

張法成伏道崇游法師樓觀——丘國珍樓觀

土木工匠就役，日常百數。由是樓殿壇宇，一皆鼎新。惟秦始皇所造老子殿，混元聖紀卷一：「樓觀傳，謂秦始皇帝二十

十八年壬午，封禪泰山，乃建老君祠於樓觀之南，躬行禋祀。」

以其宏麗，不加修飾。道義又令門人購集真經萬餘卷。西魏文帝

欽異樓觀道士陳寶熾，召入延英殿問道。太師安定公及朝野士大夫亦從而師之。又召其弟

子李順興至都城，試以法術，有驗。於是朝野欽信。既卒，為立祠於沙苑。後周武帝召樓觀道士

王延

時居雲臺觀

至都。久之，還雲臺觀。建德中，武帝召道士嚴達及王延至都。時沙汰道釋，帝特為

嚴達建通道觀於田谷之左。復選樓觀之士十人居之。嚴達遂與王延、蘇道標、程法明、周化生，

王真微、史道興、于長文、張法成、伏道崇等十人，以道術相忘，同乎出處。世號田谷十老。後周靜

帝大象年間，道教復興。

仙鑑卷三十

隋文帝開皇初，嚴達重修樓觀宮宇，度道士滿一百二十員。仙苑

編珠卷下引樓觀傳。仙鑑卷三十云：「詔重修二廟。」

羽流精潔，朝野宗奉。

仙鑑卷三十

隋大業七年，煬帝親駕征遼。時道士岐暉

終南山說經臺歷代真仙碑記云有恩人。仙鑑卷二十九云京兆人。

主觀事，謂門弟子曰：「

天道將改，吾猶及見之，不過數歲。」或問曰：「不知來者若何？」曰：「當有老君子孫治世，此

後吾教大興。」後數年，隋果亂。

混元聖紀卷八

大業十三年，唐高祖皇帝初起義兵於晉陽。帝女平陽

公主，柴紹妻也，亦起兵應帝，屯於宜壽宮。暉逆知真主將出，盡以觀中資糧給其軍。及帝至蒲

津關。暉喜曰：「此真君來也，必平定四方矣！」乃改名平定以應之。仍發道士八十餘人，向關應接。帝嘉之。乃下詔曰：「今東應義旗，西開幕府，設宮分職，本在忠誠。道士岐平定鍾述求真，銷名離俗，恬淡榮利，無悶幽閒，而能微損衣資，以供戎服，抽割菽粟，以贍軍糧。忠節不嘉，理須標授。平定宜受紫金光祿大夫。已下並節級授銀青光祿大夫，以酬其義。」平定力辭曰：「草莽之臣，應接聖君，心崇道本，黃冠不貴金紫，玄教豈向銀青，雖奉殊私，理恐非懷。」帝曰：「師且受，俟得京城，別有進止。」十一月初八日，遣使詣樓觀設醮祈福。是夕白雲如幕，降覆壇場，與香交映。又有白鹿一雙，來傍殿門，長鳴數聲，乃去。馳驛以聞。明日，果克京城。因改元義寧。唐武德二年五月，敕樓觀令鼎新修宮，老君殿、天尊堂及尹真人廟，應觀內屋宇，務令寬博，稱其瞻仰。并賜土田十頃及仙遊監地充莊。道教靈驗記卷十四云：「以隋何書蘇威莊二百頃賜觀。」仍於觀側立監置官檢校修造。即以岐平定主觀事。三年春，帝親詣老君於祠庭。平定率道衆迎駕，仍具千人之食，以獻。帝召平定及法師呂道濟監齋趙道隆等並賜坐。遂令百官悉就坐飲食。謂曰：「朕之釐祖，親來降此。朕爲社稷主，其可無興建乎？」乃降詔改樓觀曰宗聖觀，賜白米二百石，帛一千匹，以供觀中修補。據源元聖紀卷八。道教靈驗記卷十四云：「一時秦王征討四方，東拒王世充，外拒竇（建）德，轉輸經費，杆杓爲勞，欲祈清醮，遂安萬姓。駕幸宗聖，建醮祈禱。問觀主岐平定以克定天下之事。」

對曰：「陛下聖德感天。秦王謀無不勝。此乃上天所命，聖祖（按即老君）垂祐，何遠乎可誅也。今耕之時，稍闕膏雨。但歲豐人贖，天下剋日可濟矣。」上曰：「一憂社稷未寧，都未念及水旱。如前之言，今低請於神明，致雨養農耳。」即入殿，於聖祖前炷香虔拜。及七年十月，帝幸樓觀，謁老子祠。資治通鑑卷一百九十一，混元聖紀卷八。八年二月，撰大唐宗聖觀記刊於石。碑文見古樓觀紫雲衍慶集卷上。

唐高宗以尹文操爲昊天觀主兼知宗聖觀事。儀鳳四年，高宗在東都，先請尹文操於老君廟在樓觀修功德。及帝親謁，百官咸從。帝及皇后諸王公主等，同見老君乘白馬，左右神物，莫得名言，騰空而來，降于壇所。內外號叫，舞躍再拜，親承聖旨。由是文操奉敕修玄元皇帝聖紀一部，

凡十卷，總百十篇。篇別有贊，員半千所作也。紀替異秩，繕寫進之。高宗大悅，終日親省，不離于玉案。乃授文操銀青光祿大夫，行太常少卿。文操固讓不已，辭官而受散職焉。見古樓觀紫雲衍慶集卷上唐員半千撰

大唐宗聖觀主銀青光祿大夫天水尹尊師碑。又見終南山說經臺歷代真仙碑記。

開元二十九年閏四月，玄宗夢玄元謂帝曰：「我在城之西南久矣，常與汝於興慶相見，可速迎我。」帝謂宰相李林甫、牛仙客曰：「朕臨御海內，向三十年，未嘗不五更而起，具朝服，禮謁眞容，爲蒼生祈福。近因假寐，見玄元具言上事，遂差內使與道門威儀蕭玄裕於城西南尋訪數日，忽於樓觀山谷間見有紫雲，現白光屬天，於其下穿之，果得玉像老君，高三尺餘，以進。其日帝在



興慶宮大同殿親自迎謁。果符興慶之言。置於內殿供養。仍令所司寫真容分送天下諸宮觀。

遂大赦天下。據杜光庭歷代崇道記於樓觀立大唐聖祖玄元皇帝靈應碑以記其事。碑文見古樓觀紫雲衍慶集卷上，刻石在樓觀序

劉同昇撰，天寶元年七月建。歷代崇道記錄此事於天寶元年。按稱撥玉紀元以來朝謁者，天寶元年無開月，而開元二十九年閏四月，適與此合。舊唐書禮儀志記此事於開元二十年閏四月。按開元二十年無閏月，非是。混元經卷八錄此事於開元二十八年四月。又見杜光庭道藏靈應記卷六，但不記年月。又按碑文，是時宗聖觀主李玄勛，監齋醮無待，上座傳承說。

宋室興，太宗端拱元年，復賜觀額曰順天興國。金哀宗天興年間，遭遇兵亂，累代宏規，焚毀殆

盡。元太宗八年丙申，全真教清和大宗師尹志平丘處機之弟子禮謁祖宮，同塵子李志柔字謙叔，家世洛水，丘

處機之弟子亦待行。時教門四方宿德，不召而集。徘徊遺址，其存者惟三門鍾樓并二亭耳。遂議興

復。時有前道士張致堅狀其舊業以獻，乞爲重建計。尹志平即以狀付李志柔，俾任其責。志柔

遂請行省田相君雄，乾州長官劉侯德山，爲功德主。繼承總府文據，以近觀舊有地土，明斥四

止，永爲贍衆恆產。公於是率徒千指，以志平所委大師韓志元張志朴糾領其事。薤榛棘，除瓦

壁，蟄材植，斲者陶者，規構者耕以饁給者，莫不同誠竭力，彌月漫歲，有鼙鼓弗勝之意。逮于壬

寅年，稍克就緒。建殿三曰金闕寥陽，曰文始，曰玄門列祖。爲樓三曰紫雲衍慶，曰景陽，曰寶草。

爲堂二曰真官，曰齋心。寶有館。衆有寮。焚誦有室。山門，方丈，廚庫，蔬圃，水輪，至於下院別業，以

次而具。丹堊藻繪，赫然一新。元世祖中統元年夏六月，以朝命易觀爲宮，仍舊宗聖之名。作大

齋以落之。中統四年癸亥，全真教誡明宗師張志敬李志常之弟子命李志柔還樓觀，凡有闕略，悉皆

完飾。方之前代，雖未大備，其已成殿閣，俊麗則復過之。至元改元，奉德音禁民侵擾，及使臣軍

旅，無聽留宿，以便焚誦。三年丙寅，李志柔卒。以上據古樓觀紫雲衍慶集卷上元世祖中統四年李鼎大元重修古樓觀宗聖宮記，卷中李道謙大元宗聖宮主李尊師道行碑。後文又見甘水仙源錄卷七，題曰終南山樓觀宗聖宮同座真人李尊師道行碑。

錄卷七，題曰終南山樓觀宗聖宮同座真人李尊師道行碑。

明萬曆間有道士姬東坡善鼓琴，講南華經，多自悟，詩時出奇句。神宗嘉其恬寂，錫道經二藏，

龍旂御仗幢幡十六，及瑞蓮圖，併勞以璽書。前爲四子堂及文始三清二殿。再進則望氣樓。其

右殿曰景陽。有丹井。左殿曰寶章。後爲宗聖宮。宮後林莽翠繞，有臺據高岡之上，曰說經臺。元

至元二年重修。樓殿凌空，金碧溢目。住山石廷玉有圖並記。見雍正陝西通志。關中勝蹟圖志有樓觀圖。

## 道館攷源

廣弘明集卷十二唐釋明概決對傅奕廢佛僧事并表：「未若道家，都無承據。李老事周之日，未有玄境。張陵謀漢之晨，方興觀舍。故後漢順帝中，有沛人張陵客遊蜀土，聞古老相傳云：昔

漢高祖應二十四氣，祭二十四山，遂王有天下。陵不度德，遂構此謀。殺牛祭祀二十四所，置以土壇，戴以草屋，稱二十四治。治館之興，始乎此也。又雲笈七籤卷二十八：「謹按張天師二十四治圖云：太上有漢安二年正月七日中時下二十四治：上八治，中八治，下八治；應天二十四氣，合二十八宿，以付天師張道陵奉行布化。張天師，沛國豐縣人也，諱道陵，字輔漢，稟性嚴直，經明行修，學道有方。永平二年，漢帝詔書就拜巴郡江州令。以延和元年三月十日辛丑，詔書拜爲司空，封食冀縣侯，以芝草圖經歷神仙爲事，任採延年藥，餌金液丹。以漢安元年丁丑，詔書遷改不拜，遂解官入益州部界。以其年於蜀郡臨邛縣渠亭山赤石城中靜思精至，五月一日夜半時，有千乘萬騎來下至赤石城前，金車羽蓋，步從龍虎鬼兵，不可稱數。有五人，一人自言：吾是周時柱下史也。一人自言：吾是新出太上老君也。一人云：吾是太上高皇帝中黃真君也。一人言：吾是漢師張良子房也。一人言：吾是佐漢子淵天師外祖也。子骨法合道，當承老君忠臣之後，今授子鬼號傳世，子孫爲國師，撫民無期。於是道陵方親授太上質勅，當步綱躡紀，統承三天，佐國扶命，養育羣生，整理鬼氣，傳爲國師，依其度數，開立二十四治：十九靜慮，授以正一盟威之道，伐誅邪僞，與天下萬神分付爲盟。悉承正一之道也。」上品治：第一陽平治，

在蜀郡九隴縣。第二鹿堂山治，在漢州綿竹縣界北鄉。第三鶴鳴神山上治，在蜀郡臨邛縣界。  
 第四漓沅山治，在彭州九隴縣界。第五葛瓊山治，在彭州九隴縣界。第六庚除治，在廣漢郡綿  
 竹縣西。第七秦中治，在廣漢郡德陽縣東。第八真多治，在懷安軍金堂縣。中品治：第一昌利治，  
 在懷安軍金堂縣東。第二隸上治，在廣漢郡德陽縣東。第三涌泉山神治，在遂寧郡小漢縣界。  
 第四稠稷治，在犍爲郡新津縣。第五北平治，一名科山治，在眉州彭山縣。第六本竹治，在蜀州新津  
 縣。第七蒙秦治，在越嶲郡臺登縣西。第八平蓋治，在蜀州新津縣。下品治：第一雲臺山治，在巴  
 西郡閬州蒼溪縣東。第二濫口治，在漢中郡江陽縣。第三後城山治，在漢州什邡縣。第四公慕  
 治，在漢州什邡縣。第五平岡治，在蜀州新津縣。第六主簿山治，在邛州蒲江縣界。第七玉局治，  
 在成都南門內。第八北邙山治，在東郡洛陽縣。天師又立四治，合成二十八治，上應二十八宿。  
 此四治在京師東北。又立配治八所，一周布四海，鎮國化人也。一系師又立遊治八所。遊治者，  
 「巡遊治也」。此三師所立治所也。按治又稱化。仙鑑卷十八張天師傳注引成都記云：「道經  
 二十四治，應二十四氣，六十甲子，分隸其間。避唐高宗諱，始改爲化。」  
 正一真人二十四治圖一卷，令狐見堯撰。通志略諸子類道家著錄二十四化記三卷，唐段道士世貴撰，記蜀中  
 二十四山神仙之所。又正一真人二十四治圖一卷，唐道士令狐見堯撰，敘蜀中二十四治之所，名山福地。道

藏闕經月錄卷下著錄正一二十四化記三卷，不著撰人。

又上文言十九靜廬，今未詳。至晉或稱廬，或稱治，或稱靖。抱朴子道

意篇：「李寬所奉道室，名之爲廬。寬亦得溫病，託言入廬齋戒，遂死於廬中。」惲敬大雲山房

文稿初集卷一：「真人府印說引異苑：『錢塘杜明師夢人入其館。是夕謝靈運生於其家，送杜

治養之。』注：「治音稚，奉道家之靜室也。」晉書卷八十：「王氏世事張氏五斗米道，疑之

彌篤。孫恩之攻會稽，寮佐請爲之備，凝之不從，方入靖請禱。」三洞珠囊卷六清戒品引三洞

科起請觀宮堂第十一云：「民家曰靖，師家曰治。」又是時山居修道者皆居山洞，張天師治亦多在山

中。卽於其旁築有館舍。此卽後世道館之始。晉書許邁傳：「於是立精舍於懸壺，山而往來茅

嶺之洞室，放絕世務，以尋僊館。」真誥卷二十言許邁：「居雷平山下，修業精勤，常早遊洞室，

不欲久停人世。」卽居方隅山洞方園館中。後始立道館於都邑。仙鑑卷二十四陸修靜

傳：「先生時游江南，尤嗜匡阜之勝概。孝武帝大明五年，爰構精廬於白雲峯下。太始三年，明

帝復加詔命，使刺史王景文敦勸，不得已而就焉。」先生旣至闕，帝設崇虛館通仙臺以待

之。案據上引許邁事，是東晉已有用館以稱修道之所者。其後齊代有興世館，梁代有華陽

上下館，朱陽館等；是南朝仍稱館。而道觀之稱，初用於北朝。按釋名曰：「觀者，於上觀望也。」

又注曰：「觀，觀也。周置兩觀以表宮門。其上可居，登之可以遠觀，故謂之觀。」故館觀二字，其義不同。魏終南山已有樓觀。其後北周有通道觀、玄都觀等。至唐代，始不用館字，而以觀字代之。及唐以後人撰文，輒改館爲觀字。至唐宋以來，大道觀則稱曰宮。舊唐書玄宗本紀下：天寶二年「改西京玄元廟爲太清宮，東京爲太微宮，天下諸郡爲紫極宮。」

### 道教形像攷原

唐釋法琳辯正論卷六自注：「考梁陳齊魏之前，唯以瓠盧盛經，本無天尊形像。按任子道論及杜氏幽求云：道無形質，蓋陰陽之精也。陶隱居內傳云：在茅山中立佛道二堂，隔日朝禮。佛堂有像；道堂無像。王淳三教論云：近世道士，取活無方，欲人歸信，乃學佛家制作形像。假號天尊，及左右二真人，置之道堂，以憑衣食。宋陸修靜亦爲此形。」是宋代道教已有形像。梁陶弘景所立道堂無像，是梁時道館立像，尙未甚通行也。又釋玄嶷甄正論卷上：「近自吳蜀分疆，宋齊承統，別立天尊，以爲教主。」唐初道館內立元始天尊像，左右二真人夾侍。茅山老卷二十二唐國師昇真先生立觀碑謂唐太宗爲王遠智造太平觀，「又於內殿奉爲文德皇后造

元始天尊像一軀，二真人夾侍。」又桐栢真人茅山華陽觀王先生碑銘并序謂王軌於唐太宗時重建華陽觀，造「正殿三間，兩廡并及講堂，掖靖，房宇門廊。」又於內殿奉造元始天尊像一軀，光趺八尺。左右真人夾侍。神儀肅穆，法相希微。」

### 老子老君玄元皇帝混元皇帝

三國志張魯傳引典略謂五斗米道法：「主以老子五千文，使都習。」明曹學佺蜀中廣記卷七十二引玄都律謂五神下降，授張陵爲國師，「有五人，其一云是周柱下史也。一新出太上老君也。」是則柱下史與太上老君有別。晉抱朴子言李聃卽是老君。後世則稱老子爲太上老君。抱朴子雜應篇：「但諦念老君真形，老君真形見，則起再拜也。老君真形，思之，姓李，名聃，字伯陽。身長九尺。黃色鳥喙。隆鼻。孫校意林引無秀字眉長五寸。耳長七寸。額有三理，上下徹。足有八卦。以神龜爲牀。孫校意林引有住字金樓玉堂。白銀爲階。五色雲爲衣。重疊之冠。鋒鋌之劍。從黃童百二十人。左有十二青龍。右有二十六白虎。前有二十四朱雀。後有七十二玄武。前道十二窮奇。後從三十六辟邪。雷電在上，晃晃昱昱。此事仙經中也。見老君則年命延長，心如日月，無事不知。」

也。『至唐代，太宗詔謂「朕本系出於柱史。」』貞觀十一年太宗命道士女冠在僧尼前，見說元聖紀卷八。廣弘明集卷二十五則節錄此語。『至高

宗時，乾封元年，帝自封禪還，「二月己未，次亳州，幸老君廟，追號曰太上玄元皇帝。」見舊唐書高宗本紀

『中宗神龍元年二月甲寅，「老君依舊爲玄元皇帝。」』見舊唐書中宗睿宗本紀『則武后篡唐，必去老君玄

元皇帝之尊號。但新舊唐書則天皇后本紀皆未載此事，蓋疏漏耳。唐玄宗天寶二年正月

丙辰，加玄元皇帝尊號大聖祖三字。」見舊唐書禮儀志『三月壬子，親祀玄元廟，以冊尊號。制追尊

聖祖玄元皇帝父周上御大夫敬，曰先天太上皇母，益壽氏，號先天太后。』八載閏六月「丙

寅，上親謁太清宮，冊聖祖玄元皇帝尊號爲聖祖大道玄元皇帝。」十三載「二月癸酉，帝親

朝獻太清宮，上玄元皇帝尊號曰大聖祖高上大道金闕玄元天皇帝。」見舊唐書玄宗本紀『宋代則

真宗自澶淵盟後，「封禪事作，祥瑞沓臻，天書屢降，導迎奠安，一國君臣，如病狂然。」見宋史真宗本紀贊

大中祥符六年「八月庚申，詔來春親謁亳州太清宮。」「庚午，加號太上老君混元上德皇

帝。」

老君傳：舊唐志乙部史錄雜傳類著錄高士老君內傳一卷，并喜張林亭撰；丙部子錄道家類

著錄太上老君玄元皇帝聖紀十卷尹父操撰。父誤，當作文。新唐志丙部子錄神仙類著錄尹喜高



士老君內傳三卷。按此一卷三卷本老君傳，今皆亡。楊上器注太上玄元皇帝聖紀十卷。宋志神仙類尹文操玄

元聖紀經十卷。崇文總目道書類著錄老子內傳三卷，尹喜撰。通志略諸子類，道家傳，著錄老

君內傳三卷，尹喜撰。老君傳一卷，不著撰人，又記著錄太上混元皇帝聖紀十卷，楊上器注。按

元當作玄元，宋人改作混元耳。

古樓觀紫雲衍慶集卷上唐員半千撰大唐宗聖觀主銀青光祿大夫天水尹尊師碑謂尹文

操，「字景先，隴西天水人也。」唐高宗時「奉敕修玄元皇帝聖紀一部，凡十卷，總百十篇。篇

別有贊。」贊，員半千作。「紀贊異秩。」混元聖紀卷一云：「尹文操編聖紀八百二十章。」據

新唐志通志略，此紀又有楊上器注本，亦十卷。今皆佚。甄正論卷中稱之曰老子聖紀。混元聖

紀引作唐紀。

仙鑑卷五十一：「道士賈善翔，蓬州人字鴻舉。」宋「哲宗朝，作猶龍記暨高道傳行於世。」

混元聖紀卷一云：「賈善翔傳猶龍，析爲百篇。」今道藏收猶龍傳六卷三十篇，題曰左街都

監同僉書敎門公事崇德悟真大師賈善翔編。前有序，實全傳之提要。

道藏又收混元聖紀九卷，題曰宋觀復大師高士謝守灝編。太上老君年譜要略一卷，題曰永

嘉謝守灝編集，隱山李致道校正，乃混元聖紀卷一之節本。又太上混元老子史略三卷，題曰廬山清虛菴道士謝守灝編。卷上即混元聖紀卷一，卷中下即混元聖紀卷二、三，稍有詳略之異。疑即混元聖紀之初稿。

### 道教諸宗

道教自宋金以來，鍊養派則分南北宗。南宗昉於宋張伯端。北宗即全真教，始於金王哲。南宗光性。北宗先命。南宗諸家撰述見洞真部方法類所收修真十書。北宗諸家集，多收入太平部。

至符籙科教派則分爲三宗，即龍虎閣阜茅山三宗是也，其符籙各不同。

據明王禕青巖叢錄

張陵曾孫

盛，於西晉永嘉中移居今江西貴溪之龍虎山，爲龍虎宗之肇始。按仙鑑卷十九，張魯有五子。其第四子名盛。又卷十九張滋傳云：「盛，字元宗，歷奉車都尉，散騎侍郎，封都亭侯。嘗喟然歎曰：『吾先世教法，常以長子傳授，而諸兄皆不娶，可使至此遂無傳乎？』西晉永嘉中，夜望大江之東，有瑞氣徹天。謂其妻曰：『是可成吾丹矣。』乃棄官南遊，至鄱陽郡，望之曰：『近矣。』即山行五日，至一處，山嶺秀麗，登而喜曰：『吾得之矣。』山頂有真人丹穴井竈存焉，乃昔日

煉丹修養之地。遂就其井穴左右結廬。居一年，盧氏來尋之。遂與同居此山，得一子。原注：一云

自蜀來處山之下。居九年，丹成。一口尸解而去。人呼其龍虎。子孫多居山之北。此宗初不甚著。至宋徽

宗四召張繼先至闕，始自崇寧中，賜號虛靜先生。見仙鑑卷十九龍虎宗始著於世。及元代，北有全真

教，南有龍虎宗。是時道教宗派，以此二者爲最盛。入明，全真教轉衰，而龍虎宗遂獨步當時矣。

閻阜山在宋臨江軍清江縣。今屬江西爲太極左仙公葛玄升天天之處。見仙鑑卷二十三葛仙公傳，及圖書集成方輿彙編山川典。

又太極葛仙公傳云：「最後於閻阜山東峯臥雲庵，築壇立竈，以鍊金丹。」雲笈七籤卷四道

教經法傳授部錄靈寶經目序，宋元嘉十四年陸修靜作文云：「仙公授文於天台。」蓋道流

相傳謂靈寶經錄出自仙公。故閻阜宗傳靈寶經錄。明俞策闕阜山志卷上宋寧宗慶元二年

周必大崇真宮記：「自漢末張道陵葛玄丁令威皆有壇井，故襄宇記以爲神仙之館。舊隸吉

州新淦縣。建臨江折軍，乃屬清江。如閻，山色阜，以是得名。初置靈仙館，煨燼於隋。至唐道士程

信然掘地得玉石像尺餘，覆以鐵鐘。創草堂居之。先天元年，孫道士爲臺殿，因山名觀。咸通大

火，玉像僅存。揚薦父子次第葺之。江南李氏改名玄都。（宋初賜名景德）天禧庚申，熙寧丙

辰，再焚再葺。政和八年始賜號崇真宮。前對凌雲峯，後倚東南兩山，皆有壇。其東葛，其西張也。

水出宮後。大抵葛仙遺跡爲多，故崇寧間封沖應真人，誥命在焉。北有令威觀，基久矣。入門卽御書閣十一楹，藏熙寧賜書百一十八幅，章聖封泰山芝草二本，皇祐新樂圖一卷，紹興宸翰十軸。閣後設傳籙壇，蓋法許受籙者，惟金陵之茅山，廣信之龍虎山，與此爲三。徽宗朝給元始萬神銅印。至今用之。次曰金闕寥陽殿，曰昊天殿，曰正一堂，曰靖應堂。其東曰祖師殿，曰藏經殿。最後玉像閣五間。其崇五丈四尺，雄傑冠於一宮。凡殿宇皆翼以修廊。道士數百人環居之。其外爭占形勝，治廳館，總爲屋一千五百間。江湖宮觀，未有盛於此者。開阜山志卷上又云：「崇寧三年加賜萬壽，淳祐六年又加稱大，總名之曰大萬壽崇真宮也。」按原志云：宋淳祐中，復賜銅版，傳度符籙。壬辰山寨鄧克明之變，臺基殿俱毀。（按同治臨江府志卷四：「鄧克明，蔡州時所立。忠武王常遇春討平之。」又按雍正江西通志卷三十一引撫州志，謂元順帝至正十九年己亥六月，蔡州克明，據蔡州。陳友諒以克明爲右丞，據撫州。」又引豫章書，謂至正二十一年辛丑十一月，僞漢右丞鄧克明遣其員外羅天賜以分省印及撫州建昌臨江汀州四路、南豐寧都富州三州、樂安臨川等十八縣印詣鄧克明降。」故撫州志及豫章書所記鄧克明，卽開阜山志之鄧克明，乃元末羣盜。壬辰年當卽元順帝至正十二年。）明洪武初，道士徐麟洲復之。十七年，授五十代孫李半仙爲靈官，王圭石副之。二十七年復授張尊禮爲靈官。宣德初，授黃谷虛第五十二代也。至八年，歲飢，有采薇者遺火，延燬宮觀。谷虛稍修復之。嗣後教典不墜。至嘉靖中，積負虛稅，黃冠尾散，僅存一二人。萬曆間，道

七劉開化欲還舊觀，未果。時「惟仙公殿東嶽殿丹井尚存，其餘琳宮緯閣，彌望丘墟矣。」雍正江西通志卷一百十一曰：「今所存者惟八景壇基，有碑記及詩。」俞策閤阜山志流傳不廣，故詳錄於此。又正統藏太平部收有勿齋先生文集二卷，題曰勅賜高士右街鑾義主管教門公事閤阜山楊至質撰。

梁陶弘景隱居茅山，故祖茅君傳晉楊羲許謐許翽所出上清大洞經錄，因創茅山宗。中經隋唐二代，高道輩出，隱然爲道教正宗。及宋稍轉衰，至元明則其名反爲龍虎宗全真教所掩矣。

茅山志卷十一劉混康傳：宋哲宗紹聖四年「別勅江寧府句容縣三茅山經錄宗壇，與信州龍虎山，臨江軍（清江縣）閤皂山，三山鼎峙，輔化皇圖。」故右引南宋周必大文，謂法許受錄者，惟金陵之茅山，廣信之龍虎山，與閤阜山，金陵玄觀志卷八引戚氏志方山崇真觀略曰：「道家閤阜山太極左宮符籙，與三茅龍虎並行，號三山。」故道教符籙科教派之分爲三宗，當成於北宋。茅山志卷十六黃澄宋徽宗時人。「初三山經錄，龍虎正一，閤阜靈寶，茅山大洞，先生請混一之。今龍虎閤阜之傳，上清畢法，蓋始於此。」

明張宇初道門十規則增淨明一派，云：「後之闡化，則有祖天師、按即張陵許真君、許葛仙翁、葛茅真

君諸派。」「若祖師之曰正一，許君之曰淨明，仙公之曰靈寶，茅君之曰上清。」按茅山宗則藏內有元劉大彬造茅山志三十三卷，詳載其事。龍虎宗則有漢天師世家四卷，藏外另有清婁近垣龍虎山志十六卷。淨明派，藏外有清丁步上郭懋隆道遙山萬壽宮志二十卷。惟俞策之閑阜山志二卷，清錢曾述古堂藏書目卷三著錄，則殊簡略；宜據宋元人詩文集增訂。

## 天師道與茅山宗

天師立配治八所，周布四海。系師又立遊治八所，遊治者，巡遊治也。王氏世事張氏五斗米道。謝靈運生，送杜治養之。見道館攷源條。蓋魏晉時，天師道治所，分佈必甚廣。今道藏本陶弘景登真隱訣卷下：「正一真人三天法師張諱告南嶽夫人人口訣。」原注：「天師於陽洛教授此訣也。按夫人於時已就研詠洞經，備行衆妙。而方便宣告太清之小術，民間之雜事者，云以夫人在世嘗爲祭酒故也。然昔雖爲祭酒，於今非復所用，何趣說之。此既是天師所掌任，夫人又下教之限，故使演出示世，以訓正一之官。」按上清經述，上清原統經目註序，陽洛山名。三國志魏志卷八張魯傳：「魯遂據漢中，以鬼道教民，自號師君。其來學道者初皆名鬼卒，受本道

已信，號祭酒，各領部衆；多者爲治頭大祭酒。」紫陽真人內傳末有周裴二真敘：「江乘令晉陵華僑，世奉俗神。忽夢見羣鬼神與之遊行飲食。羣鬼所與僑共飲酒，僑亦至醉。還家，輒吐所飲噉之物。數年，諸鬼逐課限僑舉才。僑不得已，先後所舉十餘人，皆至死亡。鬼以僑所舉得才有知人之識，限課轉多。若小稽遲，便彈治之。僑自懼，必爲諸鬼所困。於是背俗入道，詣祭酒丹陽許治受奉道之法。羣鬼各便消散，不復來往。奉道數年」云云，真誥卷二十一「漸漸真仙來游。始亦止是夢，積年乃夜半形見。裴清靈周紫陽至，皆使通傳旨意於長史。」而僑性輕躁，多漏說冥旨，被責。又以楊君<sub>魏</sub>代之。注又云：「華與許氏有婚姻。」真誥卷二十又云：「李東者，許家常所使祭酒。先生<sub>許</sub>亦師之。家在曲阿東，受天師吉陽治左領神祭酒。據此，茅山宗嗣上清第一代太師魏華存曾爲祭酒。嗣上清第二代玄師楊羲，嗣上清第三代真師許謚，與華僑交往，而僑固詣祭酒受奉道之法者也。謚兄邁，則師事祭酒李東。」

### 梁武帝奉道

茅山志卷二十陶弘景上清真人許長史舊館壇碑，附碑陰記，梁普通三年刊石。謂梁武帝從

弘景受經法。事當在普通三年前。賈嵩華陽陶隱居內傳卷中云：「征東將軍肅行軍次石頭，東昏寶臺城。義師頗懷猶豫。先生上觀天象，知時運之變。俯察人心，憫塗炭之苦。乃亟陳圖讖，貽書贊獎。受封揖讓之際，范雲沈約並秉策佐命，未知建國之號。先生引王子年歸來歌水刃木處，及諸圖讖，並稱梁字，爲應運之符。洎將昭告，復令用四月丙寅乙丑夜，凝雲灑雨，朝廷懼之。詰朝昇曜。既而復雨。」梁武帝卽位，彌加欽重。廣弘明集卷四記梁武帝於天監三年下詔捨道。而據內傳卷中所載，仍與弘景書勅相望。天監十二年欲弘景至都下。弘景辭以疾。十三年營朱陽館於雷平山北，以居弘景。又南史卷七十六鄧郁列傳：「梁武帝敬信殊篤。爲帝合丹。帝不敢服。」內傳卷中據登真隱訣佚文云：「南嶽鄧郁之，宜都夷陵人。天監四年湖州刺史楊公則攜下都。啓聞。進見。權住蔣山。後勅給九轉藥具，令還山營合。」據此，梁武帝天監三年捨道之後，仍欽重茅山道士陶弘景。且營道館以居之。又令衡山道士鄧郁之合丹。蓋未嘗決絕道法也。

## 焦贛傳



仙苑編珠卷下引樓觀傳：「茅山道士焦曠，字大度。周武欽仰，拜爲帝師。於華陰造宮，巖間湧土，用足乃盡。以石甕貯油，油盡而自滿。每有外人來謁，嘗有青鳥二頭來報。山靈守護，猛獸衛門也。」西嶽華山志謂上方白雲宮，中方太清宮，下方雲臺宮。原注：今即觀也。「皆因羽人焦道廣興建。唐玄宗天寶中，命右補闕集賢學士衛包撰修三方記。」據此，焦道廣，卽是焦曠。又云：「周武帝時，有道士焦道廣，獨居此峯，按卽雲臺峯辟粒餐霞。常有三青鳥報未然之事。周武帝親詣山庭，臨軒問道。因而谷口置雲臺觀。後弟子洪仙等見師道廣乘一物如鱗，往而不返矣。」焦曠又有弟子王延。仙鑑卷三十：「道士王延，字子元，扶風人也。實按七籤卷八十五作子玄，扶風始平人。纔九歲好道。西魏孝文帝大統三年丁巳入道，師正懿先生。實按七籤作貞懿先生。至十八，肄業於樓觀，與真人李順興相友善。未幾，訪華山雲臺觀，復師焦曠真人。授三洞祕訣真經。實按七籤云：「其三洞玄典，真經玉書，皆焦君所留，俾後傳於世。」惟松餐澗飲，以希真理。後周武帝欽聞，乃遣使召之。焦真人謂曰：「道教陵夷，久失拯援。可應詔出弘大道教。吾自此逝矣。」焦曠乃茅山道士。入北朝居華山，則上清經法，已流入北方矣。

## 先生真人

太極真人敷靈寶齋戒威儀諸經要訣此書於東晉出世曰：「學士若能棄世累，有遠遊山水之志，宗極

法輪，稱先生。常坐高座，讀經教化愚賢，開度一切學人也。假令本命宿卯，屬東方二辰，稱東嶽

先生。四方效此。辰戌丑未生，稱中嶽先生。若復清真至德，能通玄妙義者，隨行弟子同學，爲稱

某先生。某人鉤深致遠，才學玄洞，志在大乘。當稱玄稱先生，或遊玄先生，或遠遊先生。按晉書卷八十

許遜後改名玄，字遠游。或宣道先生，或暢玄先生。略言其比，不可逆載。須世有其人，學者稱焉。大都法如

是耳。言名上清，清齋七日。先生位重，不可妄稱。鬼神不承，奉以天考考人。按當有誤字夫先生者，道

士也。於此學仙，道成曰真人。體道大法，謂之真人矣。南朝及唐代高道，多由皇帝贈諡曰某

先生。如劉宋陸修靜諡曰簡寂先生。唐司馬承禎諡曰貞一先生。自唐以來，以及五代兩宋，多

賜先生號。如唐李含光賜號玄靜先生。後晉鄭遨賜號逍遙先生。北宋張繼先賜號虛靜先生。

自五代而宋，或賜大師號。如五代閻丘方遠賜號妙有大師。北宋張契真賜號元靜大師。元代

北宗，由宗師授教門大道士以大師號。如丘處機授綦志遠以清真大師之號。宋金二代，南北

宗興，而真人之稱應用始廣。如南宗道士北宋張伯端，號紫陽。後世稱紫陽真人。南宋白玉蟾，

自號海瓊子。後世稱海瓊真人。北宗七真，元世祖至元六年悉贈真人號。道士更有賜真人之

號者。而後眞人之號遂濫矣。

唐道士令狐見堯撰正一真人二十四治圖。此正一真人，即張陵。不可以常例視之。

## 禹步

洞神八帝元變經禹步致靈第四：「禹步者，蓋是夏禹所爲術，召役神靈之行步，以爲萬術之根源，玄機之要旨。昔大禹治水，不可預測高深，故設黑矩重望，以程其事。或有伏泉磐石，非眼所及者，必召海若，河宗，山神，地祇，問以決之。然禹屆南海之濱，見鳥焚呪，能令大石翻動。此鳥禁時，常作是步。禹遂模寫其行，令之入術。自茲以還，術無不驗。因禹制作，故曰禹步。宋世以來，好道者衆，求者蜂起，推演百端。漢淮南王劉安以降，乃有王子年按王子年，晉書有傳。撰集之文沙門惠宗修纂之句。觸類長之，便成九十餘條種。舉是不同，呪願各異。詳而驗之，莫賢於先舉左足，三步九跡。跡成，離坎卦。步綱躡紀者，斗有九星，取法於此故也。自茲以還，更無異效，可以尋研者矣。」

民國三十七年十月重訂畢